

საქსა

სამსახურთ
სალიფრატებთ
ქერნალი

2010
10

გენერალური დირექტორი და გამომცემელი
სერგი კალაშვილი

მთავარი რედაქტორი
ზაურ კალანდია

მთავარი რედაქტორის მოადგილე
ელზა შტრეველი

საზოგადოებასთან ურთიერთობის განყოფილების
ხელმძღვანელი
ელგუჯა მარია

პოეზიის განყოფილების გამგე
ბალაფერ არაბული

მხატვარი
გიორგი წერეთელი

საკონსულტაციო საბჭო
რატი ამალოტელი
ჭაბუა ამირეჯობი
ნიკუშა ანთაძე
მავგალა გონაშვილი
ნუგზარ ერგემლიძე
დავით თედორაძე
ოტია იოსელიანი
გენო კალანდია
ზუიად კვარაცხელია
მიხი მისულიშვილი
დათო ტურაშვილი
ჯანსუღ ჩარკვიანი
რეზო ქვიშვილი
მარიამ ნიკლაური

დიზაინერ-დამკაბადონებელი
გვანცა მახათაძე

კორექტორები
ირაკლი კალანდია
ნანი ჭულუხაძე

2010 | 10

ცეცხლი

სამხადრეხი
ხალიფუბატოხი
ქუბნალი

ესპა ონიანი, გაოცება

ესპა ონიანი, დედა ცხვირისხოვლი



ქართული
საზოგადოებრივი
ბიბლიოთეკა

ცისკარი

სამხატვრულ
სალიტერატურულ
ჟურნალი

2010 | 10

სარჩევი

რედაქტორისაგან 2

პოეზია

კატო ჯავახიშვილი	4
გიორგი კეკელიძე	9
ბესიკ ხარანაული	26
დიანა ანფიმიადი	31
ჯარჯი ფხოველი	36
გივი ალხაზიშვილი	49
ნატა ვარადა	53
მარიამ ნიკლაური	61
ტარიელ ხარხელაური	67
ელა გოჩიაშვილი	71
ნინო სადღობელაშვილი	73
რობერტ მესხი	85
ნინო ქოქოსაძე	95
ნუგზარ ერგემიძე	103

პროზა

რეზო ჭეიშვილი	15
ნოდარ ნულეისკირი	39
ზვიად კვარაცხელია	57
ნიკუშა ანთაძე	78
მიხო მოსულიშვილი	88
ლადო კილასონია	99

თარგმანები

იოჰან ვოლფგანგ გოეთე	112
თარგმნა დავით წერეთიანმა	
ბორის პასტერნაკი	117
თარგმნა ანდრო ბუაჩიძემ	
იოსიფ ბროდსკი	119
თარგმნა ნათია ორმოცაძემ	

თეატრი

თემურ ჩხეიძე 105

წერილები

ჭაბუა ამირეჯიბი	120
ინგა მილორავა	123
თამაზ ვასაძე	132
ნინო დარბაისელი	134

ინტერვიუ ნოზალიანტაბთან

მარიო ვარგას ლიოსა	139
ორჰან ფამუქი	141

ლიტერატურული სიახლენი

გურამ მეგრელიშვილი 143

დაარსებულია 1852 წელს

აღდგენილია 1957 წელს

განახლებულია 2010 წელს

გამოდის თვეში ერთხელ
იბეჭდება მხოლოდ შეკვეთილი მასალები


© „ცისკარი“, თბილისი, 2010

მისამართი: თბილისი, ხიდის ქ.№1

ტელ.: 98-36-43, 98-47-62

info@jurnalisciskari.ge

www.jurnalisciskari.ge



რედაქტორისაგან

საუკუნე-ნახევარს კარგა ხანია გადააბიჯა, ორი წელიც და 160 წლისა გახდება. რა არ ნახა, რა არ გადაიტანა თავისი ხანგრძლივი სიცოცხლის განმავლობაში — ღმერთო, როგორ ჰგავს მის მიერ გამოვლილი გზა მისი ქვეყნისას — იყო პირველდაარსების სიხარულიც და მისი სიცოცხლისუნარიანობის განმტკიცებისთვის თავდაუზოგავი ბრძოლაც; იყო დიდებაც, პირველთა შორის უპირველესის სახელიც და უამრავი ნაფორხილებაც; ოლონდ ნაქცეული არავის უნახავს — 1852 წელს გიორგი ერისთავის უდიდესი ძალისხმევით გამოცემულმა „ცისკარმა,“ რომელსაც 1854 წლიდან ივანე კერესელიძე მოეწვინა პატრონად, 1875 წლამდე იმდენი რამ გააკეთა, იმდენი კლასიკოსი და უკვდავი ნაწარმოები გააცნო ქართველ მკითხველს (ილია და აკაკი, ვაჟა და რაფიელ ერისთავი, გრიგოლ ორბელიანი და ნიკო ნიკოლაძე, ტატო და სულხან-საბა... „სურამის ციხე“ და „სოლომონ ისაკიჩ მეჯღანუაშვილი,“ უამრავი თარგმნილი ლექსი თუ მოთხრობა), მისი გამოცემის შეჩერებას ვერაფრით დაარქმევდი ნაქცევას, მით უფრო, სიკვდილს. აკი დაამტკიცა კიდეც, რომ ისევ ცოცხლობდა — 1957 წელს კვლავ ამოცისკრდა ბატონ ვახტანგ ჭელიძისა და ახალი სამოციანელების ძალისხმევით. მათი დაჟინებული თხოვნა-მოთხოვნით განახლებული „ცისკარი“ თავადაც უშურველად ამოუდგა გვერდში ქართველ მწერლებს — შეიძლება თამამად ითქვას, „ცისკარმა“ უპატრონა, მიხედა, გადაარჩინა თანამედროვე ქართული მწერლობა და

გაჩნდა ახალი დიდი სახელები მის ფურცლებზე: ნოდარ დუმბაძე და ჭაბუა ამირე-
ჯიბი, გურამ რჩეულიშვილი და რეზო ინანიშვილი, მურმანი და მუხრანი, ანა, ძმები
ჭილაძეები..., მაგრამ საუკუნის ბოლოს გაუჭირდა ქვეყანას და „ცისკარი“ რისი „ცის-
კარი“ იყო (ის ხომ ყოველთვის თავისი ქვეყნის ცხოვრებით ცხოვრობდა), „ცისკარ-
საც“ გაუჭირდა. გაუჭირდა და, თუმცა არსებობა არ შეუწყვეტია, მხოლოდ აქა-იქდა,
ყოველგვარი პერიოდულობისა და სისტემატურობის გარეშე თუ ახერხებდა მკითხ-
ველთან შეხმიანებას; იმდენიც მოახერხა, ჩვენი პატრიარქისა და საპატრიარქოს ძა-
ლისხმევით დაბადებიდან 150-ე წლისთავიც აღნიშნა და აი, ახალი საუკუნის (გენ-
ბავთ, ათასწლეულის) პირველი ათწლეულის მიწურულს კვლავ ჩაესახა განახლების
იმედი — მწედ და მეოხად მოევლინა „ცისკარს“ კაცი ნაკითხი, განათლებული, თა-
ვადაც პოეტი და ქართულ სიტყვასთან შეჭიდებული; რაც მთავარია, პიროვნება,
ვისაც გაცნობიერებული აქვს „ენა, მამული, სარწმუნოების“ ფასი და მნიშვნელობა...
„ცისკრის“ აღორძინება-განახლება ის საშვილიშვილო საქმე და ღვაწლია, რომელიც
სულ მალე ბევრ ქართველს „აიძულებს“, სიყვარულით და პატივისცემით წარმოთქვას
მისი სახელი — სერგი კაკალაშვილი. დღეს ყველა ცისკრელი მისი მადლიერია, ხვალ
კი, დარწმუნებული ვართ, მთელი საქართველო დააფასებს ბატონ სერგის განუღ
უანგარო ღვაწლს.

ისტორიული „ქართლის ჭირი,“ სამწუხაროდ, თავს იჩენს ხოლმე ჩვენი ცხოვრების
ყველა სფეროში... ამ მავნე სენისგან საბოლოოდ ვერც ქართული მწერლობა განთა-
ვისუფლდა; ბუნებრივია, ყოველთვის იქნება აზრთა სხვადასხვაობა, თაობებს შორის
გარკვეული დაპირისპირება, მაგრამ ე.წ. კლანური დაჯგუფებების არსებობა მხოლოდ
და მხოლოდ დაამუხრუჭებს ქართული ლიტერატურის განვითარებას. სწორედ, „ცის-
კარი“ გვესახება იმ სამწერლობო გამოცემად, რომელიც, როგორც აქამდეც არაერთხ-
ელ მომხდარა, კვლავ გააერთიანებს ყველა თაობისა თუ მიმდინარეობის შემოქმედს,
და არამარტო შემოქმედთ, თავის გარშემო შემოიკრებს გემოვნებიან მკითხველს და
ხელმომწერს, ვისაც პური არსობისად მიაჩნია ის, რაც უპირველესად იყო — სიტყვა,
ჭემმარიტი მწერლის ნათქვამი ქართული სიტყვა...

ცისკრელების სახელით

ზაურ კალანდია

21.10.2010

კაცთ ჯავახიშვილი

ვაზისტირილობა

„თურაშაულის პატრონი ტყეში ეძებდა პანტასა“.

მამაშვილობისა მითხარ, ბერიკაცო!
მკლავები რომ აგიკაპინებია და
ამ ცარიელ ვენახში უმისამართოდ დაეხეტები,
გალმა გახედე —
გადი-გამოდის მღერის გუთანი.
ბელტებად წამომჯდარ გაზაფხულს
ცისფერი კაბა ფურისულებად მიუგდია ნამიან მინდორზე
და ვაი შენს დედას, ბერიკაცო,
რომ ფუძისთვის ვერ მოგივლია
და ვაი შენს ფუძეს, ბერიკაცო,
რომ აკვანში ჩაკრული ტალავრად წამოგდგომია თავს
და შენ კი ისევ
არტახებს ჩეჩავ.
და ვაი შენს ტალავერს, ბერიკაცო,
რომ ცრემლი ქვასავით გამაგრებია
და ველარცა ტირის.

„გადი-გამოდი, გუთანო
ღირღიტავ, ბანი უთხარო“.



შემოდგომისპირს მსხმოიარე გედგა ვენახი.
 ვენახი გედგა მსხმოიარე, ქარის დაკრულზე
 სულ ფოთოლ-ფოთოლ ჩამოკრიფე, მერე შენახვას
 ისე ჩქარობდი, მაგ გლებურად სველ გულისპირზე
 გული რამდენჯერ ამოვარდა — კვლავ ჩააბრუნე.
 წვიმა რამდენჯერ წამოვიდა — კოვზით დალიე.
 ზეცა რამდენჯერ გაგიშავდა — სახეს ჩადრი და
 თვალებს სიბრმავე ააფარე, რომ ეს გალია
 გადაგერჩინა — სახლი შენი და ნანგრევებში
 უმისამართოდ, უმიზეზოდ დგომის მაგიერ
 შენი ბადიში დაელოცა ფუძის ანგელოზს,
 მგზავრისა ეთქვა, გასულისა გაღმა ნაპირზე.
 შემოდგომისას ამოავსე სისხლით ჭურები,
 სისხლით ჭურები ამოავსე, დულდა მაჭარი.
 გული რამდენჯერ ამოვარდა — ასაჭურისე,
 როცა გაზაფხულს დაემართა თვალის სიჭრელე.
 მერე მარანში გიტოვებდნენ სველ ნაფეხურებს,
 დადულდა ღვინო, დაილექა შლაკი ბოცებში.
 გავა დრო, ისევ შემოდგომით, როგორც ჭრელ ფოთლებს,
 გაგვფანტავს ქარი, მიგვყრის სადმე, დავიხოცებით.

ჰოდა, მითხარი მამაშვილობის შენ, ბერიკაცო!
 მკლავები რომ აგიკაპინებია და

ამ ცარიელ ვენახში უმისამართოდ დაეხეტები
 გახედე გაღმა —
 გადი-გამოდის მღერის გუთანი
 და ვაი შენს დედას, ბერიკაცო,
 რომ ფუძისთვის ვერ მოგივლია
 და ვაი შენს ფუძეს, ბერიკაცო,
 რომ ფუძის ანგელოზს სისხლით სავსე ქურზე ჩასძინებია
 და ვაი შენს ტალავერს, ბერიკაცო,
 რომ ცრემლი ქვასავით გამმაგრებია
 და შენი ბადიშის შემდეგ შემოდგომას ვტირი.

„გადი-გამოდი, გუთანო
 ღირღიტავ, ბანი უთხარო...“

გზა

გზას ხელი არ ახლო.
 ბექობთან მოჭრილი
 ჩემია.
 ტერფიც კი არ დადგა ჩემს სავალ მიწაზე.
 გაბრუნდი.
 იწყება სიცოცხლე მარტივად, თავდაცვის ჩვევიდან,
 მთავრდება რთულად და ერთხელაც ნაზამთრალ
 ბინდბუნდში
 ამ უცხო სილუეტს,
 უფერულს,
 უხორცოს,
 დალანდავ,
 გახსოვდე, ქარი ვარ,
 საქარე მინას რომ გიბზარავს.
 ამტვერებს ამ ქუჩებს მღუმარე სიტყვების კალანდა,
 ხეები იცვამენ ფურცლების ბალახონს. შემზარავ
 ღამეში აბიჯებ, გგონია, იწყება სივრცე და,
 არადა, ამ წრეზე დადიხარ წრიულად. ისევე
 მოქონილ ტუჩებზე ძველი ქატოსავით იცრება
 ღიმილი — ბრჭყვიალა, ყალბი სამკაულის ბისერი.

მათ — ვინც გაზაფხული ზამთარში უშვილოდ მიაგდეს.
 მათ — ვინც სულ გადაღმა, ზურგის მოშიშვლებით იარეს
 მათ — ვინც ნეშომპალა იმ ძველი სახლიდან ნიადაგს

ველარ შეაშველეს,
გზები გაენელათ იარდად.

ის მგზავრს არ ეძებდეს, ვინც ვერ გადახარა თვალები.
ის გზას არ ეძებდეს, ვინც ბნელში თვალებს ვერ შეხედა.
დღე კადრს აცდენილი ქრონომეტრაჟივით მთავრდება
სხვის ზურგს შეკედლებულ, ჯიბეში ჩარჩენილ სახელთან.

თქვი, რომ ნაძალადევ ღიმილს სვირინგივით მალავდი.
თქვი, რომ კვალს მისდევდი, მაინც ვერ უსწრებდი
განვლილზე.
დღეს მე არ ვიშენებ ჩემს ირგვლივ ციხეს და გალავანს,
ისეთი ჩუმი ვარ
ისეთი ჩუმი და... ნამდვილი.

გზას ხელი არ ახლო.
ბეჭობთან მოჭრილი
ჩემია.
ტერფიც კი არ დადგა ჩემს სავალ მიწაზე.
გაბრუნდი.
ათჯერ გადაზომილ ცისფერ ჰორიზონტზე ჩნდებიან
ერთხელ გადაჭრილი სიტყვები.
საჩემო.
ბინდბუნდის.

ბატონები

ჩუ...მად, ყვავილია ტყეთა და მინდვრებში დადიან ბუტბუტით,
მე კი შენს საწოლთან ვზივარ და სიცხიანს გიზომავ ამინდებს.
მკათათვის ნიმფებმა თმები გაიშალეს და მზე დააბოტებს
ოთახში, დაკოპლილ მზერას ამ უფანჯრო სივრცეს რომ არიდებ.

დამტვერილ შარაზე, ამ გზების გადასწვრივ საღამოს ბინდბუნდში
შეხსნილი საკინძით — ქარში თუ წვიმაში აღმართულს მხედრულად
მოჭრილი გზებივით გამირბის ბავშვობა, რომელსაც მივდევდი
და ყველა გზანვრილზე ჩემი მოთმინება ცხენივით მხედნიდა.

ოხშივარადენილ მიწაზე ფლოქვებით ვამძიმებ ნიადაგს.
მოსავალს იღებენ გლეხები მინდორში, ათევენ ღამეებს.
ისეთი უფერო გამიხდა სული, რომ სხეულსაც მილანდავს
და მეღნის მაგივრად ფურცელზე დატბორილ განთიადს ვაღვენთებ.

„ბატონებო, მოუოხეთ, მოუოხეთ, ბატონებო,“
 ჩემს შვილს სიცხე დაუამეთ,
 ნამცხვრებით და კანფეტებით
 სუფრა თქვენთვის გამიშლია
 წითელ-წითელ ბაფთებითა,
 ბატონს ტკბილი ჰყვარებია
 თაფლითა და სანთლებითა,
 გიშრის მძივი ამისხია,
 ცრემლი არ გადმომვარდნია,
 სასთუმალთან ჩამომგდარვარ,
 გზა არ გამიავდრებია,
 ქვევით ველი დაუნამავს
 წვიმას საფირონის ფერსა
 ბატონებო, მოუოხეთ,
 სიცხიანს და დედისერთას“.

ხეივანს მაცდური სუნი დასტრიალებს. ხეთა და ყვავილთა.
 გზა მხოლოდ ერთია — გახსოვდეს ყოველთვის. ერთი და საშენო.
 იცოდე, ცხოვრება დაშვებულ შეცდომებს ხსოვნაში აყვითლებს
 და არ შლის იქიდან, ირგვლივ დამარცხებად რომ შემოიშენო.

დამტვერილ შარაზე. პატარა ფლოქვების თქარუნით მომყვები.
 ეკლიან ბილიკზე ნატკენი ფეხით და ბავშვური კოჭლობით.
 დაკოპლილ სხეულზე ჩნდებიან — ქრებიან ფრაზები, სიტყვები,
 ჩვენი დედამინა ზიგზაგად დახაზულ ცხოვრებას აჭრელებს.

ჩუუ...მად, ყვავილია ტყეთა და მინდვრებში შელოცვას ვბუტბუტებ
 დამტვერილ შარაზე, სალამოს ბინდბუნდში. ამ გზების გადასწვრივ.
 შეხსნილი საკინძით ქარში თუ ავდარში აღმართულს მხედრულად
 მოჭრილი გზებივით გამირბის ბავშვობა და ენატრობ, განვიმდეს.

ქვევით ველი დაუნამავს
 წვიმას საფირონის ფერსა,
 ბატონებო, მოუოხეთ
 სიცხიანს და დედისერთას.

გიტტგი კვკულიძე



მრუდე საგალობელი

შესაქმე

ზომიერება ყოველივეს ძირი
ლაო-ძი

რასაც ჩასძახებ...

ანდაზიდან

მზე ამოვიდა მზიდან.

გამოსვლა

მერვე დღეა მჭლე ბალახს ვჭამ.

ქარი — მშრალი სამართებელი — პარსავს ჭალებს
და ხეებს წითელი ფოთოლი უნებლიე ჭრილობასავით აჩნია.

მერვე დღეა მჭლე ბალახს ვჭამ.

ვისწავლე —

ლამის ჩალით დღის გადახურვა,
რკინის ქალამანი მოჭრილ ფეხზე,
მოჭრილ ხელით საჭის ჭერა,
ბადის სროლა მღვრიე ქვიშაში.

მერვე დღეა მჭლე ბალახს ვჭამ —
 ცას უნია ჩემმა რქებმა.

მომბეზრდა —
 თოკზე ყელი მოვიზომე —
 საბძელი დაიქცა.
 დანაზე ძარღვი მოვმართე —
 სისხლი შედედდა.
 შაბი ვსვი
 და დავთვერი,
 დავთვერი და
 მდინარეში გადავეშვი —
 სადღაც ახლოს მტერი იჯდა და ჩემს გვამს უცდიდა,
 ცოცხალი დამინახა და გამომიყვანა.

იმედი თავზე
 გადამენურა
 და უკვდავების ოფლით
 სველი
 მივიღიოდი და ჩემს უბედო ჟამზე მოვთქვამდი.

დღეს ჭა ვიპოვე.
 ჭა — მინის ცრემლმომდგარი თვალი —
 და ჩავძახე:
 ქარიშხალი — სიო ამომძახა,
 სევდა — სიმღერა,
 სიმღერა — სევდა,
 სევდა — სიო,
 სიო — ქარიშხალი.

სათლი — საცერი.
 თივა — ცეცხლი.
 ცეცხლი — საცერი.
 საცერი — თივა.

მაშინ მივხვდი —
 ავდექი და მე ჩავეძახე

ღამალობანა, ანუ ნამდვილი საქმე ღვთისა და კაცისა

როცა თვალი გავახილე,
 ის დაიმალა.
 ფეხი ავიდგი და პირველსავე ბილიკს მის საძებნად გავუყევი —
 ბალი ვნახე მშვენიერი,
 ხილი ვიხილე და ჩრდილი ვიჩრდილე,
 მზე ლღვებოდა ლელვის ფოთოლზე —
 მაძღარმა ვეძიე და არსად იყო.
 სხვა ბილიკი გავიფინე —
 ბალი ვნახე საზარელი —
 გაყინული ხეებიდან
 მკვდარი ყვავების გადაფრენა,
 ნემსის ბალახი —
 მშიერმა ვეძიე და არსად იყო.
 მაშინ გავიხადე თიხის სამოსი და ქარს ვემხედრე,
 ღრუბლის მოღლილი ღობე მოვარღვიე —
 მეგონა, მის ეზოში ვიყავი, მთვარეს ეფარებოდა — მეგონა —
 არც იქ დამხვდა.
 დრო დავიფერთხე —
 სხვა ეზოშიც გადავიპარე
 და სხვა ეზოშიც,
 სხვა ეზოშიც —
 ვარსკვლავების კიბეს მივყვები,
 მივყვები და ვყვირი:
 — გამარჯვებულო, სადა ხარ? გამარჯვებულო, გამოდი!
 — გამარჯვებულო, სადა ხარ? გამარჯვებულო, გამოდი!

პოემა ცრუ თავლაზე

მარტივი გამოცანა ძმათათვის და დათათვის, რომელნიც ცათა სასუფეველს მოეღიან

—სული ცხენზე—

გადააფურთხე თხის სისხლი,
 ირბინე ნაპირზე, პირში ქვებით,
 ირბინე ქვებზე, პირში ქვებით,
 ირბინე ქვებზე, მხრებზე ჩემით —
 ეს მე ვარ — ნაცარქექია,
 ჩემს ცოლს მივაჭენებ

და ჩაეძახი:

დაგახრჩობს ჩაბრუნებული ნამნამი — ცრემლის ჩატეხილი ბენვის ხიდი,

დაგახრჩობს ჩაბრუნებული დარდი — ცრემლის ჩატეხილი ბენვის ხიდი,

დაგახრჩობს ჩაბრუნებული ცრემლი —

ამოაფურთხე,

ამოაფურთხე ცრემლი —

თხის სისხლი

და უთხარი, ამწიონ.

—ცხენი—

როგორც ოკეანის წყალს აქვს ერთი გემო

ბუდა

ჩემი გვამი აქვე გდია,

ცოლის მხრებიდან ვუყურებ — სამი ჭია ეპარება,

სანამ შეჭამენ, თვითონ სიზმრის ნარჩენებს ჭამს

და ველარ ყვება,

მე ვიცი მისი სიზმარი,

სიზმრის თავი ვიცი,

მე დავუტოვე:

მოდოდა შავი წყალი,

შავ წყალზე თეთრი ტივები და ტივზე ნისლი ტივტივებდა,

ლამეც შავი იყო —

შავი, როგორც მზის ძვლები —

ოდესმე მზე როცა მოკვდებოდა.

სადღაც, მეორე ნაპირის ნაპირზე,

სახლების წინ კოცონი ენთო —

მოცეკვავე საფრთხობელა ავი ბნელისთვის.

მოდოდა შავი წყალი,

წყალს ნაფოტიც ჩამოჰქონდა.

—ცხენი ნომერი 2—

ნაფოტი მეგონა და მტრის გვამი ყოფილა,

გვამი მეგონა და ცოცხალი ყოფილა,

ცოცხალი მეგონა და სიზმარი ყოფილა,

ოდონდ ბოლომდე ველარ ვნახე,

კისერი მეტკინა.

კისერი

დაგახრჩობს ჩაბრუნებული ცრემლი —
 ამოაფურთხე,
 ამოაფურთხე ცრემლი —
 თხის სისხლი
 და უთხარი, ამნიონ.

ან იქით გამიშვი,
 ამ ტყეს გადაღმა ჩემი სახლია —
 თავზე ხავსით, თხელი, წლობით განაცვენი,
 ცამ ცივი ოფლივით რომ დაასხა.
 ამ ტყის გადაღმა მკვდარი სახლია,
 ერთ დღესაც, ანუ
 ჭალები კბილებივით ანაკნაკდნენ,
 წვიმა მოცახცახე ბოძებიდან
 მიწისკენ შარდით გაეპარა
 და მერე ნელ-ნელა ჭრილობებზე
 შეეხსნა ჭუჭყიანი ფიცრები და
 სითბოსგან სისხლივით დაიცალა,
 ტანში გასაყინი წამალივით,
 აგვისტოს მკვდრებს რომ ინახავენ —
 ნოემბრის ცივი ქარი ჩადგა.
 ...ცოტა ხანს კარზე ჯიუტ მაჯასავით
 მეზობლის მიკიდული ნალი ცემდა,
 მერე კი მოხამხამე ფანჯრებიც ჩამოვარდნენ,
 ანუ
 ღია დარჩა თვალი.
 ამ ტყის გადაღმა ჩემი სახლია,
 მივალ და მის გვამში დავიძინებ.



რეკვიემი (ბიძინიჩი)

ფეხსაცმელები მინდა ბავშვისათვის, — ფეხსაცმელების სექციის იკითხა ქალბატონმა.

— ბიჭია, გოგოა, რა ხნისაა თქვენი ბავშვი?

— ვაჟია. დიდია ტანად.

— გასაგებია... — გადმოუღო ნოქარმა სხვა, — მოდიდო.

— ეს რაა, ამაში ფეხი როგორ ჩაუვა?!

— ამაში? ეს ნახეთ, ამის ჩამცმელი ჯარში აღარ მიჰყავთ.

— ეს არაა, არა!

— არ მოგწონთ, ქალბატონო, ისლანდიურია!

— არ მოერგება, უფრო დიდი.

— მეტი დიდი აღარაა, — ანანო! — გასძახა ვილაძას. — გამოიტანე თხილამურები!

— რომლები?

— გუშინ რომ დააბრუნა არაკაცმა...

— ჩემი ბავშვი დიდი იყო ბავშვობაში...

— იყო?!.

ილლიაში ამოჩრილი „თხილამურებით“ გამოვიდა ანანო, სათვალისანი კაცი, — უღალი თმანვერით..

— არა, არც მაგაში არ ჩაუვა ფეხი ჩემს ბავშვს, არ ჩაეტევა!

— ჩანვეს უნდა შიგ?.. ამაზე დიდი ფეხსაცმელი მატერიალურ სამყაროში არ მოიპოვება!

— ანანო... ჩემი ბავშვისთვის მინდოდა!

— მივხვდი, ქალბატონო, განა ვერ მივხვდი, მივხვდი, მანდ აღარა ხართ?..

— ანანო, ვინ იყო?

— იყო, დემეტრადის დედა იყო, ბავშვის ფეხსაცმელები უნდოდა, — ხამლები, ვერ ჩავატიეთ...

მწვანეყვავილას უბანში გაიზარდა. ცხოვრობდა სინაგოგას აღმართში, პირველი სინაგოგიდან არცთუ შორს. ლოცვისკარის კრიალოსნის ჩაგუდული, ჩაკრული მიდიოდა ყურისძირამდე. ოთხკუთხა ეზოში რაბინი ცხოვრობდა, მისი ბინის კიბე არ იყო სხვისაზე მაღალი, მამაო, ჩვენ

ტუზი ჩემი

ცოტანი ვიყავით, ისინი ცოტა მეტნი. ქართული სკოლა ყურისძირში ედგა და მიაბარეს რუსულში, — სახლიდან შორს. დამეჩაგრებაო ფიქრობდა, ეგონა დედას. შვილი კი დიდი გაეზარდა, მაღალი კისრით, ჩამოგრძელებული ნიკაპით და ოჩოფეხებით. სკოლაშივე შეაჩერა ზრდა, თუმცადა ყველას, მონაფე-მასწავლებლიანად აასწრო სიგრძეში, კიდურების, ფეხებისა და ხელების — დისპროპორციაში.

მიდიოდა დრო, თუ ყველაფერი არა, ბევრი რამ იცვლებოდა და მეზობლებიც მიდიოდნენ. ეს გვიან.

— უნდა წავყოლოდიო, — თქვა, სულ როცა წავიდნენ.

— სად მიყვებოდით? — ჰკითხა ანანომ.

— იქ! აბა აქ შიშხათი დაკარგა ეზომ.

— მხოლოდ?! — უბედური ყამდა გამჩენ — ანანო!

ქუთაისის დრამატული თეატრის სპექტაკლი იყო წარდგენილი სახელმწიფო პრემიაზე და სტუმრებს გავეყვი სტუმარივით კი არა, — კომისიის

წევრად; სპექტაკლის დამთავრების შემდეგ, როგორც ხდება, როგორც ჩვენებური წესია, პატარა სუფრაზე, პირდაპირი გაგებით, აღმოვჩნდით პატარა რესტორან „ევროპაში“, ვვახშობდით ევროპულად ვიოლინოსა და ჩელოს თანხლებით.

რა მაგის პასუხია, სიტყვას მოყვა და დემეტრადე გარდაიცვალა, თქვა თეატრის მაშინდელმა დირექტორმა და სამხატვრო საბჭოს თავმჯდომარემ.

— რას ამბობ?! —

— აღარა გვყავს ბიძინიჩი! — მომამეტერდა თენგიზ სუხიშვილი.

— როდის?

— დაემარხეთ!

— ვაა!.. მე ჭურში ვიჯექ თუ ქვაყუთში, წარმართულ სამაროვანში?!

— ხდება!

მომხდარიყო!

და იქაურობას უკვე, ჩემთვის, იმ უღრუბლო დღიდან აღარ ჰყავდა ცეცხლზე ნავთის დამსხმელი, ერთი იმათგანი, ჩრდილები უჩუმრად რომ

ედგნენ ქალაქს, რომელიც მათი სინაკლულის გამო თანდათან კარგავს საკუთარ ფერს და შეუმჩნევლად, თუმცა ჩვენს თვალწინ, ხუნდება.

მე კი ცოტას ვამბობ, ბევრს ვინახავ და ველარ ვაგნებ!

ანანოს ჭკუაზე კი იარა ჩემმა დამაწყევარმა!..

ორი შეხვედრა ორ სტადიონზე

ქუთაისის „დინამოს“ პატარა, მყუდრო, უფრო სწორი იქნება — შინაურულ სტადიონში რაღაც საპასუხისმგებლო, თუ არ ვცდები, ც კლასიდან ა კლასში — გადასასვლელი მატჩი ტარდებოდა. ტრიბუნები კი არა, სტადიონს მიდგმული კერძო სახლების აივნებიც მაყურებლით იყო სავსე. სხვა სექტორში გავდიოდი და ბიძინიჩმა ამინია ხელი, სად მიდიხარ, ჩვენთან დაჯექიო. მთავრობის ტრიბუნის, ასე ეძახდნენ, ქვეშ იჯდა რამდენიმე მეგობართან ერთად; იქითა მაქვს ბილეთი, ვუთხარი. ჩვენ კი ზედმეტი ბილეთი (მაჩვენა) გვაქვს, ამაზე უკეთეს ადგილს ვერ ნახავო. თუ არავინ ამაყენებს, აქ მირჩევნია-მეთქი, დავყაბულდი, დავჯექი იქ, სადაც მერჩვენა. თამაშის დაწყებას აღარაფერი აკლდა, როცა მომადგა ერთი გაშლილი ხელით კი არა — ბილეთით, და ჩემი ადგილიაო, მითხრა, სადღა ნავიდე, იწყება მატჩი?! — როგორაა, ძმაო, შენი ადგილი, ნომერი არა აქვს მაგ ბილეთს? — დაინტერესდა ბიძინიჩი.

— რომ აქვს, იმიტომ მოვედი, რიგი თერთმეტი, მეთერთმეტე რიგი...

— ადგილი?

— ადგილი (ძლივს ამოიკითხა) ას ორმოცდაშვიდი...

— მერე? ეს კაცი ზის (მეზე იყო ყურადღება) ორმოცდამეშვიდეზე, დახედე, ნითლად აწერია, ასშია ცდომილება!..

— შემეშალა? — გაუკვირდა, ტყავის გაპრიალებული კურტაკი ეცვა, ჩამოსულს ჰგავდა, კილოკავზე ეტყობოდა და არა — ტყავზე.

— ჩემი სკამი სად იქნება?

— კოკოჩაშვილის ეზოში... — უთხრა ბიძინიჩმა.

— საად?! —

— კოკოჩაშვილი ხომ იცი?

— აა?! ვინ?

— ექიმი იყო ის კაცი, იმ ყორე-გალავანს იქით ცხოვრობდა.

•

დათიკია

(ჩვენი ძმა, პირის ზიარება)

სიტუაციები ადგილმდებარეობის ანდა სულაც სიტუაციების მიხედვით მეორდება ხოლმე და იმ დღესაც ფეხბურთის დაწყებამდე. თბილისში „დინამოს“ სტადიონზე შეხვედი ბიძინიჩს და იქ გავიცანი სწორედ დათიკო, დათიკია ბებერაშვილი (ბებეროვი), რომელსაც გადმოცემით, სადღაცა მენახა თითქოს კიდეც, ვიცნობდი მხოლოდ.

ბიძინიჩთან იჯდა პარტერში, დასავლეთი ტრიბუნის პრესტიჟულ ადგილში, მხოლოდ ქვევით, საყურებლად რამდენადმე უყურებელში, არადა, მეც იქ, უფრო განაკიდეს, უფრო სამხრეთში მაქვდა (ძვ.) ადგილი. ბიძინიჩმა დამინახა, დამიძახა, ხელითაც მიმანიშნა, აქეთ წამოდიო; ტრიბუნები ივსებოდა უკვე მაყურებლებით; ზოგნი თავნახრილნი, ზოგიერთები გამართულნი აპირდაპირებდნენ საკუთარ საჯდომებს (სკამებს — რასაკვირველია) და ჯდებოდნენ.

იგი სხვაზე მაღალი ჩანდა და იყო კიდეც...

— დაჯექი, კაცო, ვინ აგაყენებს, აქ არა ვართ... ეს დათიკოა, იცნობ ალბათ... დათიკო, ვინ არ გიცნობს, შე ბედნიერო, ჩემი ძმაკაცია, მწვანეყვავილა, ეს რომ მოდიოდა, მე იქით მივდიოდი, — რუსულ სკოლაში, სადაც მიაბარეს, იქ... ეს ძმა ჩვენი, იცოდე! — დათიკომ გაიღიმა, თავი არც კი ამოუნწვია.

— ძმა და პირის ზიარება ჩემი...

კიდეც თქვა და ხალხის ზუზუნში, არც უცდია, ვერა გამაგონა რა. არც მე გამიმახვილებია ყურთასმენა, მაგრამ ეს კაცი, დათიკო, როდის გახდა იმის ძმა და პირის ზიარება, ვერ ავხსენი. დათიკო, დათიკიად მოიხსენიებდნენ, ლაილაშალი ძმების ნაბოლარა ძმა იყო. უფროსი ცოდვაკიდებული კაცი გახლდათ, ციხის საკნებს ხეხავდა კარგა ხანი. ის ხო იყო და იყო, თუმცალა არც დანარჩენები,

პროზა

დათიკიას ჩათვლით, გამოიყურებოდნენ უცოდველ ბატკნებად.

— აქ დაჯექი, აი აქ! — მომინიშნა ადგილი ბიძინჩმა.

— ამას თავის პატრონი ეყოლება, მოვა და ამაყენებს...

— ვინდა მოვა, თუ მოვა აქ არ ვართ, მოვა და წავა, — ჩაილაპარაკა დათიკომ, თავი არც მაშინ აუწევია;

— წავალ, ბიძინჩ...

— შენ ადგილზე უკვე სხვა ზის, იწყება თამაში... მოთელვაზე გამოსულიყვენ მართლაც გუნდები და ცალ-კარ-გოლობია დაწყებულიყო ამას-იმასობაში.

— ერთი, ჩვენებურო, მათხოვე შენი ბილეთი! — მთხოვა დათიკომ, თავი კი წამოწია, თუმც არ შემოუხედავს. მივეცი.

ტანსრული, ღიპიანი, თეთრი პერანგსახელოებ-დაკოტავებული მოქალაქეც გამოჩნდა. მივხვდი, რალა მიხვედრა უნდოდა, ჩემკენ მოდიოდა აშკარად.

— ...ჩემი ადგილია!

ახია ჩემზე!

— სითო? — შეყოყმანდა მოქალაქე, — რავა გეკადრებათ!..

— დახედეთ თქვენ ბილეთს, როგორ როგორ გეკადრება! თქვენ თვითონ როგორ გეკადრებათ!.. ამ ადგილზე ეს ადამიანი ზის, აგერ ამისი ბილეთიცი.

— როგორ მაგისი, აბა ეს ჩემია?..

— თქვენი ადგილიც ამ რიგშია, მხოლოდ ბოლოში, იქით... — მიათითა, კოკოჩაშვილი არ უხსენებია, თორემ თავი იქ, იმ სტადიონზე მეგონებოდა.

— რას ამბობ, კაცო?!

— კითხვა თუ იცი, დახედე!

— როგორ?!

— როგორ და კარგად, ნადი დროზე, თვარა, მამაჩემსა აქვს ცხოვნება, ის ადგილიც არ დაგხვდება, დროზე, იწყება თამაში!

— ვაა! — შებრუნდა მოქალაქე და ბილეთის ნაღმა-უკულმა ტრიალით წავიდა. თავდაპირველად ვერც მივხვდი, ბილეთი რომ შეუცვალა პატივცემულმა დათიკომ.

— ვაა, გამატარეთ, თუ შეიძლება, ვაა! — მოიხედა მაინც მოქალაქემ.

— ვა და ადულებული მძღ-რი! — ჩაილაპარაკა ბატონმა დავითმა.

— გაჩერდი მაინც! — გაბრაზდა თითქოს პირ-გაბადრული ბიძინჩი.

— ა, ამის ბილეთი, გამომართვი! — უთხრა დათიკომ. — ამისია...

„ესე იგი, — ჩემი!“

რა ჩემიც იყო, კი ვიცოდი უკვე, მაგრამ რა მექნა, ახლაც არ ვიცი, როგორ შეიძლებოდა მოვქცეულიყავ მაშინ...

ჩაბერა ამასობაში მსაჯმა სასტვენს და დაიწყო თამაში, ბილეთი მე, მით უმეტეს დათიკოს, — აღარ გაგვხსენებია... და დათიკო ბებეროვი, იგივე ბებერაშვილი, სწორედ ბილეთმა დალუბა... და არა სტადიონმა. ეს ქვემოთ!

II

მოსკოვიდან საჰაერო რეისები, ზაფხულის სეზონთან დაკავშირებით, ნამეტნავად ჭირს და ჭირდა, მოგეხსენებათ, — მაშინაც, განსაკუთრებით იმ დროს, იმ დღეს, იმ წუთას... და არ ჰქონდა საჰაერო-სამგზავრო ბილეთი დათიკოსაც და დაინახა ნაცნობი ებრაელი თვითმფრინავში ჩასხდომის გამოცხადებამდე ცოტა ხნით ადრე:

— კაცო, როგორა ხარ, პრივეტები... რა დამემართა თუ იცი?.. ბილეთი ვიყიდე ხელზე და მგონი, მაჭამა ვილაც ჩათლახმა. რუსი რომ ამას იკადრებს, ჩვენიანი რას იზამს! მაჩვენე ერთი შენი ბილეთი შესადარებლად, განსხვავება მაინტერესებს!.. — გონზე მოსვლა არ აცალა, გამოართვა ბილეთი და საგანგებოდ თუ განგების მაღლით გადაარჩინა კაცი მისიანი, რომელსაც იმ მომენტში გადასარჩენი არა სჭირდა-რა!

— სპასიბა, ბრატ, ჩემზე იყოს, ნაღია, ჩემი კირუხი, დავიჭერ ყურებით იმ რუსს! — დაიქადნა და...

— ყე-ე!.. — გამოენტო ბილეთის პატრონი. — სად მიხვალ, სად მიგაქვს, დათიკო, რას მიშვები, საქონელი მიმაქვს...

ცისკა

— გამოყვევი მომდევნო რეისს!

— სადღაა მომდევნო, დათიკო, მღუპავ, საქონელი მიმაქვს, ლევი ტავარი!..

— გადი, მომშორდი, რა შმონი ამიტეხე, ხალხს ნუ მიგროვებ. გადი, შენი სპეკულიანტი დედა კი მოვ-ყან. საქონელი კი არა, თავიც უკან დაგრჩება, ყეგელი მინდა აქანე, გადი, გეუბნები!..

წავიდა და წავიდა. დატოვა ახლობელი ლევი ტავარით და სხვისი, — კირუხი, გაუქმებული ბილეთით... დათიკო ბებერაშვილი ჩაჯდა სხვის თვითმფრინავში და გაფრინდა მოუსვლელში... მისი თვითმფრინავი დაილუბა ადღერთან საავარიო დაშვების დროს...

...რა მიქნა ეს დათიკიამ, სიკვდილი გამომტაცა ხელიდან, — აღნიშნა კულაშელმა ებრაელმა, იმ სამწუხარო რეისის ამბავი რომ შეიტყო მეორე დღით.

— მაინც როგორ მოხდა, რანაირად, რაუბენ ფილხაზინ? — გააჩერა რუსთაველზე იმ რამდენიმე ხნის წინ, — ჩემი პატივისცემით, ჩემმა ბიძინიმა რაუბენი, — ამას ხომ იცნობ?..

— მაგას ვინ არ იცნობს, დაგენაცვლე! — თქვა და საეჭვოდ შემათვალაიერა — ვინააო.

— თვითმფრინავის ამბავი უთხარი, აინტერესებს!..

— ეცოდინება...

— შენგან გაეხარდება, არ იცის თანაც...

— სიკვდილი გამომტაცა, შვილი დამისხნია გადოლ-ბეითიდან, დათიკიამ, შენიანის გარდა ვინ გიზამდა ამას. ისე მაგარი ვაჟკაცი იყო, ისე მე ვიცოცხლო!

— დათიკია ბებერაშვილი ამის საშაყროც გახდა?! — ჩაილაპარაკა დანანებით ბიძინიმა, ლევი ტავარი რომ წავიდა, — მაგარი ვაჟკაცი იყო, ხედავ?! აბა არ იყო?!

•

ერთხელ, საიდან და როგორ, არ ვიცი, ბიძინიმა იშოვა, შეძენით ვერ შეიძენდა, საბჭოთა ჯარში გასაწვევი ცარიელი, თუმც ბეჭედდასმული და კომისარ ფაჩუაშვილის მიერ ხელმოწერილი უწყე-

ბები; შეავსო მეზობლების სახელზე და ჩაუყარა სათითაოდ ყველას ერთ მშვენიერ შეღამებულს საფოსტო ყუთებში...

თავად

„...უქმე დღე იყო, შვიდი თუ რვა ნოემბერი და შეიქმნა ეზოში რუზრუზი. უჭირავთ ეს უწყებები, უყურებენ და ეკითხებიან ერთმანეთს — რა ხდებაო, რა ხდებოდა, ვის უნდა ცოდნოდა? ვეტერანი იყო ერთი, ნაფრონტალი კაცი — გერასიმე დავითულიანი და მედლებით გაჯინჯილებული კიტელით გამოვიდა სახეგანათებული, რა უწყებებია, მაჩვენეთო, — მოითხოვა. — რა არის ეს? გადასამზადებელი, სამთვინი კურსების მოსაწვევები აღმოჩნდა. მითითებული იყო შეკრების ადგილი, დრო, საათი და ამუნიცია, რაც ქვია, კრუშკალოშკა... გამოცხადდით კატილოკით, თბილი ტანსაცმლით, კბილის პასტით, ჯაგრისით, სასაპნით და კიდევ რაღაც... მე „ბალკომში“ ვზივარ, გაზეთი მაქვს გაშლილი, ვითომ ვკითხულობ, სინამდვილეში ვჩინავ ეზოს... გამოვიდა ეზოს ავტორიტეტი ისია, ისააკ ფილხაზინი, სოვდაგარი, ქექ იყო მაშინ სამოცდაათი წლის, თუ მეტის არა.

— ისააკ ფილხაზინ, შენც მოგივიდა უწყება? — ეკითხება ერთი.

— მომივიდა, მე ვისზე ნაკლები ვიყავი, რომ არ მომსვლოდა!

— ისე, ისააკ ფილხაზინ, ფაჩუაშვილ დაუდგა მწვანე კვირა, ეს დედამინა უკან ხომ არ დააბრუნა. რას უნდა ნიშნავდეს ყოველივე ეს, შენ გვითხარი...

— მე რას მეკითხებით, ეგერ ზის (ჩემზეა) და იმას შეეკითხეთ, გაზეთ რომ კითხულობს სიაბანდად, ვითომ პრესას ათვალაიერებს ლენინივით, დილაადრიან!..

„...ლენინს გაჩვენებ ადრე თუ მალე, ფილხაზინ, თუ ვყოფილვარ ბიძინიჩი!..”

...მეორედ:

„შემოდგომა. ყურძენი, ციცქა-ცოლიკაური, ქაშერი. ჭაჭა. საარაყე ქვაბი სპილენძის. ეზოში

ცეცხლი, წინნაქარი, საია, ორნახადი, სოვდაგარი გამოდის ხოლმე სამსახურიდან ზარმელზე.

...ისი, ისია, ისააკ აბრამიჩი... გაგვისინჯე! — ჯაჭვმოყენებული ორნახადი — გაუწიე სქლად ჩათლილი საღვინე სირჩით.

— თეთრეულ არ გეახლები!

შემატოვა ჭიქა ხელში, შინ შევიდა — კარგი!

სიტკბო მოგვეცეს, სიმწარე გვაშოროს! გადაკვარი, ნაფსკერალა ორნახადს შევუძახე ქვაბქვეშ და იისფერი ალი აუფარდა ნაკვერჩხალს, ააღდა, ჩაქრა იმნამსვე. შეშის ერთი განადაჭერი მეცნაურა იმ დღეს. ჩემი ხომ არაა-მეთქი... მეც ვარ რა! შეშა შეშას ჰგავს: თავი ძლივს ავნიე მეორე დილით და შეშა გამახსენდა რატომღაც, შეშა შეშაა ჩემი სხვისი და მგონი — ჩემი, ვიცანი, თვალით კი არა — გუმანით. გადავამონმეებ! გავიარ-გამოვიარე ეზობოლოში, სადაც საკუთარი სარაია მედგა და სადაც დაჭრილ-დახერხილი რცხილა მქონდა გამომარაგებული საზამთროდ. კარს ბოქლომი ადევს — ხელუხლებელია, თუმცაღა ეჭვი ეჭვია და შემოფუარე სარაიას... უკანა კედლის ერთი ფიცარი მორყეული, ქვემოდან ორლურსმანამოკლებული მეჩვენა. ბიჭოს! — შევიხედე, შევიჭვრიტე და რას შევხედე!

— აჰა! ჩემი შეშით ხდიან ზიარ ჭაჭას, იმიტომ ელიმებოდათ ჩემ გამოჩენაზე?.. ის დღე და... ის დღე გაგუშვი და ალიონზე ავდექი. შემოფუარე კვლავ საკუთარ სარაიას, გადავნიე მოძრავი ფიცარი, მივაყოლე მეორე ქვედა ბოლოდან, ერთში რას გავეტეოდი, შევძვერი, ჩავჯექე შეშაში და ველოდები. ბევრიც არ დამჭირვებია... ახმაურდნენ, ნაკვერცხლებს დაუწყეს სულის ბერვა და ერთი გამოცალკევდა, ფეხის ხმაზე მივხვდი, — საჩემოდ, მომადგა მელოდიური სტვენით, აქეთ-იქით მიდამოს ზვერვით, ხომ არავინ მხედავსო. გულს გაუხუთქავ, სხვა თუ არაფერი, კარზე ბოქლომდადებულ სარაიაში ვის უნდა ელოდოს?!. გადანია ფიცარი ღიღინით, სტვენას შეეშვა, შემოყო მკლავი, დაწვდა ერთ გადანახერხს და ვტაცე მაჯაში ხელი. ისე ვწვდი, როგორც მშიერი ბომბორა ნაგაზი კანჭის ძვალს. იყვირებს მგონია, მიშველეთო, რა სულიერი ეცა, ხომ არ იცის და ხო უნდა გადაირიოს და —

— ბიძინიჩ, მეორედ ვარ!

ისია (ისააკ აბრამის ძე)

ბიძინიჩს დიდვაჭარმა, ჭიქა რომ შეატოვა ხელში, თეთრეულ არ გეახლებიო, ხაზის რადიო გამოტყუა: როგორ მოახერხა იმ დროს, ვერ გეტყვით და მიკროფონი ჩაურთო და დაუყენა საჭვრეტი მონყობილობა სამზარეულოში, სადაც ისია, — ისააკი პუნქტუალურად, ერთსა და იმავე დროს, სანერვიულო სავაჭრო სამსახურიდან დიდ შესვენებაზე გამოსული, მარტოსულად სადილობდა. იჯდა ერთსულად, უსმენდა ხაზის რადიოს მუსიკას, უკანასკნელ ცნობებს და ყველაფერს... არც რადიოს ანუხებდა ანეე-დანევით, არც ცოლშვილს, გარედან რომ შეახსენებდნენ დროდადრო თავს...

ის დროა, ის საათი, ისააკ აბრამის ძე ჭამს, ისმენს, გუნებაში მისდა უნებურად ითვლის ნავაჭრის შედეგებს, რიცხვებს აკლებს, ამატებს, ყოფს, ამრავლებს, ალბათ — მოსემ არ იცის მისი თავი და ტანი...

— გაამოთ, ისააკ აბრამიჩ!

— გადი შენი კეთილებიც!..

გაიგონა და ვერ გაიგო. რა შეიძლებოდა ეფიქრა. რომც გაეგო, გაგონებით ხომ გაიგონა, — მერე?!

— გაამოთ, ისააკ აბრამიჩ! — გაამოსო რადიომ. რა უნდა ამ რადიოს ჩემგან?! ისევ — გაამოსო...

— და! — თქვა მან, გააჩერა ყბები, ტურები შეინმინდა ხელსახოცით, — გაამოს... მოეჩვენა მესამედაც, თუ მოეყურა მხოლოდ?.. გუშინ, ანუ წინადლით არკი დაუღევია... სუფრაზე კი იჯდა, მართალია, თუმცა არ დაუღევია, ბელადის სადღეგრძელოც, კარგად ახსოვს, თქვა და არ შესვა, მოსვა. მოსვამენ კარგად, თუ გაიგეს...

...მოისმინეთ ტრანსლაცია მოსკოვიდან.

ვისმენთ! ვჭამთ კიდეც... და ისევ ის:

...პრიატნიმ აპეტიტომ, ისია აბრამოვიჩი! — რუსულად, ქართული აქცენტით.

დიქტორი: ტრანსლაცია მოსკოვიდან დამთავრებულია, მოუსმინეთ ტრანსლაციას მოსკოვიდან: ნა პროსტორახ როდინი... და ისევ თბილისი, საქართველოს რადიო:

... გაამოთ, აბრამიჩ!

— ვინაა მაგათი აბრამიჩი?!

— ისააკ აბრამიჩ, მისმენთ?

ცისკა

— დიას, კი, ბიძინიჩი ხარ, ვირიშვილო, საიდან შეძვერი, შე კეთილძალლო, ამხელა კაცი ამ ჩემს რადიოში!

... ერთხელ თვითმფრინავში მოვხვდით გვერდი-გვერდ.

— შენ და ისია?

— არა, კაცო, რა უნდოდა ისიას თვითმფრინავში?.. მე და დური, დანიელი ერქვა, დურის ვეძახდით...

— შეშას რომ გპარავდა?

— კაკრაზ, სად იყო იმისი მოსაპარავი, გახსოვს ხომ, მეორედ ვარო. იქაც, იგივე. მეორედ ვართ, თუ არ მეშლება, ლაინერშიო, ალბათ-მეთქი, არ მახსოვდა. მოკლედ, დამემგზავრა თუ მე დავემგზავრე. აქეთ ხომ არ გადმოჯდებიო, ილუმინატორთანაა მოკალათებული, — ადგილს მითმობს... გახედვა მეშინია, შიში, შიშიც აღარ ეთქმის, რალაც სხვა, შიშზე მეტი... სული მიცხავს, სანამ მიწას არ დავინახავ, სანამ ბორბლები ბეტონს არ შეეხება... ის მიჩვეულია, ყოველ მეორედღეს შიგაა, ლაინერის ვირთავგა. თვითმფრინავი წისქვილია მისთვის, ტურბინების ხმა — წყლის ჩხრიალი, იავნანა. თავს შევიქცევთ, ვილაპარაკებთ-მეთქი, საქმე არაფერი გვაქვს... თვლემს უკვე, თვალებს ძლივს ახელს, ღამენათევია... ავფრინდით თუ არა, — დაეძინა. მოგივიდა კაის შალომი! მე წინა სავარძლის საზურგეს ვარ ჩაფრენილი ორთავ ხელებით, გეგონება, მე მივაფრენ და წინა სკამია ჩემი შტურვალი, რაც ქვია, დანიელს, დურის ძინავს, თუმცა არც ღრმა ძილით. გაახილა მოულოდნელად ორთავ თვალი, შეხედა ჩემს მავჯის დიდ საათს, ორ საათსა და ოც წუთში, ზაჩას ი დვა და დვადცატ მინუტ ვნუკოვოზე ვართო და დაყვინა. რამდენიმე წუთის შემდეგ ისევ ჩემი საათი გადაამონმა. საათი ჩემი ტოზე, დიდი, შვეიცარიული, ნათელი, ღია ციფერბლატი. გაახილა თვალები, ისევ განსაზღვრა დრო ჩემი საათით, კარგად მივდივართო, ჩაილაპარაკა და დაიძინა. შენ გიჩვენებ სეირს, გავიფიქრე და გადავნიე საათის ისრები კიდევ უფრო წინ, ავიკეცე სახელო მავჯაზე და მივუშვირე ციფერბლატი პირდაპირ

თვალეში დურუს. იგრძნო თუ რა იყო, არ ვიცი, შეფხიზლდა, შეხედა საათს, კარგად მივდივართო, ჩაილაპარაკა ისევ და კარგი ფეხსაცმელები ხომ არ გინდაო, მკითხა. სადაა-მეთქი, გამეხარდა ვითომ, იქნებ არ დაეძინოს-თქვა და: — აქ ხომ არა გაქვს?

— რა უნდა მქონდეს აქ?

— ფეხსაცმელები.

— ა, ხო, ტუფლები? ოდესესერე, აქ არა მაქვს, მაგრამ ჩავფრინდებით და გაჩვენებ.

— სადაურია? — დრო გამყავს.

— დანია-ისლანდია, ოდესესერ!..

... — იმ ისლანდიაში ქედავენ ფეხსაცმელებს? ძინავს ამას ისევ, ფეხსაცმელები ფეხზე ჰკიდია, აბა სად უნდა ეკიდოს. გადავნიე კიდევ ისრები ოციოდე წუთით და მიაბჯინა კიდევ ჩემს საათს ცალი თვალი დურუმ...

— ვიგვიანებთ? — იკითხა.

— მივფრინავთ, — ვპასუხობ, ვითომ სხვათა შორის.

— ამდენით, კაცო?! — ჩემს საათს უყურებს, — უკვე ორთავ თვალითაც.

— მივფრინავთ.

— რაა ეგ, როგორ შეიძლება, სხვაგან თუ მოხდება ამნაირი?..

„ესეც შენ, ანი დაიძინე თუ კაი ბიჭი ხარ,“ საათ-ნახევრის ჩაფრენილი უნდა ვიყოთ ჩემი საათის მიხედვით. ისარს თუ ვაგლახავებ, არ იცის და, ამ დროს უნდა შეიშალოს მგზავრი აუცილებლად, ასეცაა...

— ბიძინიჩ!

„...ფეხსაცმელები არ მისხენო აქ!“

...ბიძინიჩ, ბრატ, მეორედ ვმგზავრობ შენთან ერთად...

— მეორედ ვართ...

— ბიძინიჩ, ამისხენი, ეს სამალიოტია თუ ურემი?!

ახსნა, რისი ამხსნელი ვიყავი, აღარ დასჭირვებია, — დაამთქნარა ხოშიანად და წადო თავი.

...შენც გადაშენდი და შენი ურემიც, ეს ვინ ყოფილა! შენთან მეორედ დამჯდომს რა ვუთხარი, — ჩემდა თავად!

ანზორ ბიძინას ძე დ-ტ-ძე დედაქალაქში საკუთარი ხუმტურით არ ჩამოცხოვრებულა, გადმოიყვანეს და სახელმწიფო უწყების ერთი საპასუხისმგებლო სექტორიც ჩააბარეს კონტროლის ხაზით! ხელმძღვანელები ხშირად იცვლებოდნენ; მიდიოდნენ, მოდიოდნენ, რჩებოდნენ, დროებითობის განრიგი არ იცვლებოდა. ახალი წლის წინა დღეს, ქალბატონების თაოსნობით, თანამშრომლებმა სამსახურშივე გადაწყვიტეს საახალწლო სუფრის განყოფილება ღამისთევით. წინა დღითვე მოიბაზრეს; იყიდეს სანოვაგე, სასაცივე ინდაური, შესანავავი გოჭი, სასმელზე არ უფიქრიათ, მაგი თქვენი (კაცების) საქმეაო და ნავაჭრის შეფასება, ხარჯების გადამონმება დაიწყეს, მგონი არაფერი გვაკლიაო, თქვეს დასკვნით ნაწილში.

— აბა, რა გვაკლია?!

— მწყერები! — განაცხადა სექტორის გამგემ.

— მწყერები, ბიძინა?!

— აბა, სად გინახავთ, — უპატარძლო ქორწილისა არ იყოს, — უმწყერო სუფრა?!

არც მწყერიანი ენახათ, მაგრამ უფროსი ბრძანებდა და მწყრით სუფრას თუ არაფერი შეემატებოდა, არც არაფერი დააკლდებოდათ ბოლობოლო.

— კი მაგრამ, ბიძინა, სად ვიშოვნოთ მწყერები ამ ზამთრისპირს?..

— მიგინერთ ახლობელთან და იქნება მწყერი, წითელი კვერცხით: მისცა რკინეულობს მაღაზიის მისამართი და მინდობილობა, — ნდობის ვატუმით ჩააბარა ერთ ქალბატონს, რომელიც მანამდეც პირველობდა საინიციატივო ჯგუფში.

— მიგინერთ, დაახლოებით რამდენი დაგვჭირდება?.. თორმეტი მწყერი გვეყოფა, მე მგონი...

— თავზე გადაგვივა! — ჩაილაპარაკა ბუღალტერმა, წლიური ბალანსის სასაქონლო ღირებულებას რომ აზუსტებდა თავჩარგული.

— მართალია ბატონი კორნელი. ა, ეს მინერილობაც, გამომართვით:

„ბატონო გიზი, ამ ბარათის მომტანთ

გამოუყავით თორმეტი დედალი მწყერი ნაღდი ანგარიშით“.

— ბიძინა, ამას თქვენი ხელმოწერა არ უნდა?

— არა. გიზიმ იცის, გელოდებათ, მიდით პირდაპირ, მხოლოდ გოჭი არ უხსენოთ!

— გოჭი ნაყიდი გვაქვს.

— მაინც...

გიზის, რკინეულობის სექციის გამგეს, მეტსახელოდ — გოჭის, საკუთარი დარდი სჭირდა, საახალწლოდ ერთი ლურსმანი ვერ გაყიდა...

...რკინა და ლურსმანი ვის რა შავ ქვად უნდა, ყველა საქმელს ეძებს დღესაო. ფიქრობდა და მოვიდა კიდევ შეკვეთა ხორციულზე ცოცხალი წონით.

„ბატონო გიზი, ამ ბარათის მომტანთ

გამოუყავით თორმეტი დედალი მწყერი ნაღდი ანგარიშით“.

...და! — თქვა გიზიმ — რკინეულობის სექციის გამგემ, — ესაა სულ? — გადაატრიალა მაინც თაბახის გვერდი მეორე მხარეს — ხომ არაფერი აწერილია, — არ გეტყინათ არაფერი.

— ვინ გამოგატანათ?

— გამგემ...

— ჩვენი სექტორის გამგემ...

— გასაგებია; რა არის, იცით, დედალი მწყერები სულ დაიტაცეს, ერთიც აღარ დამრჩა... მამლები მყავს, მაგრამ რად გინდა, ცარიელი ძვალი და ტყავია, არ გამოგადგებათ...

— არა, არაო, მამლები არ გვინდა, დედლებიო, ბიძინაჩმა...

— ა, გასაგებია, გასაგები... ბიძინაჩიდან ხართ? კი, ხომ! ესო იასნო... ვკითხოთ მაინც, იმას რა სურს. მობილური ამოიღო, ნომრები აკრიფა, ლოდინი არ დასჭირვებია.

— დიას.

— ...შენ, ბიჭო, საქმე აღარაფერი გაქვს?

— რა მოხდა, ბატონო გოჭი?

— მოგიყან პ-ოჭი! ხომ იცი, რაც მოსდევს მაგ სიტყვას, — რა რითმა?..

— ვიცი, ვიცი, პოეტი ხარ.

— პოეტი შენ იყავი, მე მომეშვით!

პოეტი არ იყო, მაგრამ რითმით, რომელიც მას არც შეუქმნია, არც მოუგონია, დაამარცხა აყვიები, გოჭის, გოჭოს ძახილი მოაშლევინა დამძახებლებს.

დაუძახებდი და კარგ პასუხსაც მიიღებდი:
გოჭი!
მ. პ-ოჭი!

მიზნის მისაღწევად ყოველი საშუალება დასაშვებიაო, ნათქვამია და დღემდე ბევრი საშუალებლობს ამ საშუალებით დასაშვების ნორმებში და უნორმოდაც.

— გოჭი!
— მოგ-ყან პ-ოჭი!

მოეშვნენ, მოერიდნენ უშვერსიტყვაობას, გვარში გასათხოვრების უდიერად მოხსენიებას და რამდენიმესართულიან გინებას გოჭი-მოჭის გართიმვამის ხარჯზე და ბატონმა გიზიმ დაკარგა, დატოვა თიკუნი იქ, სადაც შეიძინა.

— გამოდი ხვალ აუცილებლად, ორში არ მომადგე, ბედობის დღეს, თვარა მოგამტვრევ პოჭოკებს, — იცინოდა ბიძინიჩი, — ქალბატონებს თითო-თითო ლურსმანი მაინც აჩუქე საახალწლოდ, გესმის, სიმონ?!

— არ მჭირდება შენი შეხსენება.

თითო კოკორი ვარდით, თითო ფილა შოკოლადით, თითო კოცნა-ამბორით გაისტუმრა სტუმრები უმწყროდ. გოჭზე აღარ ყოფილა ლაპარაკი. გავიდა დრო და მშობლიურ ქალაქში სარევიზიო ბრიგადას, რეიდს ეძახიან, უხელმძღვანელა, მთელი სავაჭრო, როგორც დღეს ამბობენ, ინფრასტრუქტურა შეამონმა და სარევიზიო დასკვნითა და ანალიზით შევიდა მაშინდელ, ჯერ კიდევ არსებულ ქალაქკომში. სხვაგან, სხვა ადგილს, რომ ვერაფერი გაანყვეს, დაზარალებულებმა მაშვალი თუ დალალი ეზოშივე სამართლის ბასტიონის მისადგომებთან დაახვედრეს: — რასაც მოგვთხოვ, თანხა დაგვისახელე, გადამხდელი ვართაო, თითქოს ამინდის ცვალებადობაზე იყო საუბარი, ელაპარაკებოდა მოგზავნილი ამხანაგი. გადაეცი მაგათ და უთხარი: რამდენ საფეხურს ავივლი, იმდენი ათასი: ათს — ათი ათასი, ოცს — ოცი ათასი.

— წინასწარ დავთვალათ?

— არა. სადაც ფეხს დავკრავ და გავჩერდები, თვლაც იქ შევწყვიტოთ... მორჩა! სასამართლოს

თავმჯდომარემაც ამოიარა და გაჰყვა. საფეხურები არ უთვლია, ხმა ამოვიდა.

— პატივცემულო ბიძინიჩი, არ დაილაღეთ?!

— რა დალლაზეა ლაპარაკი? — გაელიმა სასამართლოს თავმჯდომარეს, რომელიც ანალოგიურ შემთხვევაში ძნელად იღლებოდა და საფეხურებსაც წინასწარ ითვლიდა.

ეს ამბავი იმავე დღესვე გახშიანდა ქალაქში, ხომ არ დაილაღეთო, ერთმანეთს ეკითხებოდნენ აღმასკომის, დაღმასკომის და შუასკომის თანამშრომლები. ბიძინიჩი დაღლილი იყო. ქალაქის ახალ საავადმყოფოში, საძმაკაცოში უტარდებოდა გამოკვლევები. რა საჭიროაო, ყოყმანობდა, არ უნდოდა. ვნახოთ მაინც, რას ვკარგავთ... ვიცოდეთ, არაფერი რომ არ გვჭირს. ვნახოთ, კი ბატონო. ანალიზების შედეგები (პირველადი): საექვოზე დადებითი, უექველზე შემაშფოთებელი ერთგვარად, ზეპირსიტყვიერი დასკვნები — კარგი: შესანიშნავად გამოიყურები, გამოიყურებით. მაინც თბილისი. თუ არადა საზღვარგარეთი — მაინც.

დედაქალაქში ვარდის სიო იყო, იმას ვარდების გადატრიალება ენოდა. სამსახური გაუქმებული, თანამდებობა — აორთქლებული დაუხვდა.

ახალმა და უახლესმა ხელისუფლებამ იგი არ მიიღო და უსამსახუროდ დატოვა. სამუშაოს ძებნაში დაშვრა და სახიმანდროდ დაბადებული ადამიანი სერიოზული გახდა.

მე მოგწყდი ჩემს ფეხებს, მართლა ვამბობ!

მართლა ამბობდა, უჭირდა ჩემი შეტყობითაც, არამართო მატერიალურად.

ესენი მეხმარებიანო, თქვა სოსო ხარაბაძის გასვენებაში და ჩემკენ მოაბრუნა ხმელი ნიკაპი. პატარ-პატარა ხუმრობებს, ნაკვესებს თარგმნიდა და ჩვენც ვუბეჭდავდით. არც სახელად ყოფნიდა, არც სახრავად, ძერას ან ორბს გალიის ჩიტის საკენკი დაუყარო, იმას ჰგავდა ის სამუშაო. შენი დაწერე, ბიჭო, შენი!..

— მოვა მაგის დროცო, უპასუხა (?..).

მოვიდა?!

არ უნდა გამეყიდა სახლი იქო, — განიცდიდა, რა თანხა იმაში მე ავიღე, რა მომცეს როო... სტუმარივით ჩავედი ამნინ იქ, — სტუმარივით.

ვიცანი

პროზა

წუთისოფლის სტუმრები არა ვართ და არ ვიყავით ყველანი?!

სიზმრები არ მასვენებს, — უცნაური სიზმრები. დედას ვხედავ სიზმარში. — თითქოს ცხადში.

...ჩემი ბავშვი ისევ ბავშვია, ანანო, ტანად დიდა...

— არამატერიალურ სამყაროში დიდი და პატარა ხამლები არ არსებობენ.

— ეს ნახე, მაინც...

— ნახოს, კი ბატონო, აქაა.

— არა, ეს არ მოერგება, ანანო, უფრო დიდი ფეხსაცმელები მაჩვენე.

დედა, რა ხდება, პატარა ხომ არა ვარ. რას მათომებ?!.

ანანო, ის, ის, მაგ არა, დიდი, მაჩვენე, მოგწონს? ნახე, რა რბილია, აბრეშუმია, შავი აბრეშუმი.

— დედა, შავი არა, შავი არ მომერგება!.

— გაიზომე მაინც!

— არ მინდა, დედა, რად მინდა შავი აბრეშუმი?..

— მაშინ ეს ნახე, ძალიან დიდია და აყალოს ფერი.

— ეს რამოდენაა, დედა, უნდა ჩავწვე შიგ? კუბოა?!

— ჩემი...

უშა

იო — საყმანვილო ჟურნალის რედაქტორი. მე და სხვები.

უშა — პოეტი, მცირეგაბარიტიანი ლექსები გამოაქვეყნა.

ერთი ჩვენი, მის დროს გაკიდებანებული, პოეტი, ფრიად ტალანტიური, სქოლიოში ათავსებდა საკუთარ თავს, უშა — სარკეში, შებრუნებული გამოსახულებით: რას დავემსგავსე და ვის ვგავარო? სარკე ძველი იყო, ძველთაძველიც კი და არა მრუდე და მაინც, — ხან წალმა ჩანდა შიგ, ხან უკულმა, საიდან მიუდგებოდი, — წალმიდან თუ უკულმიდან, იმის მიხედვით.

უშა ჯიუტიც გახლდათ: ჯერ ეს ნახონ, რაცა მაქვს... — დამინახავენ, არა და — ვერა. თუ პოეტი ხარ, ლექსი უნდა გაიტანო ან ლექსმა უნდა გაგიტანოს!.. დიდი უნდა იყო ტანად, თუმცაღა გაზარულში ტანი ვერ გაჰქონდა, იმ დღეს კი თავიც უკან დარჩა. დრო იყო ისეთი და არა — სარკე. რაცა ვარ, ისა ვარ, — ორად ვერ გავიჭრები. ეგრე იყო:

ცხოვრობდა. დიდ ქვაბში არ ეტეოდა, პატარაში სულ არ იყო. ვის ჰგავდა? მამას არა. მამაჩემი უნდა მოვკლა.

— როგორ, კაცო?!

— მშვენივრად, ჩავუსაფრდები ქუჩაში და ვესვრი! ბევრჯერ თქვა, ბევრს ეგონა.

— უშა, რას ვშვრებით ახლა?

— ახლა არაფერს.

— მამის — შენის ამბავში?

— მამას მოვკლავ!

— რატომ, შე კაცო?!

— მე მარგალი არა ვარ, მით უფრო — ძეგველი, არც იქაური... მამამ მიგვატოვა მე და დედა...

შეგვიანდა ერთხელ, მცირეტირაჟიან საყმანვილო ჟურნალში, სადაც იგი მსახურობდა, რამდენიმე დღე არ გამოჩნდა.

— მოკლა, მგონი, მამამისი!.. — თქვა მთავარმა რედაქტორმა იომ.

უშა მომკვლელი არ იყო, თუმცაღა მამა შეიძლება რამდენჯერმეც კი ჰყავდა გასაღებული — საკუთარი მამა! — ტვინის რამდენიმე უჯრედში.

გაზაფხული იწურებოდა, ვარდის ფურცლობის დრო იყო. უშა იჯდა ცაცხვის ქვეშ ბეტონის ყორეზე. პირველად იომ დაინახა. ჩამოუსტვინა ზემოდან:

— ამოდი!

არაო. სახედაღრეჯილი ჩანდა.

ცისკა

— სად ამოვიდეს, რა უნდა აქ?! ან იქ რა უნდა, სადაც ზის ჭირისუფალივით, გადაშენდეს იქით! — თქვა იოს მეუღლემ, — თქვენზე ადრე დავინახე მე და არ მითქვამს. ამოვა და გადავაშენებ, გადავუშვებ აქედან!..

— ე, ეე... გარეკე ქალო?!. იქნებ საქმე აქვს...

— აქვს!

— ვიცი მაგის საქმეც... უსაქმურს საქმეს ვინ აღირსებს, არაფრის მაქნისი არაფრისთვის მოკვდება...

— უშა, რას აკეთებ აქ?! — ვკითხე მე.

ველოდებო, ამოილაპარაკა, ჯოხი ეჭირა ხელში, — ნკირი და გადატეხა.

მძლოლს რომ ველაპარაკებოდი, იოც გამოჩნდა ყვითელ-მწვანე ჰალსტუხით, წელში უკან გახრილი. წინ ძნელად, უკან თავისუფლად იხრებოდა, ეგეთი დგომყანყალი ჩვეოდა და ჰქონდა: — წინ ბიძგი, უკან ხრა!.. ღიმილით უახლოვდებოდა უშას, ვის დარაჯობ, ვის მოკვლას აპირებო, — მამაშენი აქ არ ჩამოიარს, ქუდი რომ ჩამოუგდო ზემოდანო!.. იცინოდა, ლადაობის ხასიათზე იყო.

— უშა, თუ გასასვლელი ხარ, გაგიყვან, ჩემი ავტომობილი მოსულია, — ვუთხარი.

— მანქანით ვარ... — ამოილაპარაკა.

შევამჩნიე, ყურადღება აღარ მიმიქცევია მანამდე, წითელი, წითლად გადამწვარი დრანდულეტი ჩამოთავდალმართებულში გაეჩერებინა მოუხერხებლად.

— სად დაგიყენებია-მეთქი, ვუთხარი. ხმა არ გამცა. — რა ჭირს, ნეტავ ვიცოდე! — გავიფიქრე და იოს, მის მამას და მარჩენალს, გადავაბარე. ლადავი დაუნყო ისევ, — ჩემს მძლოლს რომ გამოველაპარაკე, ჭადრის ქვეშ სიტუაცია შეცვლილი მეჩვენა.

— ე, ე, ეე!.. — უცნაურ ხმებს გამოცემდა იო.

— რა მოხდა? — ცოლმა ჩამოძახა პირველმა.

— დედა გარდაცვლია, — ხმადაბლა, სხვამ არ გაიგონოსო, ასძახა. არადა, მათ — ცოლსა და ქმარს შორის შვიდი სართული და ღიაფანჯრებიანი ლოჯიები ჩანდა.

— ჰო, ჰო და ნუ ყვირი!

— რავა ნუ ყვირი, მართლა დედა მოუკვდა?

— ჰო, — თქვა, ნუ შეყრი მთელ სახლს!

— უი, უი, უი... რა ეშველება მაგ უბედურს, უი, რატო ვარ ცოცხალი, მაგი დედას ვერ გაასვენებს...

— ჩვენ ხომ ვართ აქ! — მე მითხრა და არა საკუთარ მეუღლეს იომ.

— მაგი ვერ გაასვენებს, მე ჩამოვალ, თქვენ არ ნახვიდეთ, აბა მაგი დედას ვერ გაასვენებს...

— რატომ გგონიათ, კაცო?!

— დედა მოუკვდა ხომ?

— დიახ;

როდის ასვენებენ, არ იცით?

ჯერ არა.

ვინ დარჩა, მამა?

...მამა, რომელიც მისი ხელიდან კაი ხნის მკვდარია...

— ბატონო?

და უშა მიდის ძეგვში!

მამა აქ მუშაობდა სადღაც სპირიტებში, — ასანთის სარდაფში. ჭალადიღში დაიბადა ჭაობში, აქ რა უნდოდა! თავად რა უნდა, რად მიდის — ხსენებაც ზარავდა იქაობის და მიდის, არ უნდა და მიდის... დავაჯახებ და ის იქნება. მერე მამა რა შუაშია, აქ არც ის დაბადებულა, ჩავუსაფრდები ნიკოლადის ჩიხში და ვესვრი. რატომ? თუ რისთვის? არ ჩამთვალეს პოეტად?! მე არა ვარ ანთოლოგიაში, არ შემიტანეს... არადა; — არ გავაგებინო?.. ისედაც გაიგებს... გვიანია.

— კი; — ჰო!.. ძეგვში მიაგვლევებს ახლა ჩვენი უშა წითლად გახრუკულ „ზაპოროჟეცს“, წინ ჟანგანი თვითმცლელი მიგლიჯინობს მტვრისა და ცემენტის ბუქით. „ზაპოროჟეცი“ გასწრებას აპირებს, ჯართი — თვითმცლელი გზას არ უთმობს. აიკლო პიპინით უშამ იქაურობა და იკადრა ძეგველმა მძლოლმა გაგზავანება. ჩავუარე და მგონი შევაგინეო, არ ახსოვდა, ხმა არ მიწვდენია, მაგრამ ჩემი სახის კუნთების მოძრაობაზე და გამომეტყველებაზე მიხვდა და გამომენთოო, გაიხსენა: არა, არ შემიგინებია, — არც დედა, არც მამა...

...მამაჩემი რა შუაშია, აქ ხომ არ დაბადებულა...

წინ ზაპოროჟეცი — წითელი წითლად შეხუნებული და უკან თვითმცლელი, — ჟანგი, რკინა და ჯართი. გარბის და მოსდევს. თვითმცლელს,

ვისცა

ვადაგასულს, თუ იმ სიჩქარის აკრეფა შეეძლო, რა ვიცოდით... მიდის და მიჰყვება რკინა და ჟანგი საშინელი ხმაურით, დამწვარ-ჩამაზუთებული ბოლის შლეიფით, რომელსაც ქარი ხან გვერდიდან შემოუჯდება, ხან თავზე წამოაფდება. ჭვარტლს წამოაფენს რკინის ჟანგს — მანქანას, რომელმაც არც ოღრო იცის, არც ჩოღრო თურმე გზაზე თუ უგზოზე. სხვა საშველი აღარ იყო და უშა შევარდა ხნარცვში და დაგვალულ ჩირგვენარში, შევიდა და შეჰყვა თვითმცვლელი ფიჩხის და ტოტნარის ლანა-ლუნით. მიდის უშა ფხაკაფხუკით, მისდევს ძეგველი ავაზაკი ლუნილანით. არ ეშვება, არ სცილდება ადგილობრივი ყაჩალი, მკვლელი. სანამ, სადამდე? გზაც აღარაა, შეკრა ტყემ პირი, ჩაიხურა ტყისხევი. შედგა. ისიც გაჩერდა შორიახლო. გადმოვიდა უშა ზაპოროჟეციდან. ძეგვმაც იკადრა გადმოსვლა. დგანან და ისრის მიწვდენამდე უყურებენ ერთმანეთს. ჟანგ-რკინთვითმცვლელი თუხთუხებს, — მძლოს მოტორი არ გამოურთავს. წითელი ავტო გრილდება, აწი იგი დაუგორებლად არ ამუშავდება:

...მივანვები და დავაჯახებ, თუ არადა, ვცვითავ ტყეში თავს, მაგი რას დამენევა, დედა არ შემაგინოს...

— მამა!
ორმოცი არ გადამიხდია, შემაგინებს, დავაჯახებ, — მსჯელობს ეს, ის რას ფიქრობს, რა იცის, რას გაიგებს.

— ბიჭო, — დაარღვია სიყრუე ძეგველმა, —

ამხელა კაცი მაგ მანქანაში როგორ ჩაეტიე?! — პასუხს აღარ დაელოდა. ჩაჯდა დასვენებულ თვითმცვლელში, დაძრა, იგორა უკუსვლით და სადაც ქვევით შეტრიალდა მინიკანიონში...

უშა დარჩა. როგორ ჩაეტიეო, როგორ ვეტეოდი? როგორ დაეტია მართლა და მართლა ამ მიწაზე. ამ ცის ქვეშ, ხეთა კენწეროთა თაღედიდან რომ ჩანდა. მე აქა ვარ და არსად არა ვარ... მაგნაირი (ჩემნაირი) პოეტი არ გამიგიაო, გავიგონე... სატელეფონო ცნობარში, — მწერლობისაში არ შემიტანეს, დიდი ამბავი. მერე, რა მერე? არაფერი... ეს არაა მთავარი. როგორ დავეტიე? არ ვიცი, როგორ ვეტეოდი. — ვერ ვხვდები. იდგა უშა ამ მიწაზე, იმ ცისქვეშ, სადაც ყველანი ეტეოდნენ... რანაირად, როგორ? იდგა უშა ვერდატეული და ფიქრობდა, ზევით ცის ნაჭერი ჩანდა, ქვევით და წინ დაკლაკნილი, ვიწრო გზა. გზა, რომელიც ამოდიოდა, ჩადიოდა და ეგ იყო... ფიქრობდა შეჭმუხნილი სახით, ვიწრო და განიერი შუბლით, ყავის კაკლის თვალეებით, თივისფერი თმით. იდგა იქ, სადაც იდგა, მოძრაობდა იქამდე, როგორც სხვა, როგორც ყოველი, როგორც ყოველიფერი. ახლაც იქა დგას და ვხედავ. ჩადის მზე, ჩამავალი სხივები აწითლებენ წითელ რკინას და უცნობ პოეტს. გხედავ, უშა! შორდება მინიერი არამინიერს და რჩება გარსი თვალთუხილავი, რჩება იქ, სადაც სრულდება...

ბედია მაინც, უშა, ბედია ყოველიფერი.

მუსიკ სატანაული

ორი ფელოცვა

სიბერისა


ვითამ რკინისა ხარ, ჩემო თავო,
 ვითამ წყლისა და ქვა-ლოდისა,
 სიბერე რომ მოგიკაკუნებდა,
 გაიცინებდი: — არ მამდისა-ო!

გაბრუნდებოდა-კე საცოდავი
 შარაზე ჯოხის რაკუნითა,
 სხვის კარს მიადგებოდა მოკაული,
 დაურაკუნებდა რაკუნათი:

— აბა გამამხედეთაო,
 სარკეს ჩაგახედებთაო,
 ლოგინი გამიშალეთაო,
 ბალიში შააცერეთაო...

— რაკუნას ვინამ არაკუნებსო,
 კარ გაულოდეთ, მაღლიაო!

— შამოდი, შე სულმატლიანო-ო,
 ბუხართან ნაბდისძველან აგიანო!



შაუშვებდნენ, შამლერდებოდა,
შავ ბუხართან შალერდებოდა,
კაცი რო დაუბერდებოდათ,
ე, მაშინ მათგონდებოდათ:

— სუყველა მაგან დაგვაბერაო,
მელაა და გაიძვერაო,

ნესია მაგისტანათიო
მუდმოზა ორის რამითაო:
ფეხის დაბანა ლამითაო
ცუკანის დანაბანითაო,
პირის დაბანა დილითაო
ნაბადზე ნადებ ნამითაო.

დაგვყარა გაშტერებულიო,
ჭკუა დავკარგეთ ქებულიო,
ქალისად გაქმერებულიო,
ვინ ნახა დაბერებულიო?..

ნამოველ საყვედურითაო,
ე კაცებისა შურითაო,

— აცა, დამმალეთ, ქალებო,
სიბერემ ჩამაიარაო:

— სადასა ჩემი ძმობილი,
 სახლში არ, კარში არაო?

— რწყილისა ვინა თქვა გალია-ო,
 ჩვენია, ჩვენში მალია-ო!

— დახსენით საყელოს ღილი,
 ვნახო, რომენში დადისო,
 — ყველა ვართ ყელ-ლილიანნი,
 შენფერი ჩვენ ვერ დაგვთვლისო,
 ზოგნი თუ ოცი წლისა ვართ,
 სხვანი სამოცდაათისო!..

— თავ დაუნაყეთ ქვითაო
 ახედილ-ადრეკილთაო!..
 კაცების ჯიბრმა დამლია,
 ქალებო, რამე თქვითაო!

— აღარც ფეხთ აჩერებ, აღარც ხელთაო,
 აღარც ენა-ყბათ, სარეკელთაო,
 თვალთაც არ აჩერებ, საჭვრეტელთაო,
 ქალთზეით კაბათ ამკრეფელთაო...

— აცა, ქალებო, თქვენთა ზნეთაო,
 ნუ მამაკვლეინებთაო!

პირჯვარი გადასწერეს ქალებმა,
 სრუ ასე გველოს მადლიანო-ო...

— შე უბე-კალთათ დამჩხრეკო-ო,
 ხმელის პირ-ყბითა დამჩხვლეკო-ო,
 მთვარეო, მთვარის ნალევო-ო,
 ქვეყანა მაიარეო-ო
 ფანჯრიდან რად არ გადმოხე,
 კარი რად აჭრიალეო-ო!..

სიკვდილისა

რად არ რკინის იყავ, ჩემო თავო,
 რად არ კლდისა და ქვა-ლოდისა,
 სიკვდილი ცელს რომ შემოგკრავდა,
 წინწელი თავადვე დააბრმოზდა.

წამოვიდოდა დედისაკე,
 გადაეშლებოდა კალთაშია,
 დედა ლოპს გადააშორებდა,
 თვალეში გამოახედებდა...

— აი, ასეთსა და ასეთსაო,
 ხელ-მკლავით, ტანით ნაკვეთსაო,
 შუბლსა ნაფიქრსა, ნაცდომსაო,
 ცხვირსა გაღმიით გამწვდომსაო,
 კაცს ვინმეს, ნებაზე მჯდომარესო,
 ჩიტის ნიაზე მკრთომარესო,
 ცელი შემოვკარი ავთვალადო,
 წინწელმა თვალეხი დამთხარაო.

— აი, ეგეთსა და ეგეთსაო,
 სულ ღმერთის მოიმედესაო,
 წინ რომ სამკალი ეთესაო,
 ჩიტებმა გაუკენკესაო,
 მერე მოვიდნენ ქორები,
 ჩიტები დააფეთესაო,
 შორით მოყარეს ღრუბლები,
 სამკალზე დაანვეთესაო,
 თავი ხორბალი გადარწყო,
 თქვა გულში, მაღლი ღმერთსაო!
 ე მაშინ მიუხვიდოდი,
 შამაუქნევდი ცელსაო,
 შუბლზე რომ ჰქონდა ნიშანი,
 ართუ სთქვი, რაა ესაო:
 ამის მამკლავსა სიკვდილსა
 თვალეხი დაუბრმდესაო.

არ დაუჯერე დედასაო,
 ნუ მაჰკლავ დედისერთასაო,
 მაგის სიტყვაზე ქალები
 ტუჩებს უწყებენ კვნეტასაო,
 თვითონაც ცოცხლად მკვდარია,
 მიდის და სისხლად წვეთავსაო,
 მაგრამ ლექსობას არ იშლის,
 არც როდის აიკვეთავსაო:

„ეს სიყვარული რა არის,
მადლი არ დაეთვლებაო,
არც წყალი რასმეს დააკლებს,
არც ცეცხლით დაინვებაო,
ჩვენი ქება და ძაგება
ისავ ჩვენთვისა შვებაო,
თორემ იმას არც აკლდება,
არც რამე ემატებაო.

ერთი ეგ არის ამქვეყნად,
მეორე კიდევ დედაო,
წასული სააქოდან
იმ ქვეყნად მელოდებაო,
მაგრამ უნიშნოდ ვაჟკაცი
გზას როგორ დაადგებაო,
ისევ ცელის პირს ალესავს,
ბალახი აეგებაო,
ხანდახან გაიყურება,
ხმა რამე მოესმებაო...“

— ნუ ჰკვდები, ხარანაულო,
ერთა ხარ, არვინ გრჩებაო,
შენი ნაჭერი კალამი
არავის შაუხდებაო,
დედა ბარბარეს შვილი ხარ,
რად ეგრე გავიწყდებაო,
შენი სიკვდილი რო უთხრან,
გულ-ღვიძლი ჩაენვებაო,
შავეთში ერთი წყალია,
იმ წყალში დაირჩვებაო...

თუ იყავ, რად აღარ ხარ, ჩემო თავო,
ცოტაც გელექსა, გელოთაო,
რამდენი ლალია შენ დროთაო,
გეყურა ღრუბელთა ჩეროთაო,
ჩიტთა, ყვავთა და წეროთაო,
ვინც გინდა ყოფილიყავი,
სახელიც სხვა გრქმეოდაო...

თუ იყავ, რად აღარ ხარ, ჩემო თავო,
თუ იყავ, რად აღარ ხარ, ჩემო თავო...

დიანა ანთიმიაძე



ლოცვები და სხვა რეცეპტები

ლოცვა ლაპარაკის დანყებამდე

ჩვენ ვიზომებით დეციბელებით.
სიტყვები, როგორც გაყინული სტალაქტიდები,
ადამიანიმანქანების გამონაბოლქვი
უფერო სუნთქვით
ისე შავად იკვამლებიან...
ამ უთავბოლო საუბრების ყრუ მღვიმეებში...

ჩვენ ვიზომებით დეციბელებით —
ჩვენი უღონო სიტყვის სიმაღლით.

ჩვენ ვიზომებით მილიმეტრობით.
სიტყვები — როგორც ხაფანგებში მკვდარი კურდღლები
გადავათრიო, მერე უნდა გადმოვათრიო —
ღია ფანჯრები სიტყვებს შორის,
ქარიორპირი
ჩვენ ვიზომებით მილიმეტრობით —
ბაგეებს შორის შორი მანძილით.

მილილიტრობით ვიზომებით,
მილიგრამებით

როცა ვმძიმდები, —
 ზღვის ცხენები, მელანთევზები
 ჩემს ზედაპირზე დაცურავენ,
 მე კი ვიხრჩობი,
 ნიჟარებით და ზღვის მარილით ბაგე მევსება.
 ამპერებითაც ვიზომებით, კიდეც ვოლტობით,
 რაც მთავარია, ვიზომებით მეგაჰერცებით,
 მე გეუბნები — არ დაიხრჩო,
 ამბობ: რადიო-
 ტალღებს გავცურავ
 და რადიობადე მეცმევა.

ხოდა, რადგანაც ვიზომებით:
 სიცხე და ნნევაც, წონაც, პულსიც და გულისცემაც მაქვს —
 გადავრჩები,
 თუკი მასწავლი ადგილს, სადაც (თუ გახსოვს, ერთხელ),
 წყალი ასჯერ რომ გაზომე და ერთხელ გაჭერი.

სხვა მედეას რეცეპტი

რა შეიძლება მომხდარიყო, ან როგორ უნდა მომხდარიყო,
 ან რატომ უნდა მომხდარიყო ასე,
 ბავშვებს ისეთი მოვლა უნდათ, რომ უფრო მკვეთრად შემოხაზონ
 ამ დავალების ყველა სიტყვა და ასო.
 კვებაც ნახერხით მშვიერ ჩვილებს — ყანაში ქურდი მაჩვებივით —
 ძუძუზე მგლები — ათი, ორმოცი, ასი
 მგზავრი ხარ — გზების მასპინძელი
 უცხო — ისევე ახლობელი,
 როგორც ქათამი
 ქვისთვის — კრუნად რომ დასვა.

ოპალს სველი ბრინჯით გამოკვებავ,
 ქრიზოლიტს — მზისფერი წიწილებით,
 ლალს — სისხლით,
 მარგალიტს — პურის ფქვილით,
 ბროლს — წყალგარეული ღამე უნდა,
 ლოცვებს შეუთვისე ამეთვისტო,
 ქარვა, საფირონი, ბრილიანტი
 ხან ერთი ხარ,
 ხან მილიარდი.

ცისკა

ზაფრანა, კამა, დარიჩინი — რაც გაქვს ყველაფერი დანარჩენი:
 ვანილი, ილი, ანისული (როგორც შენი შვილის კანის სუნი),
 წინაკა, პიტნა, ბაზილიკი — ერთად, სულ მცირე ნაწილიც კი —
 კვალზე მიაფრქვიე — დანაგეში ძაღლის შვილს
 ჯობდა, რომ დანა გეშვა...

ყანგის შესაჭმელად დატოვებდი.

გახსენი შენი საგანძური.
 ქარები — აღმასები — გახარებულ
 თვალებს მიაგებე დედის სითბო
 და შენი ბარტყები
 (ბახალეები იმისთვის)
 გულში მაგრად ჩაიხუტე,
 ისე ჩაიხუტე,
 ჩაიხუთონ...

დედის ლოცვა

პირში წყალი რომ ჩავიგუბო,
 მუცელში წყალი ჩაგუბდება?
 იქ ოქროს თევზი ოქროს ფარფლებით იცურებს?
 ვწყვეტ ხმას, რომელიც აღარა მაქვს,
 ვწყვეტ ლექსს, რომელსაც ველარ დავწერ,
 ვწყვეტ რძეს, რომელსაც მკვახე მკერდიდან ვიწურავ.

და ვფიქრობ შენზე, გამუდმებით ვზივარ და ვფიქრობ.
 მიზნისთვის ლუპის დამიზნება — თვალის მიბჯენა
 აღმოსავლეთზე — მზე ამოდის, სხივი გადატყდა
 ვისმენ რძის სუნს და, რომ ვერ ვამბობ რძის სუნს, ვმუნჯდები.
 და ვფიქრობ შენზე გამუდმებით, ვზივარ და ვფიქრობ.
 ეს ჰგავს მარსზე წყლის აღმოჩენას. მთვარის კრატერებს
 წარმოსახვითი შაქრით ვავსებ — იქნებ ჩემსავით
 გიყვარს ფერადი კარამელი — ვარსკვლავთა მტვერი.
 ლოდინი: როცა მზე რვა წუთით არის გვიანი,
 ჩრდილში მზის ლაქებს ნაყოფებად ლელვის ხე ისხამს,
 გამოსავალი — მზე ერთ დღეს თუ სიკვდილს ინებებს
 ვიპოვნით სხვა მზეს — ათასობით ბეტელჰეიზეს.

და მაგნიტური ქარიშხლები, ათასნაირი
 ტყე და ცეცხლი. მაინც გაივლი.

ის, რაც ნამდვილად საშიშია, წვრილმანებია:
 პური თესლში თუ ჩაიკეტა,
 კვირტში ყვავილი.
 ცაზე ვარსკვლავი გაიშალა — ცისკრის აგავა —
 და ჩვენი ეზოს ყვავილების ნათებას ერთვის,
 ნუ მომეჩვენე, სახლი არ ვარ,
 მხოლოდ ბაგა ვარ.
 შენთვის.

პირში წყალი რომ ჩავიგუბო,
 მუცელში წყალი ჩაგუბდება?
 იქ ოქროს თევზი ოქროს ფარფლებით იცურებს?
 ვწყვეტ ხმას, რომელიც აღარა მაქვს,
 ვწყვეტ ლექსს, რომელსაც ველარ დავწერ,
 ვწყვეტ რძეს, რომელსაც მკვახხე მკერდიდან ვინურავ.

ოთახის ყვავილები

ლია წერილი მათა სარიშვილს

(ნაწყვეტი პოემიდან)

როგორ გგონია, ეს წყევლაა? — ჭერიდან წვიმდეს
 ოქრო, ჭაობის ბაყაყები და ცის მანანა,
 ყავაში ორ კოვზ შაქარს ვურევ — ჩინური ვარდი
 წყლის მოთუხთუხე ნაპერწკლებით უნდა დავნამო.

— ჩვენ მეტისთვისაც გაგვიძლია —
 ქოთნის ყვავილებს.
 ზოგჯერ მგონია, მართალია ის ბეგონია
 მეზობლის სახლის ფანჯრის რაფაზე,
 როცა ქოთანს ფორმით აფასებს
 და არა ძირით.
 ჰმ, კაპასი...
 ჩვენ მეტისთვისაც გაგვიძლია.

ანდა რისთვის ვწერთ, გიფიქრია?
 რომ ეს ფრაზები
 რაღაც მომწამვლელ ელემენტთა არის ნაზავი,
 თუ ერთხელ რამე შეგვეშლება,

მთელს ამ ქიმიას — ხან რომ მზის მტვერი,
 ხან ვარსკვლავის ვერცხლის ქიმია,
 რალაც საშიში დაერქმევა —
 თავს გავიმართლებთ —
 მონამლულათავის არაერთხელ გვიექიმია.

ან ეს ლექსები — ჩემს გაფანტულ ბამბის მოსავალს,
 სხვები თავიანთ თოთო ჩვილებს რითაც მოსავენ,
 სხვის ზანდუკებში ბევრს ვპოულობ და ამიტომაც,
 ხანდახან ხდება — უფალს ზოგჯერ მუშტსაც
 ვუღერებ —
 პირველი ლექსის უფლება რომ არ დამიტოვა...

არ ვნაღვლობ ჩემი სათბურიდან მოპარულ ნერგებს,
 ასე ამბობენ — სხვისი წყლის ნესტს,
 სხვისი მიწის ტორფს
 დაუკითხავად წაღებული მცენარეები
 აგემოვნებენ უფრო კარგად, უკეთ ირგებენ.
 მებაღეობა რთული დარგია.

ახლა მთავარი: ჩემს სათბურში თოთო ჩითილი
 იზრდება. ხოდა, მინდა გკითხო, როცა გაჩნდება,
 ფილტვებში ჰაერმონოლილი როცა იტირებს,
 როგორ მოვარგო იავნანის მშვიდი მოტივი —
 მართალი ვუთხრა?
 მოვატყუო?
 იქნებ ნოტები
 შენახული გაქვს ოთხჯერ დედას,
 რამე, მარტივი.
 მასწავლე, თორემ მეშინია, არ შემეშალოს.

როგორ გგონია, ეს წყევლაა? ფლოქვზე მოვები
 უმიზნო რითმებს — ფრაზის ნერვულ დაბოლოებებს.
 და ვამსხვრევ ფურცლებს, ვანაკუნებ ბროლის მთელ ჭურჭელს —
 მშობიარობის ტკივილები რომ გამიყუჩდეს.

ეს სასჯელია? ზოგჯერ ვწერთ, ზოგჯერ გვიყვარდეს
 ჩვენ — ქოთნის იებს, ორქიდეებს და ჩინურ ვარდებს.

ჯაბჯი თხთველი

ხვეწნა

შენ გეხვეწები, ქართველო,
გლოვაში, ჟამთა ქვითინში
სიკვდილის არადრამთველო,
ბევრი გაქვს გასაქვითი შენ...

სიკვდილის არადრამთველო
გლოვაში, ჟამთა ქვითინში,
შენ გეხვეწები, ქართველო,
არ შემოუშვა სკვითი შინ!..

არ შემოუშვა სკვითი შინ!..


2010

მარტყოფი. თებერვალი

ვერას გახდები გულის გახვეით:
დარდი გუბდება: შიგა ტრიალობს...
როგორ თანდათან შეგეჩვია ჩემი სახელი,
დიდი მარტყოფის მიწავ, ტიალო!

ცივი ზამთარი და ცრემლის გუბე...
საძულველი თვე: თებერვალის ბევრჯერ ითოვებს...
და ისიც ბევრჯერ ჩამაცმევს ღრუბლებს,
ვინც სამუდამოდ შენ დაგიტოვე!

2010



ძველი სიმღერების ციკლიდან

•

გაზაფხულის ღრუბლებს
არ უყვართ საქართველო:
მეხით და სეტყვით
ესაუბრებიან!

ზოგჯერ მზესაც წაართმევენ
და ლურჯ სარკმლებს
უკეცავენ ბინდისფერებით...

აქ ხომ ცხოვრებაც ბინდისფერია
და სოფელიც
ხომ ბინდდება უფრო და უფრო!..

თანაც ისე ჩქარა,
თანაც ისე ხელალებით,
რომ, შეიძლება, ვერც შეამჩნიო!..

2010

●
 ახლოა ჟამი სულის ამოსვლის...
 აქ შენს წარსულს ჩაეყეფები...

შუაზამთარმა უკვე მოქსოვა
 კავკასიონის თეთრი სამოსი:
 ალაგ-ალაგ ნახმლევები რომ აჩნია,
 ალაგ-ალაგ — სისხლის შხეფები...

აქ შენს წარსულს ჩაეყეფები...

კვალდაკვალ მოგდევს დარდი გერივით...
 არ გავიწყდება, სისხლში გერევა
 ცრემლის წინწკალი
 ვარსკვლავის სიმსხო,
 ცრემლი, საუფლო და საამსოფლო,
 დიდგორის ველზე დაღვრილო სისხლო,
 დიდგორის ველზე დაღვრილო ოფლო!

აჰა: გულიდან დარდი ამოსვი...
 მოდიხარ, წარსულს ჩაეყეფები...
 გაილანდება თეთრი სამოსი,
 კავკასიონის სისხლის შხეფები...

2010

წუხელ

წუხელ არაგვზე ნახეს ქაქუცა:
 ის შეფიცულებს ეძებდა თითქოს!..


დღეს გულებს ხანჯრავ და ანაკუნებ,
 სამშობლოს დარდო: წარსულის ფიფქო!

წუხელ არაგვზე ნახეს ქაქუცა:
 ის საქართველოს ეძებდა თითქოს!

2006

ცისკა

ნთღატ წულვისკიტი



„შვილო გოგიას“ შაშვი ბალობს

დიდი აკაკის წყალობით მთელმა საქართველომ იცის, რომ „შვილო გოგიას“ მოლაღური ბალობს, ხევისპირში კიდეც წარბშეუხრელად გეტყვიან — შაშვი ბალობსო. თუ აკაკის სახელს მოიშველიებთ და წიგნის ენით დაუწყებთ მტკიცებას, უკან დაიხევენ: შეიძლება, სხვაგან მოლაღური ბალობს, მაგრამ ჩვენთან, ხევისპირში, ნინუცას სახლის ეზომიდამოში, ნამდვილად შაშვი ბალობსო. ნაგიყვანენ, მოგასმენინებენ შაშვის ბალობას ნინუცას ყოფილ ეზოში და მართლაც დაეჭვდებით — გადახვალთ „შვილო გოგიას“ იდუმალ სამყაროში, იფიქრებთ: ეგებ მართლა შაშვი ბალობსო. იმასაც კი გაივლებთ გუნებაში, ეს შავი შაშვები ომში წასული, შინ დაუბრუნებელი გმირების მომლოდინე დედები არიანო.

ნინუცას სახლი და მისი კარ-მიდამო ტყეშია. სახლიაო ვერ იტყვით, ვინაიდან იქ არავინ ცხოვრობს; ნასახლარიაო, ვერც ამას იტყვით, უფრო მიტოვებულ სახლსა ჰგავს. სახლი მრავალჯერ გაუქურდავთ, რისი წაღებაც შეიძლებოდა წაულიათ. ფანჯრების ჩარჩოებიც კი მოუგლეჯიათ. თვალბდათხრილი მოხუცივით დგას ტყეში, მარ-

ტო, ამაყად, თეთრი სინდიოფალები გამოჰყოფენ ხოლმე მრგვალ თავებს ნაფანჯრალებიდან. თუ ყურადღებით დააკვირდებით ეზოს, იმ სერს, ტყით შემოსილს, სადაც ეს სახლი დგას, დარწმუნდებით, რომ ძველებური ნაფუძარია: ეზოში ასწლოვანი ხეები დგას, დატყევებულა ეზო, ჩარუმებულა, ჩაშავებულა. სახლი არც ჩანს, ლობეც არა აქვს, მთელ ტერიტორიას ორმო აქვს შემოვლებული. ნაორმოალი ძლივს ეტყობა, მაგრამ დანახვა შეიძლება. ეს ძველისძველი ქართული წესია — სამოსახლოს ორმოს შემოავლებდნენ, საძირკვლის ჩაყრამდე ორმოს თხრიდნენ.

ეზო ხეხილით არის დაყურსული, ვაზის ვარჯი დგას იმხელა, მუხის ტანი გეგონებათ. მაგრამ გაველურებულია უპატრონობით — ერთი ხიდან მეორეზე, მესამეზე გადასულა, ხოგი ლერწი მინაზე აგდია და ბალახებში მიცოცავს.

ამ მიდამოებში მთავარი მაინც ბალამწარაა. შუა ეზოში კვიპაროსივით აჭრილა ცაში; სწორი, ფეხმიუდგამი ტანი მაღლა, ძალიან მაღლა იტოტება. ვაჟკაცი მელავებს ვერ შემოაწვდენს, იმხელაა. დაბერებული დიდი ტოტები შეხმობია, მაინც ცო-

ცხლობს, მაინც ისხამს შავ ყურყუმელა თაფლივით ტკბილ ნაყოფს. ბალამნარა კი არა, ბალატკბილა უნდა ერქვას. ვერავინ ადის მალლა. თავის დროზე ნინუცა ადიოდა, კენწეროზე მოექცეოდა, სავსე კალათას ჩამოიტანდა და სოფელში წავიდოდა ჩამოსარიგებლად.

ახლა პატრონი აღარ არის, არც არავინ აკითხავს ბლის საკრეფად, არავინ მოინდომა მალალ ხეზე ასვლა. მოდიან მხოლოდ ბერიკაცები, ტანზე ქერქს გააცლიან ხეს, ქვევრების სარცხად იყენებენ. გატყავებული დგას ეზოში. ამხელა ბალამნარა ტყეშიც არ იპოვება; იმისი ბებერი ქერქისგან გაკეთებულ სარცხზე უკეთესს ვერც კი ინატრებს ადამიანი.

იმასაც ამბობენ, ამ მიდამოებში ძველი ქართველები ცხოვრობდნენ, თავადების სასახლე იდგა, ბალამნარა მაშინაც ყოფილაო, დღევანდელი ბალამნარა იმის მინაზე, იმის ძირის ძირზე ამოსულიყო. როცა სოფელში ოლოლების გადაძახილს გაიგონებენ, ერთი ოლოლი ნინუცას ბალამნარაზე ზის, მეორე ტყიდან ეძახისო, — ასე ამბობენ. ასეა თურმე ყოველთვის, სოფელს ასე სჯერა: „იპოვე? — არა, არა.“ — „არა, არა“ ტყიდან მოისმის. თურმე დედინაცვალს აქედან, ახლა რომ ნასახლარია, იმ სახლიდან გაუყრია ბავშვები ტყეში ძროხის საძებრად, ვერ უპოვიათ და შიშისგან ყურებიან ბუებად, ანუ ოლოლებად ქცეულანო.

ამ ლეგენდასთან თუ ვაჟა-ფშაველას ახსენებ, — მერე რა, ფშავში აქედან გადავიდაო. აქ მოხდა ეს ამბავი, ნინუცას პაპისპაპა იყო ის მამა, რომელიც სასონარკვეთილი დაექმბდა შვილებს უღრან ტყეში, ჩიტებად ქცეული შვილები ვერ იპოვა და კლდედ გადაიქცაო.

ნინუცას სახლს უღრანი, ფოთლოვანი ტყე მოდგომია. მგლები ამ სახლამდე ჩამოდიან, აქ იწყებენ ყმუილს, სოფლის ცხვარ-ძროხასაც აქედან ესხმიან თავს. ტყე უკიდევანოა, დღესაც ათასი ზღაპარი ითხზება ამ ტყეზე, მაგრამ ყველაზე გრძნეული, მოჯადოებული ადგილი ნინუცას სახლია და მისი კარ-მიდამო.

ზოგი მინუცასაც ეძახის. ნამდვილი სახელი — ნინო არავის ახსოვს, ყველას პირზე ნინუცა აკერია. ტანდაბალი, გამხდარ-გალეული, სულ მუდამ

შავებში ჩაცმული, მაგრამ ძალზე ყოჩალი, მშრომელი ქალი ყოფილა.

სოფლის ქალებისგან, საერთოდ, ქალებისგან, იმით გამოირჩეოდა, რომ თურმე ძალზე სწრაფი სიარული სცოდნია, ცხენოსან კაცს ასწრებდა, როცა რაიონში მიდიოდნენ. ასევე, მეტად უცნაური იყო ისიც, რომ მალალ ხეებზე ადიოდა უშიშრად. სოფელში ბიჭებს რომ უჭირდათ ასვლა, ისეთ კაკალზე ავიდოდა კატასავით, თვალის დახამხამებაში და გრძელი ჭოკით ბერტყვას კაცივით დაიწყებდა. მის ბალამნარაზე ვერავინ ადიოდა, ნინუცა კენწეროზე მოექცეოდა. მაგრამ მისი სტიქია გზა იყო.

ფეხით მიქროდა მეზობელი სოფლისკენ ან ავტობუსს უჩერებდნენ და ავტობუსის საფეხურზე ავარდებოდა ასაკის შეუფერებლად. ღრმა სიბერემდე შერჩა სიმარდე, სისხარტე და მოქნილობა. დილით ხევისპირის გზას რომ დაადგებოდა ტანტალ-ტანტალით, მოკლე სწრაფი ნაბიჯებით, მეზობლები უკან ღიმილით დაადევნებდნენ:

— ნაავიდა ჩვენი ვოლვო!..

სად მიდიოდა? სულ მუდამ სად მიიჩქაროდა?..

შავები ეცვა ქმრის ნაადრევად დაღუპვის გამო. ამას შვილის — გოგიას დაკარგვა დაემატა და ეცვა და ეცვა შავები. ახლომახლო სოფლების მკვიდრთ დღესაც ახსოვთ ხევისპირელი შავით მოსილი ქალი, ზოგს სახელიც კი დახსომებია — ნინუცა — და ისიც თუ როგორ დარბოდა სოფელ-სოფელ ხან ფეხით, ხან ავტობუსით; შვილის ამბავს კითხულობდა, ერთადერთ შვილს, გოგიას დაექმბდა. რუსეთის დიდ ომში უგზო-უკვლოდ დაიკარგა. ვინც კი ომიდან დაბრუნდა, ყველასთან იყო ნამყოფი — ეგებ ჩემი გოგია შეხვდათო. ნინუცას სტუმრობა არ იყო ჩვეულებრივი. კაცი ომიდან დაბრუნდა, ოჯახი გახარებულია, შენ შენი მწუხარებით არ უნდა შეანუხოო და თვითონაც ღიმილიანი და ვითომ ბედნიერი შედიოდა უცხო ოჯახში. ხელცარიელიც ხომ არ მივიდოდა მისალოცად, მიჰქონდა, რაც გააჩნდა, — ქათამი, ყველი, ხილი; შემოდგომით, როცა არაყს გამოხდიდა, ბოთლებით არაყს მიარბენინებდა. მთელმა სოფელმა და მეზობელმა სოფლებმაც უკვე იცოდნენ, რომ ერთი ახირებული, უცნაური ქალი დადიოდა სოფელ-სოფელ და ომში დაკარგულ შვილს დაექმბდა. დაბრუნებულებს,

პროზა

დაჭრილებს, დაინვალიდებულებს ახლობლები აფრთხილებდნენ: შეიძლება ასეთი და ასეთი ქალი მოვიდეს და ცუდი არაფერი უთხრაო.

ერთხელაც რაიონის გზაზე ტანტალ-ტანტალით შინისკენ მიმავალს სოფლის ავტობუსი დაენია და გაუჩერა.

— ნინუცა, ნინუცა, შენი შვილის ამბავი ჩამოიტანა ნულურეთელმა გაბოიძემო, — გამოსძახა ფანჯრიდან თანასოფელმა.

ნინუცა ავტობუსში ელდანაკრავი შემოვარდა.

— რა მითხარი, შენ შემოგიარე? — თავზე დაადგა დამძახებელს.

— ჩემი დისშვილი ჩამოვიდა გუშინ ნულურეთიდან, იმან ჩამოიტანა ამბავი: გაბოიძე ყოფილა ვილაც, იმას უნახავს.

— ნულურეთიდან? გაბოიძე?

— ჰო, ნულურეთიდან. ხომ იცი, სადაც არის ნულურეთი?

— როგორ არ ვიცი! გამიჩერე, შენ შემოგიარე, — მძლოლის კაბინას მოადგა ნინუცა.

— რა იყო, ადამიანო! ახლა ამოხვედი და... სახლში არ მიდიხარ?.. — განყრა მძლოლი და ავტობუსი გზიდან გადაიყვანა.

— შენ შემოგიარე! — უთხრა მძლოლს, ჰაერში რაღაც წრე მოხაზა, ვითომ შენ ხარ ეკლესია და მე ჩოქვით გარს გივლიო — ეს აზრი იდო იმ ხელის მოძრაობაში, თუმცა, რომ გეკითხათ, რას ნიშნავს შენი სიტყვები: „შენ შემოგიარე“ და ჰაერში მოხაზული წრეები, პასუხს ვერ მოგიგებდათ — არ იცოდა მათი მნიშვნელობა. მძლოლს მადლობა გადაუხადებო — გეტყობდათ. ასე იხდიდა მადლობას.

მზესუმზირისა და პურის ყანას საურმე გზა ჰყოფდა ერთმანეთისგან. იქ შევარდა და უმალ შეიმალა. თანასოფლელები ავტობუსის ფანჯრებიდან ცნობისმოყვარედ გასცქეროდნენ ყანებს შორის მიმქროლავ ნინუცას.

— რამდენი წლის იქნება ახლა ეს? — იკითხა ერთმა.

— ეგ და მამაჩემი ერთ კლასში, ერთ მერხზე ისხდნენ. მამაჩემი არის სამოცდაათის... იანგარიშე ახლა შენ!

— ეე, შეხედე, ჩიტვივით არის, თითქოს მიფრინავს!.. უთხარი შენ სამოცდაათის!

— ერთი გაჩერების მერე უნდა ჩამოსულიყო...

— მოკლებზე ჭრის!

ნინუცა ყანებს შორის მიჰქროდა, შავ თავსაფარს ქარი უფრიალებდა და მიმავალი ავტობუსის ფანჯრებიდან თავსაფრის ფრიალს გასცქეროდნენ, თან ნინუცაზე მსჯელობდნენ.

— ეგ გაგიჟდა, არ არის სრულ ჭკუაზე.

— ეეჰ, სხვისი ჭირი — ლობეს ჩხირიო, — ჩაერთო საუბარში თავნაკრული დედაბერი. ენას უკიდებდა, „ჩხირის“ წარმოთქმა გაუჭირდა.

— რა? ტყუილს ვამბობ? — ჰკითხა გვერდით მჯდომმა, შედარებით ახალგაზრდა ქალმა. დედაბერი ჩუმად იჯდა, თქვა ანდაზა და ამით ყველაფერი თქვა.

— შინ ტელეგრამა მოუვიდა მთავრობის დამტკიცებული: შენი შვილი უგზო-უკვლოდ დაიკარგაო — ეგ კიდევ დარბის და დარბის, მითხარი ახლა, სრულ ჭკუაზეა?..

— ჭკუის კო.. კო.. კოლოფია! — დუმილის შემდეგ მტკიცედ უთხრა დედაბერმა გვერდით მჯდომს.

— აბა, შენა ხარ! კიდევ შენსას ამბობ! — უკმაყოფილოდ გაიქნია თავი შედარებით ახალგაზრდამ და ფანჯრიდან გახედა ხევისპირის მინდვრებს.

— მა?! შენი უნდა ვთქვა? — გაიკვირვა დედაბერმა და კიდევ რაღაც ჩაილულულა გაურკვეველი და გაჩუმდნენ. ავტობუსი ხევისპირის გზაზე მიჰქროდა და მთვლემარე მგზავრები მიჰყავდა.

•

— ნინუცა ხარ, ხომ, ხევისპირელი? მობრძანდი! — ჭიშკარი გაულო გივიეს დედამ.

— კი, ნინუცა ვარ, თქვენ შემოგიარეთ!

— იცის რაღაცა... — გაულიმა გივიეს დედამ.

— თქვენ გეიხარეთ, თქვენმა ოჯახმა გეიხაროს, როგორც ახლა მე გამახარე! რაღაცა, ხომ? მაშ, ცოცხალია?! ასეც ვიცოდი!

— მობრძანდი! გადი, ძაღლო, იქით! — დაუცაცხანა ძაღლს მასპინძელმა. ნინუცას უნდოდა, ახლავე, ამწუთას ყველაფერი გაეგო თავის შვილზე, მაგრამ ასე უეცრად გამოჩენილი ძაღლი არ აძლევდა ამის ნებას. მოსული გივიეს დედის ზურგს უკან

იმალეობდა, ძალი პატრონს არ უჯერებდა და ნინუცასკენ მიიწევდა, ყეფდა შეუჩერებლად და სტუმარსა და მასპინძელს ერთად უტყევდა.

— ვინ აუშვა ეს ძალი!.. რა ამბავში ხარ, შე უპატრონო! — ქვა აიღო გივიეს დედამ და ესროლა, მაგრამ ძალი ქვა ჰაერში კბილით დაიჭირა და უფრო გაავდა. ამასობაში სახლშიც შევარდნენ, ნინუცას ათასი კითხვა პირზე შეჰყინვოდა. პირდაპირ შეიყვანეს ნაფრონტალ გივიესთან და მის საწოლთან სკამი დაუდგეს. ნინუცა მოულოდნელობისგან ადგილზე გაქვავდა — არ მოელოდა მწოლიარე გივიეს. ცალ თვალზე შავი რეზინი ჰქონდა აფარებული, ალბათ ჯერ არ მორჩენილა, თვალი ტკივაო, — იფიქრა. რაც მთავარია, მის შვილს ჰგავდა თუ მამსგავსა. სინამდვილეში არ ჰგავდა, მაშინ ასე მოეჩვენა.

— დედა, შენ შემოგიარე! როგორ ჰგავხარ ჩემს გოგიას! ნასვლამდე იცნობდი?

— არა, არ ვიცნობდი. იქ გავიცანია, ნაწილში. — ცივად უპასუხა გივიემ. — დასვი ეს ქალი სკამზე! — უთხრა დედას მკაცრად. ნინუცა დაფრთხა. უმალ დაჯდა.

— შეგანყინე, შენ შემოგიარე, განა ვერ ვხვდები, მაგრამ რა ვქნა, რაც შინიდან ნავიდა, არაფერი ვიცი...

— მეც დიდი არაფერი ვიცი! — თქვა კუმტად გივიემ და მკლავზე დაყრდნობით წამოინია, თავსასთუმალთან, სკამზე ედო საფულე და ქისა, „მახორკით“ სავსე, იქვე — გაზეთის ნაგლეჯები.

თვალში გეცემოდათ გაქათქათებული საბანი, ბალიში, ზენარი, რაც მაშინ იშვიათი მოვლენა იყო — საპონი არ იშოვებოდა!

ნინუცა იმწამს ვერაფერს ხედავდა. ეს მერე, შინ რომ წამოვიდა, მაშინ ამოუტივტივდა გონებაში. დაძაბული, გაფაციცებული მისჩერებოდა ნაფრონტალ გივიეს, ის კი არ ჩქარობდა, გულდაგულ ახვევდა „მახორკას“ გაზეთის ნაგლეჯში. ნინუცა ითმენდა, ზედმეტი შეკითხვის მიცემისა ეშინოდა, ელოდა და ელოდა... ერთი ცრემლი გადმოუგორდა, დაფრთხა რატომღაც, ცერა თითით მოინმინდა სწრაფად და კვლავ მიაშტერდა მის მხსნელს.

— ტყვედ ჩავარდა, მე ეს ვიცი! — დაიწყო თუ არა გივიემ, ნინუცამ მეტი ველარ შეიკავა თავი და,

სკამიდან თითქოს გადმოვარდაო, გივიეს საწოლის წინ მუხლებზე დაეცა, საწოლს დააცხრა და ფეხებს ეძგერა საკოცნელად; საბნის ქვეშ ფეხი რომ ვერ იპოვა, გაშრა, მაგრამ არ შეიმჩნია — საბანს, საწოლს დაუნყო კოცნა. გივიეს დედამ ნინუცა ფეხზე წამოაყენა და ისევ დასვა სკამზე.

— მტრის ზურგში გააგზავნეს მზვერავად და უკან აღარ დაბრუნებულან, სამნი იყვნენ: გოგია და ორი თათარი. ნაწილში ამბობდნენ ტყვედ ჩავარდნენო — არა, ერთი მალდავანი იყო მგონი, თათრული სახელი ერქვა — ხასანა. აი, ის ხასანა დაბრუნდა ნაწილში, ტყვეობიდან გამოიქცა, იმან მითხრა.

— მაშ, ჩემი გოგია ცოცხალია! — შესძახა ნინუცამ და გივიეს დედას შეხედა. — ვიცოდი, ასე იქნებოდა! ღმერთმა წყალობა ნუ მოგაკლოს, შვილო, და დედაშენმა შენი კარგად ყოფნით იხაროს! დამილოცინხართ, ჩემი სულის ჩამდგმელებო!.. — წამოდგა ნინუცა, პირჯვარი გამოისახა, მაღლა ქერს ახედა და ღმერთს შეევედრა: ღმერთო, შენი სახელის ქირიმე, ჩემი გოგიასავით დამიცავ ჩემი გივიე, ისიც ჩემი შვილია ამიერიდან!.. — კიდევ რალაცას ამბობდა, მაგრამ არ ისმოდა. ბუტბუტით გავიდა ოთახიდან. გივიეს დედამ გააცილა. აივანზე რომ გავიდნენ, ნინუცამ გივიეს დედას ჩურჩულით და თანაგრძნობით ჰკითხა.

— ფეხები არა აქვს?

— ცალი ფეხი და თვალი დაუკარგია, ასკოლკა მოხვედრია იქაც და იქაც — მიუგო გივიეს დედამ ჩურჩულითვე.

— მაგას დაეძებ! — მოუიაფა ნინუცამ, — ორივე არ ჰქონდეს, ოღონდ სახლში მყავდეს!..

•

დიდმა დრომ გაიარა. ნინუცამ თურმე დიდხანს იცოცხლა, ღრმა სიბერეში მთლად დაილია, ძველებურად უკვე აღარ შეეძლო სოფელ-სოფელ ტანტალი, მაგრამ შვილს მაინც დაეძებდა და დაეძებდა, ელოდა და ელოდა.

ნინუცა ახალ დროებასაც მოესწრო. საბჭოთა კავშირი ინგრეოდა, გაიხსნა საზღვრები, იცვლებოდა ყველაფერი, ნინუცა არ იცვლებოდა, შვილს

პროზა

ელოდა, „სადა ხარ, შვილო გოგია? რომელ ქვეყანაში გადახვედი?“ — ღამლამობით ღამეს ელაპარაკებოდა, გავიდოდა თვალცრემლიანი უკანა აივანზე, იქით ტყე იყო, იმ ტყეს ხავილით გასძახოდა — ბიჭო გოგია, დედა რატომ დაგავინყდაო. რცხვენოდა ამ ხავილისა, ვინმემ არ გაიგოს — ისედაც „გაგიჟდას“ ამბობენ, სულ მთლად დაასაბუთ-დაამტკიცებენო.

ხევისპირი ყრუ სოფელი იყო, მაგრამ ქვეყნის ამბები მაინც აღწევდა ნინუცას ყურამდე; საზღვარგარეთიდან ვალერიანი ჩამოვიდაო, — მოკრა ყური ავტობუსში. ვალერიანი ხევისპირელი იყო, მაგრამ სოფელში არ ჩამოდიოდა, ქალაქში ცხოვრობდა. ისიც ტყვეობაში იყო ნამყოფი. ომის შემდეგ იქ, უცხოეთში, ვაჭრობა დაუწყია, ფული უშოვია და ჩამოვიდაო — სოფელში ხმა გავარდა. ნინუცამ ქალაქს მიაშურა, მოძებნა ვალერიანი და აქ მოხდა ის, რამაც ნინუცას ცხოვრებაში ბევრი რამე შეცვალა. ვალერიანს სცოდნია ნინუცას ამბავი — შვილის სიკვდილს რომ არაფრით იჯერებდა. ტყუილი უთქვამს — იმედი ჰქონდეს, დედა, ცოდვააო — შენი შვილის ამბავი, მართალია, სხვამ მითხრა, მაგრამ ნამდვილი ამბავია: ამერიკაში ყოფილა, დაცოლშვილებულა და ბედნიერად ცხოვრობსო.

ნინუცას უგრძენია თუ მიმხვდარა, რომ ატყუებდნენ და სევდაში ჩავარდნილა, ჩაკეტილა თავისთვის და დიდხანს, დიდხანს არავის ხმას არ სცემდა თურმე.

ერთხელაც ხევისპირში დიდი თოვლი მოვიდა. ნინუცას სახლიდან მოთქმა მოისმა. მოთქმა ნინუცასგან სოფელს არ გაუკვირდებოდა! მაგრამ ამ მოთქმაში ხშირად ისმოდა: ბიჭო გოგია! დაძრულა სოფელი ნინუცას სახლისკენ. ალბათ რაღაც ახალი გაიგო უბედურმაო. ფრთხილად, მორიდებულად შესულან ნინუცასთან. ნინუცას გამოეტანა ქმრის ნიშანი: სამოსი, ფეხსაცმელი, ქუდი... ტახტზე დაულაგებია, მიჯდომოდა და დასტიროდა. როცა მისასამძიმრებლად მისულან, ნინუცას მოთქმითვე უპასუხია: გოგიას მე არ ვტირივარ, გოგია ცოცხალია; სიზმარში ვნახე, რომ ცოცხალიაო, — ამოუგმინია. გაოგნებულა სოფელი, მამაკაცებსაც კი უტირიათ.

ამ ამბის შემდეგ ნინუცა მეტად უცნაურ ყოფაში უნახავთ თანასოფლელებს: მოდიოდა თურმე ტყიდან ისიდორე მეკუთნიშვილი. ჩამოუვლია ნინუცას ჭიშკართან, ხედავს: ბლის ხეზე ასულა ნინუცა და გაყურსული ზის იქ — თითქოს შორს გაიცქერის ძალიან მაღლა ასული. გაოცებულა ისიდორე, თავის მოკვლა ხომ არ გადაწყვიტაო, — დამფრთხალა.

— ნინუცა, — შეხმინაებია. ხმას არ სცემს თურმე, დგას ბლის მსხვილ ტოტზე და სოფელს გასცქერის. „რა უნდა, ნეტავი,“ ფიქრობს ისიდორე და ბლის ხეს გარს უვლის.

— ნინუცა, ვერ ჩამოდიხარ? კიბეს მოგიტან ახლავე! — დაფაცურებულა ისიდორე.

— არ მინდა კიბე! — დაუძახია ნინუცას და ნელა დაშვებულა ძირს. ქოშინ-ქოშინით ჩამოვიდა, სულს ძლივს იბრუნებდა, იქვე, დიდ ქვაზე ჩამოჯდა და დაისვენა.

— რატომ ახვედი, ნინუცა, ამ ხეზე, პატარა გოგო კი არა ხარ! არ გეშინია, ჩანოვარდე და მოკვდე! — უთხრა ისიდორემ ღინჯად, სიგარეტი ამოიღო და გააბოლა.

— შენ შემოგიარე, ისიდორე, ნეტავ ახლა — ნინუცამ ბლის ხეს ახედა, — იქიდან ჩამოვარდნილი, აქ დაგდებული მკვდარი ვიყო!..

ნინუცა დადუმდა. ცხვირსახოცი ამოიღო და ოფლს იწმენდა შუბლიდან.

— შენ დღეს მნახე, მე სხვა დროსაც ავდივარ ამ ხეზე და ჩემს უბედურებაზე ვჩივი...

— ფიქრისთვის ადიხარ ხეზე, ადამიანო? დაეტიე მინაზე! — განაწყენდა ისიდორე, მოკიდა წალდს ხელი — ბლისთვის მიეყუდებინა — ამოიღო ილლიაში და წასვლა დააპირა.

— ჰო, კარგი, წადი! — უთხრა ნინუცამ — მადლობელი ვარ, შენ შემოგიარე! — მიაძახა უკან. ისიდორე მობრუნდა.

— რაღაცის თქმა გინდოდა?..

ნინუცა ტიროდა. გული ამოჯდომოდა, ხმას ვერ იღებდა, გულამოსკვნილი ტიროდა.

— ტირიხარ, ქალო?.. მე შენთვის გეუბნები, თორემ ადი და იჯექი ხეზე... მე რა?.. — ისიდორე გვერდით მოუჯდა, თავს ძალზე უხერხულად გრძნობდა, რა ექნა, არ იცოდა...

— გინდა, მოგიყვან პელაგიას?!
 პელაგია ნინუცას ენათესავებოდა. ისიც უბედური ქალი იყო, პირველი შვილი მოუკვდა კიბოთი, მაგრამ ვალიკომ — მეორე შვილმა იყოჩაღა და ხუთი შვილიშვილი არგუნა განგებამ. თავს მაინც არ თვლიდა ბედნიერად.

ნინუცა ტიროდა, დააპირებდა სიტყვის დაძვრას, უსკდებოდა გული — არა, არ მინდა პელაგიაო, — ვერ ამბობდა ამ სიტყვებს.

— კარგი ახლა, შედი სახლში!.. — თავზე დაადგა ისიდორე, ხელიც მოკიდა, წამოვაცენებო — იფიქრა. ნინუცამ ცრემლით სავსე თვალებით ახედა ისიდორეს, ხელით ანიშნა წადიო, ჩაკიდა თავი, გამშრალი ხელისგულები თავში წაიშინა:

— ვიტყვებ ცოტა ხანს და შევალ! — თითქოს ამოხეთქეს სიტყვებმა გულიდან. დაბნეულმა ისიდორემ კვლავ გაირჭო წაღდი ილღიაში და ნინუცას გაეცალა. არ შეეძლო ცრუ გამხნელება, ყალბი მოფერება.

— რა ვქნა, ისიდორე, — მოთქმასავით გააგრძელა ნინუცამ, თავისთვის მოთქვამდა, — ვხედავ მე უბედური, აქედან ვხედავ ჩემს შვილს მე უბედურიი... — გააგრძელა ნინუცამ.

ისიდორე კვლავ მობრუნდა, რაღაცას მეუბნება თუ ვერ მეუბნება ეს ქალიო, — იფიქრა და კვლავ დაადგა თავზე.

— მოდი მაშინ, აგერ დაჯექი, — ისიდორე კვლავ მიუჯდა გვერდით. დიდი ლოდი კი იყო, მაგრამ ოღროჩოღროდ შეექმნა ბუნებას და ძნელი დასაჯდომი იყო. ისიდორე, როგორც იქნა, მოკალათდა.

— არ დამიჯერებ მაინც! — ცრემლით სავსე თვალები მიაპყრო ისიდორეს. — ამ ხეზე ავალ, გავხედავ სოფელს და ხევისპირის აღმართზე ჩემი შვილი გამორბის, პატარა გოგია. მეხუთე კლასში იყო მაშინ, ზურგჩანთა ეკიდა და აღმართზე გახარებული ამორბოდა, მე ბალს ვუკრეფდი, სკოლიდან რომ მოვა, დავახვედრებ-მეთქი. თურმე ხუთიანი მიიღო და იმიტომ გამორბოდა დედისკენ. ა, ბლის ძირას ხომ ვართ ახლა, ახლა ვერ ვხედავ, ავალ ხეზე და გამორბის... გაგიგონია ასეთი სასწაული!..

— კარგი, ნინუცა, შედი სახლში, დამშვიდდი, ნერვიანობ შენ!

ნინუცას თავი არ აუნევიან, ქვაზე იჯდა, თითქოს იმ ქვას მიაქვავდაო. ისიდორე კარგა ხანს

ადგა თავზე. ბოლოს წავიდა, უკან-უკან ყურებით მიდიოდა, ნინუცა ეგებ წამოდგეს და შინ შევიდესო. არ წამომდგარა ნინუცა.

•
 ისიდორე სოფელში რომ ჩამოვიდა, პირდაპირ პელაგიას მიადგა.

— პელაგო! — დაუძახა შორიდან.

— მობრძანდი, ისიდორე, — შინიდანვე გამოსძახა და ხელად გამოვიდა აივანზე ტურნების წმენდით. ისიდორე ჩუმად იდგა ჭიშკართან, პელაგია მრავალსიტყვიერებდა და მოდიოდა.

— დედა, შენისთანა სასურველი სტუმარი!.. ნეტავ ჩემი ვალიკო იყოს ახლა სახლში... შემოდი მაინც, ჭიშკართან რას უდგახარ, ადამიანო!..

— პელაგო, საქმე მაქვს შენთან! აგერ სკამეიკა, აქ ჯობია. დავჯდეთ აქ! — თქვა ისიდორემ და, ვიდრე პელაგია ჭიშკარში გადავიდოდა, თვითონ დაჯდა ძელსკამზე, რაც საგანგებოდ დაეჭედა ოჯახის პატრონს ასეთი შემთხვევისთვის.

— ჭიშკართან რა საკადრისია, ისიდორე, შენ რა, უცხო ხარ?

— ჩუმად! შენები შინ არიან? — ხმადაბლა უთხრა.

— არავინ არ არის, რძალი და ბავშვებია...

— აგერ დაჯექი! ახლა მოვდივარ ტყიდან! გამოვიარე ნინუცას სახლთან...

— მოკვდა?! — შესძახა პელაგომ და უცებ გადაფითრდა, ტურნზე ხელს იფარებდა.

— არავინ მომკვდარა! რა იყო, შე ქალო! უჰ! — უთხრა. მოკიდა ხელი პელაგიას და გვერდით მოისვა, — ნუ ყვირიხარ, ნუ შემიყარე მეზობლები!.. საჩუმათო საქმეა...

— თქვი, რა იყო!..

— ნინუცა არ მომწონს, ძალიან დაბერდა ამ ბოლო დროს. არავინ არა ჰყავს ნათესაობა, რომ წაიყვანონ თბილისში, ექიმს ანახონ?..

— რა ჭირს საექიმო! რაო, რამე გითხრა!

— არა, არაფერი უთქვამს, მაგრამ არ არის ძველებურად. ხომ გახსოვს, დაჰქროდა სოფელ-სოფელ, რა მკვირცხლი და მარჯვე იყო!..

— მერე?..

— ახლა შინიდან არ გამოდის, წელში მოიხარა...

— ნელში მოიხარა! მითხარი ახალი ამბავი! მა-
მიდაჩვენი სოფიო — შენ არ გახსოვს, ბავშვი ხარ!
სხვებს ახსოვთ ამ სოფელში, სულ მუდამ ნელში
მოხრილი იყო, მაგრამ იმდენი ხანი იცოცხლა, ას
ცხრა წლის რომ იყო, მაშინ გადაუღეს კინო!..

— პელაგო, მომისმინე, არ მინდოდა მეთქვა,
მაგრამ... ხეზე იყო გასული და ძლივს ჩამოვიყვანე
ხიდან.

— ხეზე? — დაეჭვდა პელაგია. — რა უნდოდა
ხეზე ამ ზამთარში?

— ოო, მეც მაგას ვჩივი, რა უნდოდა?.. იქიდან
ჩემს შვილს ვხედავო, — ასე მითხრა, — გოგიას,
ორმოცდაათი წლის წინ დაღუპულ ადამიანს.

— გოგიას ვხედავ ხიდანო?.. — კიდევ უფრო
დაიბნა პელაგია, — გააყოლა ჭკუა ალბათ თავის
გოგიას. აბა, რა იქნება! ორმოცდაათი წელიწადი
ელოდო ადამიანს, გაგიგონია! აიჩემა და აიჩემა
— ცოცხალიაო. აა, შედეგი! რა ვქნათ ახლა, ისი-
დორე, მართლა შევატყობინოთ ნათესავებს. ჰყავს
მაგას მაზლიშვილი — აკადემიკოსია, დეიდაშვილის
შვილი ცნობილი ადამიანია კიდევ, სხვები ბევრნი
არიან კიდევ, ზოგი თბილისში, ზოგი სხვაგან. შევა-
ტყობინო?..

— შეატყობინო, თორემ გამოიქცევიან — ყვე-
ლას თავისი გასაჭირი აქვს, თავისი ცხოვრება.....
ჯერ ნინუცასთან მივიდეთ მე, შენ, კიდევ ვინ არიან?
ლუკა, ივანე — ბიძაშვილები! კიდევ, კიდევ...

— არ გვინდა ამდენი ხალხი, მე და შენ მივიდეთ
და ვკითხოთ, ნათესავებს შევატყობინოთ თუ არა.

— უარს გვეტყვის! კიდო ავა ის იმ ხეზე, ჩამო-
ვარდება და მოკვდება... ერთად, მთელი სოფელი
მივიდეთ და მოერიდება.

— არ იზამს, არა! — ხელები გაასავსავა პელა-
გიამ, — იყვნენ აქ ჩამოსულები მისიანები, მაგრამ
არ წაყვა.

— მე ჩემი გითხარი და... — წამოდგა ისიდორე.
— მოკვდება ის იქ უპატრონოდ, მგელი შეჭამს.
სოფლის სირცხვილია...

•
პელაგია ისიდორეს წასვლის შემდეგ ძალზე
დაფიქრდა. „არ მითხრა, შენი სირცხვილი იქნე-
ბაო“. მართალია, გარეობიდაშვილის რძალი ეთქ-

მოდა, მაგრამ ყველაზე ახლობელი ნინუცასთვის
მანც პელაგია იყო. ადგა და წავიდა ნინუცასთან.
ერთი ქილა მარწყვის მურაბა ჰქონდა გადანახუ-
ლი ასეთი შემთხვევისთვის, გაახვია გაზეთში და
წავიდა. შორს კი არ იყო, მაგრამ აღმართ-აღმართ
უნდა ევლო და აღმართზე ასვლა უჭირდა — პელა-
გიაც არ იყო ახალგაზრდა. მართალია, ნინუცასთან
შედარებით ბავშვი იყო, მაგრამ წლებს მისთვისაც
დაესვა თავისი დაღი.

ამოათავა აღმართი, გული ამოუჯდა, შეისვენა,
გახედა ნინუცას სახლს, რას ხედავს: ა, აგერ, ბლის
ხეზე ჩიტივით ზის ნინუცა.

— რა გინდა ამ ხეზე, შე ჩემი ცოდვით სავსე! —
შესძახა და ნაბიჯს უჩქარა, მიიბრინა ნინუცას ჭიშ-
კართან, შეალო, მიიჭრა ბლის ხესთან, იმის ძირას
დაჯდა ქოშინ-ქოშინით.

— ჩემი სიკვდილი! ჩემი სიკვდილი!.. — მუხლე-
ბზე დაიტყაპუნა ხელები, ტირილი მორთო, მერე
ზევით ალაპყრო ცრემლიანი თვალები და ნინუცას
შესძახა:

— რა გინდა, ნინუცა ძალო, ამ ზამთარში ხეზე!
დედა, დედა, მოგვეჭრა თავი მთელ ქვეყანაზე!.. ქე
მანც ფრთხილად ჩამოდი! — ასძახა ზევით.

ნინუცა ნელა შეირხა, ნელ-ნელა ადგამდა ტო-
ტებს ფეხს და ძირს ეშვებოდა. არაფერი უთქვამს
პელაგოსთვის საპასუხოდ. ამჯერად ბლის ხეზე
კიბეც მიედგა და უფრო თავისუფლად ჩამოვიდა.

— რა ვქნა, პელაგო, არ გამამტყუნოთ, თქვენ
შემოგიარეთ, იქ არის ჩემი სული, იქიდან ვხედავ
ჩემს შვილს, — ჩამოვიდა თუ არა, უთხრა პელა-
გიას.

— როგორ „ხედავ?“ ორმოცდაათი წელიწადი
გავიდა, ნინუცა ძალო! არ გრცხვენია! რას ხედავ
აქედან; აბა, ერთი მე შევხედო!.. — პელაგო კიბეზე
შედგა, ერთი-ორი საფეხური ააბიჯა და შეჩერდა.

— მეც გადამრია ამ ქალმა! — თქვა და უცებ
დაეშვა. — იცი, რას ამბობენ სოფელში შენზე?

— ვიცი, პელაგო, თქვენ შემოგიარეთ; ყველას
გლოცავთ, ვინც ცუდს ამბობს და ვინც კარგს ამ-
ბობს. მოდი აგერ, დავესხდეთ და მომისმინე, ეგებ
გამიგო.

— სად უნდა დაჯდე, ქა! სულ მთლად გატყუი-
დი? ცივა, ზამთარია, ქვაზე რა დამაჯენს! შევიდეთ
სახლში!

— შევიდეთ, გაგახარა ღმერთმა. რა ვიცი, ჩემთან არავინ შემოდის, შენ შემოგიარე, პელაგო, ყოველთვის მეიმედებოდი და მართალი ვყოფილვარ! — ნინუცა ნინ გაუძღვა სტუმარს და სახლში შევიდნენ.

პელაგომ გაზეთში გახვეულ მარწყვის მურაბას გაზეთი შემოაცალა და, ზალაში რომ შევიდნენ, მაგიდაზე დაუდო.

— რატომ ნუხდებოდი, პელაგო, შენ შემოგიარე, ბავშვებს რატომ მოაკელი. მე ამას არ ვჭამ, შენ ხომ მაინც იცი?

— რომ ვიცი, იმიტომ მოგიტანე, დამთავრდა გლოვა დიდი ხანია! ახლა ამქვეყანას უნდა დაუბრუნდე...

— არა, პელაგო, მე მურაბა ვჭამო და ჩემმა შვილმა მინა ჭამოს! პური და წყალია ჩემი საჭმელი დიდი ხანია და ასე იქნება ბოლომდე. ეს ბავშვებს ნაუღე, თუ გიყვარდე, თუ ჩემი ხათრი გაქვს ოდნავ...

— ნინუცა ძალო! — გამოართვა ქილა პელაგომ, — ეგება ამ სიბერეში ცოტა ნერვები გღალატობს, მკურნალობა გჭირდება. ერვენე ექიმს, რა უჭირს. შევატყობინებ შენებს, ჩამოვლენ და ნაგიყვანენ.

— იყო რევაზი — ხომ იცი, დიდი კაცია ახლა თბილისში, არ ნავედი... რაც უფრო ჩქარა მოვკვდები, მით უკეთესია ჩემთვის, მალე ვნახავ ჩემს შვილს... თავის მოკვლის მეშინია, — სამუდამოდ დავკარგავ გოგიას სულს.

— კარგი რა, ნინუცა ძალო, ეგება მართლა ამერიკაშია, მართალი გითხრა იმ კაცმა და შენ კი გგონია, მოგატყუეს. დაცოლშვილებულია, ბედნიერად ცხოვრობს, შენ კი აქ იტანჯები.

— ჰო, შენ შემოგიარე, ხანდახან მეც კი ვფიქრობ მასე...

— ჰოდა, ცოცხალი ადამიანის გლოვა, ხომ იცი, რომ არ შეიძლება, აკრძალულია...

— ჩემს შვილს მე არ ვგლოვობ, ვგლოვობდი ქმარს, დედას, მამას, ძმას. აგერ შეხედე, ამათ ვგლოვობდი და ვგლოვობ დღესაც, გოგიას კი ველოდები. — ნინუცამ კედლისკენ მიახედა პელაგია. პელაგია წამოდგა, ეს სურათები არაერთგზის ენახა, მაგრამ გოგიას სურათი აინტერესებდა. გადიდებული სურათები მუზეუმივით ეკიდა კე-

დელზე. პელაგია მივიდა და გოგიას სურათს დააცქერდა, დავინწყნოდა კიდეც მისი სახე. ნინუცამ სურათი ჩამოხსნა, გულში ჩაიხუტა და მაგიდისკენ წამოიღო.

— ა, ასეთი იყო, ჯარში რომ წაიყვანეს, მოუკვდა დედა. ახლა დავაჟაკცებული იქნება, ცოტა ჭალა-რაშერთულიც, შეიძლება შვილიშვილებიც ჰყავს, ხომ, შენ შემოგიარე! — სურათი მაგიდაზე დადო და ორივენი დააჩერდნენ.

— შეიძლება შვილიშვილიც კი გყავს ამერიკელი! — უთხრა პელაგომ და გაულიმა, ეგება ამქვეყნისკენ შემოვაბრუნოო, — სიცოცხლის ბოლომდე უნდა დაელოდო, ნინუცა! ყოფილა ასეთი შემთხვევაც.

პელაგია ტყუოდა, მაგრამ იგრძნო, რომ ეს ტყუილი აქ საჭირო იყო. რა თქმა უნდა, არ სწამდა, რასაც ამბობდა, მაგრამ სხვანაირად ვერ შეამზადებდა ნინუცას, რის სათქმელადაც მოსულიყო.

— ველოდები, სხვა რა დამრჩენია, — ნაღვლიანად თქვა ნინუცამ.

— ჰოდა, წამოდი ჩემთან, ამისთვის ვარ ამოსული. ერთ ოთახს დაგიტოვობთ. გავიჭირვებთ ცოტას, ვიცხოვროთ ერთად და გოგიას ერთად დაველოდოთ.

— რას ამბობ! — გაიკვირვა ნინუცამ. — შენ შემოგიარე! ჩემი საიმედო სისხლი და ხორცი იყავი ყოველთვის და შენგან მე ეს არ მიკვირს, მაგრამ მე ამ სახლ-კარს ვერ მივატოვებ. ყოველდღე იმ ბლის ხეზე რომ არ ავიდე, ვერ მოვისვენებ. იქიდან გავხედავ, შენ რომ ამოიარე იმ აღმართზე, გამორბის ყოველთვის ჩემი საყვარელი ბიჭი, ჩემი თმაქოჩორა ბიჭი, იმას შემოვევლე, იმას შემოვუარე, იმისთვის ვცოცხლობ, აი, ის... ის ლანდი რომ ვნახო...

— სწორედ ეს არ შეიძლება. ახალგაზრდობაში ხიდან ხეზე რომ დაფრინავდი, ის დრო ნავიდა, ჩამოვარდები და მოკვდები. სიკვდილი სიკვდილია, მაგრამ ჩვენ, სოფელი, ამას ხომ ვერ გავიგებთ — მოვა მგელი და შეგჭამს. სირცხვილია, უპატრონოდ ხომ არ გადაეგები?!

— პელაგო, შენ შემოგიარე, ახლა შენ რომ ნახვალ, მე იმ ხეზე უნდა ავიდე იმიტომ, რომ აღმართზე როგორც კი შენ გამოჩნდი, ის — ჩემი

პროზა

პატარა გოგია, ზურგჩანთააკიდებული, გამიქრა და ხეზე ტყვილა ვიჯექი.

პელაგიამ იცოდა ნინუცას ბუნება, ის არავის დაემორჩილებოდა, ყურს არავის დაუგდებდა, მაგრამ მაინც ამოვიდა და კეთილი გულით შესთავაზა სამსახური.

— არ ვიცი, ნინუცა ძალო, მე სოფლის მრცხვე-ნია და იმიტომ ამოვედი, თორემ განა არ ვიცი შენი ამბავი...

ეზოში რომ ჩავიდნენ, პელაგიამ ერთხელაც ახელა ბლის ხეს და შეიცხადა:

— დედა, დედა, დედა, როგორ ადიხარ ამხელა ხეზე!..

ამ ამბის შემდეგ ზამთარმა იძალა. ჯერ წვიმიან-მა დღეებმა შეანუხა სოფელი, შემდეგ თოვლმა და ყინვამ. ნინუცა დიდხანს არ გამოსულა სახლიდან. შიგნით მოთქვამდა და შინმოუსვლელ შვილთან საუბრობდა მარტოკა თოვლსა და ყინვაში. სოფელში ეგონათ, ისიდორეს და პელაგოს საუბარმა გაჭრაო და დამშვიდდნენ, დანყნარდნენ. ხანდახან თუ გაიგონებდნენ ნინუცას მოთქმას, არაუშავდა — იყოს უბედური დედა, გული მოიოხოსო.

გაზაფხულზე, როგორც კი დარები დაიჭირა, ნინუცა ისევ ნახეს ხეზე ასული. ისევ დაიწყო მითქმა-მოთქმა. შენუხდა სოფელი. დათქვეს ადგილი, შეიკრიბნენ და ერთად მიადგნენ ჭიშკარზე.

გაზაფხულის მზიანი, თბილი დღე იყო. ნინუცას ეზო-მიდამოში ჩამიჩუმი არ ისმოდა.

— ა, ხალხნო, ამ ხეზე ადის, — ხელით უჩვენებდა ისიდორე მეზობლებს ბლის ხეს. — შეხედეთ კარგად? შაში რომ ზის ახლა, ხომ ხედავთ? ა, იქ იჯდა. ასი წლის დედაბერი ამ სიმაღლეზე რომ ავა!..

— ასი წლის არ არის! — დაუძახა ვილაცამ ხალხიდან.

— არც არაფერი უკლია! — უპასუხა ისიდორემ.

— ნინუცა ძალო! — დაუძახა პელაგიამ.

სამარისებურმა სიჩუმემ უპასუხა დამძახებელს.

— არ არის სახლში! ამდენი ხალხი კარზე რომ მოვადექით, ვერ დაგვინახა?

— ნინუცა ძალო! — დაიძახა პელაგიამ და ხალხს მიუბრუნდა, — შევიდეთ, ცუდის ნიშანია!..

— ნინუცა ძალო! — ახლა კაცებმა დაუძახეს უფრო ხმამაღლა — ეგება ძინავსო.

ნინუცას არც ძალღიჟა, არც კატა, არც ფრინველ-ქათამ-საქონელი — განყვიტა, გოგიას მოსვლამდე არაფერი მჭირდებო. იყო ასე კარგამოკეტილი. კარს მაშინ გავაღებ, როცა გოგია ჩამოვაო. ვიდრე ხალხი ეზოში შემოვიდოდა, პელაგია კიბეზე ავარდა — სახლის კარი ღია იყო.

— ნინუცა! — დაიძახა სასონარკვეთილმა და „ხალაში“ შეიხედა — არავინ იყო. სწრაფად შეიჭრა სხვა ოთახებში — არავინ იყო. „თავი მოიკლა“, გაუელვა და სახლის უკანა კარიდან გამოვარდა. „არ არის!“ — გასძახა ეზოში შემოკრებილ ხალხს და ბოსლის კარს მიაშურა. თავის დროზე გომიც ჰქონდა ნინუცას და ძროხაც ეწველებოდა, ახლა ყველაფერი გავერანებული იყო. შეიხედა კარჩამოვარდნილ გომში — იქაც არავინ იყო.

— არც მკვდარია და არც ცოცხალი! — ამოიგმინა პელაგიამ და ტირილი მორთო. — ვიცოდი, ასე იქნებოდა, — კიბის საფეხურზე დაეშვა, ჩამოჯდა, ცხვირსახოცით იმშრალებდა თვალებს.

— მოიცა, პელაგო, ტირილს მოესწრები!.. ეგება სადმე წავიდა? — უთხრა ისიდორემ და სახლში შევიდა, რამდენიმე კაციც შეჰყვა. კარგად დაათვალიერეს ოთახები, საწოლი, ყოველი კუთხე-კუნჭული, კარადა-განჯინაშიც კი შეიხედეს; მაგიდები დაათვალიერეს, ეგებ წერილი დატოვაო.

სახლიდან რომ გამოვიდნენ, ისიდორემ პელაგიას ჰკითხა:

— კარი ღია იყო, ხომ?

— კი, ღია იყო, ესე იგი; აქ არის სადღაც. სხვაგან, სხვა სოფელში ან ქალაქში რომ წასულიყო, კარს არ დატოვებდა ღიად...

ჯერ ახლო მდებარე ტყეს მოედგნენ. ათვალიერებდნენ ყოველ ხეს, ბუჩქს. თანდათან ჯგუფ-ჯგუფად დაიშალნენ, შორს, ძალიან შორს შევიდნენ ტყეში, ვილაცამ თქვა: ტყეში ძებნას აზრი არა აქვს, ნათესავებს შევატყობინოთო.

ამოვიდნენ ტყიდან, კვლავ ნინუცას ეზოში მოიყარეს თავი და აქ გადაწყდა, შეეტყობინებინათ ნათესავებისთვის. ნინუცა საეჭვოდ იყო გამქრალი.

ცისკა

შეატყობინეს მილიციას, თბილისიდან ბაზიერი (კინოლოგი) წამოიყვანეს განვრთნილი ძალებით, გამოაცხადეს შორმხედში (ტელევიზორი) და მთელი ერთი თვე ეძებდნენ...

დამწუხრებული იყო მთელი სოფელი, ჩამოსულებიც და დამხვედრნიც ერთი აზრით იყვნენ გამსჭვალულნი — უპატრონობით დაილუპაო.

ნინუცას სიკვდილი არავის გააკვირვებდა, დალეული, გამხდარ-დამჭკნარი დედაბერი უნდა გარდაცვლილიყო, მაგრამ სად იყო ცხედარი!

ამ დროს მოხდა მეტად უცნაური რამ, რისთვისაც დაინერა ეს მოთხრობა. ერთხელ მაძებრები — ჩამოსულები და დამხვედრნი — ტყიდან უიმედოდ დაბრუნდნენ, ბოლოს და ბოლოს ხელი ჩაიქნიეს, — არ არის და რა ვქნათო. ნინუცას სახლის აივანზე გაშალეს სუფრა, დასხდნენ და უხმოდ ისადილეს, თითო ჭიქასაც წაუქციეს თავი. მშვირებს ღვინო უცებ მოეკიდათ. ადამიანი მაინც ადამიანია, რაც უნდა დამწუხრებული იყოს, ადამიანური ცხოვრების გაგრძელება სურს, საუბარი უნდა, თანამეინახისთვის გულის გადაშლა, მაგრამ არავინ ხმას არ იღებდა. ისხდნენ და ჩუმად ჭამდნენ, სვამდნენ, სადღეგრძელოებსაც კი ძალზე მოკლედ ამბობდნენ. მთელი ამ ხნის განმავლობაში ბლის ხიდან მოისმოდა შაშვის გალობა. ერთმა ახალგაზრდამ ვერ მოითმინა, დუმილი დაარღვია და იხუმრა:

— შეხედეთ, აი, ის შაშვი, ჩვენ პირველად აქ რომ ამოვედით, იმ ხეზე იჯდა, ახლაც იქ ზის და გალობს, ჩვენი ნინუცა ჩიტად ხომ არ გადაიქცაო?

— ჩიტად კი არა! — განრისხდა ისიდორე. — შეიძლება აქ ასეთი ხუმრობა! — თქვა მკაცრად და ნათესავეებს შეხედა.

სიჩუმე ჩამოვარდა. ჩუმადვე წამოიშალნენ სუფრიდან. დანა პირს არ უხსნიდათ. სხვა რა გზა იყო, სახლებში უნდა წასულიყვნენ.

ნინუცას სახლის აივანზე უცნაური ხუმრობის ამბავი მთელ სოფელს მოედო. ზოგმა ისიც კი თქვა: გაიხსენეთ, ნინუცა სიბერეში მართლა შაშვს ჰგავდაო. სისულელეს თავი დაანებეთ, ჩამოვარდა ალბათ ბლის ხიდან და მგელმა შეჭამა, რას მიედ-

მოედებითო. მგელი კაბას და ფეხსაცმელს არ ჭამს, იქვე დაგვიტოვებდაო, — უპასუხეს.

თბილისი ნინუცას ძიებას კვლავაც განაგრძობდა. ხევისპირიც არ იყო უიმედოდ, ეგებ თავისით დაბრუნდესო. ხანდახან ააკითხავდნენ და ნინუცას კარ-მიდამოს დაათვალიერებდნენ. ყოველ მისვლაზე ნინუცას აივანზე შაშვი იჯდა და გალობდა — ან ხეზე იჯდა ის შაშვი, ან სახლის სახურავზე. გაიყურსებოდნენ და უსმენდნენ შაშვის გალობას — თითქოს მართლა ნინუცას ხმას გამოსცემდა: „შვილო გოგია!..“ „შვილო გოგია!..“

პირველ ხანებში ამ ამბის მთხრობელთ ყურს არავინ უგდებდა.

— შაშვმა იცის სახლ-კარის ამორჩევა და მიჩვევა. — რა, ეზოს შაშვები გინახავთო? — ერთმანეთს ეუბნებოდნენ, მაგრამ ჩუმ-ჩუმად, როცა ტყისკენ გზას დაადგებოდნენ, ნინუცას სახლში შეივლიდნენ და იმ შაშვს უსმენდნენ, ნამდვილად „შვილო გოგიას“ გალობსო დაასკვნიდნენ.

ეგებ მართლა შაშვი გალობს „შვილო გოგიას“, ეგებ ეს შაშვები მარტო ხევისპირში კი არა, მთელ ქვეყანაზე ომში წასული გმირი ბიჭების მომლოდინე დედებია — შაშვებში ჩაცმული მგლოვიარე დედები მართლაც ჰგვანან შაშვებს და შაშვებზე ჰგვანან მგლოვიარე დედებს.

ვინ იცის, ეგებ მართლა შაშვი გალობს „შვილო გოგიას...“

დიდი აკაკის წყალობით მთელმა საქართველომ იცის, რომ „შვილო გოგიას“ მოლაღური გალობს, ხევისპირში კიდევ წარბეზრულად გეტყვიან შაშვი გალობსო. თუ აკაკის სახელს მოიშველიებთ და ნიგნის ენით დაუნყებთ მტკიცებას, უკან დაიხვევენ: შეიძლება სხვაგან მოლაღური გალობს, მაგრამ ჩვენთან, ხევისპირში, ნინუცას სახლის ეზო-მიდამოში ნამდვილად შაშვი გალობსო. ნაგიყვანენ, მოგასმენინებენ — იქ, ნინუცას ყოფილ ეზოში, ნინუცას აივანზე, შაშვის გალობას, გაიმბობენ ნინუცას გაქრობის ნამდვილ ამბავს, გადახვალთ „შვილო გოგიას“ იდუმალ სამყაროში, იფიქრებთ, ეგებ მართლა შაშვი გალობსო...

გივი ალხაგიშვილი



ჩაბრუნებული მზერა

/თებერვლის ეპისტოლე/

...იმ ქალს რა უნდა,
ფანჯრიდან რომ გიყურებს?
ათი წელია აქ არ არის
და როგორ გიყურებს...
სად მიგაცილებს მისი მზერა?!

.....

ივსები ბინდით,
შეგატოვებს ღამის წვეთოვანს,
თოვლია შენში და შენ ფიქრობ:
შესაძლოა, ტანჯულ თვალებს ჩამოეთოვა
ამ მთა-გორებზე და არა ზეცას,
ამინდის ნაცვლად მტკივნეული ჟამი ფეიქრობს,
გადაათეთრა შენი თვალები
და ჰორიზონტის ყულფი შეიკრა...

ხვალამდე დროა,
ელოდები სისხლნაკლულ დონორს —
იანვრის მზეს — და ეფიცები ნუთს მოსალოდნელს,
უღიმი მედდას,

ჩალურჯებულ ვენას უჩვენებ,
როგორც მკლავზე ამოსულ იას,
და გიხარია, დღეს რომ ტკივილს გაგიყუჩებენ.

რა საგრძნობია, რომ აქ ვილაც დადის უჩუმრად
და შორიანლო ისევ ეთრევა,
სწორედ აქ, სადაც სიყვარულია,
და, რაც გასავლელ დღეებს გამსჭვალავს,
ტკივილის მზეა,
შიშის ხმაა და სიმკვეთრეა.

ვერ იმალები ვერც სიტყვაში და ვერც დუმილში,
ალარც ღიმილში დარჩენილა შენი ადგილი,
ალარც ხმაში
და, თუ მიაღწევ მხოლოდ კვნესამდე,
და მთელი ღამე ისე გმარცვლავს წამოკვნესები,
თითქოს ხსოვნაში ატკივებულ ნუთებს თესავდე.

უცნობი ხედი ფანჯრებიდან და უცაბედი
ფიქრის სიმწარე,
თავის დახრა და არიდება
თვალის, რომელიც კარგავს დასაყრდენს
და ჩაბრუნდება თავის სიღრმეში,
რომ თავდაპირველ ბინდში დასახლდე.

13.2.2010

•

ჩვენ აგვერია დღე-ღამეები
და ვერთვით დროის უდაბურებას,
ალარ მათეყვებს, რა მიჩვენია,
შენთან ყოფნა თუ შინ დაბრუნება.

მახსოვხარ, ახლაც შენთან ღამდება
და გათენებაც შენთან იწყება,
რას ვიფიქრებდი, რომ ეს სიცოცხლე
არ ეყოფოდა შენს დავინწყებას.

7.3.2010

ბასეირნება მარტის ჭალაში

ზურგს შეაქცევ და თვალნი ჩნდება,
თვალზე ხელისგულს აიფარებ —
იქიდანაც ამოიხედავს,
თითქოს აქვეა,
თან ყველგანაა...

სახით კედელს აეკვრები,
იქნებ თვალი მიაღვენო
მის უხილავ მოძრაობას,
ვინც არ გტოვებს,
ვერ გიმეტებს სიმარტოვისთვის,
მეჩხერ ჭალაში რომ დასეირნობ,
სადაც მხოლოდ ნაცნობი შინდი აყვავებულია
და მასაც ისე ეთამაშება მარტის ნიავი,
რომ ლამის სადღაც გაიტყუოს —

შენს თვალბში,
როგორც მარტის ნაკვალევში,
ცა ირეკლება
და სამყაროს გულის რეჩხივით
გადაირბენს ჭექა-ქუხილი
და იქიდანაც ის იხედება?!

ცის ყველა წვეთი
მხოლოდ მისი თვალბით გიმზერს,
ვინც გულში გიზის
და გარე-გარე ვის დაეძებ?!

შენ კი არა, ის ცოცხლობს შენში.

9.3.2010

•
მადლობელი ხარ იმ დღეების,
იმ ღამეების,
ხანდახან ნატრობ მათ სიახლოვეს,
მაშინდელ ჩურჩულს, სუნთქვასავით რომ გამოები,
რომ შეაგუბე
და ჩავლილი დრო შეაყოვნე —

მხოლოდ სიტყვაში,
 ტკივილი რომ გექცა კრისტალად,
 მიხვდი, რომ ყველა სხივში ქრისტეა,
 და შენ ყველაფერს გულით უყურებ,
 დარდობ უნდობარ დროის შვილებზე
 და ეჭვით უმზერ ამ საუკუნეს...

30.3.2010.

ზღვართან...

ჩვენ ველარავის დავივინყებთ,
 დრომ დაგვივინყა
 და აღარ გვყოფნის აღარავის დასავინყებლად
 ანმყო, რომელიც თითქოს გვექონდა,
 თითქმის არა გვაქვს
 და უდროობის ბუნდოვანი უამი იწყება,
 როდესაც ხსოვნა უბრუნდება ნაცნობ ადგილებს
 და ჩვენზე ისევ საუბრობენ ძველი საგნები,
 და გადაფურცლავთ ჩვენივე თავს და მერამდენე
 შემოდგომაა, ამ ქალაქში რომ გზის გაგნება
 ვერავინ შეძლო
 და უაზროდ დაფუსფუსებენ
 ფიქრიდან ფიქრში და ფოთლები მიმოფანტული
 ეძებენ თვალებს
 და მოხუცი წყვილი თავს იქცევს
 თხრობით
 და თხრობა — გულღია და ინფანტილური —
 გაბზარულ ტემბრში გადამალავს არეულ რიტმებს,
 თვალის სიღრმეში ჩაბჟუტავს ღიმილს
 და ატკივებულ სიცოცხლეს ითმენს...

2009

ნაცა უაბადა



ჯერ ხეები, მდინარეები, ქვები. ჩვენც

ივლისი. გაჩვილდა შემოდგომა.—
— ჯერ ჩვენ — შრიალებენ ტანწვრილი ნეკერჩხლები.
ქვებიც, დათლილები, დგანან, გედარაჯობენ.

ასე ჩამოქანცულ დილას ამ ზაფხულის
გვერდი ავუარე, ალვას ავაცქერდი.
თავი მონინებით მერე დაეუხარე,
მე ხომ ისევ მახსოვს
შუა ბავშვობაში ხევთან მდგარი ალვა,
უყვავილო, ფოთოლს ათი ათასს ერთხმად ამტკვერებს,
მამის განრისხებულ გულს რომ გააყოლოს:
ერთი. დაკვრა.
მეორეც. აცდეს გოგოს ცრემლი.
ცულსა ცუნცულასა ტარი გადაუტყდეს.

ქვები?!
პაპის ძალას ქვები აწონიდნენ. თავს აიმჩვილებდნენ.
როცა გნამს, ისევ მოგყვება ჯანი და
ქვებსაც გადაზიდავ ბალიდან ეზოში —
ესე იგი, ცოცხლობ.

აქ: მშიერი ლეკვივით ავეკარი
 მღვრიე მდინარის დამშრალ კალაპოტს.
 იქ: დედაჩემი უეცრად გამიბავშვდა,
 ჯიუტად მოითხოვს ტკბილეულს, გასართობს.
 უკბილო — მხედავს და გულლიად იცინის —
 მე უნდა ვიშვილო!

ტანით ვგრძნობ:
 ივლისი. ჩვილდება შემოდგომა.
 მორჩილად ჩაბრუნების უსულო მდგომთა
 ინყება სპექტაკლი ჩვენთვის —
 სულიერთა გადაღლილ არსებების,
 ადამის ცოდვიან მოდგმა-ჯილაგისთვის.

მზე გადავიდა უნს ბამო

მზე ბუნიაობს. მზე შუბის ტარზე. მზე გადატყდა
 თუ სხივები ხმება. დროს რიტუალის
 წამით თვალეში გიწვენ გათანგულს.
 განდი დამშრალა, ცეცხლი ჩანაცრდა.
 — მაგრამ ეს ახლა აღარც კი მახსოვს,
 ჩემი ქმარი დღეს ცოცხალია.

ადრე კი, წინათ, ქვრივისთვის სარის
 ვინ შეკერავდა თეთრსა, საამოს.
 ეთერზეთებით ტანის განბანვა,
 ველურ ყაყაჩოს დამათრობელი წვენი
 უზომოდ. თრობაა ამო.
 სუნთქვა დაფქული ჰაშიშით —
 სუნი ჯერ კიდევ მახსოვს — სუნელია,
 ვამატებდი ტკბილ თაფლის ღვეზელს,
 სახლში რომ გყავდი.

ახლა კი დართულ, უხანოდ წასულ
 სიყვარულს, სწამთ რომ, დამავიწყებენ.
 მაშინ, როდესაც მერქვა ინდი, შენ დაგიქვრივდი.
 გურუ.
 — რა საბრალთა — ამბობდა ჩემზე მოხუცი ქალი,
 სხვა სოფლის მკვიდრი.
 მე კი ნახევრად გაბანგული, გულში ჩვენს ბუდას,

ათასხელიანს, აღვუვლენდი ჰიმნებს:
წყალობას ამგვარს ველოდით შენგან,
უფალო.
მპოხავენ გრილი ნელსაცხებლებით,
მიშლიან თმას და ფეხს მიშიშვლებენ,
მოხობავენ
ვერ დაგვიშლიან
ერთი გაკვრა
ერთად
აბრიალება
ყოფნას,
ენები
ცეცხლის მილოკავენ ყავისფერ სხეულს,
გორგონასავით ვიკლაკნები უნმინდური ვინვები, მაინც...
მხოლოდ შენ გხედავ. მათ რა იციან, ნაცრად მინას აგეზილები.
ესეც შერწყმა. ერთად ვნვებით. მათ არ იციან.

ეს იყო ადრე.
მზე გადავიდა, მზე გადავიდა, მზე გალღვა ზღვაში.
ხელის აქნევით აბეზარ ფიქრს მოვიშორებ, — კარს გაგიღებ.
ოღონდაც მოდი. ადრესატი დღეს უცვლელია.
— ნახე სარკეში, შუბლზე ხალივით მუქი ლაქა გაქვს.
— იმ დროს, როდესაც დამწვეს შენს გამო.

თვითმკვლელთა გალობა

*Soon, soon the flesh
The grave cave ate will be
At home on me
And I a smiling woman.
I am only thirty.
And like the cat I have nine times to die.*

Sylvia Plath

ჰეი, ტედ...
ეს მე ვარ, შენი პატარა
გარეული გედი. კეთროვანი.
ისე სხვაგან ვარ და ისე ცალკე
და ისე არვინ არ მეკარება,
შორიახლოს
ჩემი სიტყვები ცვივიან და იშლებიან
ათი ათასად, ჰო, არავინ მეპასუხება.
იჰ, არავინ მისწორებს ნიშნებს,

სასვენს, სასიცოცხლო ნიშნებს რომ გავყვე,
ჩავეჭიდო. ნამოვდგე ფეხზე.

ჰეი, ტედ...

ეს მე ვარ. ჩემი ხმა კნუტის კნავილივით ნაზია,
გესმის, ამ დილაბნელზე,
ნამომხტარი ცივ საწოლიდან
დავბორიალებ. შველას არ ველი.
გაყინული პეიზაჟებიდან
მოდის დამდნარი სიძულვილი,
ყველა გვერდს მივლის...
მშიერი ძაღლი,
სანაგვე ურნას ჩაყუდებული,
„ოლვეისების“ შემგროვებელი წვერიანი
კაც-საათი, კაცი ვამპირი.
მდინარეების წყალს კი
ხმები მოაქვს,
უცხოთა ხმები... ვინც დინებას მიენდო და დაფარა
წყლებმა.

აქ

ისე ცივა. ნითლად რომ ბრდღვიალებენ,
ჩემ მსგავსების გულებიგან
გამონურული, სისხლისგან მოდღაბნილი
საჰაერო ბუშტებია.

ჰეი, ტედ.

ყური გატყუებს...

არ შეგვიწყალე, უფალო.

გზიად კვატაცხულია



მელქიორის ჯვარცმა

„ნუ იტანჯები, დარღაო“
ვაჟა-ფშაველა

სუფრამ ყრუდ ამოიგმინა და შიშის დიდ, გაფართოებულ თვალებად გადაექცა ყველას სახე — შემსწრე ადამიანებსაც, შემსწრე კედლებსაც, ჩოფურა მამაკაცს (სისხლი რომ სდიოდა პირიდან) და იმასაც, სისხლიანი დანა რომ ეჭირა ხელში.

— აქამდე უნდა მომეკლა, აქამდე უნდა ჩამოძალღებინა! — დანის პირს დასცქეროდა ბიჭი და თითქოს ნიშნს უგებდა ფეხზე წამოცვენილ მოქეფეებს: აბა, უთქვენოდ რას ვიზამდი, სად უნდა მეპოვნა ეს ძალღიშვილი.

ნიშნს უგებდა და თან ემადლიერებოდა შეფარვით. ოთახში ჩამოცხა. ყველა ერთმანეთს მიაჩერდა გამომცდელად. სიჩუმემ, როგორც უჩინარმა ჩრდილმა, ჩამოიარა ქუჩის მათხოვაროვით და გაშლილ მუჭაში ჩააგროვა შიში, სირცხვილი, სინანული და გაფითრება — ერთად განცდილი.

— სანამდის მიყურებთ ასე... შემოსასვლელში ტელეფონია. თუ გკითხეს, სასწრაფო გამოძახებაათქო — განზრახ მკვლელობა...

•
პირველად ნაპო-ჯიჯი წამოსტკივდა სოფელს, როგორც დიდი ხნის ჭრილობა, რომელიც სათვალავში აღარც ჰქონდა უკვე. შებინდება იყო, კარის მეზობლებთან შეიხედა ბერიკაცმა, ჩემდა ჭირად, რალაც დაემართა ამ ტელევიზორს და უკანასკნელ ცნობებს თქვენთან გავიგებო.

მშვიდად უცქირა კაიხანს, მერე უხმაუროდ გამოიხურა კარი და ჭიშკრამდე მისული არც იქნებოდა, ნაბარბაცდა ცოტათი. სახელურს ჩამოეყრდნო, მარცხენა ხელი ბოძს შემოხვია, გულისცემა გაუხშირდა და მოეჩვენა კიდევ, რომ ჭიშკრის სვეტები კი არა, ასფალტიც, გაცრეცილი ბალახიცა და ჭიშკრის გვერდით დაკრული გასანთლული ჯვარიც მის ფეთქვას იმეორებდა დინჯად თუ აჩქარებით.

— ნათო! — დაიძახა გაბედულად. იქნებ გამიაროსო, ოდნავ შეუშვა სახელურს ხელი, მაგრამ გვიანდა იყო — ფეხზე დგომა აღარ შეეძლო უკვე.

ხმაურმა და ცივი წყლის შხეფმა გამოაფხიზლა ბურანიდან. ხემსად გამოახილა თვალები. ოთახი სავსე იყო მეზობლებით, ნათოს კივილზე რომ მოცვენილიყვნენ, ტახტზე წამოენვინათ გულწასული და მის გონზე მოსვლას მოუთმენლად ელოდნენ.

— ვოი, დიდა! — გამოფხიზლებულს სიხარულით მიეჭრა ნათო, ხელის მტევანი წაართვა, ორთავ მუჭში მოიქცია და მიეფერა ელდა-მწუხარების გასაქარვებლად.

მოხუცი ხმას არ იღებდა. იქნებ ერჩინა კიდეც, გარინდულ, ბურანის ქვეყანაში დარჩენილიყო, ვიდრე აქ, სიგარეტით გაბოლილ და ცნობისნადილით გაყურსულ ოთახში გათენებოდა. იქაურობა რალაცით ჰგავდა კიდეც ზღაპარში გაგონილ ქვეყანას, რომელზეც დედისგან სმენოდა ნაპო-ჯიჯის და გულიც დედასთან მიუწევდა, მონატრების სიცარიელე რომ შეეესო.

— ეხ, შალვა, შალვა, ღირდა ჩემი გამოღვიძება ამ ყიამეთში დროის ხარჯვად და პოტიკნვალებად?

შალვა გამოერკვა; ეტყობა, არ მოელოდა შეკითხვას. წამნამები დააფახულა დანაშაულზე წასწრებულივით და იკადრა ავადმყოფთან მისვლა. „მალე კარგად იქნები, სულ მალე, ჯიჯი,“ — გაამხნევა ვითომ, არადა, თვითონაც არ სჯეროდა ფუჭი დაპირებისა.

— ვითომ? — მოხუცი დაეჭვდა, ცოტათი ეუცხოვა შალვას ნუგეში, ცუდად ენიშნა.

„მაქვს პატივი, წარმოგიდგეთ: ექიმი შალვა,“ — პირველად რომ გაეცნო უნივერსიტეტის კურსდამთავრებული ძმისწული, გაუკვირდა, მაგრამ ხმამაღლა თქმას მოერიდა — თურმე ლენჩებიც ხდებიან ექიმებიო. გადაკოცნა ახალმოსული, ჯიბეში ფული ჩაუკუჭა და სახელდახელო სუფრაზე გაანდო, სთხოვა და დაანამუსა კიდეც, შენი ყველაზე დიდი სამსახური სოფლის განკურნება უნდა იყოს, ავადმყოფი და ატკიებული კაცი არ უნდა ვნახო აქაობაშიო.

მას შემდეგ ბევრი გამოჯანმრთელდა და ბევრმაც უდრტინველად დალია სული სოფლის სამოხიოში, მაგრამ ნაპო-ჯიჯის რატომღაც ცუდად ჰქონდა შალვას ნუგეში დაცდილი. „ქსე-

ნიას უთხრა — არაგიშავსო და მეორე დღეს ლოგინში ნახეს გაციებული მკვდარი!“, „ბოჩოს რომ ჩაქცევა დაემართა, დაუმშვიდებია თურმე და ისემც შენი მტერი დამშვიდდა...“ „ფლორა რომ გახდა და გაილია, ნევროზმა იცისო და კიბო ჰქონია ქალს...“

შალვამაც კარგად უწყოდა ბიძამისის ახირება. ახლაც ისე, საეგებოდ დაუყარა იმედის სიტყვები, როგორც ტყე-ტყე წანწალისას ნაპოვნი ხმელი ფიჩხი, და გაიტრუნა.

— მე საბოლოოდ გადავწყვიტე: აღარ ღირს ამ გახრწნილ და დანგრეულ ქვეყანაში ცხოვრება! თქვენ ვინ გეხვეწებოდით, სიკვდილი რომ არ დამანებეთ?! ა?.. რას გაფხორილხართ „პარნიკის“ ყვავილებივით?! შალვა, მაგიდაზეა, ბიძი, წყალი, გადაყლურნე და პასუხი გამეცი, — ვინ გექაჩებოდა ჩემს გაღვიძებას?

— მე... ისა...

— იბლუყუნე ახლა, სანამ პირი არ გაგიშრება! წყლის დაღვევას აცლიან პატიმარს და ამ გადაღრძებულ მოხუცისთვისაც გეცლიათ სიკვდილი, რა იქნებოდა? ნეტა, მართლა გადარდებდეთ ჩემი სიცოცხლე!

— რას ამბობ, სქან ჭირმა, — ბრაზი წაეკიდა ნათოს, — რაც შეგვეძლო, გვერდში გედექით სულ...

— ვიცი, კარგად ვიცი, ცდა არ დაგიკლიათ, ადამიანად მეგრძნო თავი, მაგრამ ამდენ ავადმყოფობასა და გაჭირვებას რომ შეეყრები, ფარხმალი უნდა დაყარო ღვთისნიერმა კაცმა. რალა დროის ჩემი გაბრძოლებაა — ჭიშკრამდე ძლივს მივიტანე თავი და მოსასულიერებელი გავხდი. ამ თახსირ ცხოვრებაში გონს მოსვლა და გაღვიძება მაინც უნდა შეგეძლოს შენით, თორემ გამოჩნდებიან ისეთებიც, ვინც თვალებს ჩამოგიხუჭავენ — ღია დარჩენიაო, გულზე დაგიკრეფენ ხელებს, ყბას აგიკრავენ უხეში ნაჭრით — პირმოღებული არ ეგდოსო.

— ერთხელ ცოცხლობ და ცუდ რალაცებზე რა გაფიქრებს, ჯიჯი, — ველარ მოითმინა კუთხეში ატუზულმა მაცვალამ, რომელიც უკმაყოფილებას არ მალავდა მოხუცის სიტყვებზე და, სახე-პირის

პროზა

მანჭვა-გრეხით რომ ვერაფერი გაანყო, ქადაგად დავარდა ყველას თვალწინ.

— ნუ ლელავ, მოიძებნება საშველი, — შალვამაც ამოიღვა ენა, თითქოს ერთიანად შეიკრნენ ნაპო-ჯიჯის მოსათვინიერებლადო, — ჩემი თუ არ გჯერა, ახლავე გავქანდები ქალაქისკენ, კარდიოლოგების მეტი რაა, სახლში მივაკითხავ სათითაოდ. გამომყვებიან... უნდა გამომყვენ ნესით...

— ამ შუალამისას რა გინდა ქალაქში?! ვათანძარებით გადავსებულია იქაურობა, იქნებ გგონია, სახეზე გიცნობს და დაგინდობს რომელიმე... — შეიცხადა მაყვალამ, — ნაპოს არაუშავს, უკეთაა, დილამდე მოითმენს, მგონია, მერე მარტო შენ კი არა, ბიჭებიც გამოგყვებიან, რას მიკეთებენ...

— მეც წამოგყვები, შალიკო, — ავთომაც წამოყო თავი, უფროს ძმას აეტორღიალა, — ღამე მინც არ დამეძინება.

— დაეტიე შენს ადგილას, სად გათრიო ათი წლის ღლაპი. თუ ვაჟკაცი ხარ, ნაპო-ჯიჯის უთიე ღამე, სანამ ექიმს მოვიყვანდე. რაღაცები მოუყევი.

შალვამ თბილი ლაბადა მოიხურა, კარი გამოაღო და ლამისა და მთვარის შუქი აიხლართნენ აივნის კუთხეში.

— გაგინათებ, ფეხი არაფერს წამოკრა, კისერი არ მოიტეხო, — გამოსძახა ნათომ, მაგრამ შალვა კიბეს ჩასცდენოდა უკვე.

— სორდიებს შეუარე აქეთობისას. ამას წინათ შემპირდნენ, თუთუნს გადაგინახავთო. შეახსენე, თუ ძმა ხარ.

კოჭლი ლანდი აისვეტა ჭიშკართან.

ეს თარსი საიდან ამეკიდაო, — გზაში წყრებოდა შალვა.

•
— ბაგაჟნიკი გამიხსენი, ნიე!

— ქალაქში მეჩქარება, ბიჭებო, ავადმყოფი დავტოვე, მოხუცი, წნევიანი, რა დროს გაუმეორებს...

— აი, აქამდე მაქვს თქვენი რიჟა ბაზარი ამოსული... ყველას რაღაც სჭირს, ყველას ვიღაც უკვდება... ჯანმრთელი კაცი დამანახეთ, ტო!

— მოხუცია, წნევიანი... ექიმს უნდა მივუსწრო. ისიც არ ვიცი, ადგილზე დამხვდება თუ არა. ასე უცბად გამოვიქეცი...

— ბაგაჟნიკში არაფერია, ერთი დაშვებული პაკრიშკა. გაუშვი, ერთი მაგის კარგიც... ვის რა უნდა დაუშავონ...

— შიგნით შეიხედე, გაჩხრიკე მანქანა. ეშმაკმა იცის, რას მალავენ ეს ახვრები. გაატარებ, სუფთაა და მერე თურმე ხუთი კილო ტროტილი ჰქონიათ, იარაღის მთელი სანყობი.

— მე ექიმთან მივდივარ... ექიმი ვარ თვითონაც, მაგრამ... ის, ქალაქში, უფრო გამოცდილია. ბიძაჩემი ცუდ დღეშია, იქნებ უშველოს რამე, მომაკვდავია კაცი...

— კოვრიკები შეამონმე — მანდ არ ჰქონდეთ შემალული, ბარდაჩოკიც — გაინძერი, გაინძერი!

— ყველაფერს გეფიცებით, არაფერი ისეთი მანქანაში არ მიღვეს, აზრი არა აქვს ტყუილა შემონმებას, რამე რომ იყოს...

— მოკეტე, რა, ისედაც ეკლებზე ვზივარ! სამი სუტკაა, ამ პოსტზე ვათენებთ, ძილი ჩვენთვის არ არი და მოსვენება. ახლა კიდე შენისთანების ლაყაფი მინდა? მომეცი გასაღები, შტაბში უნდა წავიყვანოთ მანქანა!

— ძალიან გთხოვთ... ნუ წამართმევ, ძამია, ავადმყოფი, გაჭირვებული მელოდება... ხალხი ჩემს იმედზეა...

— გასაღები-მეთქი, გითხარი...

•
— იმ ჩათლახმა კიდე, არც ჩემი და არც თქვენიო, აიღო და პირდაპირ მდინარისკენ არ დაიქნია გასაღები?!. — ზიზლით ჰყვებოდა რატი, ყვრიმალები უწითლდებოდა და მარცხენა თვალს ჭუტავდა ოდნავ.

სუფრა ბორგავდა მოლოდინით, ცნობისწადილი იყო ღვინოცა და პურიც სერობაზე, საიდუმლოს შეტყობის სურვილი, სიმთვრალეში რომ მოგეკიდება და არ გასვენებს.

— პირველი სეტერამ გაუქანა. ხმა კაი ჰქონდა დარყტმას, მაგრამ ტიპი არც შექანებულა, თითქოს

ამას უცდიდომ, გაისწორა და, გამომხედვა ვერ მოვასწარი, მიწაზე ფართხალებდა სეტერა.

ხელები აუცახცახდა რატის. სიგარეტი ძლივს ჩაჭყლიტა ნამწვით სავსე საფერფლეში. ნერწყვი გადაყლაპა. გაშეთებული შესცქეროდა ხალხი. წინ მჯდომს შეხედა მხოლოდ — ყმანვილს ნესტოები უთამაშებდა, გაქვავებოდა თვალები.

— სანამ ჩემკენაც დააპირებდა, ხელს ფეხი შევაშველე და ქუსლი ჩავაზილე მუცელში. ზურგით გადაემხო კაპოტზე. ვიფიქრე, მორჩა, მაგრამ იმ წუთში საფეთქელთან ვიგრძენი დარტყმა და დავზადნე გვარიანად.

ყმანვილს ჭიქა გაუსხლტა ხელიდან. რატიმ შეატყო, ისიც ლელავდა, უცახცახებდა თითები, ძარღვი უთრთოდა ყელთან და საფეთქელში...

ჭიქა დაიმსხვრა, წყალმა იატაკზე იპოვა სადინარი.

— ჩხუბის კანონია: ფეხი არ უნდა აგერიოს და თვალი უნდა გიჭრიდეს. თვალია მთავარი, ძალაც და ოსტატობაც მაგაზეა. მაშინვე შევატყვე — თვალით მიგებდა, ამიტომ მარცხენათი რომ დავუქნიე, აღარც გამიხედავს მისკენ. ატორტმანდა, ხელი აიფარა სახეზე. მაშინ კი ვიხელთე დრო...

აზარტს მიენდო მთხრობელი. სანამ ნაძალადევი დუმილი ჩაივლიდა, ოთხივე კუთხე „დაალივერა“. ქალები იცრემლებოდნენ, კაცები ბრდღვინავდნენ და ანუხებდათ გულში ჩაჭყლეტილი უმოქმედობა. ყმანვილი, წინ რომ ეჯდა, თითებს აწვალებდა და ლელავდა უწინდებურად. პერანგი შეეხსნა, ცარიელ თევზზე გარდიგარდმო ეწყო მელქიორის დანა-ჩანგალი, თითქოს ქრისტეს ჯვარი შემოეთანათ სერობაზე.

— მერე, მერე როგორ იყო? — ვერ მოითმინა ერთმა, სხვების ნაცვლადაც იკითხა.

— აზრზე მოსვლა არ ვაცალეთ. ჯერ ორი მუშტი ჩავაფეთე — წარბთან და ნიკაპის ძირში, მანამ სეტერამაც წამოკრიფა სხეული მიწიდან და, რაც პირველი მოიხელთა — გადაჭრილი თოფი იყო, მგონი — კონდახით ჩამოამხო თავზე.

სისხლმა იფეთქა. მეტის ღირსია ეგ ფარჩაკიო! — არ მოეშვა სეტერა და, ხათქახუთქით რომ გული ვიჯერეთ, პირალმა დაემხო ტიპი, ხმა გაკმინდა სამუდამოდ.

ხმა სუფრასაც გაეკმინდა. სკამებს შეხორცებოდა გალურსული და ენაწართმეული ადამიანების მწკრივი, ხეში ნაკვეთი უსულო ქანდაკებასავით. სიცოცხლის ნიშატი არ ეტყობოდათ, ვიდრე ერთი კაცის გაბედულებამ თავდაყირა არ დააყენა ყველაფერი:

— ფეხზე დადექი, ნაბიჭვარო!

მლელვარების და მრისხანებისა არ ეთქმოდა, უფრო განწირული, თავზეხელაღებული კაცის ხმას ჰგავდა, სუფრას რომ გადაუვლის, ყველა კალაპოტს მიანყდება და ხევში დაიღმუვლებს მთიდან დაძრული მდინარესავით.

— ფეხზე დამიდექი!

რატი წამოიწია, გოცების ჩუმი, რძისფერი ნალგელი ჩაუდგა თვალებში. მუშტებით დაებჯინა მაგიდაზე და ქვემოდან ამოხედა გამწყრალ პროფილს, ჩახუთულ სივრცეს.

არ განძრეულა. განძრევაც ისეთივე უაზრო და უადგილო იქნებოდა, როგორც ყველაფრის უარყოფა, რაც აქამდე გაემხილა, მლელვარედ და სულმოუთქმელად.

იდგა და ითვლიდა, როგორ სერავდნენ ვერცხლისფერი დანა-ჩანგლები მკვლელსა და მსხვერპლს შორის ატოტილ საზღვარს, ნაკუნ-ნაკუნ გაჰქონდათ სისხლი და ხორცი დარღვეული ციხე-კოშკიდან. უცებ მოეჩვენა — სიცოცხლეს კი არა, მხოლოდ სულის ჟანგიან ნაფლეთებს მიეზიდებოდნენ თანდათან, როგორც დღიურ ყოფაში დაგროვილ ნაგავს. თვითონაც, სანიმუშოდ აქნილი და დასახიჩრებული, ჯვარზე გაკრულს უფრო ჰგავდა საკუთარი ცოდვების გამო.

— ავთო, ავთო, ეს რა ქენი!

ძლივს ლულულულებდა ვილაც, უნიათოდ.

ღია ფანჯარაში მთვარეს შემოედგა გალუული სხეული.

ცისკანი

მატიამ წიკლაუძი



დედაციცინათელა

„სინათლის დედა“ დამაქვს მუცლით და
 სკნელის ჭერხოზე დავალ კარდაკარ.
 ღამე კი არა, ათასწლეულიც
 ჩემს სიფრიფანა ფრთებზე გადატყდა.
 ან შარავანდედს მე რას ვზიდავდი,
 უფალი ირჩევს ნათლისთვის შუბლებს.
 სიტყვის ბალახში დავლოღავ მღილი,
 სკნელებს ციმციმით პერანგებს ვუბნევ.
 ღამეულ მინდვრებს ისე ვუხდები,
 თითქოს ცას ვმღერდე, ვარსკვლავქარიანს,
 როგორც ქადაგის დაყურსულ ფიქრში,
 ჩემშიც საუფლო ნათლის კვალია.
 მე ვარ, მე... დედაციცინათელა.
 ტანის აზიდვა მიჭირს მიწიდან,
 სინათლის ფესვი გავიდგი ბნელში.
 სიხარული რომ ფრთიდან მიცვივა,
 ნათლის ცვარ-ნამად ვაქუჩებ აქვე,
 რომ ცას ემსგავსოს მინაც ღამეში,
 მე და სიბნელე ერთმანეთს ვშვენით,
 როგორც ენქიდუ და გილგამეში.
 სხივის სკვნილივით ვკიდივარ მთვარეს,

სიჩუმის ქნარზე სიმს ვარხევ ნათლის,
 ღამე რომ ცისკრად იძვრება ხოლმე,
 ერთ მზის სალამურს ჩემგანაც გათლის
 და შეეხება, ვით პირველ საკრავს —
 სიკვდილს! კენწერო დრიკონ კედრებმა...
 ეს ღამეც, ვით სხვა ღამე ათასი,
 თენდება, კვდება, ისევ თენდება...
 ბალახის ნიკბზე მიცდება ფეხი,
 ბალახიც სინას მთა არის ჩემთვის.
 მე ცეცხლის ერთი კურცხალი დამაქვს,
 ეზოს ბოლოშიც მიპოვის ღმერთი.

ან რად მინდოდა

დილაადრიან მოაკითხავენ
 შენი ჩიტები ჩემს მონატრებას.
 აჭიკჭიკდება ბალი, დაღლილი,
 გადაიზნიქავს წელს სიმარტოვე.
 გადაიყოლებს ჩემი სიზმარიც
 დღის მირაჟისკენ ღამის კენწეროს.
 ესეც ბეღია, მთელი სიცოცხლე
 რომ სიყვარულის ჯვარი გენეროს.
 ქარის ექოში შენს ხმას დავეძებ
 გაფაციცებით... ყველას ვაჩუმებ.
 გამოგვაკერეს ავგაროზივით
 ჩვენ ერთმანეთის სიზმრის სარჩულებს.
 აღარც ვაჩნივარ ცხადის ქალაქებს,
 როგორც დღეს — თეთრი მთვარის ფრანები.
 სიყვარულს თავიც კი მოვაბეზრე
 ბედნიერების გადაბრალებით.
 ან რად მინდოდა, ოდესღაც ღვთისგან
 სიხარულივით რომ ვინათხოვრე
 ყველაზე დიდი და სევდიანი
 უსიყვარულო ცის სიმარტოვე.


თეთრი ირემი

წინაპრის ლანდი ცხად-სიზმრის დარდებს —
 ბინდის სახვევებს აცლის ლაზარეს.
 დგას წინამართან თეთრი ირემი
 და თავის სიკვდილს ხედავს, საზარელს.
 სისხლიან შუბლით ახვევებს ჰაერს,
 რქებში უნთია ცეცხლის მტევნები.
 მცხეთასთან მდორედ მიდის არაგვი,
 სულეთის ღამე მისდევს თენებით.
 დღესასწაულთა ამარა რჩება
 ჩემი ქვეყანა — მწირველი ბრძოლით,
 მამულს, ენას და რჯულს რომ შესწირა
 მშვიდობაც, ლხენაც, შენებაც, ომიც.
 მთის სიმაღლით დგას დედამიწაზე
 ქრისტეს ნათელით სავსე ბარძიმი,
 ხან საფარველი დაადო ჟამმა,
 ხან ანიავა ძველი განძივით.
 ხან სანაწილე ვიყავით უფლის —
 ჩვენში მარხავდა სიტყვას გაუხრწნელს.
 დღემდე უწყვეტი სულთა კავშირი
 მარადისობის ნიშანს გვაუწყებს.
 ჩამომავალნი ზეცის ეთნოსთა
 სულ ვარსებობდით მზისწილიანნი
 და აღარ დავთმეთ ჩვენი ნათელი —
 დავითიანი და ილიანი.
 ლიტურგიები ომის და ცეცხლის
 და მღვიძარება დიდი წინაპრის,
 სულ მსხვერპლი, მსხვერპლი ორთავ სოფლისთვის —
 უძვირფასესი შესაწირავი.
 გაცემის ჟამი გვედგა ყოველთვის,
 რამდენს დაერქვა „საუფლო ძღვენი“.
 მსხვერპლად ვიღებდით, რაც რამ გვებადა,
 რომ დაგვრჩენოდა უფლება შენი;
 ჩემო მამულო, წმინდანთა მიწავ,
 „დღეს სამიკიტნო-დუქნად ქცეულხარ,“
 სვამ სადღეგრძელოს, განა თუ სიტყვას
 და ღვანლს აგრძელებ შენსავ რჩეულთა?!
 შეხსენი კარი, შედი შენს თავში,
 ჩახედე თვალებს გრძნეული ქართველის,
 ჰკითხე, მას ჰკითხე — შენ ბებერ დედას,

ღირსეულ შვილად, ვაითუ, არც გთვლის?
 „არც მტერი ჰყავდა ღირსი“ ბრძოლისა,
 არც მოყვარე ჰყავს აესილი სიბრძნით.
 მყინვარს გავხედოთ, ეგება ადგას
 ცისარტყელების ნათელი ბინდი?
 ნუთუ ამ მთების მაღალ მწვერვალებს
 მხოლოდ ტაშის ხმის ეყოფათ ექო?
 მამულო ჩემო, როგორ მინდოდა,
 თავისუფლება ღმერთივით გვეგრძნო.
 მთის მწვერვალებზე ეფრინათ სულებს —
 ნისლიან მხედრებს გმირულ მხნეობით,
 შენივე თავით აღვსილს გეხარა
 და არა მონურ კეთილდღეობით.
 მაგრამ, რაც უნდა ვთქვა, ვივალალო,
 მიყვარდეს ჩემი ნუხილიც, ცრემლიც,
 არ დაეღევა უფალს დიდება,
 არ წაექცევა ქართველს მცხეთის ძელი.
 არაფრობისთვის თუ არ გაგვწირავს
 უფალი ჩვენც ცოდვების გამო,
 მამული — ტანჯვით ნამარხულევი,
 ისევ მიაგნებს სიცოცხლის წყაროს.
 რადგან ასეთი ჰყავს წინაპარი,
 მარადი ჟამის მადლითაც ვცოცხლობ,
 მინდა, ეს მინა — ღვთის ნატერფალი,
 მორჩილებით და ნუგეშით ვკოცნო.
 მრავალჟამიერ, გაძლებისათვის,
 უწყვეტი ომის და ლხინის ველო,
 მართალი კაცის ღვთიური სიტყვით
 მარადისობის ღამისმთეველო.
 წინაპრის ლანდი ცხად-სიზმრის დარდებს
 აცლის ლაზარეს, როგორც სახვევებს,
 დგას წინამურთან თეთრი ირემი
 და დღესაც მგელთა ხროვას ახელებს.

დარდიანია ხშირად ჩემი ბედნიერება

დარდიანია ხშირად ჩემი ბედნიერება.
 ვარდიც მოიხყენს,
 ალიონიც დაიღრუბლება,
 მზე ჩაიკეცავს სახვალის
 ნათელს მთის იქით,
 თითქოს არ ჰქონდეს
 ზეცის ტახტზე ჯდომის უფლება.
 დარდიანია ხშირად ჩემი ბედნიერება,
 სველი ჩიტვივით
 შეიფრთხილებს და ჩქამის ექოს
 ავედევენები ფეხშიშველა,
 ცეტი მწყემსივით,
 აყვავებული მინდვრები რომ
 წინ გავირეკო.
 ვიცი, ზამთარი მომაჩეჩებს
 მოწყენას, დალლას,
 სიმარტოვეთა მონასტრების
 ტროპარებს, ლოცვებს,
 როგორ არ მინდა, რომ დავბერდე,
 როგორ არ მინდა,
 უსიყვარულო ბედნიერების
 მტკიცებით მოვცდე.
 მაჯაზე უზის ბედისწერას თეთრი მიმინო,
 სიყვარულზეა დაგეშილი
 და მოჰქრის რისხვად.
 მაგრამ ვინ იყო, აშინებდა ბედნიერებას?!
 დარდიანიც კი
 ცეცხლისფერა ბილილებს ისხამს.
 რომ მერე, სადღაც, ზეცის იქით,
 სკნელების იქით,
 სიყვარულის ჰერბარიუმი
 გაშალოს რიდით.
 დარდიანია ხშირად ჩემი ბედნიერება,
 დარდიანია და
 მწუხრივით უხმო და მშვიდი.



•

გზადაგზა ვფინე ნათელი —
გამოყოლილი მზიდანა,
შავილა დავრჩი აჩრდილი —
დამსხლტარი ღრუბლის ფრთიდანა.
ცრემლებადა მდის — რაც კია
ტკივილად მოდის ციდანა,
ვერ შევქმენ, ვერა, ამინდი
სამყაროების ცვლიდანა.

•

დღეს?! —
დღეს ნუ იტყვით,
ხვალ თვითონ მოვალ,
მოვალ ქარებით,
მოვალ გვალვებით,
რომ პლანეტათა დასრულდეს
გლოვა —
მე მზესთან ერთად
დავიკრძალები.

ცატიელ ხატხელაუძი

•

მთებო, ნისლები უნდა აგყაროთ, —
 არაფერს ვტოვებ ნისლების გარდა.
 გახედეთ ერთი! — არ ჰგავს სამყარო
 ფშაველი ქალის მოქსოვილ ფარდაგს...

•

ჩაქრნენ ვარსკვლავნი,
 ზეცა იცლება,
 ცვარად ეღვრება
 ციდან იელებს,
 ველარც მზის მოსვლით
 ვერ შეივსება
 ეს შემზარავი სიცარიელე.
 კლდეებს ნაწყლულევთ
 ნისლით ვუხვევდი,
 ცაო, როგორ მლლი
 შენი უფლობით...
 ნუხელ სიკვდილი მენვა
 მუხლებზე
 და მე და ქარი
 ვჭირისუფლობდით.

•
 დღეს თუ არ მოვკვდი, ცოცხალი
 აღარ ვიქნები ხვალიდან.
 ჩამოებერტყა ვარსკვლავნი,
 მზე ჩამოილო მხარიდან,
 შეალო სულეთის კარი
 დაუკითხავად ჩავიდა...

•
 რბილი მყარს შემოვანყვიტე,
 მთა — მთას, მწვერვალი — მწვერვალსა,
 ბარემ ერთბაშად დაგვწყვიტე
 ცოტცოტაობით ლევასა.
 ბარემ ერთბაშად მოგვლიე,
 ვინც ვბობოქრობთ და ავვზნეობთ,
 იქაც ასეთნი მოგივალთ
 ვერდატეულნი სამზეოს.
 იქაც ასეთნი გაგიმღვრევთ
 ნათლის ბინდებით შემკვრელნი,
 მერე რის კარებს გაგვიღებ —
 ქვესკნელისა თუ ზესკნელის?..
 ღმერთო, ვიდრემდის დაგვშლიდე,
 დაგვლევდე მიწის პირამდის,
 ვერც ჯოჯოხეთით დაშინდეს
 ჩვენი ჯიში და ჯილაგი.
 ისევ აქ ამოგვაშენე,
 აქა გვლიე და გვამრავლე,
 მოგვეცი თავშისაშენიც,
 გზაც — აქეთ-იქით სავალი,
 მზე იჯდეს ციხის ჭერხოზე
 ბანზე ყიოდეს მამალი.

•
 ვინ თქვა ღრუბლების ტირილი
 ან ცრემლი ვინ თქვა ღრუბლისა,
 ნვეთებად ცნობა ვინა თქვა
 შავად დამდნარი შუბლისა...
 ეს ვარამია, მსოფლიო,
 ჩვენში რომ იწყებს დუღილსა,

დადნობა კაცთა გონების —
 დილის, შუადღის, მწუხრისა...
 ჩვენ გვიბრუნდება უკანვე
 ღამეულ ფიქრთა საქსოვად,
 მინა ხან წვიმად იღვრება,
 ციდან ჩამოდის ხან თოვლად...

•

რა ცივი ქარი მიბერავს,
 ცა ოდნავ უნდა ავნიო,
 ჰბერდები, შენი სიბერე
 ვინ სთქვა — შატილის არწივო?!.
 ნებას ნუ მივცემთ ყვავ-ყორნებს —
 სამშობლო დაგვინანილონ.

•

გუშინ რომ შაშვი გალობდა
 ტყეში,
 გუშინ რომ იყო ფერებით
 შეშლა,
 გუშინ მზე იდგა, მზე
 იდგა შენში,
 დღეს კი სახეზე ღიმილიც
 შეშრა...
 შუბლს ნაეფარა ბინდი
 უმთვარესს
 და წამნამთ თვალთა
 მოსაჩრდილებლად,
 ო, სასურველო, ეს სიმწუხარე
 გაპარტახებულ გულს აჩვილებდა.



ჯდა მტირალი

რაის უცხო, ჩემო სისხლო,
შენზე ყველაფერი ვიცი;
შენ არც ავთანდილის ძმა ხარ,
არც ფრიდონის ძმადნაფიცი.

აღარც ხერხი, აღარც ღონე,
არა სვე და არა ბედი;
თან ზიხარ და ცრემლს აგორებ,
თითქოს მთელი არაბეთი

შენს საშველად დასცემოდეს
ციხესა და ციხის ლიბოს, —
რომ დაამხოს საქაჯეთი,
გადასხლას და გადასხიპოს.

თითქოს ვეფხის ტყავი გეცვას,
თითქოს ნეკით ჭიდაობდე,
თითქოს გესხას მარგალიტი
შავი ცხენის ჯიდაოზე...

შენ ტირილი არ გიხდება,
ნაცემო და ყოვლის მთმენო;

ულა გთრიაშვილი

ვეფხვებს უნდა ერეოდე,
ტირილი რომ დაიმშვენო.

არ გიხდება შენ ტირილი,
განა ავთანდილის ძმა ხარ!
ვინ გადადებს ქორწილს შენთვის...
ვინ შეიშლის სადილ-სამხარს...

მოფრიალებს დილეგიდან
სახსოვარი თავმანდილი...
შენი თავის მოყმეც შენ ხარ,
ფრიდონიც და ავთანდილიც.

მკლავნი გაიმამაცურე, —
გეხვეოდეს ირგვლივ ჯარი;
შენვე უნდა გამოძერწო
შენი ნესტან-დარეჯანი!

მზე ბერნია უნესტანოდ,
და სამზეო ჩირად ღირსა;

.....

ჯდა მტირალი... ჯდა მტირალი...
ჯდა მტირალი წყლისა პირსა...

აჰა, სარკე!

აჰა, ხმალი! აჰა, სიტყვა,
ლოცვანი და საჭრეთელი!
მაგრამ, ყოვლის უწინარეს,
აჰა, სარკე საჭვრეტელი!

ბერავო და თავმოჭრილო,
ყველას ნიხლით გასათელო,
საქართველო, შე მშიშარა!
შე მძინარა საქართველო!

დალპი მხარ-თეძოზე გდებით.
წყლულებიდან ჩირქი გდისა;
გახსოვს მაინც?! — როდის გქონდა
მუხლი მგლის და შავარდნისა...

გახსოვს მაინც?! — ხის აბჯარში
რკინის გული გიფეთქავდა...
გახსოვს?! — ხმალი — ჯავარდენი...
გახსოვს?! — ლურჯა ლაგამს ხრავდა...

მტრის მახვილზე გადაღენილს
ზიარებაც არ უნდაო...
უნურთნელო! ეს შენა ხარ?! —
ყველა გიჟის საგუნდაო.

იმ ქორებულ თვალებს ვნატრობ,
იმ შორეულ ცეცხლზე ვთბები;
შენი სიყვარულის პატრონს
რა სინდისით მელუპები!

შე სამშობლოს მინამგვანო,
ალარც მხნევ და ალარც მრთელო;
გასკდა გული! რა გაძინებს!
გაიღვიძე, საქართველო!

გაიღვიძე, — ასწი ბეჭი!
აჰა, გული! აჰა, სარკე!
... და ტაატით გაჰყევ ბილიკს
საკუთარი თავისაკენ.

ნინო სადღღამულაშვილი



სახეღარი

დავიბადე თუ არა,
შენც იმ დღესვე შემოგაგდეს
ჩემს ეზოში,
გარედან კარი მოგიკეტეს და
დაგტოვეს სამუდამოდ.
რა იყო ჩვენი სიმდიდრე? —
ცოტა პური და მტვრიანი ქერი.
მე ვიზრდებოდი და
შენ კი თვალეზში
წყალი გიღრმავდებოდა.
საწყალო, სად აღარ გატარე!
აგვიდებდი ხოლმე
ამდენ პატრონგამონაცვალ ხერხემალზე,
თუ რამე მეზადა,
გავშლიდი სიზმრებიდან გადმოხატულ
რუკას,
დავხუჭავდი თვალებს და
დავასობდი საჩვენებელ თითს —
აი ამ ქალაქს,
ამ ხეივანს გამატარებ, სახეღარო!
— მღვრიედ გეტყოდი...
ან რა ჩვენი ქალაქი ის იყო,

ან რა ჩვენი გასავლელი ხეივანი!..
 სულ თავქვე გატარე, ცისთვალეზავ.
 როცა უმიზნოდ დაეხეტები —
 თავქვე დადიხარ, აბა, რა არის!
 რამდენჯერ უხმოდ ჩაიჩოქე,
 ჩემთვის არც კი ამოგიხედავს.
 ასე მხოლოდ დედები იჩოქებენ,
 შვილებს რომ არ დაენახონ,
 ისიც ხანდახან...
 რამდენჯერ მინაში წარგე ტუჩები,
 სიმწრის ნერწყვით დაასველე და
 იმანაც,
 თითქოს ცამდე ამ სისველით გაფუებულმა,
 წვიმით გინამლა!
 ან როგორ თოვდა შენს გარშემო
 ცაცხვის ფოთოლი!
 ან რა სიმშვიდით მიათრევედი
 ყველაზე მძიმეს სამყაროში —
 ჩრდილის საპალნეს...
 მაგ გამობუგულ ფერდებშიც
 რამდენჯერ მოგხვდა!
 სახედრის წესია —
 ურჩობისთვის უნდა დაირტყას
 მათრახი!
 სახედრის წესია —
 ერთი გზით მაინც პატრონის გზას გადაუხვიოს,
 ერთი ნებით მაინც მის ნებას ასცდეს,
 მერე გიჟივით გახევედეს მზისქვეშეთში და
 პატრონს ისიც კი აფიქრებინოს:
 წამი გაქვავდა!
 როცა სახედრის პატრონი გქვია,
 მათრახიც თან უნდა გქონდეს...
 როცა წინ
 სიზმრებიდან გადმონერილი რუკა გაქვს
 გაშლილი,
 მათრახსაც ნიავის გემო აქვს.
 თვალეზანთებული მიდიხარ
 ქალაქისკენ,
 გზა მაგნოლიის ხავერდით გაუსხავს
 და
 გული — ამდენჯერ პატრონგამოცვლილი
 ბებერი სახედარი —
 ზურგით მაცხოვარს მიატორტმანებს.

ცისკა

მამა მდინარე

ჩემამდე რა გზებით იარე, მამაჩემო,
 ან წყალში ტუჩი რამდენმა ჩაგიყო...
 ვინ შემოგხვდა რიყე-ნაპირებზე,
 ქვიშის ჯვებირები ვილამ აგიგო?
 ან, თუ როდისმე შეგეშინდა, მამაჩემო,
 ბნელში თვალი მოგჭრა და
 შენმავე მარგალიტმა შეგაშინა,
 ან, თუ ნაფეხურის შეგეშინდა, მამაჩემო,
 ღმერთმა ტალღაზე რომ დაგაჭირა,
 ან იქნებ ქარის შეგეშინდა და
 იმის ლოდინში ფიქრებმა წაგილო?..
 მერე კი კვიციანივით გახედნე ჩქერები,
 თოვლსა და გაზაფხულს სიმღერით ჩაუარე,
 დადიდდნენ ჩქერები და გახდნენ ცხენები და
 მინდვრები გადალახეს ღრუბლისგან გაუვალი...
 მდინარეებიც ასე კვდებიან — შვილების მუცლებში?..
 მდინარე ზღვის სიზმარია,
 ფსკერი აქვს ცის...
 მე ვწევარ,
 ჩემი მუცლის მარილში მარხია მამა და
 ტალღის ნაპობიდან
 მზიანი ქვირითი გვდის...

ღამე

ჩემს მარიამს

ღამეა ღვთისმშობელი.
 არა ცისკარი,
 არც შუადღე,
 როცა მზე ხელისგულზე უდევს
 სამყაროს,
 არც შებინდების ლურჯი ჩქერი
 არაა იგი,
 არამედ
 ღვთისმშობელი არის ღამე და
 ის დღეებით დაჭრილ ხორცზე გვაფარია.
 ღვთისმშობელი არის
 ერთი დიდი, გაბმული ღამე

და დღეები ხავერდის კალთაზე
 ბავშვებით ეტატებიან.
 ის მოვიდა სამყაროში,
 როგორც ყვავილი,
 მისი სუნთქვაც
 გულის ზანზარს ჰგავს.
 ამიტომ არის ყველაფერი
 უფრო ადვილი,
 როცა ღამეში ჩაფლული ხარ,
 როცა თავი გაქვს შერგული მასში
 და დედამინის ვარსკვლავებიც —
 საფლავის ქვები
 გარშემო თეთრი აკვნებით მიმოფანტულა.
 ღამე არის ხსოვნა
 და სხვას ყველაფერს
 ჩიტის ფასი აქვს.
 ვყრივართ ჩვენზე
 სიცოცხლისგან დახოცილები,
 ღვთისმშობელი ფეხაკრეფით დაიარება
 და სასთუმლის ბალიშიდან ამოტანილ
 თივის ღერებით
 თავზე სინათლის გვირგვინებს გვადგამს.

•

სული ჩემი განაპირა მდინარეა...
 ის მოდის მინდვრიდან ქალაზე,
 ყანიდან ტყისკენ...
 ის მოდის დიდ პაპის ყელიდან,
 ურმული ქვებზე
 თოხარკით მოაქვს და
 ისეთი ბედნიერია,
 როცა სიმღერით მოდის!..
 სული ჩემი განაპირა მდინარეა
 და რა ძალა აქვთ მდინარეებს,
 რომლებიც მთვარის ძირში წვანან?
 ნამოაგებთ ხოლმე ხანდახან
 ფსკერის სიზმარი,
 ვარსკვლავი გადაცდებათ
 ელდისგან,
 შფოთავენ თვალებდაჭყეტილები და

ციცქალი

ეს შფოთვაც რაღაცის გახსენებაა ალბათ...
როცა სული განაპირა მდინარეა,
შეგიძლია შენ თავსვე გაუნაპირდე,
მუხლებქვეშ შეიკეცო ტალღები და გაუყვე გზას...
ლურჯია მისი ტევრი და
ალაგ-ალაგ თევზები
ბატონებად აყრია...
დგახარ, მაგრამ
ტანში მდინარე დაგიდის,
დუმხარ, მაგრამ
საიდანღაც მღერი...
ასე მღეროდნენ შენამდე
ამვლელ-ჩამვლელელები,
ზაფხული იყო მათი ტემბრი და
თუთის წვენი — ტკბილხმოვანება,
მიჰქონდ-მოჰქონდათ პირით წყალი,
მარტოობის ჭაში ასხამდნენ,
სალამოობით წკრიალებდა ხოლმე
ჭის ოწინარი და
ეს დრო იყო,
მდინარე რომ ფსკერზე
კენჭებს ითვლიდა...
თითო კენჭი —
თითო წელი, თითო საათი...
სიმღერა სჯობდა
წარმავალის უგუნებობას...
როცა სული განაპირა მდინარეა და
შენ კი ვინმეს
ნესტოებდაბერილი დაეძებ,
ჩახედე ტალღებს,
ფურცელ-ფურცელ რომ მოაქვთ
ცისკრის ფსალმუნი,
მწვერვალის ცრემლივით
ქვევითკენ გორავენ...
ჩახედე მათ და
გაიხსენი გულისპირი,
შენც ის ხარ,
ვინც უნდა ტალღებთან იცეკვოს,
ვინც მდინარეში ტაატიტ შევა და
თავზე სხივებს გადაიფარებს...
სული ჩემი განაპირა მდინარეა,
მიდის, მიყავხარ
მოლიღინე მარადისობა.

ნიკუშა ანთაძე

მეორე კარი

ამსტერდამში ხშირად მახსენდებოდა პეკინის ეზო. ვინეტი ხოლმე თვალდახუჭული და პატარა შავ-თეთრ სურათს ვაწყობდი; კინო „თანამგზავრის“ კუთხეში შეტეხილი ბილიკი, აქეთ-იქით ოთხსართულიანი სახლები, მარცხნივ, საბავშვო ბაღის თავზე, ჩემი აივანია.

აქ მეოთხე კლასამდე ვცხოვრობდი, მერე გადავედი.

ყველანი ეზოში ვართ ბავშვები, ვინც მახსოვს — გური, თამუნა, რეზო, ანი, კეკელიძეები, თოკო. გვენცას რიკულებიანი ფანჯრების წინ ვდგავართ.

— დათოო! გვენცაა! ჩამო რა, დროზე!

გვენცას ფანჯრები ბილიკს უყურებს, პირველი სართულია, სადარბაზო კი შიგნით არის, ეზოში. მთელ სახლს უნდა შემოუარო — ბილიკს უნდა მორჩე, მერე ფანჯრების გრძელ რიგს უნდა ჩაუარო, მერე მარჯვნივ სტადიონს აუყვე, მერე ისევ მარჯვნივ, საქანელები, სკამები და აი, გვენცა ჩამორბის კიბეზე. რვა წლისაა, ცისფერთვალა, მოკლედ აჭრილი ჟღალი თმით. ბუზღუნებს:

— რა დავაშავე, რა! რატო უნდა ვურტყა ყოველ ნუთში წრეები მთელ ეზოს!

ამ დროს ცუდად შეკრულ ზონარზე ფეხი დაედგა, წაიქცა. ხელისგულები გადაეგლიჯა, მუხლებიდან სისხლი წამოუვიდა და ატირდა. მე და გურიმ ავაყენეთ.

— ნუ გეშინია, ნაკანრებია.

— აღარ მინდა აქ ცხოვრება! ამის ბრალია ყველაფერი! ყველას სადარბაზო ქუჩაში გამოდის პირდაპირ, მე რა დავაშავე!

სულ ვიციინოდით — როგორ ბრაზობდა, როგორ აგინებდა არქიტექტორებს, მშენებლებს და ყველას ვისაც რამე წვლილი შეეტანა ამ სახლის აშენებაში.

— კაი, ფანჯრებიც რომ იქით ქონდეს, ჯანდაბას, გასაგები იქნებოდა, მაგრამ ეს რა წესია! ფანჯრები აქეთ, კარი კიდე ხუთას მეტრში! ამის მომფიქრებელ-გამკეთებლის...

მართლა სერიოზულად აწუხებდა ეს ამბავი — დილით სკოლისკენ მიმავალი, უღიმღამოდ შემოუვლიდა ხოლმე სახლს და თან უკმაყოფილო სახით ბუტბუტებდა.



•
თვითმფრინავში რალაც გამოაცხადეს. უკვე გა-
თენებულიყო. დაშვება ერთ საათში. ძილის შებრუ-
ნებას აზრი აღარა აქვს. სტიუარდესას ყავა მოვა-
ტანინე.

ამსტერდამის დიდი იმედი მქონდა. მეგონა,
სულ ცოტა, 5-6 წელი დავრჩებოდი, ვისწავლიდი,
ვიმუშავებდი, მერე მოქალაქეობა და მთელი ამბე-
ბი, მაგრამ... 2 წელი და 3 თვე გავიდა ზუსტად...

•
27 წლისა ისე გავხდი, ვერაფერი სერიოზული
ვერ გავაკეთე და ჩემი საკუთარი არაფერი მქონდა.
კარგია, როცა მშობლებს შეუძლიათ დაგეხმარონ,
შენ კი გართობაში და უსაქმურობაში გაატარო
დრო, მაგრამ... კარგია? ვხატავდი, სურათებს ვი-
ღებდი, რამდენიმე გამოფენაც მოვანწყვე. ჩემებს
უნდოდათ, სამხატვროში ჩამებარებინა, მაგრამ
ხატვის „სწავლა“ შრომატევადია და, სიმართლე
გითხრათ, მეზარებოდა. თეატრალურში ჩავაბარე,
სარეჟისოროზე. არ არის კინო საქართველოში და,
კაცმა არ იცის, იქნება თუ არაო, მეუბნებოდნენ,
მაგრამ ვპასუხობდი, თუ არ ვისწავლეთ და თუ

არ ვაკეთეთ, რა თქმა უნდა, არ იქნება-მეთქი. არ
მახსოვს, მართლა ასე ვფიქრობდი თუ, უბრალოდ,
ვიცოდი, რომ თეატრალურში ბევრს არ მომთხო-
ვდნენ და ვივლიდი ისევე ჩემს ჭკუაზე. საერთოდ,
ეგეთი ტიპი ვარ, როგორც წესი, დილიდან გასული
მარტო დასაძინებლად თუ მივდიოდი ხოლმე სახლ-
ში. ან არც მივდიოდი. ვითომ კი ვაკეთებდი რალა-
ცებს, ფოტოაპარატი თან მქონდა სულ, ძმაკაცებს
ვენმარებოდი გადაღებებში, მაგრამ საერთო ჯამში
— არაფერი. დიპლომი ავიღე, მაგრამ სადიპლომოს
მერე ფილმი არ გადამიღია და გადაბმულად ერთი
თვეც არ მიმუშავია არც ტელევიზიაში, არც არ-
სად. ბოლოს ცოლის მოყვანა გადავწყვიტე. ცოლის
მოყვანა რა, ფორმალური მხარეები და მამაჩის ბიუ-
როები დიდად არ მადარდებს, უბრალოდ, გამოჩნდა
გოგო, რომელთან ერთადაც ცხოვრება მინდოდა
— მაიკო. მინდოდა, მაგრამ სად არის ეგრე. სახლ-
ში ხომ არ მივიყვანდი, დედასთან და მამასთან?
ეგ გამორიცხული იყო. კაცმა იმაზე უნდა იფიქრო,
შენ როგორ შეგეწყობა ქალი და რამდენად მოახე-
რხებთ ერთად ცხოვრებას, და ამ დროს სრულიად
ზედმეტია იმაზე ფიქრი, როგორ შეეწყობა ეს ქალი
დედაშენს. აქაც მშობლებმა მიშველეს — მომანდეს
თავიანთი დანახოგი, არც ისე მცირე თანხა, რომე-

ლიც თავისუფლად განვდებოდა პატარა სახლს, მე და მაიკოს რომ გვეყოფოდა, ისეთს. უკვე თითქმის შერჩეული გვექონდა ბინა, ჰოლანდიის იდეა რომ გაჩნდა. მაიკოს ნათესავი ცხოვრობდა იქ და მოინერა, შანსი არის, ამსტერდამის ხელოვნების აკადემიაში ისწავლოთ და ცოტა ხანი ჩემთანაც გაცხოვრებთ, სანამ რამეს იზამთო. ფული იყო საჭირო ანგარიშზე (2000 ევრო ჯდება სწავლა წელიწადში და აკადემიას უნდა ჰქონოდა გარანტია, რომ შენ ყველა შემთხვევაში შეგეძლო გადახდა). ჩვენი ფული საკმარისი აღმოჩნდა. მომიხდა. ისედაც ხშირად ვამბობდი, არ შემიძლია აქ ესე უაზროდ ყოფნა, მარაზმია ეს ქვეყანა, არაფერი არ გამოვა და სადმე სიამოვნებით წავიდოდი-მეთქი (ახლა რომ ვაკვირდები, ეს რაღაც თავის მართლებას უფრო ჰგავდა). მოკლედ, ვირბინეთ ვიზებზე, საბუთებზე, აქეთ-იქით და წავედით.

როცა ინგლისური იცი, მეორე ენის სწავლა ძნელია, გერევა მერე ერთმანეთში, მე კიდე ინგლისურს ვერ ვიტანდი ბავშვობიდან და თითქმის არც მისწავლია, ამიტომ მეგონა, ჰოლანდიური არ გამიჭირდებოდა. გამიჭირდა. ვერაფრით ვერ შევეგუე ამათ ხ-ებს და ენის მოტყევებს. მაიკომ უფრო აულო ალლო. გერიტ-რიტვილდის აკადემია ყველაზე სახელგანთქმულია ჰოლანდიაში. ფოტო-ხელოვნების ფაკულტეტზე ჩავირიცხეთ. ყველანაირი ხალხი სწავლობდა, საინტერესოებიც, უინტერესოებიც, ძირითადად ნიჭიერები, მაგრამ უნიჭოებიც, ჩვენსავით სხვადასხვა ქვეყნიდან ჩამოსული სტუდენტები, ცოტა გიჟები და რამდენიმე იქაური „ძველი ბიჭიც“ კი აღმოვაჩინე. ჩვენ, მგონი, ყველაზე მეტს ვიხდით — ევროკავშირის წევრი ქვეყნიდან არ ხართო და...

სხვებისთვის, მაგალითად, ესპანელებისთვის, 1000 ევრო ღირდა და ამასაც მათი მთავრობა აფინანსებდა. დავალებები გვექონდა უამრავი, დილით ადრე ადგომა მკლავდა, მაგრამ ვცდილობდი და ვინდომებდი ყველანაირად. მუშაობაც დასაწყები იყო, ცალკე ხომ უნდა გადავსულიყავით. მაიკოს ნათესავთან „ცოტა ხანი“ ცხოვრება ერთ წელზე მეტხანს გაგრძელდა.

ძირითადად ველოსიპედით ვმოძრაობდი. ეს ამსტერდამში ყველაზე გავრცელებული ტრანსპორტია და, სტატისტიკის მიხედვით, დღეში 2000 ველოსიპედს იპარავენ. ამიტომ ყიდვაც იაფია. უპრობლემოდ იყიდი 10-15 ევროდ ბომბებისგან, იქაური ჯანქებისგან ანუ. დედოფლის მოედანზე არის ერთი სპეციალური ადგილი, სადაც უნდა მიხვიდე ღამე, პირველ-ორ საათზე და დადგე. ეს ნიშნავს, რომ ველოსიპედის ყიდვა გინდა. მაშინვე გამოძვრებიან საიდანღაც ჯანქები. მთავარია, პოლიციამ არ გამოგიჭიროს, თორემ დაისჯები, რადგან ჯანქისგან ყიდვა ისეთივე კანონის დარღვევაა, როგორც გაყიდვა. თვითონ არიან ხოლმე გადაცმულები ჯანქებად, თუ შეცდი და მოგყიდეს, მერე გიჭერენ. სპეციალური ციხე აქვთ გაკეთებული და რამდენიმე დღით გსვამენ. წარმოიდგინეთ, რეკავენ თბილისში:

— ლადო დაიჭირეს!

ოჯახში პანიკა იწყება.

— რაზე?!

— რაზე და ველოსიპედის ყიდვაზე!

აი ასეთი ამბავია, მაგრამ არსებობს მექანიზმი — ჯანქი რომ მოდის, შენ უნდა კითხო „Are you policeman?“ გიპასუხებს „No“, კიდევ უნდა კითხო „Are you policeman?“, „No“ ისევ, მესამეჯერ „Are you policeman?“ და, თუ პოლიციელია, უკვე აღარა აქვს მოტყუების უფლება, მესამე კითხვაზე უნდა გიპასუხოს „Yes, I'm policeman!“ . შენ ეტყვი „Fuck Off!“ და მორჩა, ვერ ჩაგავლებს. მე მაინცდამაინც არ ვეძიებოდი ხოლმე, ერთხელ ვკითხე და პირდაპირ „No, No, No, I'm human“-ო, გამიღიმა. ეტყობა, იქაც, ჩვენი არ იყოს, ადამიანებად არ თვლიან ფორმიანებს.

ნორმალური ბინა ვიქირავეთ. ფული ჩვენს ანგარიშზე შენახული დანაზოგიდან მოვხსენით იმ პირობით, რომ ვიმუშავებდით და დავაბრუნებდით. პატრონი სლოვენელი გოგო იყო, ჩემხელა, ყოფილი მოდელი, საზიზღარი ტიპა. მაგან მითხრა ყველაზე საშინელი რამე, რაც იქ ყოფნის დროს გავიგე საერთოდ. ოფიციალურად ვმუშაობდით და კლიენტები რომ „ხურდას“ მაძლევდნენ, ვიპარა-

ცისკა

პროზა

ვდიო. არადა, წესია, რომ ყველა ოფიციალტი აგრო-
ვებს ერთად ამ „ხურდას“ და მერე იყოფენ. ამან
რაო, არ უნდა მომეპარაო? მე თეთრი ვარ, ლამაზი
და ჭკვიანი, ისინი ჭუჭყიანები, ზანგები და სუნია-
ნები არიანო. ეს ხდება ჰოლანდიაში, ვითომ რომ
აბა ევროპაა, ცივილიზაცია, ინტეგრაცია, კოსმო-
პოლიტიზმი და ასე შემდეგ... თვეში 500 ევროზე
მოვრიგდით. პირველ გადასახადთან ერთად კიდევ
250 გამოგვართვა, თუ რამეს გააფუჭებთ, ეს მე
დამრჩება, თუ არადა, აქედან გადასვლის წინ და-
გობრუნებთო. ყველაფერი რიგზე იყო ერთი შეხედ-
ვით, თითქოს მართლდებოდა ჩემი და მაიკოს გეგ-
მები და სურვილები, მაგრამ ეს იქამდე, სანამ ისევ
სიზარმაცემ არ მაჯობა. გავზარმაცდი და აკადე-
მიიდან გამომავდეს.

მეგობრებს ხშირად ვუკავშირდებოდი ინტერ-
ნეტკაფეებიდან. მაინტერესებდა ამბები. ბავშვობი-
დან რამდენიმე მეგობარი შემრჩა და ისინი მეძვირ-
ფასებიან ყველაზე მეტად. რეზო მწერდა რალაცებს,
თამუნა გათხოვილა, ჩემი კარის მეზობელი, ბავშვს
ელოდებო. გურის ბიზნესი წამოუნყია, გვენცა
ცოტ-ცოტას მუშაობს, მაგრამ ძირითადად სვამს
და უბანში დაბოდიხალებს თავისი ფანჯრებიდან
სადარბაზომდე წინ და უკანო. მშობლებიც კარგად
იყვნენ, მუშაობდნენ ძველებურად და ჩემი დახმა-
რება არ სჭირდებოდათ. მიხაროდა. აბა მე რითი
დავეხმარებოდი...

თბილისში ახალგაზრდა ბიჭი ვერ იმუშავებს
ოფიციალტად, ჭურჭლის მრეცხავად ან გამყივე-
ლად. რატომ? ჯერ ერთი, ხელფასი არ არის საკ-
მარისი, იმდენად ცოტას იხდიან, გინდ ყოფილა,
გინდ არა და, კიდევ მეორე, პრინციპში შეიძლება
უფრო მთავარი მიზეზი... ტეხავს. თბილისი ისეთი
პატარაა, ყველა ყველას იცნობს და ნაცნობებ-
თან, უზნელებთან, მეგობრებთან, გოგოებთან ხომ
საერთოდ... სირცხვილია.

ამსტერდამის ერთ-ერთ ცენტრალურ ქუჩაზე
სამი რესტორანი იდგა მიყოლებით — არგენტი-
ნული, ბერძნული და იტალიური. სამივე ერთ ორ-

მოცმილნულ ეგვიპტელს ეკუთვნოდა. მე არგენ-
ტინულში ამიყვანა მზარეულად. სალათებს ვჭრიდი.
4 ევრო მეკუთვნოდა საათში. თუ ხარ სტუდენტი
აღმოსავლეთ ევროპიდან, აზიიდან, აფრიკიდან
ან სამხრეთ ამერიკიდან, აქ სამუშაოს იოლად
ვერ იშოვი. მეზობელ გერმანიაში ასე არ არის, იქ
ყველა სტუდენტი თანასწორია, მაგრამ რა ვიცი..
მე მუშაობის უფლება არ მქონდა. თან ოფიცია-
ლურად, რომ არ გაახურო, ისე აქვთ მონყობილი,
ვითომ გაქვს უფლება. სამსახურში არ მიგიღებენ,
სანამ არ აჩვენებ ამ უფლების დამადასტურებელ
დოკუმენტს, ამ დოკუმენტს კი იქამდე არ გაძლე-
ვენ, სანამ სამსახურში არ მიგიღებენ. ბოსმა უნდა
მოითხოვოს პოლიციაში, რომ ეს ქალაქი მოგცენ,
მაგრამ ამით თავს არავინ ინუხებს. შენით თუ მიი-
ტან, აგიყვანს, თუ არადა, რა ენაღვლება, ამუშა-
ვებს იტალიელს ან ვინმეს და დროს ტყუილად არ
დაკარგავს შენზე. შენ კიდევ შენით ვერ მიგაქვს..
ერთი სიტყვით, ასეთი ხათხალაა. ძლივს მოვხვდი
ამ არგენტინულ რესტორანში. ისე, ხო მაგარია,
არგენტინულ რესტორანს რომ ხსნის ეგვიპტელი
და საჭმელს ამზადებენ ერაყელები, ირანელები
და მე... თან რა ტიპები არიან... პირველად რომ
გამოვშტერდი, მახსოვს... არსებობს არგენტინული
სტიეკი, სხვებისგან გამორჩეულია იმით, რომ ნახ-
შირზე ინება გემრიელად და დიდი მოთხოვნა იყო
ამაზე. უკვეთავ, მოაქვთ ორი მოზრდილი ნაჭერი.
ვთქვით, ერთი შეჭამე, მეორეს ველარ მოერიე.
შემოიტანეს ერთხელ სამზარეულოში ასე ვილაცის
დატოვებული, მე ჩავაგდე ნაგვის ყუთში და შეფმა
— შენ გიყი ხომ არ ხარო?! რას აკეთებო?! ამოიღეს
ნაგვიდან, დადეს თეფშზე და სხვას წაუღეს. იმ პირ-
ველმა იქნებ დააფურთხა, ალოკა, მოკბინა ცოტა..
როგორც მერე გავიგე, ეს ჩვეულებრივი ამბავი
ყოფილა. ჯგუფელებთან რომ მოვეყვი, ყველგან
ეგრე ხდებო (სტუდენტები, ჰოლანდიელებიც კი,
ძირითადად კაფეებში და რესტორნებში მუშაობენ,
ჯიბის ფულს აკეთებენ), მნიშვნელობა არა აქვს,
სირიელია თუ ბელგიელი, ეგრე იქცევიანო... მაიკო
სწავლობდა, სალამობით კი ჯაზკლუბში მუშაობ-
და ბარმენად. მე სამსახურების ცვლა ხშირად მიწე-
ვდა, რადგან მაგდებდნენ. ვმუშაობდი სუვენირების

ცისკა

მალაზიაში; თვეში 100 ევროდ სკოლიდან გამომყავდა და სახლში მიმყავდა პორტუგალიელი ბავშვი, ნ ლის პედრო, ერთ მალაზიაში სუნელებს ვახარისხებდი. ყველაზე დიდხანს მაინც Sbarro-ში გავჩერდი. Sbarro ცნობილი Fast Food ქსელია, McDonald's-ისნაირი, ოლონდ პიცების ამბავში. საათში 8 ევრო, დღეში 8 საათი, კვირაში 3 დღე. ჯამში 1000 გამომდიოდა. ეს იყო ჩემი მაქსიმუმი.

სტიუარდესამ — ღვედები შეიკარით, მალე დავეშვებითო. როგორ მიყვარდა ბავშვობაში სადმე წამონოლილს ღრუბლების ყურება, ახლოდან კი აღარ მომწონს. ისე, ბევრ რამეს უფიქრდები თვითმფრინავში... მთელი ძალით მიეჩანები და ვერ გრძნობ, რომ ცაში ხარ გამოკიდებული.

ნელ-ნელა ყველაფერი მომბეზრდა. ეს ქალაქი, რომელიც მზეს არ უყვარს, ველოსიპედები, უდარდელი ხალხი, მოსანევიც (ყველა Coffee Shop-ის მენიუ ზეპირად ვიცოდი), სახლიც... ხო, სახლი... სლოვენელი გოგოს ბინაზე რომ გითხარით, რვა თვე ვიცხოვრეთ და მერე უფრო იაფიანში მოვივინია გადასვლა. ბარგი რომ ჩავალაგეთ უკვე, ამ გოგოს ვეუბნები, მივდივართ და ის 250 დამიბრუნე, თავიდან რომ გამომართვი-მეთქი. არაო. რატომ-მეთქი? აშკარად არც გამიფუჭებია რამე, არც გამიტეხავს, მაგრამ არაო. არაო და ეს 250 ხომ გამოიძლია ზუსტად ორი კვირის და ვუთხარი, მაშინ კიდევ ორი კვირა დავრჩებით-მეთქი. გაპათოლოგდა, რომ არ იქნებით, მოვალ და ყველაფერს ფანჯრიდან გადაგიყრითო, მეგობრებს დავიხმარებო, თან გამკეთებელი იყო, მომპარავიც იყო, შეიძლება ამოეცალა რამე, „ხურდაზე“ რაც მოყვა, იმის მერე არ გამიკვირდებოდა. ხოდა, ავიღე და ორი კვირა დავჯექი სახლში, ფეხი არ გამიდგამს არსად საერთოდ. წარმოიდგინეთ, ორი კვირა! ძალიან დიდი დროა, ჩემთვის მითუმეტეს — ცხოვრებაში ზედიზედ სამი დღე რომ არ გავჩერე-

ბულვარ შინ, უცებ ორი კვირით გამოვიკეტე. ამაზე არანორმალური პერიოდი არ მქონია. სლოვენელი მოდიოდა, მიდიოდა, გიჟდებოდა უკვე, შიგადაშიგ იმუქრებოდა პოლიციას მოვიყვანო (არადა, ვერ მოიყვანდა, ბინის გაქირავების უფლება არ ჰქონდა კანონით და თვითონ წაუვიდოდა საქმე ცუდად); უბრალოდ, ვერ აანალიზებდა, როგორ შეიძლება ასეთი პრინციპული ყოფილიყო ადამიანი.

პრინციპული ნამდვილად ვარ, მაგრამ ამდენად არა. ბოლო-ბოლო შევეშვებოდი ფულს და ასეთ საშინელ დღეში არ ჩავიგდებდი თავს, რომ არა ერთი მომენტი, რომელიც ამ გოგომ არ იცოდა. ამ დროს, სადაც უნდა გადავსულიყავით, იმ ბინაზე რაღაც პრობლემა შეიქმნა, უარი გვითხრეს და ახალი გაგვიხდა მოსაძებნი. ანუ, რეალურად, მე უკვე აღარ მინდოდა, რომ დაებრუნებინა ფული. 250 ევროთი ვერსად წავიდოდი ასე უცებ, სასტუმროში ერთ დღესაც არ ეყოფოდა. პირველად რომ გავედი ამ ორი კვირის მერე გარეთ, მაიკოს მივაკითხე აკადემიაში და რაღაც უაზრობაზე დავცხე იქაურ „ძველ ბიჭს“. როგორც მომიყვენენ, ვკლავდი თურმე, ყელში ვწვდი და ვახრჩობდი. სახე განითლებია, ხმას ვეღარ იღებდა, ჩემს მოშორებას კი ოთხი კაცი ცდილობდა და ვერ ახერხებდა. ისე გამოვიდა, ფილმებში რომ წესიერი ტიპები ციხეში ხვდებიან და მერე იქიდან გაგიჟებულები გამოდიან ხოლმე.

ამასობაში ჩემს ვიზას ვადა გაუვიდა და აღარ გამიგრძელეს, რადგან აკადემიაში აღარ ვსწავლობდი. დარჩენის შანსი იყო — ფიქტიურად უნდა მომეწერა ხელი ჰოლანდიის მოქალაქესთან. დამთანხმდა კიდევ ერთი მაიკოს ჯგუფელი, სანდრა, მაგრამ ამასაც დრო სჭირდებოდა, დრო კი აღარ მქონდა. ადვოკატმა — წადი ახლა და საქმეს რომ მოვაგვარებთ, მერე ჩამოხვალო. მაიკომ — მე არ დავრჩები უშენოდ და არ გაგიშვებ უჩემოდო, მაგრამ სწორი ვიქნებოდი, რომ წამომეყვანა? იქნებ ვეღარც დავბრუნებულყავი უკან... რა ვიცი... არავინ გამიფრთხილებია, რომ მოვდიოდი. ჩავანყვე მარტო აუცილებელი რაღაცები, დანარჩენს, თუ რამეა, მერე გამოვაგზავნილებ-მეთქი, გადავწყვიტე და ავიღე ბილეთი.

ცისკა

•
თბილისში 10 საათი ხდებოდა. ჩემი ზურგჩანთა ტაქსის უკანა სავარძელზე მოვათავსე.

— საით, ჯიგარო?

საით? სახლში? მამაჩემი უკვე წასული იქნება სამსახურში, დედას ალბათ ჯერ ძინავს. ვის დავადგე? მაგარია... ორი წელია არ ვყოფილვარ, ჩამოვედი და არ ვიცი, სად წავიდე.

— სად მივდივართ, ჯიგარო? — გამიმეორა ტაქსისტმა.

— პეკინზე...

დაბრუნება ყოველთვის განსაკუთრებული გრძნობაა, სასიამოვნო. ფანჯარა ბოლომდე ჩამოვნიე.

მძლოლი მთელი გზა ჩუმად იჯდა, უკვე სადღაც გმირთა მოედანზე ვიყავით, ხმა რომ ამოიღო.

— პეკინზე რა ადგილას გინდა?

— „თანამგზავართან.“

— ჰეჰ... თანამგზავრში მაქვს გატარებული მთელი ბავშვობა. დილით რომ შევიდოდი, საღამომდე არ გამოვდიოდი ხოლმე. ახლა სადღაა... შენ გახსოვს?

— კი, მეც დავდიოდი.

— სადღაა, გაყიდეს ნაწილ-ნაწილ და მალაზიები გააკეთეს. შენ უცხოეთიდან მოდიხარ ხო?

— ჰოლანდიიდან.

— კარგი ქვეყანაა? ეგენიც ხომ ცოტანი არიან, ჩვენსავით.

— კი, კარგია.

— პლანი, ქალები?!

— ყველაფერი.

— ეუჰ...

— აქ გამიჩერე სადმე...

ჯინსების მალაზიას და ფოტოსამყარო. ეზოში შეეუხვით. სახლები არ შეცვლილა. საბავშვო ბა-

ლიც ისევ აქ არის. ჩემი აივანი... ვინ ცხოვრობს ახლა, ნეტა? ხომ არ ავიდე? არა, ტეხავს... გამარჯობა. იცით, მე აქ ვცხოვრობდი ოცი წლის წინათ... ნნ..

— ლადო! — იყვირა ამ დროს ვიღაცამ, — ლადუშ!

შემოვბრუნდი და გვენცას ფანჯრების წინ ჩასუქებული, ყვალთმიანი ბიჭი დავინახე. ერთ ხელში ლუდის ბოთლი ეჭირა, მეორე ხელს კი მე მიქნევდა. გვანცა იყო.

— როდის ჩამოხვედი, ბიჭო, არ უნდა გეთქვა? — გადამეხვია.

— ახლა ჩამოვედი, ნახევარი საათია.

— მართლა?

— ხო, აბა, მაგას გამოგაპარებდი?

— ჰა, რა ხდება ჰოლანდიაში? სულ დაბრუნდი?

— არა, 1-2 თვით ალბათ. მშვიდობაა, აქ რა ხდება? შენ რას შვები? როგორ ხარ?

— მე არამიშავს, მოყევი რა, ამბები.

— სმას ვერ შეეშვი, ხო?

— გინდა? — ბოთლი გამომინოდა.

— არა.

— ნახე, — ზურგს უკან მანიშნა თავით.

აქამდე როგორ ვერ შევამჩნიე. მარტო ორი ფანჯარალა იყო, დანარჩენი ორის ადგილას კი შავი რკინის კარი.

— ეს რა გიქნია, ტო.

— ხო, აბა იქიდან სიარულის დედაც ვატირე, — ლუდი მოსვა და ბედნიერი სახით გამიღიმა, — წამო, შევიდეთ.

ისე, ბევრ რამეს უფიქრდები თვითმფრინავში... მთელი ძალით მიექანები და ვერ გრძნობ, რომ ცაში ხარ გამოკიდებული.



ქახილი

დიდი ხანია, არათუ ლექსი,
ვერც ერთი სიტყვა, შენზე თქმული, ვერ ვანდე ფურცელს.
ახლა კი უცებ —
ამ ბრიალა აგვისტოს ფონზე,
შენი ხმა მომდევს,
შენი სუნთქვის სიხშირე მომდევს
და პულსაციას ვუთანაბრებ სიჩქარის ნიშნულს,
ქუჩებს — ქარიანს...
და ვშლი, რაც წელან ფურცელს გავანდე.
უშენოდ მე ვარ ამომშრალი ამუდარია,
სათავიდან შესართავამდე.

ავტოპორტრეტი

რამდენჯერ მითხრეს, ნუ ბაძავო აფრენილ ორბებს,
სულ ფრთებს რომ ძერწავ, დაზოგეო სანთლისთვის ცვილი;
ერთ დღეს თქვეს ასეც, — წასულაო სახლიდან რობი —
უძღები შვილი...

ბუმბუც მუსხი

შენთვის ნავედი... მოვიარე თაკარა აკრა,
უფრო სამხრეთით — კართაგენი, მემფისი, თებე;
მერე მზის ეტლშიც დავაპირე ჩაჯდომა, მაგრამ...
დამიდნა ფრთები!..

რა უნდა გითხრა, დაიაურო?!

რა უნდა გითხრა, დაიაურო?! —
ქვაზე უფრო მძიმეა ცრემლი
და ნატყვიარი ნიამორის ფერი აქვს არღუნს.
დიაც ყოფილა, —
მოისინჯა ამდენი კაბა,
ვინრო და თალხი,
ღრიალებს ახლა და მაღალ მთებს
ცვრიან შუბლს ახლის.
დამუნჯდა მუცო...
რა უნდა გითხრა, დაიაურო?! —
ისედაც იცი,
ფხად მადგას ლექსი გამშრალ ყელთან
(გზა მოჰყვა სიცილს,

ქუჩი გიხმობს,
 ბულბული გალობს...),
 რა გითხრა, ძმაო,
 მთები დგანან,
 დგანან და დუმან
 და ქვაზე უფრო მძიმეა ცრემლი.

ხუთი ათას მეერთე

როდესაც ცივა
 და ჩემი უფერული ყოფიდან შენს უსასრულო არყოფნაში
 ქალღმერთის მეთოვლიებს ვაგზავნი,
 ისინი მიჰყვებიან ქარს,
 გზადაგზა იზეპირებენ ჰამლეტის სევდას
 და ოდესღაც მიტოვებულ ბუდეებს
 აბრეშუმის.

მე „ალუვსებელი სანყაული“ ვარ, უფალო, —
 მყიფე,
 მსხვრევადი,
 მტვრევადი,
 მაგრამ „ალუვსებელი“,
 ამიტომაც ვუფრთხი სავესე მთვარეს,
 უსარქველო ჭებს ნანვიმარზე
 და მწიფე ბრონეულის გამოხედვას ფოთლებიდან.

მე რვალის სამსჭვალი ვარ, უფალო,
 სწორედ ჩემი ნაჭრილობევიდან დაგდის სისხლი
 და იმიტომაც ამოწყდა თევზი იორდანეში,
 რომ ამღვრეული მორევი,
 ცადაჭრილი ქარი და
 ასეთივე ქვიშა იხილა ერთდროულად
 და სალომეას ცეკვა — ცეცხლოვანი.

შენ ის მითხარი, —
 ხუთი პური რანაირად აკმარე ხუთი ათას უდღეურს
 და კიდევ მე — ხუთი ათას მეერთეს,
 ყველაზე უდღეურს მათ შორის
 და ალუვსებელს,
 როგორც ზემოთ დავწერე,

უძირო ქვევრივით, —
და გპირდები,
ვიპოვი ყველა ელემენტს,
უკლებლივ ყველას,
რაც კი ჩემი მოზელისას მიგაკლდა:
ჰაერს,
სინანულს,
მარილს
და ტყვიას.

ჭადრები

ლ-ს

რა უცნაური ხიბლი აქვს სიონს.
ჭადრები ჰგვანან არაზუსტ რითმებს;
მოულოდნელად მოფრინდა სიო
და ბაღმაც სული მოითქვა თითქმის.
და უკვე რუხი ცა იფშენეტს თითებს —
ღრუბლებს — (ხატოვნად) — სქელსა და მტკივანს,
წავიდა ყველა და ბაღში წითელ
საქანელებზე აცეკვდა წვიმა.

•
დალიეთ წყალი, ყვავილებო, დალიეთ წყალი,
მე შეიძლება აღარც ვიყო ხვალ და დაგცხებათ, —
თიბათვის ხვატი თვითონ მზესაც უკარგავს ხალისს,
არც რამე ნიღაბს ხმარობს ზეცა, არც ნელსაცხებელს,
უბრალოდ, ღრუბლის ბოკალიდან მიირთმევს შარბათს,
არ აქცევს წვეთსაც... და ფერი აქვს ისე უძირო...
დალიეთ წყალი, ყვავილებო, დალიეთ ხარბად,
რომ გაიშალოთ და ერთმანეთს დიდხანს უცქიროთ.

მიხტ მისილიშვილი

დაზვერვაზე ალან რიჩარდ მიიკანთან ერთად Go reconnaitring with Alan Richard Meechan

„დამისხი, დამალეუენე,
ე ღვინო ოხერ-ტიალი,
ეგება წალმა ვიფიქრო
სოფლის უკუღმა ტრიალი!“

ვაჟა-ფშაველა

„კაცი ვარ და ქუდი მხურავს,
ქედს არ ვუხრი არავის.
არც არავის ვემონები,
არც ვბატონობ არავის.“

რობერტ ბერნსი (თამარ ერისთავის თარგმანი)

ძველით ახალი წელი ორიოდ კვირის ჩავლილი იყო, ნინო დარბაისელმა რომ დამირეკა, მე და ჩემ შოტლანდიელ ქმარს შეხვედრა გვინდა შენთანო და, — კი ბატონო, შვიდი საათის მერე-მეთქი, რადგან მაგ დროს ვრჩები ჯერ კიდევ მუშაობას...

კარგიაო, ჩვენც კბილის ექიმთან მივალთო და, იქიდან რო გამოვალთ, დაგირეკავთო.

ვის დასჭირდა კბილის ექიმი-მეთქი, და — გო-ზინაყზე მოიტეხა კბილი ჩემმა ქმარმაო.

აი, ეგ კი სუ შენი ბრაღია, რად გაუკეთე მაგარი გოზინაყი-მეთქი?..

რა ვქნა, მაგარი გამომივიდაო.

ჩემებსაც მაგარი გამოუვიდათ და ჩემს გარდა ვერავინ ჭამს-მეთქი კბილების მოუმტვრევლადა...

მოკლედ, დამირეკეს, მართლაც, და სადღაც ვერაზე, რომელიღაც დუქან-ტავერნაში დავსხედით — ხმელ-ხმელი, წვერიანი და ლურჯთვალა ჯეე-ლია ეს ალანი, დაახლოებით, ჩემი ხნისა...



და, რა ვქნა, რა ვუყო, კაცო, რომ ინგლისურად მარტო კითხვა ვიცი, ისიც გაჭირვებული, და იმათ ლაპარაკში რამდენიმე სიტყვას თუ ვარჩევ და ისე არაფერი მესმის?

და კიდევ კარგი, ნინო იქ არის — ძაან მაგარ ინგლისურს ლაპარაკობს...

ჰოდა, დავნიშნეთ ეს ჩვენი ნინო თარჯიმნად და, — ალანი კბილის ექიმიდან მოდისო, — ნინო მისხნის, — ბარემ იქ ვიყავით და, რაც სამკურნალო ჰქონდა, ყველა კბილს ვუმკურნალებო და ორი საათი ჯერ ვერაფერს შეჭამს და დაღვესო.

საწყალი კაცი, შენ უნდა მოკლა-მეთქი? — და, რომ უთარგმნა ნინომ, აუტყდა ალანს სიცილი.

მეო, იემენში ვერ მომკლეს შვიდი წელიწადი რუსების განვრთნილმა ალაგობრივმა მეომრებმაო და ეს ჩემი ცოლი რას დამაკლებსო? — მეკობრესავით ეცინება ალანს და — შენ რას დაღვეო?

მე დავღვევ-მეთქი თქვენი, სკოტების შესანიშნავ და ლამის გენიალურ გამოგონებას — რომელიმე ვისკის... „ჯონი უოლკერს,“ მაგალითად...

რას ამბობო? — გაცეცებულია ალანი, — ვისკით როგორ უნდა ვიქეიფოთო?

რატო-მეთქი?

ვისკის ხომ ჭკუიდან გადაჰყავს კაციო და... ვაჰ, მე კიდე ჭკუიდან გადაყვანა მინდა-მეთქი?.. არაო, — ნინომ, — არ გინდაო...

მინდა, როგორ არ მინდა, — აბა, სულ ეგრე სწორად ჩემმა და შენმა მტერმა უყურა ამ ალმაცერ ქვეყანას, მეც ყირამალა უნდა შევხედო ხანდახან-მეთქი. და — მაიტათ ვისკი!..

არც კი ექნებათ აქო, — ისევ რომელიღაც მეკობრესავით (თუნდაც სტივენსონის „განძთა კუნძულიდან“) ეცინება ალანს, მაგრამ, აბა, მეკობრესავით როგორ — ისინი ხომ რომს ურტყამდნენ ხოლმე?

ვისკი თუ გაქვთო, — ნინომ ჰკითხა მომტანს და უარყოფითმა პასუხმა ძალიან გაამხიარულა.

კაი, მაშინ იყოს გაყინული „უშბა“-მეთქი.

იყოსო, გაუხარდა ალანსაც, და რა შევჭამოთო? მე რო შინ მოვედი, კაი მუყუყი გეახელით და ბევრი არა მინდა რა, დავუშვათ, ხუთიოდე ხინკალი...

კარგიო, ამას ხუთი ხინკალიო და ჩვენაო... აღარ მახსოვს, ხაჭაპური შეუკვეთეს თუ ქაბაბი... თუ ორივე ერთად...

ვზივარ, ვუყურებ ამ ალანს, გადავხედავ ნინოს და მეცინება, — მუყუყს უხსნის და, რო ვუყურებ,

სუ ნერწყვი ადგება ალანს, ეგრევე ხვდება, რასთან მოელის შეხვედრა...

ჰა, აბა, რა ვქნათ, ნავიდეთ მე და შენ დაზვერვაში-მეთქი? — არაყს ვისხამ თან. — რუსები რო საქართველოს ბომბავენ, არ მიყვარან, მაგრამ ეს კაი გამოთქმა აქვთ, რო — შენთან ერთად დაზვერვაში წამოვალ ან არ წამოვალ...

ნინო უთარგმნის.

ჰოდა, მე მოვდივარ შენთან ერთად და შენ თუ წამოხვალ-მეთქი?

კიო, — ილიმის, მეკობრესავით აღარ, უფრო მელ გიბსონივით, — მეც წამოვალ, ერთი დრომ გაიაროსო, — კბილებისკენ მანიშნებს...

და — დაზვერვა დაიწყო ჯერ ჩემი ნათქვამი სადღეგრძელოთი, რომ შოტლანდიელები იგივე ქართველები არიან, რაკი იბერიელები იმ თავიანთი გუდასტვირებით გადასხდნენ თავის დროზე კუნძულზე და იქაურ კელტ-იბერებად ქცეულბმა იქით ირლანდია და აქეთ ეს შოტლანდია სულ გუდასტვირების საომარი დაკვრა-დაკვრით აიღეს, თავისი ლედი მაკბეთიანად, რობერტ ბერნსიანად, იმ კაი ლუდიანად და მაგრის ერთი ვისკიანად და, რაც მთავარია, მელ გიბსონიანად უილიამ უოლესის როლში... „მამაცი გული!“ იევეეს!

და, თურმე, რაის გიბსონი, — ეუბნები გიბსონს და ის ვერაფერს იგებს.

და, როგორც კი ნინომ უთხრა — მელ ჯიბსონიო! — ეგრევე მიხვდა ალანი, ვისზეც ვეუბნეოდი... და, ქართველები, აბა, როგორ გამოვდივართ, როცა ჩვენ ქერათმიანები და ლურჯთვალეა ვართო?

და გყავს ჩვენც მთაში, ეგეთები რო არიან-მეთქი...

ეგო, რუსებმა ხო არ იეშმაკეს რამეო, — ინტერესდება და...

იმათ მთაში რა იციან, სტეპი და ვაკე ადგილებია მაგათი-მეთქი და, ადრე ცხენებზე და ახლა ტანკში უყვართ-მეთქი ცხოვრება, კაი პშენიჩნი ვოდაკაც თუ აქეთ...

და, აბა, რანაირად გამოდის ეგრეო, რომ, თუ ირლანდიელები ჩვენიანები იყვნენ, იმდენი რო ვეომეთო?

ზი ჰიპოთეზ, ზის იზ ზი ჰიპოთეზ... — სულ ამ სიტყვებით აწყნარებს ნინო, თორემ აშკარად შფოთავს...

და მე კიდე — მეცინება ძაან და...

ეცინება იმასაც — დაზვერვაზე ვართ, დაზვერვაზეო... და ნინოს საათზე ანიშნებს, — დანტისტის დანიშნული დრო ამოიწურაო!..

ჰოდა, ამოიწურა და უცებვე წამოენია იმ ჩემ ერთ დალეულ ჭიქას.

წამოენია და, — გადამასწრო ეგრევე იმით, რომ რობერტ ბერნსის სადღეგრძელოზე სუ იმისი ლექსები მიკითხა ამ ადრე სამხედრო და ამჟამად სიცოცხლისა და ჯანმრთელობის უსაფრთხოების მენეჯერმა კაცმა ყაზახეთის ნავთობპროექტში გინდა, ბაქო-სუფსისა, ბაქო-ჯეიჰანისა თუ სულაც ჩინეთის გაზის „საუკუნის პროექტში...“

და არ გამხარებოდა და მე კიდეც ვაჟა-ფშაველაზე არაფერი მეთქვა?

ჰოდა, დაზვერვა გაგრძელდა აქეთ ვაჟა-ფშაველას და იქით რობერტ ბერნსის სამფლობელოების საფუძვლიანი დათვალიერებით...

მერე კიდეც, შოტლანდიაზე რომ ლაპარაკობ, მოჩვენებები ხომ მაშინვე უნდა გამოილანდონ და იქვე უნდა გაგახსენდეს ლედი მაკბეთი, რომლის ამბაში მოჩვენებებიც ხომ საკმაოდაა და სამი კუდიანი დედაბერი კიდეც იმ თავის ფაფას ხარშავს... და არ უნდა ათქმევინო, დედნის ენაზე ეს მაჩაბელის ნათარგმანები, აბა, როგორ გამოითქმის:

„სიცოცხლე მხოლოდ

ჩრდილი ყოფილა მოარული; ტაკიმასხარა, რომელსაც ვიდრე დრო აქვს, ადის მალალ სცენაზედ

და იჭიმება, იგრისება მთლად გაქრობამდე. სულელის ენით მოთხრობილი ამბავი არის, თუმც უმნიშვნელო, მაგრამ სავსე აურზაურით“.

ეს კიდეც შექსპირია და შექსპირიდან რუსთაველამდე ზოგ-ზოგიერთ ლიტმცოდნეს ჰგონია დიდი მანძილი, თორემ სინამდვილეში ერთი პატარა ნაბიჯია... თანაც „უშბას“ გრადუსებიც მიამატე და, — ავოეეე, ქაჯების კოშკი რო იგივე ალამუთის

პროზა

ციხეა და ჰასან იბნ საბაჰიდან და იმისი ასასინე-
ბიდან რომ მოდიან მთელი მასონები აქეთ ვერო-
ბაში და იქით კიდევ უსამა ბინ ლადენი და მთელი
თალიბანი...

მერე ბუნდოვნად მახსოვს, დაზვერვა რა მიმარ-
თულებით და როგორ გაგრძელდა...

ნებალელ გურხეზზე — ვიგონებ და ვერც ვი-
გონებ... ინგლისის თავდაცვის სამინისტროს წინ
რომ გურხას ძეგლია, ისიც ვთქვი, მგონი, და იმათ
მოკაუჭებულ დანებზე — „კიუკრებზეც“ ვილაპა-
რაკეთ... ალანმა უფრო ბევრი, რაკი შვიდი წელი
უმსახურნია ბრიტანულ არმიასი და სცნობია
გურხეზი...

მოკლედ, მეორე დილას ჩემებმა მითხრეს, შინ
რომ მოხვედი, ინგლისურად გველაპარაკებოდი,
და სანამ ანიმ (ჩემმა შვილმა) ინგლისურადვე არ
დაგიცაცხანა, რომ — არა ხარ შენ „მამაცი გული“
უილიამ უოლესიო და ეგ იატაკის სანმენდი ჯოხია
და არა უილიამ უოლესის ხმალიო, ქართულად ვე-

რაფერი შეგასმინეთ და ლოგინში ვერ დაგანვინეთ,
შოტლანდიის თავისუფლების დასაცავად მიდიოდი
„პოლისჯოხით“ და ცოცხითო...

„პოლისჯოხი“ — გავიგე, ხმალი მეგონა, ეს
კარგი და...

ცოცხი რალად მინდოდა, ამას ვერ ვხვდები...

ცოცხით ფრენა ხომ კუდიანმა დედაბრებმა
იციან?

და მე კიდევ უილიამ უოლესი ვიყავი და...

სწორედ ის სერ უილიამ უოლესი, დაახლოებით
1270 წელს რომ დაიბადა ქალაქ პეიზლიში და 1305
წლის 23 აგვისტოს სიკვდილით დასაჯეს შუაგულ
ლონდონში; იმის გამო დასაჯეს, რომ შოტლან-
დიელი რაინდი იყო და სათავეში ედგა ინგლისური
ოკუპაციის სანინალმდეგო მოძრაობას შოტლან-
დიის დამოუკიდებლობისთვის ომში. მოკლედ, ის
ფილმიც გეცოდინებათ Braveheart და, ალბათ, და-
მეთანხმებით, რომ მართლა მაგრების ერთი ვინმე
იყო და... აბა, იმასთან ცოცხი რანაირად?..

ცოცხი რომ ცხენი მგონებოდა, შეიძლება, ნე-
ტავ?..

2010

თოვლის ფიფქების ჩუმი შრიალი (თოვაში ჩანერილი ხმა)

გუშინ ჩამოვედი არჩანდაში.

თოვდა.

მალა, გორაკებზე დაედო უკვე. ჩვენ სახლში
ღუმელი იყო გახურებული და, ფანჯრებში რომ
გამოიხედავდი, თოვლის ფიფქების ფარდა ეფარა
სოფელს.

დილით ადრე ავდექი.

არაყი დავლიე და დანგრეული, ნათავადარი
სასახლის სანახავად წავედი და გზად ეს სურათი
დამამახსოვრდა — ურმის თვალი ეგდო გაშიშვლე-
ბული კაკლის ქვეშ...

ჯერ კიდევ იდგა ანდრონიკაშვილების დამწვარი
სასახლე.

შიგ ეშმაკმა დაიბუდაო, მიმტკიცებდა გუშინ
ჩომახა, ყვავზე შემომჯდარმა ეშმაკმაო.

რატომ-მეთქი?

უპატრონობისგანაო.

ათოვდა ჩამოცვენილ კოჭებსაც.

თეთრდებოდა მიდამო.

შემცივდა.

ინდაურის რუყრუყი ისმოდა ვილაციის ეზოდან.

მორყეულ მაგიდასთან მივედი, ბუხართან რომ
ეგდო ამოტრიალებული, დავაყენე ფეხზე. სკამი
მივუდგი. აქ წერაც შეიძლებოდა. ხვალ მოვალ და
დავწერ-მეთქი, ვიფიქრე.

შინ დავბრუნდი.

ც.ი.ს.

თოვლის ფიფქები ჩამოვიფერთხე და აგუგუნე-
ბულ ღუმელს მივუჯექი.

დედას ველაპარაკებოდი.

ჩემი ძმა გარეთ დასტრიალებდა მანქანას.

ნინო კი ჩვენს ლაპარაკს უსმენდა.

დედას სტუდენტურ ცხოვრებაზე ვუამბობდი.

ის მარიგებდა.

მერე დედაჩემის დეიდაშვილი მოვიდა. ვსვით და
ვსვით.

წავიდა ნათესავი.

მარტო დავრჩი.

გასვლა მომინდა სადმე.

მამის თოფი ავიკიდე, პატრონები ამოვიღე
მუყაოს ყუთიდან და მეზობლის ბოსტნის გავლით
წმინდა გიორგის საყდრის გზას დავადექი.

ტყეშია, იქით, მდინარე ლაკების ხეობისკენ.

არ წახვიდე, არ წახვიდეო! — მომკიოდა დედა-
ჩემი.

გზად, არხთან, ჩემი ძმა წამომენია, — არ წახ-
ვიდეო, — თოფზე მიტაცა ხელი, — ვინმე წაგართ-
მევსო.

მაინც წავედი.

გავიარე წინილების ფერმასთან, რომლის გა-
დაღმა ლამაზად დათოვლილი ქოდალოს ღვთისმ-
შობლის ეკლესია გამოჩნდა — წინა საუკუნეში
აგებული ანდრონიკაშვილების საგვარეულო სა-
ლოცავი.

ძაღლებმა ყეფა ამიტყეს — ახლა ამათ უნდა
შემიყარონ ქვეყანა?

მე ბუჩქ-ხეებს ამოვეფარე და ისე დავინყე წერა.

თოფი დაშლილია და ისე მკიდია თასმით კი-
სერზე — ვინძლო ვინმე შემხვდეს, ღორების მძებ-
ნელად მოვაჩვენებ თავს.

აბა, ადექი და მოუყევი, რომ თავგადასავალი
გინდა ჩაინერო, ცოცხლად, ძარღვიანად. წახვიდე,
წახო, განიცადო და ახალი რამე დაწერო — ამას
ხომ არ ავუხსნი.

თოვს. თოვს. თოვს.

გიჟის წერილი მაჩვენეს ადრე და ეგრე წერდა:

„ფიფქავს. ფიფქავს. ფიფქავს.“

მე მფიქრავს“.

კუსალის გორა ბუნდოვნად ჩანს დასავლეთით.
გავიქეცი.

თოვლში ჩავემხე.

ვქაქანებ.

თეთრი ქვეყანა, თოვლის ქვეყანა.

ვცეკვავთ მე და ფიფქები.

ჩავეჯექი, ვისვენებ.

წმინდა გიორგის საყდრამდე უნდა მივალწიო,
თუმცა ამაში ხევი მიშლის ხელს; ღრმა ხევია და
ქვემოთ მდინარე ლაკებს უერთდება.

იქიდან კი ან ლაკებში ჩავალ, ან იქვე დავანთებ
ცეცხლს, გაყინულ ხელებს მივუფიცებ და, გაფ-
თბები თუ არა, მაშინვე ჩავინერ თავგადასავალს.

შევედი ტყეში.

ესეც თითქმის თეთრია.

მინაზე ალაგ-ალაგ დევს; ხეთა ტოტებზე კი
თოვლის ფუმფულა ქულები მოჩანს.

იშვიათად დავინახავ ხოლმე ხეებში მდინარე
ლაკების იქითა ფერდობზე თეთრად შებურულ ტყეს.

შევდექი.

წახვერად შეჭმული ძროხა აგდია ძირს და ზე-
მოდან თოვლი ადევს.

გარშემო ჩემი ნაფეხურების გარდა სხვა რამ
ნაკვალევი არ ჩანს.

ირგვლივ კი დიდი ღუმელია.

მხოლოდ ჩემი ფანქრის ხმა მესმის.

ქარმა შემოუბერა, ფიფქები ნაწერზე შემომაყა-
რა.

სულის შებერვა არ შეიძლება, გადნება. ისე,
ხელით გავფერთხე.

ფეხები გამეყინება, თუ არ ვიმოდრავებ.

თოვლის თეთრი ფარდა აფარია ქვეყანას.

ლაკებისკენ მიმავალ ერთ ბილიკს ჩავეუყევი და-
ბლა, ხეობისკენ.

ჩავედი ხეში.

აქ ნაკადული მიჩუხჩუხებს.

გავჩერდი.

მიდამოს დავაყურადე.

მარტო ამ ნაკადულის ლიკლიკი ისმის ყინულის
ქვეშიდან და თოვლის ფიფქების ჩუმი შრიალი.

ნაკადულის ზედაპირია მარტო გაყინული.

პროზა

ყინული ადგილ-ადგილ ჩამტყდარია და იქიდან მომესმის წყლის ჩუხჩუხი.

ახლა საჭიროა, მეორე ფერდი ავიარო ტყიანში, რათა წმინდა გიორგის საყდრამდე მივალწიო.

აქ აღარავინ აღარ შემხვდება.

თოფი ავანყე. თითო პატრონა მივეცი ლულებს პირში, გადავკეტე და ეკალბარდიან შემალეებაზე დავაპირე ასვლა, მაგრამ ისევ უკან ჩამოვგორდი ნაკადულის კალაპოტში.

მერე სხვა მხრიდან წავედი. დავინყე ასვლა.

თოვლის კაცივით მივამტვრევ ხმელ ტოტებს, სულ ლინინ-ლინინი რომ გაუდის.

ჩემი ნაბიჯების ქვეშ გამხმარი ფოთლების ხრა-შუნი ისმის.

გულმა ძგარძგარი დამინყო.

მაღალი ხეებიდან თოვლი მეყრება.

გავყურდი.

თითქოს რალაც ხმაური მომესმა. გეგონება, ვილაც თუ რალაც მოაბიჯებს.

ნადირობის ძველისძველი აზარტი გეჯახება ხოლმე ამ დროს.

გავქვავდი.

გავხევდი ადგილზე.

ხეებს მივბაძე, კი.

თოფის საკეტი ღილაკი წინ წაწვნიე თანაც.

ვილაც თუ რალაც უნდა მოაბიჯებდეს ჩემკენ.

თანაც ორი მხრიდან.

ეგებ ჩემზე ნადირობენ?

არა მგონია.

გარინდული ვარ.

იმ მონადირეთა ნებისყოფაზე ვფიქრობ, საათობით რომ ელიან ხოლმე საკბილოს.

ხმაური აღარ მესმის.

თოვლი მეყრება დამძიმებული ტოტებიდან. თავისით.

გამეყინა ფეხები...

სიგარეტს მოვუკიდე.

გემრიელი ნაფაზი დავარტყი და იქვე, ხის ძირში ჩავჯექი.

მეგობარზე დავინყე ფიქრი. ალბათ, უკვე ადგა, პირის დაბანა დაეზარა, — ბრრრ, რა ცივაო, —

დედამისს უთხრა. ჩაი მომიდულე მურაბითო, — სთხოვა. მერე რადიატორთან დაჯდა და დღევანდელი პრესის გაცნობა დაიწყო, თანაც ნაკითხულს დედამისს უყვება.

ცაში ვიყურები.

ფიფქები ცვივა და არაფერი ჩანს.

მზე გადაკარგულია სამხრეთის მხარეს.

ჩავინერე ყველაფერი.

ვდგები.

სასროლად გამზადებული თოფი მიმაქვს თან. ვცდილობ, არ დავგორდე.

უცებ ხეთა ტოტებში იელვა წმინდა გიორგის საყდარმა. სამრეკლოდან ზარია მოხსნილი, სახურავზე კი ბუჩქებია ამოსული.

მივრბივარ და მივბლოტილებ აღმართზე.

მერე თოვლზე ვცურდები.

თოფს არ ვუშვებ ხელიდან.

მივგორავ.

ბუჩქს რომ დავეჯახე, არ ვიცი, რანაირად, მაგრამ იქუხა. ჯერ მეხი მეგონა და გადაფიფქული ცისკენ ავიხედე, მერე გარემო მოვათვალე და, ჩემს ფეხებთან ამოთხრილი მიწა რომ დავინახე, გავშრი.

ბენზე გადავრჩი.

თოფი გავხსენი.

დაცლილი ჰილზი ამოვიღე და ახალი ჩავდე.

უკვე ვფრთხილობდი, ნელა ვადგამდი ნაბიჯებს.

შევედი საყდარში.

კედლებზე წარწერებია ამოჩხაპნილი.

რამდენჯერმე შემოვუარე საყდარს, ჩვენი საგვარეულო ზედაშე ვნახე.

თანაც ფიჩხი და შეშა შევაგროვე. ხმელი.

ცეცხლი უნდა ავანთო საყდარში, თორემ ძალიან შემცივდა.

ასანთის ცეცხლი ვერ მოედო თოვლიან ფიჩხს.

იქვე ჩამოვჯექი, ფილაქანზე, და ახლა გაზეთით ვცაღე ანთება. მოეკიდა.

მერე სიგარეტის კოლოფი ამოვიღე, უკანასკნელ ღერს მოვუკიდე.

ისევ დავინყე წერა.

ახრჩოლდა კოცონი.

ამენვა თვალები.

საყდარი ბოლით აივსო.

მაინც ვინერდი.

დავშალე თოფი, ისევ კისერზე ჩამოვიკიდე და შინისკენ ავიღე გეზი.

ფერმასთან რომ მივედი, უკან მივიხედე.

საყდრიდან ისევ ამოდიოდა ბოლი.

უცებ ნაგაზის თავი გამოჩნდა თოვლიდან და ყეფაც გაისმა.

ძალღი წამომდგარიყო, მიყეფდა და თან უკან იყურებოდა, სხვებიც მომეშველეთო.

ამის ყეფაზე ერთი ხუთი მაინც მოვიდა.

ჯერ ვერ ბედავდნენ ახლოს მოსვლას, მერე ერთი შავპირიანი ნაგაზი გამომიქანდა, არ იყეფებოდა და გამალებული მორბოდა.

შავად იყო ჩემი საქმე.

იმას სხვა ძალღებიც მოსდევდნენ უკვე.

ვერა, სახარბიელოდ ვერ იყო საქმე.

თოფი კიდევ კისერზე მეკიდა, ჩამოხსნას ველარ მოვასწრებდი.

ვიუუუ-იუუ-უუუ,“ — ვიხავლე მთელი ხმით და უცნაურად შევიკუნტრუშე, თანაც ვითომ მათკენ დავაპირე გაქცევა.

ამან გაჭრა.

შეშინდნენ ძალღები.

ეგეთი ცხოველი ჯერ არ გვინახავსო, დაასკვნეს და სასწრაფოდ გაიძურნნენ ფერმისკენ. კუდამოძუებულები მიდიოდნენ. მოშორებით რომ გავიდნენ, ისევ ატეხეს ყეფა-გნიასი.

გამოვიდა მწყემსი.

გაბარბაცდა და იქით მხარეს, ტყეს დაახალა თოფი.

ჩაჩუმდნენ ძალღები.

იმან ხელახლა დატენა ცალღულიანი.

ფერდობზე დავეშვი.

ეს გიჟია ვილაცა, არ მომკლას-მეთქი.

ისევ ავანყე თოფი.

მივდიოდი და მივახრამუნებდი თოვლქვეშ მოკლილ ფოთლებს.

ერთი-ორგან ნავიქეცი.

გადავაბიჯე იმ მოჩუხჩუხე ნაკადულზე.

ავედი ფერდობზე.

გადავიარე თოვლიანი სერი.

გავედი სამანქანო, ხრეშიან გზაზე, გავუყევი და სალამოს სახლში მივედი.

მამაჩემი მოსულიყო. იმისი თოფი მქონდა მოპარული.

ჩუმად შევედი სახლში და თავის ადგილზე დავდე თოფიც და პატრონებიც.

დედა მოვიდა: — შენ უნდა მომინელო, შენ! ახლა საქონ-საყოლი უნდა დამებინავებინა და შენ საძებნელად წამოვსულიყავი!

— შენ ხომ ყველგან უკან უნდა გამომედევნო, რა... — მენყინა.

— თავს გაუფრთხილდი, თავს, — მითხრა დედა. — მამაშენს არ უჩხუბია, თოფი რომ მოჰპარე. საძებნად მივალ-მეთქი და, — დაანებე თავი, თვითონ მოვაო, — თქვა...

•

ლაკებში ჩასავლელ გზაზე თოვლის ფიფქების ჩუმ შრიალში ნაბდისქუდიანი და დაბამბულქურთუკიანი მწყემსები იდგნენ და უფილტრო სიგარეტს ეწეოდნენ.

— შეჭმული ძროხა ვნახე, შენი ხო არ იყო, ნეტა?.. — იქვე მდგარ, თოვლით მორთულ ბერმუხას ჰკითხა ერთმა.

— მიტოსია, ორი დღის წინ დაუგლიჯა მგელმა, — წმინდა გიორგის საყდარს უბასუხა მეორემ, დათოვლილ ტოტებში რომ მოჩანდა გაღმა ფერდობზე და კვამლი აღარ ასდიოდა.

მინაწერი: თოვლის ფიფქების ჩუმი შრიალი ჩანერილია ათას ცხრაას ოთხმოც წელს და კიდევ ერთხელ მოსმენილია ოცდაათი წლის შემდეგ.

ცისკა

ნინო ძეძეძე



ხელუკუღმა

დაიჭი, ზღვაო!
ეს ბეჭედი — არათითზე რომ გამიშავდა...
ეს სამაჯურიც გავიმეტე —
ქრიზოლითებით...
დღეს მე მაცვია
ჩამავალიმზისფერი კაბა
და ცხელი... ცხელი...
ცხელი ქვიშა
დამაქვს ქოშებით.
გიბრუნებ, ზღვაო!
ყელსაბამებს —
მარჯნის, სადაფის,
ჰა, საესე მთვარის მესამედიც —
ჩემი საყურე.
მე შეგიგროვე ჩემი მკვდარი,
ჩემი ცოცხალი,
მოვედი შენთან —
ხელუკუღმა გადმოგაყარე!
დღეს იმედები,
შორეული ნაოსნობის მეზღვაურები,
კონცინან კონცხებს,
ზღვაში პეშვით გამოწვდილ მინას,

მახურავს ჩადრი,
 შავი ჩადრი,
 და ბოლო კადრში
 მოელვარე თვალები მიჩანს.

მოლბერტი ორისთვის

მონეს ნახატია ეს ბალი,
 უტოვებს იმპრესიას ფოთოლთა,
 პასტელის ფერი აქვთ ბუტონებს
 კორომთან.

...თითქოს ქოლგიანი ქალები
 ვინრო წელითა და მარმაშით,
 თეთრ კამელიებზე მზის სხივი
 თამაშობს.

...თითქოს ფაიანსის ბავშვები,
 ჩალის ქუდები და კულული,
 ზეცაში ფრანების აშვებას
 უყურებს.

ორისთვის გავშალეთ მოლბერტი,
 ფერს ფერი,
 ხელს ხელი მიგვეყრდნო,
 ამ „ტილოს“ მუსიკა შენია,
 ჩემია ლიბრეტო.

განდებილი

შენ მზისდარი ტალავარი უნდა გეტარებინა
 და ფშავის ზეცა — ლურჯი თოლებით.

მე, ლექსისქალას,
 ტოლებიდან ამომარჩევდი,
 ცხენზე შემსვამდი,
 ბორბალოსკენ გამაქანებდი.

გადაგვიხდიდნენ მთაში ქორწილს
 და იქნებ კიდევ

დაიაური ყოფილიყო ხელისმომკიდე,
 მაყრად დევები...

მაგრამ შენ სად ხარ?

სად შეები სხვა უღელს, ჩემო,
 სად გისველდება მტკივან მკლავზე
 ბერის სახელო.
 ნუთუ ჩემს სახელს
 იხსენიებ მხოლოდ მწუხრზე
 ანდა ცისკრისას...

სიმაღლე

მწიფე კახეთი.
 ჩაიხატა მთვარე მტევანში.
 ღამისთევაში ისევ შენზე ფიქრმა გამათბო.
 შარშან რომ გნახე,
 დამელანდე კვლავ იმ კაბაში,
 თეთრი მარმაში,
 თლილი ყელი,
 ლურჯი საყელო.
 შენი სახელი ახლა ღრუბელს
 ნვიმად დასცვივა,
 დამიფეთდება ამ ტაძართან
 ჩემი თეთრონი,
 იცი? აქ ღმერთთან სიახლოვე
 ცხადზე ცხადია,
 რადგან სიმაღლე
 იზომება ალავერდობით.



უზიზნი, ვითარცა უხორცო

ხელფასი თოვლის ფიფქივითაა, დაგეცა ხელზე და ეგრევე დადნა.

„არ მესმის, სამ სამსახურში ვმუშაობ, თითქოს კარგადაც მიხდიან და მაინც სულ უფულოდ როგორ ვარ?!“ უკვე ჩემი ცხოვრების თავსატეხად იქცა.

— რაციონალურად ხარჯვა უნდა ვისწავლოთ, — მეუბნება დედა.

— ვსიო, დღეიდან ჩოთქვას ვიწყებ, — ვეთანხმები მეც, მაგრამ როგორც კი ფული მოდის, ერთ კვირაში ისევ ნულზე ვართ.

ახლაც ასე მოხდა: თვის დასაწყისი იყო და, უკვე ისე ვიყავით, გეგონებოდა, ეს-ესაა, დიდი ხნის ჩხრეკის შემდეგ დაგვეხსნა საგადასახადო ინსპექცია.

— არა უშავს, ვისესხებთ სადმე, — ვთქვი ომახინანად და საკუთარ გაბზარულეკრანიან მობილურს დავწვდი ფულიანი ნათესავეებისა თუ მეგობრების „თვალუნვდენელი“ სიის კიდევ ერთხელ გადასახედად.

არა, სია მოზრდილია, მაგრამ გააჩნია, რა მიზნით რეკავ: მოსაკითხად — დიდი, რამე ჭკვიანურის მოსასმენად — პატარა, ქორწილში ან დაბადების დღეზე დასაპატიუებლად — თვალუნვდენელი,

როგორც ოკეანე, აი ფულის სასესხებლად კი, როგორც ჩვენთან, უბანში იტყვიან, „მკვდარზე ყვაილები,“ ანუ სრულიად გამოუსადეგარი.

ორჯერ უარი მითხრეს, ორჯერ ისე იცინეს, რომ ლამის დაიხრჩვენე, ერთი ათჯერ კი აქეთ დამასწრეს, ხუთი დღით ოცი ლარი ხომ არ გექნებაო, და მე და დედამ ერთად ჩავიქნიეთ ხელი.

დილას ვარჯიში მქონდა. წინა ღამით მაგრად მოეწვიმა და სტადიონზე არ შეგვიშვეს, ვიცით თქვენი ამბავი, ისე გადათხრით იქაურობას, კუზანოვის ცუდად ნაოპერაციებ სახეს დაამსგავსებთო და გამოგვიშვეს.

— დავაი, ვაკის პარკში, — თქვა ჩვენმა მწვრთნელმა და საკუთარი მანქანით დაიძრა იმ თეთრი რკინის ჭიშკრისკენ, რომლის იქითაც მწვანე ხეები და მონითალო-მოაგურისფრო ხრეშიანი მიწა იწყებოდა.

რალა უნდა გვექნა, გავყევით, მერე გუნდად შევიკარით და ეგრე ზვიადისტებივით ერთად დავიწყეთ პარკში სირბილი.

გრილოდა, ნაცრისფერ ცაზე ხანდახან თუ გამოჩნდებოდა მზის სხივები, ამიტომ პარკში ხალხი

ლაღტ კილასტნია

არცთუ ისე ბევრი იყო: ცისფერ კორტზე გოგოები დასდევდნენ ყვითელ ბურთს; შავთმიანი მსუქანი ქალი პატარა ბუსქუნა ბიჭს ასეირნებდა; როდესაც გვერდზე ჩავუბრუნეთ, ენას მოუჩლიქა და ხმამაღლა, ჩვენს გასაგონად უთხრა ბავშვს:

— ლაო, ბებო, გინდა ამ ბიჭებს გაგაკოლო?

— ეგლა გვაკლია, — ჩაიბურტყუნა ჩემს გვერდით მოძუნძულე ბაირამამ, — ოფლის მაგივრად არაყი მომდის, ისეთ პახმელიაზე ვარ და ახლა კიდე ამისი დებილი შვილიშვილი ათრიე.

მერე ვილაცის ლაიკა წამოგვეწია; ლამაზი იყო, ნაცრისფერი შავში, ღია ცისფერი შუშის თვალე-ბით. ცოტა ხანი ჩვენთან ერთად იძუნძულა, მაგრამ, ეტყობა, მობეზრდა და მოგვეშორდა.

წრეზე სირბილი მაგარი მოსაწყენია (ჩვენ კიდეც სამი უნდა გვერბინა), სულ ერთი და იგივე მეორდება, მაგრამ წამალიც არსებობს — რამე ისეთი სურათი უნდა მოძებნო, აარჩიო და დააკვირდე, როგორ იცვლება შენი არყოფნის დროს.

ამჯერად ასეთი გვერგო: ყველაზე მშრალ, ოდესღაც ცისფერ ხის სკამზე ბიჭი და გოგო ჩამომსხდარიყვნენ, ერთმანეთს უყურებდნენ და ლაპარაკობდნენ. პირველ წრეზე ოდნავ შორიშორს ისხდნენ ნაჩხუბარი წყვილივით, მეორეზე — უკვე

ახლოს მიწულიყვნენ, ხოლო, როდესაც მესამედ ჩავუბრუნეთ, ბიჭს გოგო მკლავებში მოექცია და ისე გაშმაგებით კოცნიდა, გეგონებოდათ, პითონი ყლაპავს უზარმაზარ კვერცხსო.

სირბილის შემდეგ სახლებში გაგვიშვეს. მე და ბაირამა ერთად წამოვედით, ტელევიზორში რაგბია და ბარემ შენთან ვუყუროთო, მითხრა. ორივენი სასწრაფოდ ავახტით ყვითელ ავტობუსს და ასე, ბოლო რიგის კუთხეში შეკუჭულებმა (ადგილი რომ არავისთვის დაგვეთმო), ვიჯაყჯაყეთ ვაგზულამდე, საბედნიეროდ, კონტროლიორები არ ამოსულან.

— დედა, რა გვაქვს საჭმელი? — ვიკითხე კარიდანვე.

— წყალი და, თუ გინდათ, გაგიცხელებთ, — მიპასუხა დედამ და ყვავილების მორწყვა გააგრძელა.

ტელევიზორთან დავსხედით, ჩავრთეთ; როგორც ყოველთვის — ბრაზილიური სერიალები, რეკლამები და ანონსები, რას ვიხილავთ? დღეს სალამოს P.S.-ის ეთერში, გადაიხარა თუ არა დედამინა რვა სანტიმეტრით საკუთარი ორბიტიდან, დავით გომართელის პოლიტიკური პროგნოზები, ვისთან იყენებს ვარცხნილობას ჯონდი ბალათურია და რჩევა, როგორ დავხარჯოთ მილიონი.

— აუ, აი, მაგის სწავლება თუ მჭირდებოდა, ბოზიშვილი ვიყო, — თქვა ბაირამამ და ტელეფონ-მაც დარეკა; ბებერო იყო, ჩვენი ძმაკაცი.

— რას შეები, ბრადიაგა? — მკითხა ქურდულად.

— რავი, რაგბის ველოდებით მე და ბაირამა, — ვუპასუხე.

— დღეს დილას ბერი ჩამოვიდა, წელან ველაპა-რაკე; მოვა ახლა, მეც გადმოვალ, — და დამიკიდა.

ბერი ჩვენი ძმაკაცი და გუნდელია, ორი თვის წინათ წავიდა ამერიკაში და დენვერში თამაშობდა, ახლა კი უკან ჩამობლაცუნებულია. ისე, ლამის მთელი მსოფლიო აქვს მოვლილი, ძირითადად აფერისტობით, სივებს გზავნის, 190 სანტიმეტრი და 105 კილო ვარო, ისინიც ინვევენ, მაგრამ, როდესაც ხელში ქართველი ტიტანის ნაცვლად ვაგზლეული შავტუხა, სქელი და კონტრაბასის ფორმის ტანის მქონე კაცი შერჩებათ — აგდებენ. ისეც მომხდარა, რომ კვირაობით ყოფილა მშვიერი სრულიად მარტო (თონის პურებით მიდიხარ აქედანო, ელადავებიან ხოლმე) უცხო ქვეყანაში და ყველასთვის გამოცანად რჩება, როგორ ბრუნდება უკან.

— ვაა, ბერი ჩამოსულა, — მივუბრუნდი ბაირამას.

— როდის?

— დღეს დილას. ბებერო მელაპარაკა, მალე მოვლენ.

— შენც იმაზე ფიქრობ, რაზეც მე? — მკითხა ბაირამამ.

— ხინკალი, — ვუპასუხე და ორივეს სიცილი აგვიტყდა.

ათ წუთში კარზე დააზარუნეს. ბერი მაგრად „დაზაგრულიყო“, ლას-ვეგასში დავირტყიო, ბებეროს კი ჩვეულებრივი თბილისური ფერი ედო, რაღაცა შუალედური მალბორო ლაითის კოლოფსა და ორლიტრიანი ნატახტარის ბოთლს შორის.

იეროში სიტუაციის გამოკითხვით დაიწყო, მოენონა თუ არა, როგორი დონეა რაგბის მხრივ, ნაშების ამბები, სად ცხოვრობდა. არ დავცინოდით, ბიჭისთვის, აგერ, ხუთ წუთში ფული უნდა გაგვეწია და გვეშინოდა, რამე არ წყენოდა, მაგრამ, როდესაც ბებეროს კითხვაზე, რამდენჯერ ჭამდი დღეშიო, სრულიად ალაღად გვითხრა — იცი, მაგარი კალორიული საჭმელი აქვთო, თავი ველარ შევიკავეთ და ავხარხარდით, თუმცა მა-

ლევე მოვეგეთ გონს, ბებეროც მიგვიხვდა და პირველი თვითონ დაიწყო: — ჰა ახლა, გააძრეთ რამე, ბიჭი სამი თვეა არ გვინახავს და ხინკალი ვაჭამოთო, რასაც ეგრევე მოჰყვა ჩემი — კაჟა ბულავასავით გაზეპირებული, დაუჯერებელი და სევდიანი ისტორია ალალ ლადოზე და მის სასტიკ ბულალტერზე.

— ოცდაათ დოლარს მე გამოვალ, — თქვა ბერი და ეგრევე გადაწყდა: სახინკლე, ლუდი, არაყი.

— თქვენ „პრიპასები“ მომიტანეთ, ხინკალი კი ჩემზე იყოს, — ოთახში დედა შემოვიდა.

ჯერ ფული გადავახურდავით, მერე კი დავიქსაქსეთ — მე ფარშზე გავფრინდი, ამ სიტყვის სრული მნიშვნელობით, ბაირამა — ფქვილზე, ბებერო და ბერი — ლუდზე. დედამ ცომი მოზილა, ერთ საათში კი მობუყბუყე, ადუღებულ წყალში აკვალანგისტებივით ჩაეშვენ თეთრი ცომის გუნდები.

და, მართალია, თამაში, რომელსაც ველოდებოდით, მაგარი უინტერესო გამოდგა, ხინკალმა დაგლიჯა. კი არ ვჭამდით, ვყლაპავდით, მერე, როდესაც ცოტა სული მოვითქვით, ჩემი მოპირდაპირე მეზობელი „კიბოც“ შემოგვესწრო, ისეთივე უსაქმური და არაფრის გამკეთებელი, როგორც წარწერა „ნუ მიეყრდნობით“ მეტროს ვაგონის კარზე (ორი თავი ხახვის სათხოვნელად შემოეშვა დედამისს), რასაც მამაჩემის ხილის არაყი და სადღეგრძელობიც მივაშველეთ და ცოტა გავმხიარულდით, ბერი კი ყვებოდა და ყვებოდა:

— კაია იქ, მარა, აი, ID რომ არ მაქვს, ეგ მლუპავს... რა არი და პირადობის მოწმობის პონტია, ეგ თუ დაითრიე, მორჩა, სამუშაო ნაშოვნი გაქვს.

— აბა, ვმუშაობდიო?! — გაუკვირდა ბებეროს.

— ბიჭო, კი ვმუშაობდი, მარა სულ არა, მუდმივი არ იყო — თვეში ერთი კვირა და ხან სად და ხან სად.

— გყოფნიდა რო? — ჩავერთე მეც.

— კი, ერთი კვირა რო გადააბა, 700 დოლარია, თან საჭმელი და სასმელი ძაან იაფია.

— და სად მუშაობდი? — ბაირამამ ლუდი მონრუპა.

— ჩვენი გუნდის სპონსორთან, შეშას ვჩეხავდი. რას იცინით, ნაჯახით კი არა, სპეციალური დაზგები, დადებ, გაატარებ, ის შუაში გაჭრის და მერე ალაგებ.

პროზა

— კიდე? — აღარ მოვეშვი მე, ხინკალი უკვე გააძრო, ასე რომ ლადაობა ხსნილია.

— კიდე, რავი, პარკინგ არეაზე, მანქანების დაყენებაში ვეხმარებოდი.

— მაიცა რა, სტაიანშიკი იყავი? — ველარ მოითმინა ბებერომ.

— სტაიანშიკი ეძახე და, იცი, რა მაგრად იხდიან, ხუთი დოლარი, ათი დოლარი, ზოგი ოც-საც აძრობს. ერთი ეგ არის ცუდი, რო მუდმივი არაა, მარა, ახლა რო ჩავალ, ID-ს მიკეთებენ და თვეში ორი ათასზე ავალ ალბათ.

— სტაიანშიკობა თუ გინდოდა, დენვერში რა-ღას მიდიოდი, აქ დაგენყო, — შევუტიეთ ერთად.

— და რაგბი?

— რაგბისაც ვთამაშობ, უცნაურად უბერავენ და ამიტომ ცოტა გამიჭირდა, — გაეხარდა ბერის, რომ სხვა რამეზე დავიწყეთ ლაპარაკი, — ფერე-ბით, ლურჯი ბურთს იღებს, მწვანე და წითელი ყრიან, დაცვაშიც რაღაც მაგარი სტრანნი პონტია, მარა ჯანზე არიან და ზეთოთხმეტულს უბერავენ. ერთხელ აფსაიტში ჩავრჩი იმათ რაქში და იმდენი მირტყეს ნიხლები, რო ლამის გამადებილეს.

— მერე, ტო, არაფერი არ უთხარი? — ველარ მოითმინა კიბომ, რომელიც აქამდე ჩუმად იჯდა.

— და რა უნდა მექნა? — გაუკვირდა ბერის.

— რავი, მე უეჭველი დედას მოვუტყვანავდი.

ვსვამდით და ვსვამდით, დედამამიშვილებს დე-დეები მოჰყვა, წასულებს — ცოცხლები, ქვეყანას — თბილისი, მეგობრობას — სიყვარული და, ალ-ბათ არც ვაფერებოდით, დედა რომ არ შემო-ვარდნილიყო ოთახში.

— ომი დაიწყო, რუსების ტანკები სომხეთიდან მოდიან, — თქვა, ტელევიზორის პულტს ხელი დააჭირა და აციმციმებულ ეკრანზე ახალგაზრდა კაცის აღლევებული სახე გამოჩნდა, ავტომატის ჯერივით რომ აყრიდა საშინელ სიტყვებს ერთმანეთს: რომ სომხეთში დისლოცირებულმა რუსულმა სახალხო არმიამ საქართველოს საზღვრები გად-მოკვეთა და ახლა დედაქალაქისკენ მოემართება, რომ ქართული სამხედრო ქვედანაყოფების ნაწილ-მა უარი განაცხადა სააკაშვილის დანაშაულებრივი მთავრობის დაცვაზე და გორში დაბანაკდა, სადაც რუსეთთან შეკრული ეგრეთ წოდებული სახალხო მთავრობის, ანუ ბურჯანაძე-ნოლაიდელის ბრძა-

ნებებს ელის, რომლებიც თურმე მოუძღვიან რუ-სეთის ჯარს, რომ მცხეთასთან უკვე ბრძოლები მიმდინარეობს, რომ პრეზიდენტი მოკლულია და ყველა ბრძოლისუნარიან მამაკაცს საქართველოს მთავრობა დედაქალაქის დაცვისკენ მოუწოდებს.

— სამოქალაქო ომზეც წავიდნენ, — თქვა დე-დამ. ბიჭებმა ერთმანეთს გადახედეთ და უეცრად ყველამ ვიგრძენით, როგორ ცოცხით გადახვეტილი მტერის ფენასავით გაქრა სიმთვრალე.

პირველი კიბო ეცა ტელეფონს და ძმას დაურეკა.

— სად ხარ?.. სად დაეთრევი, შე ჩემა, ამ ღამლამობით. ახლა ტელეფონი გათიშე და ეგრევე სახლში გამოგაზე... მგონი, ომი დაიწყო. — და ამ სიტყვებზე გარეთ გავარდა.

— ჩემი ბედის დედა მოვტყვან, რას მოვდიოდი. ხო მეუბნებოდნენ, დარჩი, ვინ არ ყოფილა არაღე-გალადო?! — იყვირა უცებ ბერიმ და ორივე ხელი შუბლზე შემოირტყა.

მეც ყურმილს ვეცი, ჩემ ძმას დავურეკე და გავაფრთხილე, ტელეფონი გაეთიშა, სახლიდან არ გასულიყო და სავალდებულო სამსახურისკენ არც კი გაეხედა.

— რა უნდა ვქნათ? — ჩუმი ხმით იკითხა ბებე-რომ. ბიჭებმა კიდეც ერთხელ შევაგლეთ ერთმანეთის გაფითრებულ სახეებს თვალი და იმ მიყ-რუებული ადგილების წარმოსახვით ჩამონათვალს დაფუნყეთ ძებნა, სადაც რუსის ჯარი კი არა, მამა-ზეციერიც ვერ მოგვაგნებდა, რომ უცებ საინფორ-მაციო გამოშვება დამთავრდა, ეკრანზე იმ ბიჭის მაგივრად ვილაც შავთმიანი ქალი გამოჩნდა და აგ-ვისხნა, რომ ეს ეგრეთ წოდებული მომავლის ქრო-ნიკაა და რომ აქ აღწერილი ამბები სინამდვილეში კი არ ხდება, არამედ შესაძლებელია მოხდეს.

ზუსტად არ მახსოვს, მაგრამ ერთი მოთხრო-ბაა, სადაც მთავარი გმირი ვილაცებს აგინებს, იმათ დედებს კი ღამლამობით ასლოკინებთ. ჰოდა, თუ მაგ წამყვანის დედა სლოკინით სიკვდილს გა-დაურჩა ამალამ, ხომ კარგი, თორემ ბერის სახის შემხედვარე ნაღდად ვიცი, რომ ამერიკის საელ-ჩოს კონსულის დედა დილას ვერ მიაღწევს, იმ კონსულისა, რომელმაც ერთწლიანი ვიზის მაგი-ვრად სამთვიანი ჩაურტყა და ალბათ სულ ცოტა ხნით, მაგრამ მაინც დააბრუნა მშობლიურ მიწა-წყალზე.



•
ცხოვრება რა რთულია,
როდესაც ქართულია!..

•
ჩვენში რამდენიც არის პარტია,
ზუსტად იმდენი ბონაპარტია!..

საქართველო

საქართველო გაიხლიჩა:
აქეთ — გოჩა, იქით — ხვიჩა!

•
ყველაფრის ფასი ნულია,
რაც არ არს ეროვნულია!..

მასონი

მყის დაავიწყდა მას ონი,
როგორც კი გახდა მასონი...

ტელევიზია

როდესაც გვექონდა სულ ერთი არხი,
მშვიდად ცხოვრობდა ქართველი ხალხი!..

ნუგზატ ეტიგემლიძე

ქართველები ევროპაში

როს დავტოვეთ, ძმებო, ვენა,
დამშვიდდა და მოისვენა!..

მომავალი

ღმერთმა ნუ ქნას, მომავალი
იქცეს სიტყვად: „მომე ვალი!..“

ნამალზე დაჭერილის ლექსი

შპრიცს ვეძებდი „ლომკაში“
მოვხვდი „მიშალოვკაში...“

ძველი „ტურბაზების“ მეხოტბეთ

დამიჯერეთ, ტურბაზას
უკან მოსდევს რუსთ ბაზა!..
— თუმცა...—

რატომღაც ყველა ტანიას
ძალიან კარგი ტანი აქვს!..

ადამიანი

ადამიანი ჰქვია არსებას,
რომელიც ცხოველს არ ემსგავსება!..

7 ნოემბერი

დღეს 7 ნოემბერია —
 ტრიბუნასთან დგას ბერია,
 გავიგებთ, ვისი ჯერია!..

•

ფილოსოფიის საგანი:
 თბილისს უხდება საკანი...

ნიკალა

ეს პარიზელი დამა კარგია,
 მთელი ცხოვრება დამაკარგია...

მადრიდი


გასხენდება მადრიდი,
 ღონ-კიხოტს რომ მადრიდი?!.

მობილური სიყვარული

მომკლა შენმა მესიჯებმა,
 პულსი აღარ მესინჯება!..

ავტონომია

გემზე ვართ, ბარის სალონში.
 გემი დგას ბარსელონაში,
 საქართველოში ომია, —
 გაგვირბის ავტონომია.
 კატალონიაც ტომია,
 აქაც აქვთ ავტონომია.
 არსად გამქცევებს არ ჰგვანან,
 რა ვიცი, ასე მგონია...
 ქე დაფიქრდები ხანდახან:
 ავტონ-ომია ომია?!



თემურ ჩხეიძე

როლების განაწილება სიუჟეტის გადაწყვეტასაც ნიშნავს

დიდი მანესტრო!..

თემურ ჩხეიძე დღევანდლობის უდიდესი რეჟისორია...

მსოფლიოს ნამყვან თეატრებში აქვს სპექტაკლები დადგმული... სხვა რომ არაფერი, „მეტროპოლიტენ ოპერა“ და „ლა-სკალა“ რად ღირს?!

თემურ ჩხეიძე ჩვენი თანამედროვეა...

და რა გულდასაწყვეტია, რომ მის შემოქმედებას საქართველოში ახალი თაობა ნაკლებად იცნობს... ეს ის სამწუხარო რეალობაა, რომელშიც გვინევს ამ რეჟისორის თანამედროვეთ ცხოვრება...

ვერც ნიგნს მოიძიებთ ამ დიდ შემოქმედზე. არადა, დალაგებულ ქვეყანასა და ყოფაში რომ ვცხოვრობდეთ, ნიგნი ნიგნზე უნდა გამოდიოდეს, თეატრმცოდნეები ერთმანეთს უნდა ასწრებდნენ თემურ ჩხეიძეზე ნიგნის დაწერას, მაგრამ, სამწუხაროდ, რეალობა სულ სხვაა... და, იქნებ, ამიტომაც გავკადნიერდი და მოვინდომე, ეს სიცარიელე ამომეგსო. უფრო ზუსტად რომ ვთქვა, გამომენვია ის სპეციალისტები, რომელთაც ეს საქმე ევალებათ და ხელენიფებათ კიდევ. ჩემი ნიგნი „სადად თხრობა რთულ საკითხებზე“ (რომელიც მალე დაისტამბება გამომცემლობა „პეგასში“, გამომცემელი მარინე ცხადაია) პირველი მოკრძალებული ცდაა თემურ ჩხეიძეზე ნიგნის დაწერისა...

გთავაზობთ პატარა ფრაგმენტს ამ ნიგნიდან...

ნაწილი მესამე:

მესამე მოქმედება იმავე ინტერიერში მიმდინარეობს. დეკორაცია და მოქმედი პირნი არ იცვლებიან. ემატება განათება [გამოკვეთილია რეჟისორის სამუშაო მაგიდა, სადაც მიხეილ თუმანიშვილის ქანდაკების პატარა ასლი დევს. იგი ჩემთვის

გახლავთ სიმბოლო მიხეილ თუმანიშვილის პრემიისა, რომლის მფლობელიცაა ბატონი თემური და მუსიკალური გაფორმება (კარგი იქნება, თუ აჟღერდება კარლოს სანტანას კომპოზიცია „ვეროპა“).

— ბატონო თემურ, რამ განაპირობა თქვენი პროფესიული არჩევანი, იმ ატმოსფერომ, სადაც გაიზარდეთ?

— რა თქმა უნდა, ამანაც განაპირობა, თუმცა ექიმობაც მომწონდა — ეს უკვე ბაბუას გავლენით — მაგრამ ბოლოს ისევ რეჟისორობა ვირჩიე.

— თქვენი ჯგუფის პედაგოგი დიმიტრი ალექსიძე იყო, არა?

— კურსის ხელმძღვანელი დიმიტრი ალექსიძე იყო, მაგრამ მეოთხე კურსის მეორე ნახევრიდან საქართველოდან უკრაინაში გადავიდა სამუშაოდ და „უპატრონოდ“ დავრჩით... ჩემზე, როგორც რეჟისორზე, უდიდესი ამაგი აქვს მიხეილ თუმანიშვილს.

— მიხეილ თუმანიშვილის ერთ-ერთი ჩანაწერი მაგონდება, სადაც თავის მონაფეებს ჩამოთვლის, მათ შორის გასახელებთ თქვენც, და იქვე დასძენს: რასაკვირველია, თუ ის თავის მასწავლებლად მიმიჩნევსო. არადა, ქართველ რეჟისორთაგან, ჩემი აზრით, თქვენ ყველაზე მეტად აგრძელებთ მისი სკოლის ტრადიციებს...

— პრინციპების მხრივ კი, მაგრამ... ესთეტიკის მხრივ არა, რადგან ბატონი მიშა უფრო მრავალმხრივი ესთეტიკის მქონე იყო.

— მიხეილ თუმანიშვილს თავის მონაფედ მიაჩნდით.

— მეც ასე მიმაჩნია!.. ორი ნელინადი თეატრალურ ინსტიტუტში ბატონი მიშას ასისტენტი ვიყავი და ეს წლები ჩემთვის ასპირანტურის ტოლფასი იყო. მაშინ ყველაზე მეტი, ალბათ, მე მივიღე მისი გაკვეთილებიდან...

— კიდევ ვინ იყვნენ ის ადამიანები, ის პროფესიონალები, ვისგანაც სწავლობდით?

— უპირველესად მამაჩემი, ასევე, კოტე მახარაძე, ბაბუაჩემი — ვასილ ჩახავა; სხვადასხვა შეხედულებების, განსხვავებული მენტალიტეტის ადამიანები, რომლებიც არაფერს იშურებდნენ ჩემთვის. მათ გათამამებულ-განებივრებულად კი ვყავდი. და მაინც... ჩემთვის, როგორც პროფესიონალისთვის, მთავარი ორიენტირი მიხეილ თუმანიშვილი იყო.

ცხოვრების მეორე ნახევარში ჩემი უფროსი და უახლოესი მეგობარი იყო კირილ ლავროვი, რომელთანაც ოცნლიანი ურთიერთობა მაკავშირებდა.

— თუ გქონდათ შემოქმედებითი (და არა მხოლოდ შემოქმედებითი) ურთიერთობა ისეთ დიდ მსახიობებთან, როგორებიც იყვნენ ვერიკო, აკაკი ვასაძე, დედათქვენი — მედეა ჩახავა.

— ჯერ კიდევ რუსთაველის თეატრში ყოფნისას მომიწია რამაზ ჩხიკვაძესთან, გოგი გეგეჭკორთან, მარჯანიშვილში კი, როცა იბენს ვდგამდი, ვერიკოსთან და ვასაძესთან მუშაობამ. ვასაძე ძალიან დიდი მსახიობი იყო.

ამ რანგის მსახიობებთან ურთიერთობა დიდი სკოლაა ახალგაზრდა რეჟისორისთვის.

გული მწყდება, სესილია თაყაიშვილთან რომ ვერ ვიმუშავე.

— დედათქვენთანაც ხომ მუშაობდით.

— კი, დედასთანაც მიმუშავე. დედა დედაა მაინც...

— ინსტიტუტის დამთავრებისთანავე ზუგდიდში წახვედით, მაშინ, როცა შეგეძლოთ, მუშაობა გაგეგრძელებინათ თბილისის რომელიმე წამყვან თეატრში და... ამ დროს პერიფერია აირჩიეთ. რატომ?

— ინსტიტუტს რომ ვამთავრებდი, ბატონმა გიგა ლორთქიფანიძემ შემომთავაზა, მარჯანიშვილის თეატრში დამედა სადიპლომო სპექტაკლი.

— თქვენ კი სადიპლომო სპექტაკლი ზუგდიდში დადგით.

— მართალია, იქ დადგდი.

— რა პიესა იყო?

— ჯემალ მონიავას პიესა იყო ახალგაზრდულ თემატიკაზე, საერთო საცხოვრებელში ჩასახლებულ სტუდენტთა ყოფაზე — „კორპუსი 5. ოთახი, 55“.

— ზუგდიდში რომ წახვედით, რამდენი წლისა იყავით?

— წვედი და იქ, ნოემბერში, გავხდი 22 წლისა. ყველანი, ვინც კი წვედით, ძალიან ახალგაზრდები ვიყავით.

— ვინ და ვინ წახვედით?

თეატრი

— მსახიობთაგან ჟანრი ლოლაშვილი, ავთო მახარაძე, ჯოჯოლა ფილფანი, ლილი ბურბუთაშვილი; მხატვრები მიშიკო ჭავჭავაძე და კაკი რამიშვილი.

— როგორი დასი დაგვხვდათ იქ?

— ნორმალური. ისეთი, რომელთანაც მუშაობა შეიძლებოდა.

— რომელიმე მსახიობს ხომ არ გაიხსენებდით?

— უფროსი თაობიდან რამდენიმე საინტერესო მსახიობი იყო, მათ შორის დავით ყუფარაძე, ალიოზა როგავა...

იყვნენ ახალგაზრდებიც: ანზორ ჯვარელი, მზია ტოგონიძე, ზემფირა გუნია, ჩვენზე რამდენიმე წლით უფროსი პეტრე წულაია, გურამ წერეთელი...

— მაყურებელი თუ გყავდათ?

— მხოლოდ პრემიერაზე იყო სავსე დარბაზი...

— რამდენი სპექტაკლი დადგით ზუგდიდში?

— ხუთი.

— რა პიესები აირჩიეთ?

— დიდი არაფერი. ყოველ შემთხვევაში, კლასიკა არც ერთი არ ყოფილა.

— რამდენი ხანი დაჰყავით ზუგდიდში?

— სეზონ-ნახევარი.

— რა მოგცათ იქ გატარებულმა წლებმა?

— რაც მთავარია — დამოუკიდებლობა. მივხვდი, რომ ყველაფერზე თვითონ უნდა აგო პასუხი!

— როგორც რეჟისორმა თუ როგორც პიროვნებამ?

— როგორც რეჟისორმა და როგორც პიროვნებამ.

— როცა თბილისში დაბრუნდით, სად დაინწყეთ მუშაობა?

— მოზარდ მაყურებელთა ქართულ თეატრში. იქ დამხვდნენ რეზო თავართქილაძე, ლადო მექვაბიშვილი, რუსლან მიქაბერიძე...

მოზარდი მაშინ საკმაოდ კარგი თეატრი იყო.

— საბავშვო თემატიკაზე გადართვა არ გაგიჭირდათ?

— „საბავშვო“ თითქმის არაფერი დამიდგამს.

— აბა?

— დავდგი კლდიაშვილის „დარისპანის გასაჭირი“ და „უბედურება“, კიდევ — მაშინ ძალზე პოპულარული ჩეხი მწერლის, იან იტჩენაშვილის „რომეო, ჯულიეტა და წყვილიაღი“, ვანიონ დარასელის „დივიზია №16 (კიკვიძე)“.

— მოზარდ მაყურებელთა თეატრის შემდეგ მიხეილ თუმანიშვილმა მიგიწვიათ რუსთაველის თეატრში.

— დიას..

— რუსთაველის თეატრში შეიქმნა თქვენი და რობერტ სტურუას გახმაურებული სპექტაკლი „სამანიშვილის დედინაცვალი“. არ გაგიჭირდათ მეორე რეჟისორთან ერთად სპექტაკლზე მუშაობა?

— ერთად არ გვიმუშავია. ჯერ მე დავდგი სპექტაკლი, მერე ისე მოხდა, რომ სამხატვრო საბჭოს დიდად არ მოეწონა. ამ დროს ავად გავხვდი, სპექტაკლი კი აუცილებლად უნდა გამოსულიყო და რობიკომ გააგრძელა მუშაობა. მინდა გითხრათ, სტურუა რომ არა, „სამანიშვილის დედინაცვალი“ ასეთ წარმატებას ვერ მიაღწევდა.


— ბატონო თემურ, თუ ყოფილა შემთხვევა, ავიყვანიათ მსახიობი და მერე გინანიათ ან სულაც გაგითავისუფლებიათ როლიდან?

— ალბათ ყოფილა, მაგრამ ძალიან იშვიათად. საერთოდ, მსახიობს არ ვათავისუფლებ როლიდან. ჩემი არჩეულია, ამიტომაც ვალდებული ვარ, მასთან ერთად დავძლიო ყველა სირთულე და ბოლომდე მივიყვანო სამუშაო... და, თუ რაიმე არ გამოდის, მასთან ერთად უნდა ვაგო პასუხი.

— ესე იგი, ბოლომდე აძლევთ შანსს?

— იმასაც და ჩემს თავსაც.

ც.ს.ა.ი.



— ახლა მომაგონდა, თავის დროზე „ჰამლეტის“ დადგმას აპირებდით, რეზო ჩხიკვიშვილს შესთავაზეთ, ეთამაშა ჰამლეტი...

— კი, მქონდა რალაც ვერსია და ვაპირებდი, მაგრამ რეზო გერმანიაში წავიდა...

— სხვა მსახიობი ვერ „დაინახეთ“ ამ როლში?

— სხვა აღარ მიძებნია.

— „ჰამლეტი“ აღარ დადგით...

— არა და... უფრო მეტსაც გეტყვით, აღარც დადგამ. მით უმეტეს ამ ასაკში. საერთოდ, როდის დგამ ბავშვობიდან ნაცნობ და საყვარელ ნაწარმოებს? როცა მიგაჩნია, რომ შენეული ვერსია საინტერესოა და არსებობის უფლება აქვს...

— როგორ ფიქრობთ, შეიძლება, ფსიქოლოგიურ თეატრში არსებობდეს დუბლიორთა სისტემა?

— შეიძლება, მაგრამ იშვიათად. მე პირადად არ ვარ ამის მომხრე, თუმცა თეატრს ეს სჭირდება. მეტიც, აუცილებელია. ყველაფერს რომ თავი დავანებოთ, ხომ შეიძლება, მსახიობი ავად გახდეს, მაშინ რა უნდა ქნა?

მაგრამ, ხომ გეუბნებით, მე დუბლიორი არ ამყავს, არ გამომდის იმიტომ, რომ როლების განაწილება სიუჟეტის გადანყვეტასაც ნიშნავს და არ შემიძლია, ერთი და იგივე სპექტაკლი სხვადასხვანაირად გადავწყვიტო. მუშაობის დროს ძალიან ვეჩვევი მსახიობს.

მაქვს პიესები, რომელთა დადგმასაც ვაპირებდი, მაგრამ „მიზეზთა გამო“ სხვათა და სხვათა თავის დროზე ვერ დავდგი და ახლა უკვე მათი დადგმის დრო „გავიდა“.

— როგორ „გავიდა...?“

— აი ისე, გავიდა...

— ბატონო თემურ, აუცილებელია რეჟისორისთვის განსაკუთრებული ინტუიცია?

— რეჟისორისთვის ყველაფერი აუცილებელია.

— ყველაზე მეტად მაინც რა არის აუცილებელი?

თეატრი

- ბევრი რამ... ძალიან ბევრი...
- არა, ნამდვილად მძიმე პროფესიაა...
- იოლი პროფესია მე არ მეგულება...

ისე, რომ იცოდეთ, რა კარგია, წინდანინ რომ არ იცი, რა გამოვა, ყველაფერი შეგრძნებებსა და ინტუიციაზე რომ არის დამყარებული...

— როგორ ფიქრობთ, უნდა აინტერესებდეს რეჟისორს ეგრეთ ნოდებული საზოგადოებრივი დაკვეთა?

— კი, ბატონო, მაინტერესებს, მაგრამ, თუ ვერ გავიგე, რაში მდგომარეობს ეს დაკვეთა? თანაც საზოგადოება არ არის ერთნიშნა ცნება, ის ხომ სხვადასხვა ტიპის მკვეთრი ინდივიდებისგან შედგება. ამ დროს როგორ გინდა, განსაზღვრო, ვის რა მოსწონს... ამიტომაც რეჟისორი დგამს იმას, რაც მისთვის არის ახლობელი და ამით სურს სხვათა „გამონევა“. თავისი სპექტაკლით ემოციურ თანაგრძნობას ელის მაყურებლისგან და ამ თანაგრძნობას ზოგიერთისგან იღებს, ზოგიერთისგან — ვერა.

თეატრის ბედნიერება და უბედურებაც ის არის, რომ უაღრესად დემოკრატიულია. თეატრში მოდის ყველა: მოხუცი, ახალგაზრდა, მკვეთრად განსხვავებული გემოვნებისა და მოთხოვნების მაყურებელი და... გეკითხებით, როგორ გამოვიცნო, ვის რა აინტერესებს?!

— ხშირად წამიკითხავს, თეატრმცოდნეები წერენ — მაყურებელი სპექტაკლის ნაწილიაო. ეთანხმებით ამას?

— კი, ასეა. ყოველ შემთხვევაში, უნდა იყოს. უნდა არსებობდეს „გადამცემი“ (თეატრი) და „მიმღები“ (მაყურებელი). თუ ეს არ ხდება, მაშინ თეატრალური აქტიც შეუმდგარია.

— მაგრამ რომ ვერ იქცეს მაყურებელი სპექტაკლის ნაწილად, მაშინ...

— სპექტაკლი არ ვარგა...

— შეუძლია რეჟისორს, იყოს მოდური, თანამედროვე და დროსაც გაუსწროს?

— ეგეც არ ვიცი, რას ნიშნავს... არასდროს ვყოფილვარ მოდური რეჟისორი და არც ჩემს სპექტაკლებზე მოსახვედრად ყოფილა თავპირისმტკრევა...

— ამ გამოთქმასაც — დროს უსწრებს — ხშირად ხმარობენ თეატრის კრიტიკოსები.

— არ ვიცი, მე, ალბათ, არ შემიძლია, დროს გავუსწრო...

— თქვენ ეს შეძელით სპექტაკლებით „გუშინდელნი“, „ჰაკი აძბა“, „ჯაყოს ხიზნები“, რომლებიც თანამედროვე პრობლემებზეა დადგმული.

რაც შეეხება მოდას, ის ხომ მართლაც პირობითია... თუმცა თავის დროზე ხომ იყო მიხეილ თუმანიშვილი ძალიან მოდური რეჟისორი?

— აბა რა. მის სპექტაკლებზე ყოველთვის ანშლაგი იყო. მაგრამ გამონაკლისიც მახსოვს, მის შესანიშნავ „ანტიგონეს“ ბევრი მაყურებელი არა ჰყოლია.

— რა კანონზომიერებაა ეს?

— მაგას რას გაიგებ...

— ტოვსტონოვოვი ერთგან წარმატებასა და წარუმატებლობაზე მსჯელობს და ბოლოს დასძენს: ზოგიერთი წარმატება ჩავარდნაზე უარესიაო. და რას გულისხმობს?

— უფრო დაუნდობლად რომ ვთქვათ, რას გულისხმობს, იცით? ის ფაქტი, რომ რომელიღაც კონკრეტულ სპექტაკლზე მაყურებელი დადის და დარბაზიც გადაჭედლია, ჯერ კიდევ არ ნიშნავს ამ სპექტაკლის წარმატებას. ოღონდ არ გეგონოთ, როცა ამას ვამბობ, თითქოს ისეთი სპექტაკლების წინააღმდეგი ვიყო, რომლებზეც მაყურებელი დადის. ტყუილია, ამის წინააღმდეგი კი არა ვარ, არამედ ყალბი პოპულარობისა... მწერლობაზეც ხომ შეიძლება იმავეს თქმა: ხშირად ყოფილა ამა თუ იმ მწერლის წიგნი ძალზე პოპულარული გამხდარა, მაგრამ გასულა დრო და...

— დროსთან ერთად ეს მწერალი და მისი ეს წიგნიც ყველას დავიწყებია.

— ასეა, პოპულარობა სულაც არ ნიშნავს იმას, რომ ამ მწერლის შემოქმედება კლასიკად იქცევა... თეატრშიც ასეა, ხშირად სხვადასხვა მიზეზის გამო ხდება ესა თუ ის სპექტაკლი პოპულარული...

მეორე მხრივ, გავიხსენოთ, რას წერს ბრუკი: როდესაც თეატრში კრიზისია, მისი გადარჩენა მხოლოდ „უხემ“ თეატრს შეუძლიაო.

ცისკა

— „უხეშ“ თეატრში რა იგულისხმება?

— კომედია, ბუფონადა, მელოდრამა.

— მე, პირადად, ბუფონადას კარგი მელოდრამა მირჩევნია.

— კარგი ყველაფერი კარგია, მთავარია, ნიჭიერად იყოს დადგმული!

— ბატონო თემურ, მოდით, შევეშვათ ამ თემაზე საუბარს და ისევ უშუალოდ, შემოქმედებით პროცესს დავუბრუნდეთ...

— აბა, აქამდე რას ვაკეთებდით?!

— რატომ ხდება, რომ ქართულ კლასიკას დგამთ და ამ დროს უცხოურ მუსიკას ირჩევთ გასაფორმებლად...

— მაგალითად?

— აი, თუნდაც „ჯაყოს ხიზნები“, ვერდის ჰანგები გაისმის.

— მხოლოდ ერთხელ — მარგო და თეიმურაზი პირველ შეხვედრას რომ იხსენებენ, მარგო თხოვს, წარმოდგენაზე ბილეთი იყიდეთო. რატომღაც მივიჩნიე, ეს საოპერო სპექტაკლი უნდა ყოფილიყო, თან ვერდის „ტრავიატა“. მერე როდის ახსენდება ეს თეიმურაზს — როცა მარგო და ჯაყო ჯვარს იწერენ...

ჩემში სულ სხვა ასოციაცია წამოვიდა, აუცილებლად უნდა ყოფილიყო კონტრასტი.

ცხოვრებაშიც ხომ ასეა: ზოგჯერ დაძაბულ ვითარებაში ლირიკული მუსიკა გახსენდება ანდა პირიქით...

აი, „დონ კარლოსში“, რომ იცოდეთ, შეფარულად ორი ქართული თემა ჟღერს.

ან „ჰაკი აძბა“. მთელი სპექტაკლი გაფორმებულია იმანდ კალნინშის მეორე სიმფონიით და ეს იმდენად ერწყმოდ სპექტაკლს, რომ მის „ქართულობაში“ ეჭვი არავის შეპარვია.

— „არტში“ მთელი სპექტაკლი ისე მიდის, ვერც გრძნობ, მუსიკა თუ არ ისმის, რატომ გადაწყვიტეთ ასე?

— ეს ჩემი კი არა, უშუალოდ პიესის ავტორის იდეა იყო და მომეწონა.

— სპექტაკლის მუსიკალური გაფორმება ძალიან მნიშვნელოვანი მგონია.

— თუ რამეა ყველაზე მეტად განყენებული და განზოგადებული — მუსიკაა... და ძალიან რთულია ჰანგის ზუსტად მიგნება.

— თქვენ ყოველთვის ახერხებთ ამას... ახლა ჯავახიშვილის „თეთრი კურდღელი“ მომაგონდა... რა ვიცი, რომელი ერთი გავიხსენო?!

— ?!

— ბატონო თემურ, თქვენს სპექტაკლებში გრიმს ნაკლებად იყენებენ მსახიობები და... გრიმს უარყოფთ?

— რატომ, რატომ? „ჰაკი აძბაში“ კუზმა კილგას — ირაკლი უჩანეიშვილს ხომ ჰქონდა გრიმი, ჰაკისაც ეკეთა პარიკი. „ჯაყოში“ გივი ჩუგუაშვილი იყო გრიმში. ასე რომ, გრიმს კი არ უარვყოფ, ფაქიზად ვხმარობ, როგორც ყველაფერს...

— ოტელოც კი თეთრი გყავდათ, ეს იყო რაღაც სიმბოლური გადაწყვეტა?

— სიმბოლური დატვირთვა მერე, შეიძინა, თორემ...

— თორემ რა?

— სულ სხვა რამის გამო გადაწყვიტე, ოთარ მეღვინეთუხუცესს უგრძობად რომ უნდა ეთამაშა ოტელო... შემთხვევით მოხდა: ჯერ კიდევ ოთახში გავდიოდით რეპეტიციებს, სცენაზე არ ვიყავით გადასული, ცხადია, ოთარი უგრძობად იყო...

— ესე იგი, თქვენს მომავალ სპექტაკლში ოტელო აუცილებლად შავი უნდა ყოფილიყო?!

— აბა რა. მაგრამ... როცა იაგოსთან ერთ-ერთი სცენა დაამთავრა, სადაც ოტელო რაღაც ანგარიშშიუცემლად მოქმედებს (ვუთხარი, რომ იქვე დაყრილი ტომრები ერთი ადგილიდან სხვაგან უნდა გადაიტანოს და მერე უკანვე დააბრუნოს), დიდი ხნის პაუზის შემდეგ სრულიად გაფითრებული მეღვინეთუხუცესი დაჯდა და ისე გამწარდა, სახეზე სისხლი მოაწვა, მთლიანად განითლდა... რომ შევხედე, ისე შემეშინდა, ერთი პირობა ისიც კი ვიფიქრე, ცუდად ხომ არ გახდა-მეთქი. ხმას ვერ ვიღებ, გატრუნული ვარ და უცებ სამარისებურ სიჩუმეში იწყებს მონოლოგს: „ცოლს რად ვირთავდი!“ — ეს იყო მართლაც გენიალური მომენტი. ეს ფრაზები თქვა თუ არა, იმ წუთში გავაჩერე, ტექსტს ნულა გააგრძელებ, რადგან ამ პაუზით იმდენი რამე მითხარი და ისე ითამაშე, სიტყვები საჭირო აღარაა-მეთქი.

ვიკილი

თეატრი

გახსოვთ, ტექსტის შემცირებაზე, რომ ვსაუბრობდით, აი, ასეთ შემთხვევაში უნდა შეამციროს რეჟისორმა ტექსტი და არა მექანიკურად...

— ...

— ამ სცენის მერე შინ რომ წამოვედი, სულ იმაზე ვფიქრობდი: თუ ოტელო შავი იქნება, მაშინ მე დავკარგავ ცოცხალ ადამიანს და შევიძენ შეღებილს, არადა... რა ვქნა, რა ვქნა და უცებ მივხვდი, რომ ოთარს შავი გრიმი არ უნდა წავუსვა, მისი ოტელო თეთრი უნდა იყოს, რათა არ დაიკარგოს მთავარი — მსახიობის შესაძლებლობანი, მთელი ის არსენალი, რაც მელვინეთუხუცესს აქვს. ჰოდა, ამის მერე მივეცი სიმბოლური დატვირთვა მის სითეთრეს. თუ გახსოვთ, დასაწყისში შავია და ფინალშიც შავ გრიმს უსვამენ...

— **განათებაზე, მხატვრობაზე რას იტყობდით?**

— მხატვარს, განათებელს სრულ თავისუფლებას ვაძლევ. მხატვარი მთავაზობს რამდენიმე ვერსიას და ვირჩევ იმას, რაც მჭირდება... თუმცა აუცილებლად ვითვალისწინებ მის ესთეტიკას.

რაც შეეხება განათებას, მისი პარტიტურაც ისეთივე რთულია, როგორც სპექტაკლისა. შემიძლია, დეკორაციის გარეშე დავდგა სპექტაკლი, მაგრამ განათების გარეშე — არა. ამიტომ ჩემთვის განათება იგივეა, რაც არის კინოში კადრირება.

იმას, თუ რას ვაჩვენებ, განა არა აქვს მნიშვნელობა?!

— **ბატონო თემურ, ძალიან დაგლალეთ, კიდევ დამრჩა რამდენიმე შეკითხვა. მათგან ერთ-ერთს ამოვარჩევ და დღეს ამით მოვრჩეთ...**

— გისმენთ...

— **ბევრი ხელოვანი, მწერალი, რეჟისორი, მსახიობი, მხატვარი, ინტერვიუებში მისტიფიკაციას მიმართავს. თქვენ თუ გახასიათებთ ეს?**

— არა. მისტიფიკაცია არ მიყვარს, მაგრამ მიყვარს უბრალო, თვალის ერთი შევლებით უჩინარი ეპიზოდის გაზვიადებულად წარმოჩენა, თუმცა ამ ეპიზოდს ნამდვილად არ ვამატებ რაიმეს, არც არაფერს ვიგონებ, კი არ ვტყუი... უბრალოდ, ჩემეულ ინტერპრეტაციას ვაძლევ.

— **გასაგებია.**

— ახლა გამახსენდა, არის ასეთი — ადოლფ შაპირო, ძალიან ცნობილი, კარგი რეჟისორი. ფინეთში რაღაც დადგა და მოსკოვში რომ ჩამოვიდა, ერთმანეთს შევხვდით. მითხრა: კარგ რაღაცას განახებო, გახსნა საფულე და იქიდან ამოიღო გაზეთიდან ამოჭრილი სოლჟენიცინის ფოტო, საბჭოთა კავშირიდან გაქვებული, ჰელსინკიში რომ ჩავიდა სულ პირველად, სადგურში მატარებლიდან გადმოსულისთვის გადაუღიათ ეს ფოტო. სახეზე წუხილი და შემფოთება ეწერა. რომ დავხედე, ვუთხარი: ამ ფოტოზე ყველაფერია ნათქვამი, ნახე, როგორი სახე აქვს-მეთქი და, იცით, შაპირომ რა მომიგო?

— **რა?**

— მატარებლიდან ახალი გადმოსულია და, ვინ იცის, იქნებ სულაც მეზარგულს ეძებსო!

— **საინტერესო ვერსიაა.**

— არადა, იქნებ მართალი არის, მაგრამ, როცა იცი, ვისთან გაქვს საქმე, სურათს სულ სხვა ინტერპრეტაციას აძლევ...

— **ახლა უეცრად, არ ვიცი, რატომ, „მარადი ქმარი“ მომაგონდა. სპექტაკლში თოჯინას გამოკვეთილი, სიმბოლური დატვირთვა აქვს. ფინალია განსაკუთრებით შთამბეჭდავი, ხელის ნაცვლად ლიზას თოჯინას რომ გაუწვდის...**

— რომ იცოდეთ, ეგეც უნებურად გაჩნდა, ვიფიქრე, რომ ამ შემთხვევაში ტექსტზე მეტად თოჯინა „იმუშავებდა“.

— **მოულოდნელი და ეფექტური ფინალია...**

— რა ვიცი — რაც არის, არის...

— **დასანანი, ეს სპექტაკლი რომ აღარ არის რეპერტუარში.**

— ყველაფერს თავისი დრო აქვს...

ესაუბრა
ნინო ჩხიკვიძელი



ითქან უბლთგანგ გთუთუ

ღამე

ნანყვეტი „ფაუსტიდან“

მალალთალიანი გოტიკური ოთახი. ფაუსტი სამუშაო მაგიდასთან.

ფაუსტი

ფილოსოფიას შევწირე წლები,
დავშვერ სამართლით და მედიცინით,
ღვთისმეტყველების საბმურშიც ვები
და ვდგავარ ახლა, სიმწრით ვიცინი.
რა ბრიყვიც ვიყავ, დავრჩი იმადვე,
მისხალი ჭკუა ვერ შევიმატე.
მაგისტრიც მქვია, დოქტორიც მქვია
და მონაფენი წყვდიად და წყვდიად
დამყავს ათწლობით წინა და უკმო,
ვაგლახ უგზოზე ხეტებავ უქმო!
არ ძალუძს მოკვდავს არაფრის ცოდნა,
გასივდა გული, სხეული მოდნა.
კი, მაინც ვჯობვარ, გავსილებს ბაქით,
დოქტორ-მაგისტრებს, ხუც-აქიმ-ვაქილთ.
არ მემართება ვაი და ვიში
ჯოჯოხეთის და ეშმაკის შიშით.
სამაგიეროდ წამერთვა შევბა
და რას ვეწიე, რა მაღლი მრჩება!
არაფრის მქონე, მცოდნე არარის,
იმას ვაგროვებ, რაც უხმარ-არის,
და უქმი უქმად მივიბარგები

კაცთა მოდგმისთვის არად სარგები.
რომელი ძალლი აიტანს ამდენს,
და ბოლოს თავი მაგიას ვანდე, —
სულთა კარნახით და შემწეობით
ვინძლო იდუმალ ცოდნას ვწეოდი,
რომ სიმწრის ოფლით, ტანჯული სახით,
კვლავ აღარავის ვმოძღვრავდე ჩმახით,
ვჭვრეტდე იმ პირველ, უხილავ დვრიტას,
შიგნიდან იკვრის სამყარო რითაც,
აზრს მივყვებოდე ბოლო ხვანჯამდე
და მხოლოდ სიტყვებს არა ვხარჯავდე.

რას დამცქერ, მთვარევ, მთვარეო ბადრო,
ამ ჭირში აღარ გენახო სხვა დროს!
უნინაც ასე, დილის კარამდე,
ამ ეტრატებთან მჯდარს ამგვარადვე
თავს დამყურებდი, სავსე თუ მცხრალი,
თითქოს მეგობრის დამცქერდა თვალი.
იქ მიმიყვანა, ოდინდელ ჟამთან,
შენს ნათელ ბინდში მატარა მთა-მთა,
მაქროლა, სადაც ლამეში, გვიან,
ტყის სულები თუ ელფები ქრიან,
მომრეცხა შენი ცინცხალი ჩქერით
სწავლულებათა მჭვარტლი და მტვერი!

ნუთუ კვლავ აქ ვარ, აქ ვაყუდივარ,
მძიმე კედლებში მარტოდ ვხუთივარ,
სადაც მზის სხივიც ბუნდადლა მინათს,
ძლივს გამომცდარი მოხატულ მინას!
გარს — ერთმანეთზე დახვავებული
ნიგნების გროვა სართულ-სართული,
მტვერდადებული, დაფხავებული,
პატრუქებისგან გადამჭვარტლული!
ლუსკუმ-შუშები, ხელსაწყობი,
პაპისპაპათა ხარახურანი!
ნუთუ ეს არის, ეს ძილ-ბურანი,
კაცის არსი და აზრი ცხოველი?

ჰოდა, რა გიკვირს, შემკრთალი გული
თუ გენურება და სევდა გთრგუნავს,
თუ ჩუმად გართმევს უჩინო წყლული
საძრაობას და სიცოცხლის უნარს?
ცხოველმყოფელი ბუნების ნაცვლად,
სადაც ღვთისაგან დაგვედო წილი,
სენაკი გაკრავს, ქცეული საძვლედ,
გამოვსებული ობით და ჩრჩილით.

ნადი, გაშორდი ყოფას საზარელს,
ბნელი სოროდან დროზე გაძვერი,
ეს ეტრატილა ითანამგზავრე,
ნოსტრადამუსის ხელით ნანერი.
შეიცან ციურ ეტლთა დინება,
დედაბუნების ჩანვდი საუფლოს
და განცდის მადლიც მოგეფინება,
რომლითაც სული სულთან საუბრობს.
ამ საიდუმლო ნიშნების ენას
ვერ ახსნი მშრალი გონების გვემით.
სულნო მაღალნო, აქა ხართ, სენაკს,
ხმა გამაგონეთ, თუ გესმით ჩემი!
(ნიგნს გადაშლის და მაკროკოსმოსის ნიშანს დააცქერდება).

ჰა! თვალი ჩავკარ და ჟრუანტელმა
სხვაგვარი ძალით დამყრჟოლა უმაღ!
ყველა ნუხილი უმაღ განდევნა
ბედნიერებამ, მძაფრმა და სრულმა!
ვინც ეს მოხაზა, ვინ იყო, ღმერთი?
ვბრუნდები წლებთან, ჭაბუკურ ლალთან!
თვალახელილი მიღმიერს ვერთვი,
ბუნების ძალნი განხმულან ჩემთვის,
საბურველების ინყებენ ახდას!
ნუთუ ღმერთი ვარ? ყველაფერი როგორ განათდა!
ნიშანთა შიგნით ვაყურადებ სამყაროს სუნთქვას!
ბუნების ყველა საიდუმლო მოდენს ამათგან,
სწორი ყოფილა ბრძენი იგი, რომელსაც უთქვამს:
„სულთა საუფლო არ არის ხშული,
გადაგეხსნებათ, გულს თუ გაიხსნით.
ადექ, შეგირდო, განიფრთხე რული
და განიბანე მკერდი აისით!“

ინვნის ყოველი, ერთმანეთს ერწყმის,
ვით ხმამრავლობა გალობის ერთხმის.
ძალნი ციერნი ადი-ჩადიან,
იცლებ-ივსება ოქროს ბადია,
რომ ახლად შობდეს დამლევი დამდეგს,
რომ ყოველ არსში, მინიდან ცამდე,
მთელი სამყარო ჩანდეს და ჩქამდეს!

რა ხილვა იყო! მაგრამ ხილვა! მარტოდენ ხილვა!
როგორ მიმისხლტის ყველაფერი! ულონო ვქმნილვარ!
რაც არ ვიგვემე, ვერ ვენიე ვერა სანადელს,
დედაბუნებავ, ძუძუს შენსას არ დამანაფე!
ცასა და მიწას არწყულებენ რძესავსე ცურნი,
მე ვარ, მე დავრჩი ერთადერთი, ვერ ვიკლავ წყურვილს!
(უკმაყოფილო სახით ფურცლავს ნიგნს და უეცრად

ციცქლი

მინის სულის მაგიურ ნიშანს დაინახავს).
 ყოველი ნაკვეთით საჩემოს ზრახავს,
 სულო მინისავე, შენი გორგალი!
 ზეაზიდული ვგრძნობ ძალას ახალს,
 ახალი ღვინით დავთვერ მბორგავით.
 მზადა ვარ, ვზიდო მინისეული
 ყველა ტანჯვა და ყველა სიამე,
 გინდაც დადრიკონ ჩემი სხეული,
 ხომალდი ჩემი ჩასცდეს ყიამეთს!

ჯანლი მეხვევა...
 სხივები აკრიფა მთვარემ...
 ქრება ლამპარი...
 იკვამლა! წითელი სხივი იკლაკნება,
 გარს მერკალება...
 ძრწოლა მობერავს თალებიდან
 გამჭოლველი, ბურძგლის ამშლელი...
 სადღაც აქ ახლოს დარიალებ, სულო ხმობილო!
 გიბრძანებ, აღჩნდე, დამენახო,
 ყველა გრძნობით შემეგრძნობინო!
 ვცახცახებ, თითქოს შეპყრობილი ავი ცხელებით,
 გასკდომაზეა უკვე გული, ცემს გახელებით!
 გაუძელ! მისწვდი! ყველა ძალა ერთად დაძარი!
 გამოვიხმოთ და გინდ გვიმსხვერპლოს! იყოს, რაც არი!
 (ისევ დასწვდება წიგნს და სულთა შელოცვას ბუტბუტებს.
 უცებ ალი ამოვარდება და ალსშიგნიდან სული ამოჩნდება...).

სული

ვინ მიხმობს?

ფაუსტი

განვედ! ხარ ზარდამცემი!

სული

მძლავრი ღალადით შემომღალადე,
 შემოაღწიე ჩემს წიაღამდე
 და, აჰა...

ფაუსტი

მომკლავს! ვერ გადავრჩები!

სული

შემომვედრებდი გრძნებით მქმინარი,
 ხმა გაგეგონა, სახე გენახა,
 აჰა, მოველ და — ეს აქ ვინ არი,
 შიშით რომ ხავის? ნუთუ შენა ხარ?
 ძალთამხმეველი! ზეკაცი ლამის!

რა იქნა შენი სულის ღალადი,
აღტაცებისგან ცახცახის წამი,
თავს როცა ზესთა სწორად სახავდი!
ვერ გაგიბედავს თვალის გახელა,
ძრწნი, იკლაკნები, ვით ჭიაყელა!
ეს შენ ხარ, ფაუსტ? ზეკაცისგან მლილილა დარჩი?

ფაუსტი

ცეცხლსახოვანო, ვერ დამთრგუნავ, რაც გინდა, ქმენი;
ღიახ, ეს მე ვარ, ფაუსტი ვარ, სწორი ვარ შენი!

სული

ყოფნის გრიგალში, სიცოცხლის ღვარში
საწყის და სასრულ
მიმოვსრბი მასრულ.
ბრუნავს საქსოვარი,
დგიმსავარცხლიანი!
ზღვის ღელვა მყოვარი,
ცხოვრების ტრიალი!
ეთხზავ შობა-სიკვდილებს, მაქო და ჯარა ვარ,
ექსოვ დროის დაზგაზე ღვთის ცოცხალ ტალავარს.

ფაუსტი

დაუცხრომლობით, ო, რაოდენ ხარ ახლობელი!
მსგავსად და თვისად მიგირაცხავს შენი მხმობელი!

სული

ვინც შეგიცვნია, ხარ იმ სულთა მსგავსი და თვისი,
ჩემი — არასგზით!
(გაუჩინარდება).

ფაუსტი, ჩამქრალი ხმით

ვისილა?
ვისი?

.....

მე, უფლის ხატი, ვინც წარუვალ ჭეშმარიტებას
მივეახლე და შევემსჭვალე — ასე ვგონებდი —
ვინც ზედროულში მიმოვსრბოდი თავმონონებით
და მიწიერი არსებობა ზღვარს ვერ მიდებდა,
მე, ქერუბინზე უფრო მეტი, მე, ვისი ძალაც
ბუნების ძარღვებს ედებოდა ცხოვლივ განტოტვილს,
ვინც ვცისკროვნებდი, ღვთაებრივი ნათლით ვნათობდი,
მგრგვინავმა სიტყვამ მომისროლა, როგორც ნაფოტი,
და ისევ მტვერში მივსხმარტალე, მივართეე პალანს.

გერმანულიდან თარგმნა
დავით წერედიანმა

ცისკა

მთბის პასტორი



აგვისტო

მზემ ამჯერადაც არ გაგვანბილა
და გარიჟრაჟზე ასე თანდათან
ფარდას დაჰყვა და დივანს გასცილდა,
ზაფრანის ზოლად შემოანათა.

მცხუნვარე იყო, წითლად ღვიოდა,
მახლობელ ტყეს და სახლებს დაეცა,
სველ ბალიშზეც კი გამოსჭვიოდა,
მისწვდა წიგნებს და კედლის მხარესაც.

და გამახსენდა თუ რა მესიზმრა,
რად აჩნდა ბალიშს ცრემლი მცირედი,
სამგლოვიარო ჩუმ პროცესიას
მოსდევდით ერთად — მე მაცილებდით.

ერთ თქვენგანს, მავალს კენტად თუ წყვილად,
წამოაგონდა, შეეკრა სუნთქვა,
რომ ეს დღე — ექვსი აგვისტო წინათ
ფერისცვალებად უფლისად უთქვამთ.

ამ დღეს თაბორის მთიდან, ვით ძველად,
მოედინება შუქი უზღვავი,

შემოდგომა კი სხვა ნათლით ელავს —
 სასწაულქმნილი და მომწუსხავი.

თქვენ დაფხავებულ კორომს გამოსცდით —
 მეჩხერი იყო და გაქელილი,
 უბადრუკი ტყე სასაფლაოსი
 წითლად ღვიოდა თაფლისკვერევით.

კენწერობს თუ თვალს აავლებდი,
 ზედ თავზე ჩანდა ცა, მედიდური,
 გადაყვივლება სოფლად მამლების
 სივრცეში იყო გადახიდული.

მომჩერებოდა სიკვდილი — იმნამს
 გეგონებოდა მიწისმზომელი —
 და მაზომავდა სამარის მიწას
 ჩემთვის საფლავის გათხრის მდომელი.

მერე კი ყველამ არსებით მთელით
 შეიგრძნო უცბად ხმა შემპარავი,
 ჩემი ხმა ჟღერდა — წინასწარმთქმელი,
 ხმა ადრინდელი, გაუბზარავი:


„მშვიდობით, ცაო ფერისცვალების,
 ამ უკანასკნელ ჟამთა სიავეს
 დამხსენ და ჩემი მწარე წამება
 ქალის ალერსით კვლავ დამიაბე.“

წლების სიმწარე, წარუხოცელო,
 გემშვიდობები ამიერიდან,
 შენც, ქალის მზერავ და გამოწვევავ,
 იმ ქალის, ვისი ბრძოლის ველიც ვარ;

გემშვიდობები, ფრენის სილაღე —
 ქროლა რომ გიპყრობს და არ ნელდება,
 სამყაროვ, ქმნილო სიტყვის წიაღში,
 სასწაულო და შემოქმედებავ!“

რუსულიდან თარგმნა
 ანდრო ბუაჩიძემ

ითსით მბრძნის



•

იმ ფიქრით სავსე მივიკვლევდი გზას ჭალა-ჭალა,
რომ ჩემს ზურგს უკან მყის ქრებოდა ფიჭვის ხეები,
როგორც ფოთლები დაფენილი, რომლებიც მალე
ქრება, იხრნება მიწის პირთან წელი შეხებით.
რომ ის არსებობს, რაც წინ გვაქვს და იქიდან გვიხმობს:
მაგალითისთვის ეს მანქანაც, ძალიან გამძლე
ბეტონზე რომ დგას და რომელშიც უსიტყვოდ, უხმოდ
მელოდებიან, თუმცა სიგნალს არაფერს მაძლევს.

ხმაურიანი ნაბიჯებით ამ სიბნელეში
მივიჩქაროდი, უშფოთველად ეძინა ჭალას.
ვიგერიებდი წვრილ-წვრილ ტოტებს ხელისგულებით,
უცებ მათ შორის გზა გამოჩნდა, მყის დაიმალა.
მთელი საათი მე ვარკვევდი ბილიკებს სავალს,
ნაბიჯი მქონდა ჯარისკაცის — მარდი, შვეული,
და დავინახე შემალღებულ ბორცვზე რომ აველ —
ეს გზა ყოფილა უდაბური და მოხვეული.
ზეცა, მავთულს რომ დრეკდა თითქოს — ზუსტად ვერ მივხვდი,
გზას ეხებოდა თუ ერწყმოდა — მოჩანდა მკრთალად.
ასე უსიტყვოდ, უხმაუროდ მიმოვიხედე
და დავინახე ახლა უკვე მე სულ სხვა ჭალა.

რუსულიდან თარგმნა
ნათია ორმოცაძემ



ყოველივე ზემოთქმული სახელდობრ ასე იყო, ამაზე უურნალ-გაზეთებშიც საკმაოდ ითქვა. დადებითი თვისება-ღირსებები სხვაც მრავალი ჰქონდა — ზოგი აღარ მახსენდება, ზოგის აღნიშვნა ზედმეტად მიმაჩნია. იმაზე მინდა ყურადღება გავამახვილო თუ რამ მოუტანა ოტიას ეს ღირსებები, რამ ჩამოაყალიბა ამ პიროვნების ასეთი ხილული სახე და — პოზა იყო ეს თუ მისი ქეშმარიტი ბუნება.

ოტია ცნობილი ინტელიგენტის — ბატონ მიხეილ პაჭკორიას ოჯახში აღიზარდა და ყველა ასაკში თანატოლებზე მეტად ნასწავლი და ერუდირებული იყო. მარჯვე, სხარტი და მგრძნობიარე გონების თვალი, ანუ დაკვირვების, ანალიზისა და მიუკერძოებელი დასკვნის გამოტანის უნარი ბუნებით დაჰყვა. ამის წყალობით ჭაბუკობაშივე გონებრივად და სულიერად მზად იყო, ცხოვრების პროცესში მაქსიმალური გამოცდილება შეეძინა, სიბრძნეს ზიარებოდა, ავსა და კარგში ღრმად გარკვეულიყო, ადამიანის დანიშნულების საკუთარი კონცეფცია ჩამოეყალიბებინა და შეძენილი ცოდნა რწმენად, მრწამსად, ცისა ქვეშე ყოფნის, ადამიანებთან თანაცხოვრების განუხრელ წესად ექცია.

საფუძველი შემზადებული იყო და, მისდა ბედად, გამოცდილების შეძენის, დამოკიდებულების შემუშავების უმდიდრესი ასპარეზიც გამოჩნდა: გრძელი და მკაცრი, დამამცირებელი და ამაღლებული, სუსტათვის უკანასკნელი და ძლიერთათვის ძლევამოსილების გზა, რომლის პირველივე მონაკვეთზე ცხადი ხდება, რომ ხსნა და გამარჯვება მაღალი ზნეობის, კაცთმოყვარე, კეთილმოსურნე, გამჭრიახი ადამიანების ხვედრია, ხოლო, რაც შეეხება შემართებასა და გამბედაობას — ამას პრაქტიკა იძლევა, ეს ისწავლება, თუ, რა თქმა უნდა, ცდის პირს ამ თვისებათა ემბრიონი მაინც გზის დასაწყისშივე აღმოაჩნდა. შეშინებული და, მით უმეტეს, მხდალი ამ გზას ბოლომდე ვერ გაღევს, მუხლი უმტყუნებს, წაიქცევა.

ოტია პაჭკორიამ ფეხი ამ გზაზე მაშინ შედგა, როცა ყრმული და ჭაბუკური აყალმაყალებისა და მუშტი-კრივის, მეგობრობისა და უთანხმოებების, ძმაცაცური ერთგულებისა და ორპირი ამხანაგის ლალატის, ერთი სიტყვით, საკუთარი თავის დამკვიდრების სკოლა, მრავალი ქალაქელი ბიჭივით, უკვე გასრულებული ჰქონდა და, მისივე სიტყვებით რომ ვთქვათ, რადგან „ადამიანი შეცდომათა ქარცეცხლში გავლით უფრო უახლოვდება თავის ქეშმარიტ ბუნებას, ვიდრე ორთოდოქსალური შეუცდომლობით,“ სწორედ თავისი ქეშმარიტი ბუნების ძახილით ლალად მიჰყვა წილად ხვდომილ სავალს.

იარა, გალია და გამარჯვებული მოვიდა. ნივთიერი და ხორციელი არაფერი მოუტანია, გარდა სულიერი ტვირთის ზიდვით გაკაჟებული საკუთარი კეთილადნაგი სხეულისა. მისი განწმენდილი სული უკვე აღჭურვილი იყო იმის ცოდნით თუ როგორია სანდომიანი ღიმილი, რომლის იქით შური ჩასაფრებულა; რომ ზოგი უარყოფითი საქციელი გულუბრყვილობითა და პატიოსნებით არის გამონვეული; რომ სიკვდილს სიცოცხლის ნილაბი უკეთია; რომ მხოლოდ ის სიკეთეა ჭეშმარიტი, რომელსაც ლიბოდ უანგარობა უდევს, და არა ის, რომელიც იძულების შედეგია; რომ ნივთი ქიმერაა და ფიქრი — სამკაული; რომ განძთაგან უძვირფასესი ადამიანია და მასთან ურთიერთობას სიფრთხილე და სათუთი სიყვარული სჭირდება; რომ კაცისთვის განგებას სიცოცხლე — სამშობლოს, ერის სამსახურისთვის მიუცია და რომ სიკვდილი მხოლოდღა გარდაცვალებაა. კიდევ ბევრი რამ ჩამოჰყვა...

დასაწყისში ოტია პაჭკორიას ცხოვრების ხილული სახისა ვთქვით. მრავალი გვინახავს, სწორედ ასეთს რომ თამაშობს და ცოტა — ვინც ბუნებით ასეთია. ოტია ამ ცოტა კაცთაგანი იყო. არასოდეს არავითარი პოზა არ ჰქონია. ყველაფერი მისი ბუნებიდან მოდიოდა: მისი მეგობრობა, კაცთმოყვარეობა, გაძლების უნარი, ხმამაღალი ხარხარი, ჩუმი სევდა, განუმეორებელი დამოკიდებულება, სუნთქვა, გულისცემა, მისი მწერლობა...

ოტიას კერპი სერვანტესი იყო და არა მხოლოდ იმიტომ, რომ იგი დონ კიხოტის უკვდავებით მოსილი მწერალია, არამედ იმიტომაც, რომ ამ ბუმბერაზთან მას ბიოგრაფიული პარალელი აკავშირებდა. აი, ნაწყვეტი ოტიას წერილიდან „მიგელ დე სერვანტეს საავედრა“:

„თანდათანობით იბადება დამცინავი ღიმილი, იგი დაუნდობლად ექცევა თავის თავს. იძენს გარემოს ობიექტური შეფასების უნარს... ანალიზს მოჰყვება იუმორი, ფრთებს ისხამს „კომიკური გენია,“ რომელმაც უნდა ახსნას ბედმრუდობის მიზეზი და გადაარჩინოს სიკეთე და სამართლიანობა“. ან კიდევ: სერვანტესისთვის „იუმორი კონცეფციაა, მსოფლშეგრძნებისა და მსოფლმხედველობის გამოვლენის ფორმა, რომელსაც განვენს სატირის, რომანტიკის და პაროდის რთულ ნაერთში“.

ყოველივე ეს ოტია პაჭკორიამ თვითანალიზის შედეგად დანერგა. ერთ უბედნიერეს დღეს იგი მიხვდა თუ რატომ იყო მუდამ პირმცინარი და ხუმრობისთვის მომართული: შეძენილი გამოცდილების ანალიზის წყალობით!

თვითანალიზმა მიიყვანა ოტია იმ თვალსაზრისამდეც, რომ სანჩო პანსა და დონ კიხოტი ერთსა და იმავე დროს კონტრასტისა და ჰარმონიული გაერთიანების საოცარ მაგალითს წარმოადგენენ... სანჩო პრაქტიკოსი ამჩნევს თავის პატრონის კომიზმს, მაგრამ იმდენად ძლიერია სურვილი „მიკრომიკონის“ დაუფლებისა, რომ დონ კიხოტის ზღაპრული სამყარო მისთვის რეალურია, რადგან, „ამ სამყარომ უნდა მოუხვეჭოს დოვლათი“.

ნივთიერი დოვლათისა რა მოგახსენოთ, უანგიანი ლურსმანი არ მიუმატებია ოტია პაჭკორიას მამისეული, მოკრძალებული არსებობისთვის ყოვლად აუცილებელი ქონებისთვის, რადგან მის სულში ერთად ისხდნენ დონ კიხოტი და სანჩო პანსა, მაგრამ მისი სანჩო პანსა სერვანტესის სანჩო პანსაზე მეტად წაიდონკიხოტებდა.

ამასთან ერთად, ოტია პაჭკორია არავის ერქაგრეხილებოდა, ზოგ-ზოგივით კედელი შუბლით არ გაუნგრევია. ეს სხვაზე უკეთ შეეძლო, მაგრამ იცოდა, კედლები ან სხვისია, ან ყველასი და მისი ზნეობა ამას ხელყოფად მიიჩნევდა.

შემმართებელი, მამაცი კაცი იყო. ამიტომ იცხოვრა და გარდაიცვალა ისე, როგორც იცხოვრა და გარდაიცვალა.

ინგა მილტბაუა



„სამოთხე უსიყვარულოდ“ და სამოთხე სიყვარული

საით მიექანება ეს სამყარო? რა ელით ადამიანებს — იმათ, ვინც ახლა ცხოვრობს დედამიწაზე, და იმათაც, აწი რომ დაიბადებიან, აწი რომ ესტუმრებიან წუთისოფელს, მართლაც რომ წუთით შემოფარგლულსა და წარმავალს? ბანალური კითხვაა, თანაც ისეთი, ათასნაირი პასუხი რომ ეძებნება მრწამსიდან, კულტურული იდენტობისა და პიროვნული გამოცდილებიდან გამომდინარე. საბოლოოდ მაინც კონკრეტული ადამიანის გადასაწყვეტია, სად დაინახავს ხსნას ან, საერთოდ, იფიქრებს თუ არა ამაზე. ღმერთმა მას თავისუფალი ნება მისცა და, როგორც თავად სწადია და წარმოუდგენია, ისე მოეპყრობა თავის სიცოცხლეს, ამქვეყნიურს, ხორციელს და შემდეგ კი უკვე — მარადიულს. მაგრამ როგორია ადამიანის მინიერი საცხოვრისი? რატომ ხდება ის თანდათან სულ უფრო ცივი და ძნელად ასატანი? ადამიანმა ცოდვის გამო დაკარგა სამოთხე, მაგრამ მასში შენახულია მოგონება, მის გულში ცხოვრობს სევდა და დაკარგულის მონატრება, მან კი ათასწლეულების განმავლობაში ყველაფერი გააკეთა იმისთვის, რომ წაეშალა ეს ხსოვნა, დაეთრგუნა თავისი მინიერი სახლის იმისთვის მიმსგავსების სურვილი, რაც ოდესღაც ხელიდან გაუსხლტა.

სიცოცხლე საჩუქარია და ადამიანს თავის სულში სამოთხისკენ მიმავალი გზის საპოვნელად ეძლევა. დაუნდობელი ცხოვრების უკუნეთში ერთადერთი ლამაზი ალბათ სიყვარულია, რომელიც ჯანლიდან და ბურუსიდან გამოიყ-

ვანს, სწორ გეზს აალებინებს. რა არის სამოთხე უსიყვარულოდ? განა ეს შესაძლებელია? არადა, სწორედ ასეთი სათაური აქვს შესანიშნავი მწერლის, მაკა ჯოხაძის ახალ წიგნს. არაჩვეულებრივი წიგნია, არა მხოლოდ იმ გაგებით, რომ გამორჩეულია თავისი სიღრმითა და უნატიფესი სიტყვიერი ქსოვილით, უნაზესი, შრილა აბრეშუმის სიგრილით რომ შებურავს ჩვენს ტკივილითა და დარდით დასერილ გულს, არამედ მართლაც უჩვეულოა, განსაკუთრებული, იმიტომ რომ ადამიანს პირდაპირ უყურებს, პირდაპირ მიმართავს და ამყარებს მასთან ისეთ მყარ შინაგან კავშირს, რომელიც შესაძლებელია მხოლოდ სიტყვაში ღვთიური მადლის შემოსვლით.

ხშირად გიგრძვნიათ ალბათ, ადამიანები ლაპარაკობენ, ბევრგან, სხვადასხვანაირად, ტელეეკრანიდან, ჩვეულებრივ ესაუბრებიან ერთმანეთს, წერენ, გადმოსცემენ თავიანთ აზრს თითქოს გამართულად, თითქოს დაწყობილად, ლოგიკაც რიგიანია, ლექსიკაც მდიდარი, მაგრამ... არაფერი. სრულიად არაფერი... ერთი სიმიც კი არ შეირხევა სულში, ერთი ნამიერი ტკივილიც კი არ გაიღვებს... რადგან იქ არ არის სიყვარული. მაკა ჯოხაძის წიგნში კი დიდი და ჩვენი დაფლეთილი დრო-ჟამისთვის უჩვეულო სიყვარულია, იმდენი, რომ უსიყვარულოდ დარჩენილ მინიერ სამოთხეს ეყოფა, რომელიც, შესაძლოა, მხოლოდ საქართველოა (მშვენიერი, უხვი, თბილი და ახლა უსიყვარულობით დამზრალი, სიძულვილით დაგლეჯილი, ცოდვით ავსებუ-

ლი), შესაძლოა — ზოგადად ადამიანის სიცოცხლე, ალბათ სულ ერთია, რას ვიგულისხმებთ, მეტიც, ისინი გადაფარავენ ერთმანეთს. მთავარი ის სიყვარულია, რომელსაც უშურველად გაცემს ეს წიგნი ადამიანის გულისთვის, რომ აღარ შეეშინდეს, არ იგრძნოს თავი დაკარგულად, უმწეოდ, ეულად სამოთხეში, საიდანაც სიყვარული სადღაც გაქრა. ეს წიგნი თავის მკითხველს ესაუბრება მშვენიერ, დახვეწილ ენაზე, არ უყვავებს, ერთი წამითაც არ აძლევს მოდუნების უფლებას, მაგრამ ავსებს იმედით, სინათლით, თვალისმომჭრელი ფერების სილამაზით, თბილი ბგერებითა და დახვეწილი სიტყვის სურნელით, რაც მთავარია, ისევე და ისევე ყოვლისმომცველი სიყვარულით, რომლის დასავეინყებლადაც ასე მონდომებით „იბრძვის“ ათასი ხერხითა და ოინით „აღჭურვილი“ თანამედროვე ადამიანი.

ამაზე სასაუბროდ იღება ამ წიგნის ათასწლოვანი სიბრძნითა და ქართული სიტყვის ორნამენტებით დამშვენებული ჭიშკარი. მიწვევა მიღებულია:

„**მოდე**, სიყვარულზე ვილაპარაკოთ...“

„**მოდე**, სინათლეზე ვილაპარაკოთ...“

„**მოდე**, წყურვილზე ვილაპარაკოთ...“

„**მოდე**, სიცოცხლეზე ვილაპარაკოთ...“

„**მოდე**, ნატვრაზე ვილაპარაკოთ...“

„**მოდე**, სიზმარზე ვილაპარაკოთ...“

„**მოდე**, ცხადზე ვილაპარაკოთ...“

მწერალი უხმობს თავის მკითხველს ფიფქზე, მეტაფორებზე, ნოსტალგიაზე, სინანულზე, იებზე, თბილისზე, იმედზე სალაპარაკოდ, ნატვრისთვის ეძახის, დაჩოქილი საქართველოს სადღეგრძელებლად, ხატის წინ მუხლმოსაყრელად... იმისთვის, რომ მოეფინოს მაღლი და ნათელი ქვეყანას, სიცოცხლეს, სიტყვებს, თვალებს, გულებს. მწერალი მთელი სულიერი ძალების დაძაბვით, უკიდურესად გამძაფრებული მგრძობელობით აღწევს საოცარ ეფექტს და მისი სწრაფვა სიყვარულისადმი, მისი იმედი, რომ ადამიანის სიყვარული ღმერთისკენ მიმავალი გზის გამაშუქებელი ლამპარია, ხორცს ისხამს და მკითხველს გადაეცემა, როგორც წიგნი. ეს არის იმედი იმედზე.

„**მოდე**, სიყვარული ვადღეგრძელოთ, მხოლოდ სიყვარული ვადღეგრძელოთ, მარტო სიყვარული ვადღეგრძელოთ და... იქნებ მოხდეს სასწაული, იქნებ გაიმარჯვოს სიყვარულმა, იქნებ მოგეხედოს უფალმა და გაგვიცოცხლოს **ლაზარე**“.

ფერადოვან და უხვ სამყაროში შესასვლელ კარს ალებს მწერალი, ესთეტიკურ ტკობას ჰპირდება, მაგრამ ამავე დროს დიდ პასუხისმგებლობასაც აკისრებს მკითხველს, რადგან ის უნდა გახდეს იმ სულიერი სივრცის მოზიარე და თანამგრძობელ-დამცველი, რომელსაც წიგნის ავტორი სთავაზობს. ეს სივრცე კი, თავის მხრივ, ეყრდნობა და მთლიანად ემთხვევა სამშობლოს, იმ საკრალურ სიბრტყეს, რომელსაც მთებთან, ტყეებთან, მინდორ-ველებთან, მქვეფარე მდინარეებთან, უძირო ზღვასთან, ტაძრებთან, ნანგრევებთან, ცოცხალ სოფლებთან და ათასწლოვან ქალა-

ქებთან ერთად მთლიანად ფარავს უძველესი ლეგენდების, ზღაპრების, მრავალხმიანი სიმღერის, სულში ჩამწვდომი საგალობლების, მზიანი ციკვის და ფრესკის ფერთა სურნელოვანი საბურველი. ამ მონოლითურად შედუღებულ ფიზიკურ-სულიერ სივრცეში, რომელსაც სამშობლო ჰქვია, ვითარდებოდა და დღემდე მოვიდა კულტურა, მეცნიერება, ლიტერატურა — ყველაფერი, რაც ერს ერად და ქვეყანას ქვეყანად აქცევს, მიუხედავად იმისა, როგორია მისი გეოპოლიტიკური მდგომარეობა და ბედისწერა. მიწიერ ფარგლებში სულის და ნივთიერის, საგნის ერთიანობა, ჰარმონია იძლევა საშუალებას, შედგეს და გადარჩეს ერი და ქვეყანა. ამ ჰარმონიას, მისი ყოველი ნაკეთის დროში ურღვევობას კი უზრუნველყოფს ხსოვნა და სწორედ ამ ხსოვნას ეძღვნება მკა ჯოხაძის არაჩვეულებრივი ესეი „ხსოვნის ფირფიტა“, ხსოვნას, რომელიც უსაყვარლესი დაკარგვის შიშსა და ტკივილს გამოხატავს:

„უცნაურია მესხიერება. იქნებ ყველაფერმა დაჰკარგა აზრი?! ყველა ფერმა, რადგან სადღაც თავგანწირვით მიჰქრის საბედისწერო სიტყვა სამშობლო, როგორც გზაბნეული მგზავრის ექო. ჰორიზონტზე მდგარი, დაისის მენამულ შუქში ველარ გასტყორცნი სიტყვას **ქართული** — მიცურავს, მიდის სივრცეში გაშვებული სამი სფერო, სამი ხმოვანი აუი, ქარიშხლიან დღეებში რომ დაეკარგათ თავთავიანთი თანხმოვნები — მეორე ნახევართა რწმენა, იმედი და სიყვარული. დარჩა მხოლოდ უთანხმოვნებო აუი — როგორც გაფცქვნილი სამშობლოს გამოუთქმელი ტკივილი, ყრუდ, ჩუმად გასრესილი ქრთლ...“

ამ ტკივილის არსში ღრმა წვდომა იწვევს მის ამოსახსნელად და მეორე ადამიანამდე უდანაკარგოდ მისატანად გზების ძიებას. ერთი იმთავითვე ნათელია და არანაირ გარჩევასა და გადასინჯვას არ ექვემდებარება, მწერლის მიერ შემუშავებული ფორმულით გამყარებული: „...ხსოვნა მაშინაა მხოლოდ წყალობა, როცა გახსოვს და მაინც წინ მიიწევ...“ „მამ, წინ, ფესვებისაკენ!..“

მწერალს სურს, მოიცავს ხსოვნის წიაღიდან ამოზიდული სამშობლოს ცნებასთან დაკავშირებული ყველა ნიუანსი; დამარცხება და გამარჯვება, ვნება და შურისძიება, სიხარული და ტკივილი... და უცებ თხრობა მიმართულებას იცვლის და ტექსტში თვალსა და ხელს შუა ჩნდება... მარადონა. დიახ, მარადონა — „მარადონა ტანმორჩილი, მზემოკიდებული, ასე რომ ჩამოჰგავს აღმოსავლეთ საქართველოს პერიფერიებში გაზრდილ ბიჭებს. მარადონა — არგენტინის მზით მოხალული ყავის მარცვალი, რომელსაც დაეხნა თავისი თავი, გზაბნეული გადაიხალა და ისე განიავდა, ველარ შესძლო, გაღწევისას შეენარჩუნებინა თავისი სიმაგრე; დაეფქვა, გამოეხადა მუქი ზეთის არომატი, მაგიური შავი სითხე მოდუღებული მიერთშია საკუთარი გულმემატკიერისთვის, დაეტრო, დაეტკბო მაყურებელი“. რა თქმა უნდა, მწერალი არგენტინას დიდ პატივს მიაგებს თუნდაც იმიტომ, რომ მან ბორხესი აჩუქა კაცობრიობას, მაგრამ ახლა მარადონას დამარცხების ტკივილით სავსე

წერილები

შთაბეჭდავი სახე იმიტომ ამოტივტივდა ცნობიერების სიღრმიდან ტექსტის ზედაპირზე, რომ — იყოს თუნდაც ეგოიზმი და — „ეგების სხვის მარცხთან ზიარებამ ჭრილობას პირი მოუკრას...“ და თანაც ამ მარცხის მიღმა ეძებს სავარაუდო მიზეზებს, ისეთს, როგორც არის შორეული ეროვნული შუღლი მექსიკასა და არგენტინას შორის და იქვე, უცებ ახსენდება, სად ცხოვრობს: „ისტორიის უანრში მომუშავე კონფლიქტოლოგიით ჩამისაფრდება კოსმოპოლიტიზმს თავშეფარებული ფუტურო პოლიტოლოგი. რა ლოკალური, ვინრო კუთხურ-პატრიოტული სისხლი სჩქეფს ამ ქალბატონშიო, ჩამიშვებს ცენზორებთან. დღეს ხომ სამშობლოს სიყვარულიც ისევე საშიშია, როგორც სიტყვა პატრიოტიზმი“. მაგრამ მაკა ჯოხაძეს არ ეშინია, რადგან მწერლობა ღვთისგან ბოძებული მისიაა და მწერალი არ შეიძლება იყოს ანგარებიანი, მამამებელი, ძლიერთა კალთას შეფარების მოსურნე, საკუთარი აზრის დაცვის კულტურისგან დაცლილი და შემინებული. მაკა ჯოხაძე მართლა მწერალია და ამიტომ არ ეშინია და მარადონას მარცხის ტკივილით შეძრული, ყავის სურნელითა და არგენტინის მზიანი ქარებით დამაშრული სახის მიღმა ბორხესივით თავის სამშობლოს განსაცდელს სჭვრეტს და მის ბედზე წუხილს გამობატავს — პირდაპირ და უშიშრად, ამაში კი ისევე ხსოვნა ეხმარება: „ხსოვნა გკლავს და გშველის კიდევ ერთდროულად, რომ ადამიანად დარჩე...“ და მწერლის მსგავსად პირდაპირ ჩახედო თვალებში განსაცდელს და იკითხო: დამარცხებული მარადონა კი წავიდა დიდი ფეხბურთიდან და „შენ საით მიდიხარ, გრძელი დერეფნით საით მიექანები, ჩემო ქვეყანავ, დასამარხად გამტებულო სურნელოვანო ჯუჯა ხეხილო, დიდ აუქციონზე გატანილო ქრისტეს სისხლო, დასამეხად განწირულო წითელო ვენახო...

ა უ ი

ა უ ი ი ი

ა უ ი ი ი ი ი

წერილი 1999 წელს არის გამოქვეყნებული და თან „ქომავის“ რედაქციის მინაწერიც ახლავს, არ ვეთანხმებით ავტორის პოზიციას, მაგრამ მაკა ჯოხაძის შემოქმედების მნიშვნელობისა და პიროვნული ღირსების გათვალისწინებით მაინც ვებეჭდავთო. ძალიან კარგია, რომ ახლა ეს მინაწერი წიგნიც შეიტანა მწერალმა და საინტერესოა, რაღას იტყვის ახლა ის (ისინი), ვინც ეს მინაწერი გააკეთა?

სამშობლო... სამშობლო... მართლა რამდენი მტერი გამოუჩნდა ამ სიტყვას, მის მიღმა კი უმთავრესს, ცნებას — ნამდვილი მტრებიც და „ცივილიზაციაში“ ფეხის შედგმის სურვილით შეპყრობილი სნობებიც, რომლებიც სამშობლოზე ნებისმიერ ხმის ამოღებას პათეტულად ნათლავენ და დასცინიან. ორივე ძაფი განწყობა მანკიერ სივრცეში თვითდამკვიდრების სურვილმა — როგორც პიროვნების, ადამიანის, შვილის, ისე ერის მთლიანი ორგანიზმის ნაწილის. პათეტიკა კი მართლა აუტანელია, მაგრამ იქ, სადაც თუნდაც მაკა ჯოხაძისეული გულწრფელობა, სისადავე,

შინაგანი კულტურაა, ალბათ მთლად წყალნალეული „ანტიეროვნული“ მკითხველებიც კი განიცდიან კათარზისს, თუ ნაიკითხეს, რა თქმა უნდა. ჩვენი ეპოქის ერთი წყლულთაგანი კი ისიც არის, რომ მარტო ყბადაღებული ახალი „კომპიუტერული თაობა“ კი არა, ზრდასრული და ზოგჯერ გადაბერებული ინტელექტუალებიც კი აღარ კითხულობენ არაფერს. წიგნი კი, განსაკუთრებით ასეთი სიყვარულით და ღვთიური მადლით სავსე წიგნი, უნდა მივიდეს მკითხველამდე. ბევრი ალბათ ნაიკითხავს, მაკა ჯოხაძის სახელისა და შემოქმედების მცოდნე და დამფასებელი, მაგრამ ყველასთან უნდა მივიდეს, რაც შეიძლება ბევრთან, რომ... გარდა მხატვრული ღირებულებით ტკბობისა, ადამიანებს... უბრალოდ, გაუადვილდეთ ცხოვრება.

სამშობლო კი მართლა არ არის მხოლოდ ლამაზი სიტყვა. ის ათასი შრით დაფარული და ათასი ფიზიკურ-სულიერი გარსით შებურული მარცვალაია, რომლის შეცნობის და მსახურების უთვალავი გზა არსებობს. ამ მარცვალს უახლოვდება მაკა ჯოხაძე, როცა ესმა ონიანს უძღვნის წერილს. ესმა ონიანიც იმ ესთეტიკური სივრცის ნაწილია, რომელსაც თვითონ ეკუთვნის, და მათი შეხვედრა წერილის ტექსტში, კარგი შეხვედრა, სისავისა და დაცულობის განცდას იწვევს, ჯერ ერთი, იმიტომ, რომ რალაცნაირად ითრგუნება სიკვდილი და ხელშესახებად შესაგრძნობი ხდება ადამიანის შემოქმედების მუდმივობა და თანაც ყოველ სტრიქონში შეიგრძნობა, რომ სამყარო, რომელშიც ცხოვრობდა, ფიქრობდა, ხატავდა, წერდა ესმა ონიანი, სამყარო, რომელშიც მაკა ჯოხაძემ შეიმცნა და სტრიქონებში გააცოცხლა ესმა ონიანის სულიერი ინტენსივობის ნაყოფით მიღებული შთაბეჭდილება, და სამყარო, სადაც ეს ნაიკითხა მკითხველმა, ერთია, განუყოფელი, საუკუნეების სიღრმეში გაბმული ჯაჭვებით შეერთებული, წარუვალი — საქართველო. შემოქმედის ხელის შეხებით სამყარო გამოდის ბურუსიდან, ასე მიაჩნდა ესმა ონიანს და მისი შეხებით შობილი მწერალს უდანაკარგოდ მიაქვს მკითხველამდე: შენარჩუნებულია აზრის სიღრმე, გრძნობათა სიმძაფრე და ფერთა სითბო და ელვარება.

წერილი ვაჟა ხორნალუხე პანანინა მოგონებით იწყება: პოეტმა კურტ ვონეგუტის პიესაზე მსჯელობისას ვერ გაიხსენა ყველა გმირის სახელი, მარტო ვანდა ჯუნისა ახსოვდა, თუმცა ზუსტად შეიგრძნო თითოეულის ხასიათი და მათი მხატვრული მიზანდასახულობა. ამ „ვერგახსენებას“ მოჰყოლია მობოდიშება: „ადვილად მავინყდება უარყოფითი (მავნე!) გმირების გვარ-სახელები. ამ შემთხვევაში ჩემი მეხსიერება იმ მაგნიტს ნააგავს, რომელიც მხოლოდ ოქროს მარცვლებს ჩასჭიდებია და უანგინა რკინის ნაკუნებს წამიერად იმაგრებს...“ ფიქრის და ხსოვნის მოსარკულ ზედაპირზე პოეტის აზრის ამ წამიერმა გაეღებამ მწერალს საშუალება მისცა, სწორად და მკითხველისთვის შთაბეჭდავად გადაედგა პირველი ნაბიჯები თავისი „წერილის გზაზე“. გასაოცარი ოსტატობა ჩანს აქ — იმპულსმა ახალი იმპულსი აღძრა, სიტყვას სიტყვა მიება, გრძნო-

ბას კიდევ ერთი უეცარი განცდა და ჩვენს თვალწინ გაიბა მტკიცე ჯაჭვი, რომელშიც ერთი რგოლი მწარე ტკივილია, მეორე — ფიქრი, მესამე — დარდი, მეოთხე — ვაჟა ხორნაულის პოეზიის ზუსტი აღქმა, მეხუთე... და ასე უსასრულოდ. სწორედ ამ უცნაურმა, მაკა ჯოხაძისთვის ნიშანდობლივმა უნარმა, ერთმანეთს გადააბას და დაუკავშიროს ყველაფერი, რაც იმწუთას აინტერესებს და მტკივნეულია მისთვის, შექმნა ვაჟა ხორნაულისთვის მიძღვნილი წერილი „გულიდან ამოსული მზე“. ასე გაიბა ეს ფიქრის ჯაჭვი, არა, უფრო ნატიფი ძეწკვი:

„უანგინამ რკინის ნაკუნებმა“ სულხან-საბას გენიალური განმარტება გამახსენა: „უანგ-რკინის გესლი“. დღეს ეს გესლი ისე, როგორც არასდროს, სიტყვას მოედო და პოეზიის ასიმეტრიულ ბალებში ღვარძლმა, შურისგება, გულნამცეცობამ, აპათიამ, ბილწისტიყვაობამ, სკეფსისმა და ნიპილიზმმა ლექსის ყვავილები დააჭკნო“.

ეს წიგნი კი სკეფსისისგან დაცლილია, რადგან მასში შემოქმედებითი წარმოსახვა ადვილად გადალახავს დროისა და სივრცის კონკრეტულ სამანებს. ამიტომაც, რომ ნებისმიერი სტროფი, მეტაფორა, შედარება თუ ხატი იმდენად პოეტური განწყობილებების შექმნას კი არ ემსახურება, რამდენადაც არსებობის საზრისს ამხელს, კაცად ყოფნის აზრიანობას ადასტურებს. ოღონდ ეს ისე ბუნებრივად ხდება, თითქოს აღმოსავლელი ბრძენის დაკვირვება ვაჟა ხორნაულის პოეზიას გამოეწვიოს: „ხელოვნება ის კი არ არის, სხეული ასახო, არამედ ის ძალები, რომლებმაც სხეული შექმნეს“. სხეულის, სულის და მთელი სამყაროს შექმნაში რომ ღვთაებრივი ძალები მონაწილეობენ, ამაზე აქცენტის გასაკეთებლად წამით შეყოვნდა მწერალი და ისევ თანადროულობის ხარისხიდან და შინაარსიდან გამომდინარე გამოთქვამს უმთავრეს შთაბეჭდილებას, მეტიც, სიხარულს, „რომ XXI საუკუნის გარიჟრაჟზე პოეტური წარმოსახვა ამის განცდას არ კარგავს.“ ერთიც არის: როცა შემოქმედს ძალიან აწუხებს თავისი ქვეყნის, თავისი ერის და მისი სულიერი ხატის ამწუთას მოცემული მდგომარეობა, შესაძლოა, ისე გაჰყვეს თავისი განცდების ძეწკვს, რომ უშუალოდ გასაანალიზებლად შერჩეული პოეტური სამყაროსთვის აღარც დრო დარჩეს და აღარც ადგილი. მაკა ჯოხაძეს ამგვარი რამ არასოდეს დაემართება. მას აქვს, ალბათ ისევ ღვთისგან მიმადლებული, ნიჭი, შეგრძნება ზომიერების, სიტყვის ოქროს კვეთის (სხვათა შორის, პიროვნულად, ყოფით ურთიერთობებშიც ასეთია. ნაწერში ადამიანი ვერ დაიმალება, ნაწერმა არც ზრდილობა იცის, არც დელიკატურობა, არც დახვეწილობის გარსგადაკრული ტყავი. ადამიანი ის არის, როგორც წერს, ყოველ შემთხვევაში მე ასე მგონია და მაკა ჯოხაძის ნაწერი კი ადასტურებს, რომ მთლად უმართებულოდაც არ მგონია: მართლა ნატიფი და გულწრფელი ადამიანის ნაწერი ასეთივე ბუნებრივად ნატიფი და გულწრფელია). მაკა ჯოხაძეს თავისმა ტკივილიანმა ფიქრებმა ერთი წუთითაც არ დაავინყა წერილის

უმთავრესი მიზანი — წარმოეჩინა ვაჟა ხორნაულის პოეტური სამყაროს თვითმყოფადობა, მით უმეტეს, რომ, ასე ვთქვათ, ადამიანის არსებობის „წყველაკრულვიანი“ საკითხავების გასარჩევად და რეალობისა და წარმოსახვის ურთიერთგამსჭვავლის შედეგად მიღებულზე სასაუბროდ მან საოცარი თემა შეარჩია და მოუწადა მკითხველს „მეფე ჩიგიდის ქვეყანასთან“ შეხვედრა.

ლევან ბოლქვაძის შესახებ ქართველმა მკითხველმა მართლაც თითქმის არაფერი იცის და ამ უსამართლობის გამოსწორებას მაკა ჯოხაძე ჩვეული ტაქტით, ადამიანის სიყვარულითა და ნიჭისადმი ღრმა პატივისცემით შეეცადა. ლევან ბოლქვაძე საკმაოდ რთული ბედისა აღმოჩნდა, როგორც შემოქმედი და როგორც ადამიანი. მაკა ჯოხაძემ შექმნა მრავალპლანიანი ნაშრომი, რომელიც ერთდროულად მეცნიერული გამოკვლევაც არის, ლიტერატურული წერილიც და პოეტური ესეიც. ასეთი სინთეტურობა ძალიან მომხიბლავია, რადგან დღეს უცნაური და, ჩემი აზრით, არცთუ სასარგებლო ტენდენცია ჯიუტად კარნახობს და თითქმის აძალებს მკვლევარს, ლიტერატურათმცოდნეს, წეროს უცხო ტერმინებით გაძეძგილი ფსევდომეცნიერული სტილით, მაგარამ რა მოუზებრხოთ ესთეტიკურ გრძნობას, როგორ ვუთხრათ ლიტერატურული წერილის ავტორს, რომ მზის გულზე უპატრონოდ დაგდებულებით გამოაშროს თავისი სიტყვა, ან მართლა რაღა იქნება სალიტერატურო სივრცე, თუ სიყვარულით, სევდით, უსამართლობასთან და მორალურ სიმახინჯესთან შინაგანი დაპირისპირებით სავსე წარმოსახვით სივრცეებზე ისე არ დაწერენ, როგორც მაკა ჯოხაძე წერს ლევან ბოლქვაძის ზღაპარზე — ეპოქის მეტაფორაზე? მან შეძლო მკითხველისთვის სრულყოფილად გაეხსნა ლევან ბოლქვაძის მრავალპლანიანი და მრავალპრობლემიანი სამყარო, ასე აქტუალური დღეს და თან თითქოს მარადიული, დროში მოურჩენელი ტკივილებით სავსე:

ზღაპრის სამყაროს ასეთი მრავალმხრივი და საფუძვლიანი ანალიზის მთავარი მიზეზი ისევ სამშობლოს სიყვარულია, რომელსაც მუდმივად, სხვადასხვა ფორმით, მაგარამ თითქმის ყველა წერილში ჯიუტად უბრუნდება მწერალი. სამშობლოთი ინყება წერილი „ოდოჟდერი“ — წარმავლობის საკმეველი“. ირგვლივ გამეფებულ უზნეობასა და ჯოჯოხეთურ გაუსაძლის ტკივილებში, უიმედობაში თითქოს საუკუნეთა სიღრმიდან ამოდის ჩვენი თანამედროვე, მაგარამ მაინც წინაპრის სიდიადით შემოსილი მწერალი-პატრიარქი ოთარ ჩხეიძე.

„სამშობლოს სიყვარული! — ამის გააზრებასაც კეთილი ნება და ნანატრი სიმშვიდე სჭირდება თუ რაში მდგომარეობს, როგორ გამოიხატება ეს სიყვარული. არადა, რა დააცხრობს ისტერიული ტემპით გაჩაღებულ ნგრევა-შენებას, ყიდვა-გაყიდვას, კანონის მიღებას და უკანონობის დაკანონებას... ყველაფერთან ერთად იმედსაც ფასი დაუკარგეს,“ — წუხს ავტორი და, მართლაც, კაცმა არ იცის, რა ეშველება ახლა ამას ან... ეშველება კი? მაკა ჯოხაძემ

წერილები

კი შემოქმედის ამოუცნობი ადლოთი ღვთის ნაპერწკალი დაინახა სწორედაც „წარმავლობის უჩვეულო ჰიმნში“,“ ოთარ ჩხეიძის ნოველაში „ოდოჟლერი“, რომელიც თითქოს გასაგებად ამბობს, რომ ყველაფერი ამ სამყაროში განწირულია დრო-ჟამის ხელით შესამუსრად:

„მაგრამ ჩვენი მეხსიერება მაინც გამოსტაცებს ბედნიერების იმ უცნაურ ნამებს სამყაროს, როცა ფიზიკურად, ჟრღოლივით აგიტანს რუსთველის სიბრძნის ფორმულა:

„მზე უშენოდ ვერ იქნების, რადგან შენ ხარ მისი წილი“.

როგორ შეიძლება ამ უიშვიათეს მთლიანობას, სრულყოფილებას ამ ნეტარ შეგრძნებას ტყუილუბრალოდ იმეტებდეს ღმერთი. ამიტომაც ოთარ ჩხეიძემ ჰიმნი უძღვნა მას. „ოდოჟლერი“ წარმავლობის ნამიერი მოხელეთების ბრწყინვალე ნიმუშია, რომლის სურნელიც საკმეველივით ეზიდება ჩვენსკენ სოფლის ტკბილ-მწარე კვამლს და კიდევ ერთხელ გვაზიარებს მხატვრული სიტყვის სასწაულებრივ ძალას“.

ამაღლებული განწყობილება იქმნება — თითქოს ისმის საგალობლის ხმა სადაც შორიდან, არამინიერი სფეროებიდან მომავალი. მაკა ჯოხაძის არა მარტო ფრაზის, არამედ, თუ შეიძლება ასე ვთქვათ, „აზროვნების მუსიკალურობა“ კარგად ჩანს ზაირა არსენიშვილის რომანისადმი მიძღვნილ წერილში „საბედისწერო რეკვიემი“. ზაირა არსენიშვილის რომანი „რეკვიემი ბანის, სოპრანოსა და შვიდი ინსტრუმენტისათვის, ანუ ახალგაზრდა მთხზველის პორტრეტი“ საბჭოთა რეპრესიების პერიოდში ხელოვანის ბედზე, ძალიან რთული, მძიმე ამბის მოსაყოლად არის დაწერილი, მისი შინაგანი მელოდია, ჰარმონია ქმნის განუყოფელ „სიტყვიერ პარტიტურას“, რომლის სწორად წაკითხვამაც მაკა ჯოხაძე ფრთხილად, ფაქიზად ეხმარება მკითხველს, ისე, რომ აზრს არასდროს მოახვევს თავს, პირიქით, თავისი თანამოაზრის რანგში ხომ აჰყავს და აჰყავს, ახლა ზაირა არსენიშვილის მწარე პოეტური სამყაროს ორგანულ ნაწილადაც აქცევს.

საიდან შიძლება მოდიოდეს ფერის, ბგერის სურნელის და სიტყვის ერთ მთლიანობაში წარმოდგენის და შემდეგ პრობლემასთან უშუალოდ დაკავშირების ამგვარი უნარი? ალბათ ბავშვობიდან. ცეცხლში გახვეული ბეირუთის სიმზურვალიდან ამოიზიდება მეი ზიადას შორეულ-ახლობელი ბინდისფერი სახე არაჩვეულებრივ ესეიში „სამშობლოდ ქცეული ბავშვობა (მეი ზიადას ოაზისი)“, საიდანაც, როგორც რაღაც თვალუწვდენელი სიღრმიდან (არ ვიცი — დროის, არ ვიცი — სივრცის) ისმის შიშველი ნერვის კივილი, მუსიკად ქცეული დარდი, სიტყვად ქცეული ტკივილი შემოქმედისა, რომელსაც „სამშობლოში სამშობლო მონატრა“ და კოსმოპოლიტიზმის ცუდი შემოტევით შეძრულმა, პოეზიისგან დაცლილი სულების შემყურემ მწარედ ამოთქვა:

„უსამართლობის შემყურე გული კიდევ ხმაურობს და მძვინვარებს: „რატომ ვარ მე ის, ვისაც სამშობლო არ გააჩნია?“

წერილი „გედის სიმღერა?(ბიბლიური ჭების პოეზია)“ ლია რუსიაშვილის თვითმყოფად პოეტურ სამყაროს წარმოაჩენს. მაკა ჯოხაძემ ზუსტად შენიშნა ყველა თავისებურება, რაც ამ პოეტს ახასიათებს. მართლაც იბადებიან ადამიანები დროისადმი განსაკუთრებული მგრძნობელობით და, როგორც ჩანს, ის, რაც სხვისთვის მხოლოდ წლების დინებასა და ასაკს მოაქვს, ამ პოეტისთვის ახლავს ხელმისაწვდომია. ლია რუსიაშვილის ძალიან მგრძნობიარე, წარმავლობის განცდით გამსჭვალულ პოეზიაზე მსჯელობისას მწერალი ისევ ერთგულად იცავს უკვე ლამის შემოქმედებით მეთოდად ქცეულ პრინციპს: გამოკვეთოს კონკრეტული მხატვრული სამყაროს არსი გარემომცველთან მტკიცე კავშირში, პოეტურ სახეებზე საუბრისას არ შემოიფარგლოს მხოლოდ კონკრეტული „პოეზიის სივრცის“ თვისობრივობით, არამედ გამოთქვას თავისი სათქმელი, თავისი პოზიცია და ამ ჭრილში სრულყოფილად წარმოაჩინოს პოეტის სამყარო, როგორც ადამიანის სულში არეკლილი ზერეალობის ორგანული ნაწილი: „ამ წიგნს განსაცვიფრებელი რიტმიკა აქვს, უადრესად თანამედროვე, ნევროზული, მშფოთვარე. ეს წიგნი ერთგვარი აღსარებაა და ლიამ არც კი იცის, რომ იგი დაწერილია უდიდესი ქვეცნობიერი სურვილით, საკუთარი სულიერი გამოცდილებით, როგორც წინ მიმავალმა კაცმა, უკანა კაცის ხიდად გასდოს, წარმავალ ღირებულებებს გამოდევნებულ ადამიანს იმედგაცრუების, სასონარკვეთის, დაცემებისა განწირულების ჟამს ნამდვილი ღირებულებების ფასი ასწავლოს“.

როცა შემოქმედი ნამდვილია და ჭეშმარიტი ნიჭით აღბეჭდილი, საოცრად გულგაშლილია და სხვისი მხატვრული სამყაროს მიღება და შეგრძნება ერთიორად იოლად გამოსდის, რადგან ნიჭს სჩვევია ნიჭის თანადგომა, სილამაზეს — სილამაზის და კეთილშობილებას — კეთილშობილების, რა თქმა უნდა, იქ, სადაც ღვთის ხელი ურევია. როსტომ ჩხეიძის თავდადებული, მთელი გულითა და სულით შექმნილის ფასი შეიცნო და სრულად შეითვისა მაკა ჯოხაძემ. ის ერთ პატარა ესეიზე, „30 ვერცხლზე“ როცა წერს, როსტომ ჩხეიძის დიდი ფერწერული პორტრეტის ესკიზსაც მოხაზავს და თითქმის აპოკალიფსური ტანჯვით, კოსმოპოლიტიზმის, საკუთარის უარყოფის, ყველაზე შემზარავის, რელიგიასთან დაპირისპირების ტკივილებით შეპყრობილი დროის ფონზე გამოსახავს. სწორედ ასეთ ფონზე ჩანს უფრო გამოკვეთილად „ხანი უნდობარში“ აღწერილი პრობლემების სიმწვავე.

სიტყვით ხატვა — ესეც სრულიად განსაკუთრებული უნარია და ალბათ მხოლოდ იმ ადამიანებს შეუძლიათ, რომლებიც ფლობენ ფერის, ხაზის, შუქრდილის საიდუმლოს ამოხსნის უნარს. ის, ვისაც ფერწერული ტილოს სიღრმეში შეღწევის უნარი აქვს და სახეებით გამოხატულ სათქმელს ზუსტად „შეისმენს თვალებით“, „სიტყვით ხატვასაც“ შეძლებს და ასეთი გასაოცარი რამ ხდება წერილში „ტანჯვით — რწმენისაკენ!“, რომელშიც არაჩვეუ-

ლებრივი მხატვრის, თემო ჯაფარიძის სამყაროში „მიემგზავრება“ მწერალი.

მაკა ჯოხაძემ თავის დროზე შეძლო ჩასწვდომოდა დავით კლდიაშვილის სულის სიღრმეს, მისი თვითმყოფადობის საიდუმლოც ამოხსნა ჩვეული ტაქტითა და სიფაქიზით, თუმცა ერთი შეხედვით ძალიან მოულოდნელია, როცა თანამედროვეობის ერთ-ერთი გამორჩეული მკვლევარის, ლიტერატურათმცოდნის, ლალი ავალიანის პატარა პორტრეტის შესაქმნელად სწორედ დავით კლდიაშვილის სახეს მიმართეს. სინამდვილეში კი ალბათ არც არაფერია გასაკვირი — დავით კლდიაშვილი გრძნობდა ლიტერატურის შინაგან, უხილავ ძარღვებს და მისიას. როცა ლიტერატორებზე, მწერლებზე წერდა, ზუსტად გამოკვეთდა იმ მოვლენებს, რომლებიც აბრკოლებს ლიტერატურას. მოსწრებულად ადარებდა კუდაბზიკა აზნაურებს ყალბად, უაზროდ, ვითომდა რაღაც განსაკუთრებულის ცოდნით გაბერილ მწერლებს, რომლებსაც ადამიანი არ უყვართ. სხვადასხვა სახის სკოლებს გამოკიდებული ასეთი მწერლების შესაფასებლად წარმოთქმული დავით კლდიაშვილის სიტყვებით იწყებს ლალი ავალიანისადმი მიძღვნილ წერილს მაკა ჯოხაძე. მის შეფასებას მაკა ჯოხაძე „ზუსტ დიაგნოზს“ უწოდებს და თვითონაც ზუსტად უსადაგებს თანამედროვე სალიტერატურო პროცესის ლაბირინთებში ლიტერატორთა მიერ გზის გაკვლევის შესახებ საკუთარ შეხედულებას:

„რთული ტერმინოლოგიითა და ფილოსოფიური ნიაღსვლებით დატვირთულ თანამედროვე ლიტერატორთა ნააზრევში, ბოლოს მაინც გუმანი, ინტუიცია იმარჯვებს და თეორეტიკოსებიც ხელოვნურად გართულებული აზრის ლაბირინთებიდან, რომელიც ასევე სტილისტურ გართულებებს მოიყოლიებს, სწორედ გუმანიტ გრძნობენ იმ სისადავისა და უბრალოების ფასს, ეს-ესაა რომ გამოჩნდა დიდი მწერლის მიერ გამოთქმულ მოსაზრებებში“.

ამ ღრმა და დამაფიქრებელი შუქ-ჩრდილებით გამდიდრებულ ფონზე უკვე არაჩვეულებრივი სიცხადით იკვეთება ლალი ავალიანის თითქმის მინიატიურული, მაგრამ შთამბეჭდავი პორტრეტი, რადგან ძნელად თუ შეძლებდა ვინმე სხვა, ასე შეეგრძნო ამ მკვლევარის თითქმის დროის მეტაფორად ქცეული სულიერი ინტენსივობის არსი.

ცნობილია, რომ ნოველისთვის ძალიან დიდი მნიშვნელობა აქვს დასაწყისს. აქედან იქმნება ის ემოციური ველი, რომელმაც უნდა „ჩაიხვიოს“ მკითხველი და მერე უკვე აღარც მისცეს ყურადღების მოდუნების საშუალება. მაკა ჯოხაძის წერილი „ო, ეს ბებერი კათარზისი...“ საუკეთესო გამოხატულებაა იმისა, თუ როგორ ესხმება ხორცი მწერლის მიერ პროზაული ნაწარმოებების შექმნისას ნაგრძნობ თუ მიგნებულ ნიუანსებს მისსავე ლიტერატურულ წერილებსა და ესეებში.

წერილი გენო კალანდიას წიგნს, „რეკვიემს“, აანალიზებს, როგორც შეეფერება მაღალკვალიფიციურ ლიტერატურათმცოდნეს, მაგრამ ამავე დროს ეს არის

თანაგრძნობისა და თანაგანცდის იმ უზარმაზარი ტალღის სიტყვად ქცევის მცდელობაც, რომელიც მხოლოდ ზემგრძნობიარე სულის სიღრმეში აბოპოქრდება ამ მართლაც განსაკუთრებული წიგნის წაკითხვის შემდეგ. მწერალი თავის წერილს ვარდისფერი ნიჟარით იწყებს, იმ შორეული, სიყრმისდროინდელი ხმებით, რომლებიც ამ ნიჟარიდან ისმის და თითქოს დაკარგული ზღვის ცრემლად ქცეულ ტალღებზე ტივტივებს ეს წერილიც, თანაც ისე, რომ ერთი ნუთითაც არ დუნდება ყურადღება და არ ყურდება ის საერთო ტკივილი, რომელმაც შექმნა გენო კალანდიას მძაფრი, დაუნდობელი და სიყვარულისგან მოგვრილი ტკივილით სავსე წიგნი.

2000 წელს დაინერა წიგნი „მთვლემარე ვულკანები“, რომელიც ასე მთავრდება: „მოდის დეკემბერი. ბავშვობაში ყველაფერი იდუმალებითაა მოცული, ღმერთმა ინებოს, შობა-ახალმა წელმა ჩვენი სამშობლოს ყველა პატარას იმ ბენგალური ჩირაღდანით, ყველაზე შუშუნა და დიდი საჩუქარი — წართმეული ბავშვობა დაუბრუნოს“. წერილში კი უნიჭიერეს ფოტოგრაფზე ირინა აბჟანდაძეზეა ლაპარაკი (დღეს რატომღაც ამჯობინებენ ფოტოგრაფიას ფოტოხელოვნება უწოდონ, ფოტოგრაფს — ფოტოხელოვანი, არადა, ფოტოგრაფია თავისთავად, უპირობოდ უკვე ნიშნავს ხელოვნებას). ირინა აბჟანდაძემ მიმართა უმძიმეს თემას — ბავშვებს, რომლებმაც დაკარგეს ბავშვობა. მაკა ჯოხაძემ მის ფოტოებში ამოიკითხა თავისთვის უმნიშვნელოვანესი რამ — ნდობა და ამით განისაზღვრა წერილის ემოციური და აზრობრივი სახე:

„დახედეთ ამ სურათებს, როგორი ნდობით, როგორი ინტერესით იყურებიან ამ შავ-თეთრი კადრებიდან მათი ზეთისხილივით შავი და სველი თვალები. ეს ნდობა ირინა აბჟანდაძის ბრალია, მისი დამსახურებაა, მისი მონაპოვარია, რადგან იგი კი არ აფიქსირებს ამ უბედური გოგო-ბიჭების გაუსაძლის ყოფას, არამედ მისი ობიექტივის მგრძნობიარე თვალი გულივით ფეთქავს და განიცდის“.

თანამედროვე სალიტერატურო სივრცეში ბევრი ახალი, საინტერესო სახელი შემოვიდა, რომელთაც უკვე დაიმსახურეს მკითხველის სიმპათია. ერთ-ერთი მათგანის, მარიანა ნანობაშვილის მხატვრულ სამყაროს ეძღვნება წერილი „XXI საუკუნის მადონები“, რომელშიც სიტყვიერ ქსოვილში ხორცი შეისხა ერთი მწერლის მიერ მეორე მწერლის სულიერი და ესთეტიკური მრწამსის გაგება, ბოლომდე შეგრძნებამ, თანაგანცდამ, რომელსაც ინტელექტუალური და შემოქმედებითი „თანამომძეობის“ გარდა მარადქალღმერთობის შინაგანი, ქვეცნობიერში მიმალული შრეც უდევს საფუძვლად. ეს ერთგვარი გზის დალოცვაც არის ახალგაზრდა მწერლისთვის, რომელმაც სიტყვას არა მარტო შეაფარა თავი, არამედ რაღაც ახალი, თავისი და თან ზოგადადამიანური თვალსაზრისით მნიშვნელოვანი შემატა.

თავის დროზე იმპრესიონიზმმა სტრუქტურად ჩამოაყალიბა და შემოქმედებით მეთოდად და აზროვნების

ვ. ს. კ. ლ.

წერილები

თეორიულ საფუძვლად აქცია ის არაჩვეულებრივი, ადამიანის შინაგანი სამყაროს გარე სივრცესთან ურთიერთდამოკიდებულების ყველაზე ბუნებრივი, მომხიბლავი, უშუალო, ხალასი და ამიტომ ყველაზე პროდუქტიული ფორმა, რომელსაც შთაბეჭდილების ინდივიდუალური ხატის შექმნა ჰქვია. შთაბეჭდილება, თუნდაც წამიერი, და მისი ნებისმიერი ანაბეჭდი — ფერებში, სიტყვებში თუ ბგერებში — ნამდვილად არ გულისხმობს განზოგადების ფარგლების შეზღუდვას ან მსჯელობის სიმწირეს. სწორედ ამგვარი შთაბეჭდილების სიმძაფრითა და ამაღლებელი ფიქრებით შეძრული, შინაგანი ბორგვით, მშენიერის განცდასთან გადანული ტკივილით არის დანერილი მაკა ჯოხაძის ესეი „მშვიდობიანი დაშვება“. პირველივე სტრიქონებიდან კიდევ ერთხელ გასაგები ხდება მწერლის კონცეფცია — ყველაფერი ამ სამყაროში, ყველა ადამიანი, ყველა საგანი, ყველა გრძნობა, ყველა სიტყვა ისეთივე პირადულია, როგორც დედა, შვილი, შეყვარებული, სამშობლო... ის თითქოს შლის ზღვარს ესთეტიკურ კატეგორიებსა და პირად სივრცეში კონცენტრირებულ შეგრძნებებსა და სახეებს შორის, შედეგად მთელი სამყარო აღიქმება როგორც ერთიანი ესთეტიკური ემოციური მოდელი, სადაც არ არსებობს მეტად და ნაკლებად მნიშვნელოვანი ან მეტად და ნაკლებად მშენიერი. ამ ესეიში მაკა ჯოხაძემ გამოხატა ნოდარ ანდლულაძის ერთი ლექციიდან მიღებული შთაბეჭდილება, მაგრამ ამ ერთ მოვლენას იმდენი ნახნავი გამოუკვეთა, ისე დაამუშავა, რომ სიტყვის კრისტალში წაიშალა ზღვარი არა მარტო მეს და სხვას შორის, არამედ თვით სამყაროს აღქმის ადამიანური შესაძლებლობებისა და მექანიზმების სინესტეზიაც მოხდა. ფინალში, როცა ეს ხიბლი გაიფანტა, მწერალმა სულის შინაგანი მთლიანობის ბგერებში, სიტყვებში და ფერებში აღდგენა კიდევ ერთხელ შეადარა ცაში ფერად ბუშტებზე გამობმული კალათებით გასეირნებას, სმენადაკარგულ ამღვრულ ყოველდღიურობაში დაბრუნება კი ამ კალათებიდან გადმოსვლას. არადა, ვინ იცის, რა ელით მოხუც მუსიკოსებს, ყოველ ჩვენგანს ამ რეალობაში, მაგრამ იქ, სადაც ინდივიდი ხელოვნებას საკუთარი სიცოცხლის ბუნებრივ ნაკვთად გადააქცევს, ყოველი გაფრენა და დაშვება ერთობ მტკივნეული, ათასი ფიქრის და განცდის აღმძვრელი, მაგრამ ენით აუწერლად ბედნიერი იქნება — პირველიც და უკანასკნელიც.

ლამა ბუღაძე ახლა უკვე ცნობილი მწერალია, მაგრამ მაკა ჯოხაძე 1998 წელს დაწერილ წერილში „დებიუტი“, რომელშიც მოთხრობა „ყვითელია“ განალიზებული, უკვე ნათლად წარმოაჩენს იმ შტრიხებს, რომლებიც შემდეგ ჩამუქდა, გამკვეთდა და მწერლის შემოქმედებითი პორტრეტის კონტრასტულობა განაპირობა: „საშიშად ხატავს ეს უცნაური ჭაბუკი, თავისი ასაკისათვის უჩვეულოდ ბევრი რამ იცის. მისი ინტელექტი ინტუიციანა და ინტუიციან ინტელექტი. ეს ორი სტიქია პროპორციულად, ჰარმონიულად თანაარსებობს, მონაცვლეობს და ისევე რეალურად

ირწევა მის მხატვრულ სამყაროში, როგორც ნოეს კიდობანი აბოპოქრებულ ზღვაში...“

ესეის ჟანრი ურთულესია, რადგან სათქმელის მოცულობასთან და ანალიტიკურ ნაკადთან ერთად აუცილებლად არსებობს მძლავრი ემოციური მუხტი, რომელიც თავისი არასწორხაზოვანი, მიხვეულ-მოხვეული კალაპოტისკენ „ექაჩება“ მწერალს და, შესაძლოა, სათქმელის სიღრმე რალაც მომენტში შინაგან მღელვარებას აყოლილმა სიტყვიერმა ნაკადმა დაჩრდილოს, მაგრამ მაკა ჯოხაძის არც ერთ ესეიში მსგავსი კი არაფერი ხდება. ამიტომ არის მისი სათქმელი ყოველთვის სრულად და უდანაკარგოდ მიტანილი მკითხველამდე, თანაც ზედმიწევნით მართალი, რადგან, როგორც თვითონ აღნიშნავს ესეიში „მოქმედება და თავისუფლება“, „შემოქმედებითი პროცესი, მხატვრული ლიტერატურა, სიტყვიერი ხელოვნება ყველაზე აქტიური და პატიოსანი სიზუსტით გადმოგვცემს რეალობას. რა უძძიმეს ტკივილზეც არ უნდა ლაპარაკობდეს მწერალი, სხვა, უცხო კულტურისა და შინაგანი ნყოფის არტახებზე მოჭერილი ქვეყნის მომავლის როგორი დარდიც არ უნდა უფლეთდეს გულს, ის არასოდეს გადავარდება „სიტყვიერ ექსტაზში“. თანდაყოლილი ზომიერების შეგრძნება, არასდროს მისცემს ამის საშუალებას. ამიტომაც აღწევს სათქმელი უმოკლესი — გულის გზით ადრესატამდე, მკითხველამდე, რომელიც მწერლის მოქალაქეობრივ გამბედაობასთან ერთად კიდევ ერთხელ მოხიბლული რჩება მისი ფრაზის დახვეწილობით, ემოციურობითა და ტეკადობით.

ბევრი საგანი, მოვლენა და ადამიანი ამქვეყნად, რომლებიც მათთვის უკვე ბოძებული ზოგადი თუ კონკრეტული სახელების გარდა კიდევ მოითხოვენ დამატებით, არსობრივ სახელდებას, ეს იმიტომ, რომ გამოჩნდეს მათი ის სახე, რომელსაც მხოლოდ გრამატიკის და ტრადიციის ძალით ბოძებული სახელები ვერ იტყვს. ასეთი სახელი მოუძებნა მაკა ჯოხაძემ ზაალ სამადაშვილს წერილში „გამოწვევა ცრემლებით“: „ზაალ სამადაშვილი — წიგნის ნამდვილი გურმანი“. ძალიან საინტერესოა, ჯერ იმიტომ, რომ უზუსტესია, და, მეორეც, როცა მწერალზე ლაპარაკობ, მისი არსის გამოხატველი სახელით დაწყება სჯობს, მაშინ ყველაფერი, რაც მასზე ითქმება უფრო დამაჯერებლად გამოიყურება. მაკა ჯოხაძე ამ წერილში „წიგნის გურმანის“ მოთხრობების პატარა კრებულს „როგორც ძველ იტალიურ ფილმებში“ ანალიზებს და მის შინაგან სირბილეს, სინათლეს თვითონაც ხედავს და მკითხველსაც თითქოს მითროლარე ხელისგულეებში დაგროვილს აწვდის, როგორც უსულგულობის წინააღმდეგ გადასატან ბრძოლაში თანამოაზრეს, რომელმაც მასავით ამ პატარა წიგნში დიდი გამოწვევა უნდა დაინახოს.

ყველაფერი ამქვეყნად, საბოლოოდ მაინც ადამიანის პირად არჩევანზეა დამოკიდებული, რომლის გაკეთებაც ყოველთვის ძალიან ძნელი იყო და — ახლა თუ ისევ და ისევ ეს შეგრძნება არ გვატყუებს, რომ სადაც არა ვართ და

არ ვყოფილვართ, კარგია, — დღეს კიდევ უფრო ძნელია. ნებისმიერი ადამიანის და, მით უმეტეს, შემოქმედისთვის რთულია ორი ცხოვრების — ხელოვნების და სინამდვილის მოვლენებთან თანაბარი ძალით ბრძოლა და გამკლავება. შემოქმედისთვის, შესაძლოა, უფრო მეტადაც. ეს განცდა ჩანს რევაზ ინანიშვილით შთაგონებულ წერილში „თავისიანების მონატრება“: „ორი ცხოვრება — ხელოვნება და სინამდვილე — ეს პარალელური სამყაროსავით ძველია. ორი რეალობა, მხატვრული და ემპირიული — იმთავითვე სხვადასხვა ღრეებულეებზე იყო ორიენტირებული, მაგრამ არც ერთ საუკუნეში შემოქმედებას ისეთი ზენოლა არ განუცდია, როგორც ჩვენსაში“. ეს წერილი ისეთ მწერალზეა, რომელმაც შეძლო, ჭეშმარიტების რანგში აეყვანა მაკა ჯოხაძისეული დეფინიცია — „მწერლობა ხომ ორმხრივი სიყვარულია“. და ყოველი სტრიქონიდან იმზირება რევაზ ინანიშვილი „თავისი სხივიანი, შუქიანი თვალებით,“ კაცის გულის მომღობი სიტყვებით, სავსე გულით, რომელშიც ასევე დაეცა „თავგანწირვა, პატიოსნება, თანაგრძობა,“ სამყაროს იდუმალების შეგრძნება და წინასწარმეტყველის ნიჭი, მხოლოდ სამშობლოს სიყვარულისა და მასზე დარდის გამო რომ იღიქებეს... და საერთოდ, ეს ის გულია, „რომელშიც მთელი სამყარო ეტოდა“, გულის პორტრეტის დახატვა კი არც ისე იოლია და მაკა ჯოხაძის წიგნში ესეც ვნახეთ.

პანია ჩარჩოში უფრო ძნელია სათქმელის და ემოციის ჩატევა და, შესაბამისად, სრულად გამოხატვაც. პატარა ესეიში „დიდი ადამიანები (როცა მონატრება იწყება)“ ანა კალანდაძე... ანა კალანდაძის სახე... არა, ანა კალანდაძის თანმხლები თბილი და ნაზი ემოცია უნდა გაცოცხლდეს. ამისთვის სავსებით მოულოდნელ, უჩვეულო ანტურაჟს და ხერხებს იყენებს მწერალი: ჯერ ნამცხვარი „ნაპოლეონი“, მერე პრეზიდენტგანდევნილი ბნელი და მშვიერი საქართველოს პრემიერმინისტრის სახელის მქონე ბისკვიტი, მერე ახალი ეპოქის შესაფერისად გადაგვარებული ქურდები და ანას სახლიდან დაკარგული ნაპოლეონის ბიუსტი, მერაბ ყანდარელის წერილი, თინა ყანდარელის სულში დაბუდეებული აუტანელი მონატრება და ამქვეყნად დაბადებული პატარა ანა კალანდაძე — ეს ყველაფერი ისე უცნაურად გადაეწნა, შეეხამა, შეესისხლხორცა ერთმანეთს, რომ დაიბადა პატარა ესეი ანა კალანდაძის მიმართ მაკა ჯოხაძის სიყვარულსა და მონატრებაზე. ამ წიგნში კიდევ ერთი წერილია ანა კალანდაძის საოცარი სულისთვის, ფიქრის, ცის და გულისთვის დანერილი — „უცხო სუნთქვა“. ბევრი მნიშვნელოვანი ნიუანსია ამ წერილში შენიშნული და დახვეწილი არტისტიზმით მოწოდებული, მაგრამ არის რამდენიმე ფრაზა, რომელიც შეიძლება ანა კალანდაძის პოეზიის არსის სიტყვიერ ხორცშესხმად მივიჩნიოთ, მათ შორის — „ანა კალანდაძემ თავალერილი ფიქრი შემოიყვანა ქართულ პოეზიაში“ .

ოთარ ჩხეიძის „ბორიაცს“ თავისი მნიშვნელოვანი ადგილი უკავია ქართულ სალიტერატურო სივრცეში. მაკა

ჯოხაძე წერილში „თქვენ გმირი მოგხიბლავდათ“, მოხაზავს, შემოფარგლავს იმ დროს და სივრცეს, იმ სიტყვიერ და იდეურ ველს, რომელშიც ეს რომანი აღმოცენდა და იმასაც განსაზღვრავს, როგორ „სამეზობლოში“ მოუწია მას არსებობა ქართულ შემოქმედებით სივრცეში (არამართო ლიტერატურულში). ნიკუშა ჩაჩანიძის სულში ჩანვდომ მწერლისა და ეპოქის სულის მოძრაობის შეცნობასაც ნიშნავს და სწორედ ამას ცდილობს მაკა ჯოხაძე ამ წერილში, როგორც პროფესიონალი და როგორც მკითხველი, რადგან ამ შემთხვევაში ორმაგად მართლდება მისი თეზა — „მწერლობა ხომ ორმხრივი სიყვარულია“. სიყვარულით და ტკივილით მოყოლილ ქართლის სისხლიან ამბავს ასეთი სიყვარულით გაგება და დახვედრა სჭირდებოდა.

„მახუცეთის ჩანჩქერი“ — დროს გამოტაცებული ამაღლეველები წამი, გარდასულის ტკბილ-მწარე შეგრძნება, ადამიანური ურთიერთობის მშვენიერების და მეგობრობის განცდა... და წამიერად ახდენილი ოცნების ხიბლი — ეს მაკა ჯოხაძის პოეტური სულისა და ადამიანთა ურთიერთობაში პანანინა ნიუანსების შემწვევის, მათთვის დიდი ესთეტიკურ-ზნეობრივი მნიშვნელობის მინიჭების უნარის ნათელი დადასტურება. აქ ჩანს მარადისობა ისევე, როგორც არტურ ლაისტის დაბადების 150-ე წლისთავისადმი მიძღვნილ წერილში „ჩვენი დროის აბო;“ ისევე, როგორც შესანიშნავ წერილში, რომელიც, ჩემი აზრით, პირველ რიგში ქუთაისის მშვენიერ მარადიულ სულს და შემდეგ ლადო მესხიშვილის სახელობის სახელმწიფო აკადემიური თეატრის სცენაზე ნუგზარ ლორთქიფანიძის მიერ განხორციელებულ სპექტაკლს „სამეფოო ძველისძველო!“ (აკაკის ლექსად მოთხრობილი ამბავი) ეძღვნება.

მაინც საიდან შეიძლება დაიწყოს საუბარი ჰესეზე? ისტორიული ფონის შექმნიდან? თანადროული მწერლობის მიმოხილვიდან, თუ ფილოსოფიური ნანამძღვრების ჩამოყალიბებიდან? ჩვეულებრივ შემთხვევაში ალბათ ასე, მაგრამ არა ამ წიგნში და არა ესეიში, რომელმაც წიგნს სათაური მისცა — „სამოთხე უსიყვარულოდ“. ესეი, რომელშიც შემდეგ ჰესეზე და მის „დოკტორ კნიოლგეს აღსასრულზე“ იქნება საუბარი, იწყება თბილისის იტალიური ეზოთი, ნათელი და ყოველმხრივ სრული, სავსე, კამკამა სიყრმით, ლეჩხუმის ნირვანით და სამყაროს აღქმის პირველი შთაბეჭდილებებით. სწორედ ამ ელვარე ფერებით, ტკბილი სურნელით, კეთილზმოვანებით, ნათელი ადამიანური ურთიერთობებით სავსე ჯერ კიდევ თითქმის თოთო, ნორჩ სულში შემოჭრილა ჰესე. ეს ესეი არის ადამიანის წარმოსახვისა და სიტყვის ურთიერთობის თვალწარმტაცი ამბავი, რომელიც ისევ და ისევ მაკა ჯოხაძის კონცეფციას ადასტურებს — ყველაფერი, რაც ირგვლივია, პირადულია, რაც სიტყვაში იხსამს ხორცს, ისიც პირადულია და არავის შეუძლია ხელოვნებისა და ლიტერატურის მიერ შექმნილის ადამიანის საკუთარი შეგრძნებების სამყაროდან გამოცალკეება. მწერლისეული მსოფლალქმა, თუნდაც ამბავიც კი, რომელსაც ჰესეს „დოკტორ კნიოლგეს

წერილები

აღსასრული“ მოგვითხრობს, გარდა მხატვრული ღირებულებისა, რაღაცნაირად თითქოს ჩვენს ცხოვრებასაც ეხმიანება, იგავის დაუნდობლობით და სიცხადით გვაფხიზლებს და გვზაფრავს და ამ შეგრძნებას ესეის შინაგანი რიტმიც უწყობს ხელს. ფანტიზმის სიღრმიდან თანდათან ამოზრდილმა ნაყოფისმჭამელთა ბელადმა იონამ, რომელიც ადამიანის გარდაქმნის აკვიატებული ამბიციით იყო შეპყრობილი და საზოგადოებაც მოიგდო ხელთ, ბოლოს დოქტორ კნიოლგე მოკლა, განათლებული, მოაზროვნე ადამიანი, თითქმის ერთადერთი, ვისაც არ ეშინია. დამაფიქრებელია ესეის ავტორის დასკვნა: „ვინ მოთვლის, რამდენი ასეთი ფილოლოგი, ჰუმანიტარი, ზოგადად ჰუმანისტი შეუწირავთ (მოუკლავთ) სამყაროს გარდაქმნის სახელით „რეფორმატორებს“. სულერთია, რას დავარქმევთ მათ — კომუნისტებს, დემოკრატებს, ლიბერალებს, კოსმოპოლიტებსა თუ ვეგეტარიანელებს, სულერთია, რისი სახელით მოხდება ეს გარდაქმნა — სამყაროს სამოთხედ გადაქცევისა თუ სახელმწიფო ინტერესების სადარაჯოზე დგომის სახელით“.

თარგმანი ამშვენებს ნებისმიერი ერის ლიტერატურას, ის ძალიან მნიშვნელოვანია და თანაც მრავალი ასპექტით. წერილში „იესო — ძე კაცისა“ გიორგი ლობჯანიძის მიერ თარგმნილ წიგნზეა საუბარი. „გიორგის მიერ ბრწყინვალედ თარგმნილ ამ კეთილხმოვან და სურნელოვან წიგნში მაცხოვარი იმდენნაირი კუთხით გამობრწყინდა, რამდენაირმა თვალმა, გულმა, სულმა და გონებამაც დაიტია ღმერთკაცი,“ — ამბობს მაკა ჯოხაძე და, ვინც ჯიბრან ხალილ ჯიბრანის „იესო — ძე კაცისა“ გიორგი ლობჯანიძისეულ თარგმანს იცნობს, ალბათ უსიტყვოდ დაეთანხმება ამ პატარა წერილში გამოთქმულ ყველა სხვა მოსაზრებებსაც.

ძალიან მნიშვნელოვანი თარგმანი შეემატა ქართულ ლიტერატურას — ირმა რატინის „ასი უძველესი იპოვნური ლექსი“. მაკა ჯოხაძე ამ უჩვეულო, განსაკუთრებულ სამყაროს თითქმის ყოველმხრივ აანალიზებს — ჟანრის, ისტორიის, თარგმანის მხატვრული ღირებულებების, პოეტური ასოციაციების ჩრილში. საბოლოოდ სრულად წარმოსდგება მრავალმხრიანი, რთული სტრუქტურის ერთიანი, ფაქიზი და მრისხანე (ერთდროულად), მგრძობიარე და ბრძენი (ერთდროულად) სახე.

მართლაც არ არის იოლი, პატარა რეცენზიის ფარგლებში გამოითქვას სათქმელი. მაკა ჯოხაძის წერილები „ფაქიზად დაწერილი პირქუში რომანი“ (სოსო პაიჭაძის რომანზე „სადაით დაეცი“), „ცუდი უსასრულობა“ (გივი ალხაიშვილის პოეზიასა და რომანზე „სოდომიდან სოდომამდე“), „გამეორება“ (მანანა კვაჭანტირაძის წიგნზე „გამეორება“), „ახალ საუკუნეს — ახალი საუკუნე“ (ჟურნალ „ახალ საუკუნეზე“) კიდევ ერთხელ ნათლად წარმოაჩენს სიტყვის უსაზღვრო შესაძლებლობებს, როცა რამდენიმე ფრაზაში, სტრიქონში, თუნდაც აბზაცში შეიძლება ითქვას ყველაზე მნიშვნელოვანი, არსებითი, რასაც მწერლის და

მოაზროვნის სამყაროსთან შეხვედრა აღძრავს და დაიხატოს შემოქმედის პორტრეტი მისივე ხელით შექმნილი მხატვრული „ინტერიერისა“ თუ „პეიზაჟის“ ფონზე.

ამ წიგნში, გარდა საკუთრივ ლიტერატურული ღირებულებისა, კიდევ ერთი, ჩემი აზრით, მნიშვნელოვანი შრეა, რომელიც მხატვრულ ანალიზს ტოლს არ უდებს. ეს არის ასოციაციებისა და მოგონებების ნაკადი, რომელიც მოქნილად, ბუნებრივად ერწყმის ლიტერატურულ მსჯელობას და ქმნის ინტიმურობის საოცარ გაცნდას, რომლის გარეშეც მართლაც არაფერია ლიტერატურა და ხელოვნება, და, ამასთან, ინფორმაციულადაც დატვირთულია. ამგვარ გაცნდას აღძრავს წერილები „დიადი ინტიმი“ (ნოდარ ტაბიძე) და „სული აცვია საქართველოს კავკასიონის“ (მუხრან მაჭავარიანი).

სიცოცხლე წარმავალია — ეს ყველამ იცის; გარდაუვალობის სევდას ერკინება ადამიანი, რაც გაჩენილა ამქვეყნად: რწმენით, სიყვარულის დაუსრულებლობის იმედით, გლოვის საოცარი მშვენიერებისა და ცრემლის მელოდიის შეგრძნებით. წერილში „შენდობით მომისხენიეთ“ (ავტოგრაფები ქვებზე) მაკა ჯოხაძე გველაპარაკება ამირან არაბულისა და ეთერ თათარაიძის მართლაც არაჩვეულებრივ წიგნზე, რომელიც ეპიტაფიებს ერთ კონად კრავს და სიკვდილ-სიცოცხლის ურღვევ სიმბოლოდ წარმოგვიდგენს საფლავის ძველისძველი ქვებისა და ავტორების, როგორც მაკა ჯოხაძე უწოდებს — უდაბნოს ხვატში ჩამოცვენილი წყვილი ფანტელის — ცოცხალ და სიყვარულით სავსე ურთიერთობას.

მაკა ჯოხაძის ამ დიდ წიგნს კიდევ ორი ნაწილი აქვს: პატარა მედალიონები და ინტერვიუები. მედალიონები ზუსტად მისადაგება მათი ავტორის დახვეწილ, ესთეტიკურად სრულყოფილ, ფარულად არისტოკრატიულ სახეს და, რაღა თქმა უნდა, უპირველეს ყოვლისა, პატარა ნაპერწკლებით მისი, როგორც შემოქმედის სულიერ ხედს გამოანათებს, რადგან იუველირული ოსტატობით დამუშავებულ ტექსტებს იმიტომ შეუძლიათ ზემოქმედების მოხდენა, რომ შემოქმედი გულწრფელად გამოხატავს თავის შინაგან მდგომარეობას და, მაინც — პიროვნებაზე წინ აქ ხელოვანი დგება. ვფიქრობ, ამ თვალსაზრისით არის მნიშვნელოვანი ინტერვიუებიც და ისინი რაც შეიძლება ბევრმა უნდა ნაიკითხოს, განსაკუთრებით ახალგაზრდებმა, რადგან მოძალებული ნიჰილიზმისა და ეროვნული ფასეულობების მარგინალიზაციის პირობებში ასეთი მოქალაქეობრივი პოზიცია, გადმოცემული ზომიერი, დახვეწილი ფორმით, ძალიან დიდ მნიშვნელობას იძენს.

და საერთოდ, მთლიანადაც, წიგნი ასეთია: თავისი ქვეყნის ტკივილებით, სიყვარულით, მშვენიერების მძაფრი შეგრძნებით, ზოგადსაკაცობრიო და ქართული კულტურის გულის სიღრმეში სწორად და ჰარმონიულად შერწყმის ნათელი შედეგებით და, რაც მთავარია, იმედით სავსე, რომ ინებებს ღმერთი, ყველაფერი გადაილახება და იქნება სამოთხე... სიყვარულით.



თამაგ ვასაძე

სულიერების პირველუჯრედი

მწერლის ღრმა ემოციური კავშირი თავის მთავარ ფასეულობებთან მუდამ საგრძნობია ნიკო ლორთქიფანიძის პროზაში. იშვიათია სულის სისუფთავისკენ, კეთილშობილებისკენ, ადამიანურ ურთიერთობათა გულითადი ჰარმონიულობისკენ ასე გატაცებით მსწრაფველი პროზაიკოსი მეოცე საუკუნეში. უპირველესად ეს ქმნის ნიკო ლორთქიფანიძის პიროვნულ-მწერლური იერის გამორჩეულ მომხიბვლელობას.

სულიერი სინათლის და სიფაქიზის, სულიერი არისტოკრატიზმის ბედი უხემ რეალობაში, მისი შეჯახება ცხოვრების სიმკაცრესთან, დისჰარმონიასთან ნიკო ლორთქიფანიძის მტიკონეული მხატვრული ხედვის, ფიქრის ძირითადი საგანია.

ყველაზე მნიშვნელოვან სულიერ-მორალურ ფასეულობათა შემკრება ნიკო ლორთქიფანიძისთვის ოჯახის ფენომენი, რომელსაც ქართულ ღირებულებათა სისტემაში განსაკუთრებული ადგილი უკავია. იგი კვებავს და იცავს უმთავრეს ეროვნულ ტრადიციას — ადამიანურ ურთიერთობათა სინრფელეს და სითბოს, ჰუმანურობას.

1910 წელს, თავისი ლიტერატურული ცხოვრების დასაწყისში, ნიკო ლორთქიფანიძე წერს მინიატიურას „ოჯახი“, რომელშიც მისი შემოქმედების ძირეული მოტივების და პრობლემატიკის ჩანასახი იკვეთება.

„...სად მოვისვენებთ დაღლილ-დაქანცული, სად შეგვაშრობენ ოფლს და არ განგვიკითხავენ, თუ რატომ მეტი ვერ მოვიმოქმედეთ?

ოჯახში.

დაუძლურებულს, წლებით გატეხილს, სად მოარჩენენ მოვლით და დამშვიდებით?

ოჯახში.

ცხოვრების ნავი უეცრად რომ გატყდება და ყოველი ქაფი დახრჩობას გიპირებს, ყოველი ქვის ნატეხი ფეხებში გედება, როცა ზიზლი და შურისძიების სურვილი ფეხდა-

ფეხ გსდევს, ვინ დახრის თავს მწუხარებით და დაგეხმარება სევდის ატანაში?

ოჯახი.

ოჯახი! ნუ ვახლებთ ხელს, — იგი წმიდაა. ყოველს ადამიანს ერთი ადგილი მაინც უნდა ჰქონდეს, სადაც იგი ხელუხლებელი, საყვარელი, მუდამ ერთი და იგივე უკვდავი წევრია.

ნუ ვახლებთ ხელს ყოველთვის, ყოველს მდგომარეობაში სიყვარულის, სათნოების, ღმობიერების და თავგანწირვის ტაძარს — ოჯახს.

ცხოვრების საერთო სიმკაცრე, ცოტა არ იყოს, სუსტდება ოჯახის კერასთან.

დავეხმაროთ, წინადაც თანდაყოლილი თვისებანი ოჯახისა გავამაგროთ, მათი უარყოფელი მოვთხაროთ, მოვსპოთ.

მკვიდრი საფუძველი ჩაუფდოთ ოჯახს. ერთი უდიდესი უბედურება იქნება ოჯახის მოსპობა.

ქრისტეს არ ჰქონია ოჯახი, მაგრამ თვითონ იყო ყოველისავე ნავთსაყუდელი. ვინც არ იჩემებს — მე თვით ქრისტე ვარო, სხვებს არ ურჩევს — ქრისტეს თვისებანი მიიწეროს, მას სჭირდება ოჯახი!“.

ნიკო ლორთქიფანიძე, არსებითად, ოჯახის ფენომენის საკრალიზებას ახდენს — ოჯახი „წმიდაა“, ის „ტაძარია“, ქრისტეს მსგავსად „ნავთსაყუდელია“ ადამიანებისთვის; ოჯახია სივრცე, სადაც შესაძლებელია ხელშესახებ რეალობად იქცეს ძირითადი ქრისტიანული მორალური ღირებულებები — „სიყვარული, სათნოება, ღმობიერება და თავგანწირვა“, სადაც ადამიანებს ღრმა თანაგანცდა და თანამზრუნველობა ამთლიანებს; აქ ყოველი ადამიანი აბსოლუტური, უსასრულო ფასეულობის მქონე და შეუცვლელია, „უკვდავია“...

ჰეგელის განმარტებით, ოჯახი ზნეობის პირველადი, ბუნებრივი ხორცშესხმაა, რომელსაც დაეშენება ზნეო-

წერილები

ბრიობის რეალიზების სხვა, უფრო ფართო სფეროები — სამოქალაქო საზოგადოება და სახელმწიფო.

მეოცე საუკუნის ფილოსოფოსის ივან ილინის თქმით, „ოჯახი არის პირველი, ბუნებრივი და ამავე დროს წმინდა კავშირი, რომელშიც ადამიანი აუცილებლობის ძალით შედის. იგი მონოდებულება, ეს კავშირი სიყვარულზე, რწმენაზე და თავისუფლებაზე დაამყაროს, ეზიაროს მასში გულის პირველ ერთობლივ მოძრაობებს და მისგან ამაღლდეს ადამიანთა სულიერი ერთობის მომდევნო ფორმებისკენ — სამშობლოს და სახელმწიფოსკენ“.

ნიკო ლორთქიფანიძის მინიატიურაში ლირიკული უშუალოდ გამოხატული თვალსაზრისი — ოჯახი ზნეობის, სიკეთის, სულიერი ერთიანობის უპირველესი სამკვიდრებელია, სადაც ადამიანს ყველაზე მორალური და ჰუმანური ურთიერთობა აქვს სხვა ადამიანებთან — უტყუარი ყოფითი რეალიებით და დეტალებით, ცხოვრებისეული სიუჟეტით იმოსება მოთხრობაში „ტყვედყოფილის დაბრუნება“. მოთხრობის გმირი, ცხოვრებისგან ნაგვემი კაცი, ოჯახური სიყვარულის, სიბოძის და მზრუნველობის წყალობით თითქოს მკვდრებით აღდგება, ხელახლა იბადება. მის თავგადასავალში განფენილია ავტორის თვალთახედვა — საქართველოს გადამრჩენი ძალა ისტორიის კომპარში უწინარესად მკვიდრი ოჯახი იყო და მომავალშიც ის შეიძლება იყოს; ზნეობით განმტკიცებული ოჯახიდან ბუნებრივად ამოიზრდება ისეთი მორალური ფენომენი, როგორც არის ზრუნვა საკუთარ ქვეყანაზე და სახელმწიფოზე. ამის გამოც მიიჩნევს ნიკო ლორთქიფანიძე აუცილებლად ოჯახის ტრადიციის საგანგებო მოფრთხილებას.

კრიტიკაში მინიშნებულია, რომ მინიატიურით „ოჯახი“ ნიკო ლორთქიფანიძე უპირისპირდება მემარცხენე რადიკალებს, რომლებიც „ოჯახური ბორკილების“ მსხვერვისთვის განაწყობდნენ საზოგადოებას (ვ.ციცკარიძე). ოჯახის დამნგრევი, ინდივიდის უნაპირო „თავისუფლების“ დამამკვიდრებელი მორალის საქართველოში ფენის მოკიდებას გვიჩვენებს მოთხრობა „შელოცვა რადიოთი“ — მცირე, შეჭირვებული ერისთვის ეს მორალი ტრაგიკული საფრთხის შემქმნელია (თ. დოიაშვილი).

ნიკო ლორთქიფანიძის საუკეთესო მოთხრობათა უმეტესობაში ოჯახის ფენომენის დაკნინება თუ რღვევა, ოჯახური დრამები და ტრაგედია გამოსახულია.

რაც უფრო მნიშვნელოვანია მწერლისთვის თვითმარი და სიცოცხლისუნარიანი ოჯახი, როგორც პიროვნების დამოუკიდებლობის, ღირსების გამოხატულება („გლეხის მოსახლეობა იმერეთში“), რაც უფრო ფაქიზად გრძნობს ადამიანების ოჯახურ ურთიერთობათა ორგანულობას, ემოციურ სიღრმეს, სიძვირფასეს („ძმები“), მით უფრო მტკივნეულია მისთვის ოჯახის ტრადიციის გადაგვარება, ნგრევა.

ოჯახის ფენომენის დეფორმაციათა წარმოჩენა ნიკო ლორთქიფანიძის პროზაში ეროვნული ორგანიზმის სხეულებებს ამყლავებს, საზოგადოების ცხოვრებაში მორალურ ფასეულობათა გამოფიტვას, ჰუმანურობის კრიზისს ხდის ხილულს. ამგვარი ლიტერატურული მეთოდის ეფექტიანობა მრავალჯერ დადასტურებულია (გავისხენით თუნდაც „მეფე ლირი“, „მამა გორიო“...). იგი ნიკო ლორ-

თქიფანიძის პროზაში ისე სისტემურად იჩენს თავს, რომ მის არსებით თავისებურებად იქცევა.

ოჯახურ ურთიერთობათა გაუქმდართება, მეტიც, მკვლევლობის ცოდვით შერყვნა წარმოსახული „მრისხანე ბატონში“ და „უამთა სიავეში“; ადამიანის არა დამცველი, არამედ დამორგუნველი და დამონებელია ოჯახი „საბაში“; ოჯახის ზნეობრივ საყრდენთა მოშლა, ოჯახური სიყვარულის დეფიციტი განსაზღვრავს „თავსაფრიანი დედაკაცის“ და „ქორნილის“ გმირთა ბედის სიმძიმეს; ოჯახის რღვევას ეწინააღმდეგება და ამით საკუთარ სულში სინათლის გადარჩენას დრამატულად ცდილობს მოთხრობის „სანახავათ“ პატარა გმირი; ოჯახის, შვილების მიმართ პასუხისმგებლობა გაუსაძლისი ტვირთი აღმოჩნდება მოთხრობის „ტრაგედია უგმირთ“ მთავარი პერსონაჟისთვის; ოჯახის მიერ ინდივიდის დამონების, ოჯახის ტრადიციის ანგარებით და უსიყვარულობით, ტყუილით შელახვის მსხვერპლია მოთხრობის „მარად და მარად“ გმირი — გამოუსწორებელი რომანტიკოსი; ძველი არისტოკრატიული ოჯახების გაპარტახებაზე მოგვითხრობს „დანგრეული ბუდეები“ — ელეგიური პოემა პროზად; ერთ-ერთი ასეთი ოჯახური „ბუდის“ ნგრევის და მის გარეშე დარჩენილი ადამიანის ტრაგიკული ისტორიაა „შელოცვა რადიოთი“; კოლონიური ჩავრის მიკრომოდელს წარმოადგენს საკუთარი ოჯახური ცხოვრება „სიზმრების“ პერსონაჟისთვის; „ქალაქის კაცში“ გროტესკულად გამოისახება ფილისტერული ოჯახის ყოფა — ორი მცენარის სიმბიოზი; ყველაზე ბუნებრივ ადამიანურ კავშირს — დედაშვილურ კავშირს წყვეტს და საკუთარი „ფეოდალური“ ოჯახის წინააღმდეგ კლასობრივ ბრძოლას აჩალებს მოთხრობის „დიდი საქმის ორლობეში“ კარიკატურული პერსონაჟი — სოციალისტი...

ნიკო ლორთქიფანიძის მიერ შექმნილი ამ ნაღვლიანი პანორამის შინაგანი საზრისი ის არის, რომ „რაკი ოჯახი სულიერების პირველუჯრედია, სულიერი კრიზისი უწინარესად მას აზიანებს“ (ი. ილინი).

ოჯახის ტრადიციის სულიერი კრიზისით გამონეული ეროზია, რომელსაც ნიკო ლორთქიფანიძე აჩვენებს, უფრო მკვეთრად დასანახია XIX საუკუნის ქართულ ლიტერატურაში გამოსახული ზნეობით შედუღებული, გამძლე ოჯახების ფონზე („ოთარანთ ქერივი“, „სტუმარ-მასპინძელი“, „გამზრდელი“). მაგრამ საუკუნეების მიჯნაზე დავით კლდიაშვილი უკვე ცხადად აღბეჭდავს ოჯახის ზნეობრივი საყრდენების რყევას („სამანიშვილის დედინაცვალი“, „მიქელა“...) და ნიკო ლორთქიფანიძე ამ თვალსაზრისით მისი მემკვიდრეა.

ოჯახის ფენომენს დაჟინებით აკვირდება ნიკო ლორთქიფანიძისგან მრავალმხრივ განსხვავებული მწერალი მიხეილ ჯავახიშვილიც. მისთვისაც ოჯახის დეფორმირების წარმოჩენა — ოლონდ მწარე სკეპტიკური ტონალობით, დაუნდობელი სარკაზმით — საზოგადოების სულიერ-მორალური კრიზისის გამომჟღავნების მეთოდია. გავისხენით, მაგალითად, „ორი განაჩენი“ ან „დამპატიჟე“, „ჯაყოს ხიზნები“ ან „თეთრი საყელო“, რომელშიც მწვავე რეფლექსიის საგანია საბჭოთა რეჟიმის პირობებში ოჯახის ზნეობრივი ფუნდამენტის შენარჩუნების პრობლემა...



ნინო დატმაისული

„რკინის საწოლი“

(გალაკტიონის რეცეფციისთვის ოთარ ჭილაძის შემოქმედებაში)

„მე მქონდა შესაძლებლობა, პირადად გავცნობოდი გალაკტიონს, მაშინ ჯერ კიდევ სკოლაში ვსწავლობდი და რამდენიმე ბავშვი გაგვაგზავნეს სკოლიდან რალაცის გადასაცემად, მაგრამ ბოლო წუთას მაინც ვერ გავბედე მის ბინაში შესვლა, შემეშინდა, ისეთი რამ არ ეკითხა ჩემთვის, რაზეც ვერ ვუპასუხებდი, არ მეცოდინებოდა, ანდა ისე ვერ ვუპასუხებდი, როგორ პასუხსაც ელოდებოდა იმისგან, ვინც მის სამფლობელოში შეჭრას ვაბედავდა.“ — წერს ოთარ ჭილაძე თავის მოგონებაში.

ასეთი შესაძლებლობა მას ავბედითი 1959 წლის მარტამდე აღარ მისცემია.

„ჩემს თაობას, ეტყობა, ბედად ეწერა უფრო დიდი შთაბეჭდილების განცდა, ვიდრე ღმერთის წარმოდგენაა, მან ღმერთის სიკვდილი იხილა,“ — ესეც მისი სიტყვებია.

პირველი ლექსიც — „გალაკტიონ ტაბიძის სსოვნას“ იმავე წელს უძღვნა:

**დღესაც გრძელდება, დღესაც ასეა:
ქარი, სიჩუმე და ფოთოლცვენა...**

**და ისევ ქუჩებს ვუბრუნებ თვალებს,
თითქოს მდინარეს ვუბრუნებ თევზებს,
და ვიცდი, რადგან ვიცი, რომ მალე
ამტკივდებიან ფიქრები შენზე.**

„რკინის საწოლის“ გამოქვეყნებამდე ერთი წლით ადრე უსათაურო ლექსში „ქუჩაში წვიმდა, მე ვიყავ მარტო“, რომელიც ამ პოემის თავისებურ უვერტიურადაც შეიძლება მივიჩნიოთ, შინამყოფი პოეტი ასე იხსენებს გალაკტიონის დაკრძალვის დღეს:

**და გარეუბნის ნაცრისფერ ღრუბლებს
შეშფოთებული უცქერდა ხალხი,
უცქერდა ჩუმად და სველი კუბო
მიჰქონდა, როგორც ჩამქრალი ჭალი.**

ამ ცნობილ ლექსში უკვე გამოიკვეთა ოთარ ჭილაძის ინტენცია, გადაელახა იმდროინდელ ქართულ კულტურულ ცნობიერებაში დამკვიდრებული სტერეოტიპული რეცეფცია გალაკტიონისა და მისი, როგორც დიდი შემოქმედის, არსს ჩასწვდომოდა.

ასეთი ჩანაფიქრის შემთხვევაში ალბათ ყველაზე აპრობირებული გზა იქნებოდა გალაკტიონ ტაბიძის ცხოვრებისეული რეალიების, მისი ტრაგიკული სიკვდილის ახლებური, ინდივიდუალური პოეტური გააზრება, რომლის არაერთი შესანიშნავი ნიმუშიც მოიპოვება ქართულ პოეზიაში, მაგრამ ოთარ ჭილაძემ თავისი ქმნილების ტექსტს მიღმა დატოვა ყოველივე ცხოვრებისეული, რაც ასე თუ ისე ნაცნობი იყო ქართველი მკითხველსათვის, და საკუთარი წარმოსახვისმიერი სივრცე სრულიად სხვა იმაგინაციებს დაუთმო.

სალექსო ფორმის მხრივ ამ პოემაში საყურადღებო თითქმის არაფერია: ათმარცვლელი, შუაში სავალდებულო ცეზურით, ჯვარედინად გართიმული კატრენები ან არაკანონიკური სტროფები, სადაც რითმათა კონფიგურაციის წესი აქა-იქ იცვლება, ორიოდ მოკვეცილი ტაეპი... ქართულ პოეზიაში ამ უკიდურესად გავრცელებულ რიტმულ ქარგაზეა აგებული არა მხოლოდ ოთარ ჭილაძის პოემე-

ბის უმრავლესობა, არამედ მცირე ქმნილებათა ძირითადი ნაწილიც, მაგრამ ამ ნეიტრალურად ქცეულ რიტმულ ფონზე ოთარ ჭილაძემ ქართული ლექსის ინტონირების ახალი პერსპექტივები გამოავლინა და პოეტურ ტროპთაგან მისთვის რჩეულს — შედარებას ეფექტური მხატვრული ფუნქციონირებისთვის ნიადაგი შეუქმნა.

„რკინის საწოლში“ კომპლექსურად მუშაობს იმ ძირითად ნიშანთა ერთობლიობა, რომელიც ოთარ ჭილაძის გამორჩეულ პოეტურ იდიოლექტს ქმნის: სადა მეტყველება, ყოფითი ლექსიკა, გარიდებული პათეტიკას; ყოფითი დეტალის პოეტიკა; ზეპირმეტყველებითი ფრაზეოლოგია და სასაუბრო, დაღმავალი ინტონაციები; შეყვინებული ტემპო-რიტმი; არა მკვეთრი კონტრასტები, არამედ რხევები; ბინარულ ოპოზიციებშიც კი ურთიერთგარდამავალი მომენტების წარმოჩენა; არა ყოვლისნამდევური ტრაგიზმი, არამედ სევდა, გრძნობადი ნიუანსები; ტაქტილურ შეგრძნებათა იმგვარი ფაქიზი გადმოცემა, როგორცაც ქართულ პოეზიაში გალაკტიონმა დაუდო სათავე („შემოდგომა... ტკივილი ჩუმი და ხელისგულთა ნაზი ქავილი“).

„ნეტავ როგორ ინერება პოემა? ეს ჩემთვის ახლა ისეთივე საოცრებაა, როგორც მოლაპარაკე ძალი ანდა მფრინავი ძროხა,“ — ჟურნალ „ქართულ მწერლობაში“ (2010 №1) გამოქვეყნებული ეს ჩანაწერი ოთარ ჭილაძისა 1968 წლით — იმ დროით თარიღდება, როცა მას უკვე შექმნილი აქვს ათზე მეტი ლირიკულ-ეპიკური და ლირიკული პოემა.

„რკინის საწოლი“ ლირიკულ პოემათა რიგს მიეკუთვნება. დღეს ეს ჟანრი უკვე ტრადიციულად აღიქმება, გასული საუკუნის სამოციან წლებში კი ქართული პოეზიისთვის დიდ სიახლედ მიიჩნეოდა და მის დამკვიდრებაში ოთარ ჭილაძის პოემებმა მნიშვნელოვანი როლი შეასრულა.

პოემის კომპოზიციას კრავს ტემპორალური პლანი: მოქმედება მიმდინარეობს უსასრულო წარსულში — მთვარით განათებული ქარიშხლიანი ღამიდან მზით



განათებულ ღილაშვად. რაკი პოემას სხვა მხრივ მეტნაკლებად თავისუფალი კომპოზიცია აქვს, მკითხველს საშუალება ეძლევა, საკუთარი მოლოდინის ჰორიზონტიდან სცადოს მისი რთული სახეობრივი სამყაროს მოქცევა ობიექტივში და საბოლოოდ ინდივიდუალური ინტერპრეტაცია ჩამოაყალიბოს. ჩემული ინტერპრეტაცია კი, რომელზე დაყრდნობითაც განვსაზღვრავთ ფიქრს ამ ნაწარმოების სხვადასხვა პლანის შესახებ, ამგვარია: „რკინის საწოლში“ გალაკტიონის, როგორც ხელოვანის, იდეალის პარადიგმა რეპრეზენტირებულია შინაგანი მონოლოგისა და ცნობიერების ნაკადის მოდერნისტული „ენით“, პოემის საფუძველში კი დევს სიმბოლისტური კონცეპტი, რომ წარმოსახვისმიერი, თუნდაც წიგნისმიერი მხატვრულ-სახეობრივი რეალობა წარუვალი და ნამდვილია. ეს უფრო დიდი სინამდვილეა, სიცხადეა, ვიდრე ყოფითი რეალობა — ჩვენი ყოფითი წარმოდგენები საგნებსა და მოვლენებზე, რომელიც წარმავალია და ილუზორული. არსების, საგნის, სამყაროს ნამდვილი, ჭეშმარიტი არსის წარმოსაჩენად კი საჭიროა, იგი გათავისუფლდეს ყოფითი „სინამდვილის“ ამ გარსისგან.

ღამდამობით, ლუნარულ ხილვათა, შუქ-ჩრდილთა მეუფების ჟამს გალაკტიონის ოთახში, სადაც რკინის საწოლი იდგა, ინერებოდა ცხოვრების წიგნი, რომელიც ყოველდღე ყოფითი, „რეალური“ მზის სინათლის მომძლავრებისას დროებით იფარებოდა, ხოლო გალაკტიონის — პოეტის იდეალი უხილავი ხდებოდა ადამიანთა თვალისთვის:

ციცა

**უბრუნდებოდა ქუჩას სინათლე,
ჩრდილებს — ადგილი,
საგნებს — სიმართლე
და გადაშლილი წიგნიც დროებით
იფარებოდა მწვანე რტოებით,
იჩრდილებოდა ჩიტების ჩრდილით
და ისიც ცოცხალ გულივით თბილი,
ყველა სიკეთის მცოდნე და ღირსი,
კვლავ უხილავი ხდებოდა დღისით.
მზე კი ფანჯრებში ხალხს ახედებდა
და ჩანდა, როგორ იდგა კედელთან
რკინის საწოლი.**

რკინის საწოლი, რომელშიც ადგილს ვერ პოულობს „მარადისობის კვალისა და მიზეზის“ მაძიებელი პოეტის ბოხოქარი სული, მკაცრი რეალობის სიმბოლოა. ამ სათაურთან ერთად პოემის პირველივე სტროფში წარმოდგენილია საწყისი იმაგინაცია, შემცველი იმ ძირითადი „პერსონაჟებისა“ და მოტივებისა, რომელიც მთელ პოემას ჯერ ურთიერთგარდამავალ, შემდგომ კი ცალკეულ ლაიტ-მოტივებად გაჰყვება. აქ გალაკტიონისეულ მთავარ სახე-კონცეპტებს — მთვარესა და ქარს ემატება ხეები, ძველი შენობის კედლები და ჩრდილები:

**ლაპარაკობდნენ ხეები ძილშიც,
ტოტებში ქარი ნიოდა მწარედ
და დაბერებულ კედლების ჩრდილში
კაცივით იდგა დაღლილი მთვარე.**

პოემაში გადმოცემულია ის შთაბეჭდილებანი და წარმოსახვანი, ოთარ ჭილაძის თანათაობელ პოეტებს ყრმობისა და ჭაბუკობის ჟამს რომ აღუძრავდა გალაკტიონის პოეზია და მისი მითური საბურველით მოსილი არსება. ყოველივე ამას მხატვრულ ანწყობი (ახლა) რომ იგონებს, ავტორი მეტყველებს არა მხოლოდ საკუთარი, არამედ ამ ყველას სახელითაც, რაც ნათლად ჩანს ფინალში:

**ძვირფასი იყო ის ქუჩა ჩვენთვის,
ჩვენ იმ ქუჩაზე თამამად ვნერდით
ჩვენი პირველი შეკრთომის მიზეზს
და პირველ ღიმილს სამყაროს პირზე,
ხოლო პოეტის მკაცრი ოთახი
თავბრუს გვახვევდა ყველას ცოტა ხნით
და შიშის მაგვარს ვგრძნობდით ყველანი.**

ეს წარსული, რომელიც მოგონებაში ლიტერატურული ალუზიების მეშვეობით ცოცხლდება, უკავშირდება არა რომელიმე აქტს, ერთჯერად ამბავს, არამედ დაუსრულებელ პროცესს, რაც ტექსტში გამოხატულია წარსული დროის უსრული ასპექტის ზმნათა მუდმივი გამოყენებით (მათი დიდი უმრავლესობა მიეკუთვნება უწყვეტელის მწკრივს). ზმნათა ბოლოში და სხვა სიტყვებში „და“ — მარცვლის მუდმივი გამეორება კი მეორად მარიტიზებულ

საშუალებად იქცევა და ათმარცვლიანი ლექსის მონოტონურ რიტმულ მდინარებასთან ერთად თავისებურ ტრანსულ მდგომარეობაში გადაჰყავს აღმქმელი:

**არ უჩიოდა არც ერთ ჭრილობას,
არ უყურებდა დაბალს ზემოდან,
და თან ყველაფრის განცდას ცდილობდა,
ამ ქვეყანაზე რაც არსებობდა.**

ამ ფონზე ინტონაციური რეგისტრების ოდნავი მონაცვლეობაც კი მსუბუქად მართავს მკითხველის ცნობიერებას, მის წარმოსახვას, მაგრამ საერთო მდინარებას ერთგან მოულოდნელად ამძაფრებს ავტორი (სულ ხუთი სტროფი — მეექვსე თავის ბოლოსა და მეშვიდეს დასაწყისში):

**როცა ქარს სტკივა, რალა თქვას კაცმა,
ხომ არ იკვილოს კაცმაც ქარივით,
ანდა უებარ მაღამოს ნაცვლად
ხომ არ დაიდოს წყლულზე მარილი.**

გრამატიკული დროის მომენტალური ცვლა, გადასვლა კავშირებით კილოზე იმაგინაციურ ნაკადს წყვეტს, მსჯელობით დისკურსში ჩართული აფირმაციული აქცენტები კი (უნდა... უნდა... უნდა), ლირიკული პერსონის, როგორც მეტრძოლი სულის ადამიანი-შემოქმედის, მანიფესტირებას ემსახურება:

**როდესაც ჩნდება ადამიანი,
მინაზე უნდა ადგილი ჰქონდეს,
რომ შეაჩვიოს ხორცი იარას,
გონება — სივრცეს და სული — ცოდვებს.**

**ცა უნდა ჰქონდეს, რომ კი არ გასძლოს,
იბრძოლოს, ვიდრე ძარღვი ათრთოლებს
და თუ სიცოცხლეს ბუნება აძლევს,
ცხოვრება უნდა შეძლოს თვითონვე.**

ამ მონაკვეთის შემდგომ პოემის დრო კვლავ უწყვეტ წარსულს უბრუნდება, ოღონდ ლამაზობით მიწყევ „მარადისობის კვალისა და მიზეზის“ მაძიებელი გალაკტიონის უმკრთალეს კონტურს დღის შუქზე ოდნავ მკვეთრი „რელისტური“, სოციალური შტრიხები ემატება — იგი „ჩვენი“, ანუ იმდროინდელი ახალთაობის თვალთ იმგვარად გამოიყურება, როგორც შეეფერება პოეტი-იდელის პარადიგმას.

ჰიპერბოლა, როგორც მხატვრული ხერხი, ასეთ შემთხვევაში ყველაზე უკეთ გამოხატავს მათ სათქმელს:

**და როცა გარეთ ქარი კვნესოდა,
გამოდიოდა მისაშველებლად,
ვით გოლიათი კურდღლის სოროდან,
რომ ქარის ნუხილს ერთი მსმენელი
და ხმის გამცემი მაინც ჰყოლოდა.**

წერილები

„რკინის სანოლში“ პოეტი ფრთხილი ნაბიჯით მიუძღვება მკითხველს ნახევრად ურბანისტული თუ წიგნისმიერი ლანდშაფტების გზაზე, თავად მუდამ თავდაპირველ, შიშსა თუ კრძალვაზე დაფუძნებულ დისტანციას ინარჩუნებს გალაკტიონის მიმართ და მკითხველმაც, თუ სურს სრული ესთეტიკური ტკბობა განიცადოს, უნდა მიიღოს ეს პირობა და წარმოსახვა, ცნობიერება ასეთივე დისტანციიდან მიადევნოს ავტორისეული ასოციაციური ბმებით დაკავშირებულ იმაგინაციათა ნაკადებს... და მაინც, ტექსტის რამდენიმე დამაფიქრებელი მომენტი რაღაც ანალიზს მოითხოვს, მაგალითად, რას უნდა ნიშნავდეს ლირიკული პერსონის მიერ გალაკტიონის შესახებ თქმული:

*მაგრამ ყოველთვის რჩებოდა ძალა,
რომ არ ექცია ხმა ლაპარაკად
გრძნობა კი სიტყვად [...]*

აქ ხმის ლაპარაკად ქცევა-პოეტური, ამაღლებული სათქმელის დამცრობა-დაკნინებას უნდა ნიშნავდეს და, თუ გავითვალისწინებთ, რაოდენ მნიშვნელოვანია გალაკტიონის პოეზიაში ხმა, უღერადობა, ევფონია, ალბათ გაუგებარიც არაფერი დარჩება, მაგრამ გრძნობის ქცევა სიტყვად, გრძნობის მოქცევა სიტყვაში ხომ პოეზიის, როგორც ხელოვნების სიტყვიერი დარგის, რთული ამოცანაა. ვფიქრობ, ამ სტრიქონების კონცეპტუალური გასაღები სიმბოლიზმის ესთეტიკაში უნდა ვეძიოთ — სიტყვა უნდა გავიზოროთ არა იმად, რაც ცვლის გრძნობას, იკავებს რა ტექსტში მის ადგილს, არამედ მარტოოდენ ამ გრძნობის მიმანიშნებლად.

მთვარის ლაიტმოტივი, რომელიც ათ თავად დაყოფილ ამ პოემას დასაწყისიდან მეცხრე თავამდე გასდევს, ასევე შეიცავს დამაფიქრებელ მომენტს.

სახე —

*და დაბერებულ კედლების ჩრდილში
კაცივით იდგა დაღლილი მთვარე.*

მეტ-ნაკლებად გასაგებია პოემის ერთიანი მხატვრულ-კონცეპტუალური კონტექსტის გათვალისწინებით. აქ წარმოდგენილია სამყაროს მისტიკური სურათი, სადაც ყოველი საგანი თავისი ჩრდილითა თუ ანარეკლით, ხმით, რომელსაც იგი გამოსცემს და ა.შ., ერთიანია („ის ერთდროულად ნიშნავდა ჩრდილსაც, და იმ საგანსაც ჩრდილს რომ ისროდა.“).

მთვარის სხივები, ნათება, რომელიც კედლების ჩრდილში აღწევს, მთვარისავე ნაწილია. შედარება — „კაცივით“ გამოკვეთილად მასკულინურ ნიშანს მიაკუთვნებს მას, პოემის ბოლოს კი მთვარე უკვე ფემინური კონოტაციით შემოდის:

*მთვარეს კი თავის თეთრი ფეხები
ძლივს გადააქონდა ტრამვაის ხაზზე.*

თუ დავუშვებთ ფიქრს, რომ ამ პოემაში არამხოლოდ ორი, ორგვარი სიმართლე და სიცხადეა, არამედ ორი მზეც — ერთი, რომელიც მარადიულ, წარმოსახვისმიერ სამყაროს ანათებს (პოემის მეხუთე თავში) და რომლის შუქშიც ყველაფერს — მხეცს, კაცსა და ღმერთს ნამდვილი სახე უბრუნდება, ხოლო მეორე — რომელიც ფინალში, გათენებისას, ყოფაში დაბრუნებისას გამოჩნდება ხოლმე, მაშინ აქ ორი მთვარის არსებობაზეც შეიძლება საუბარი.

პირველი მთვარე თვით გალაკტიონის სიმბოლოა ან მისი „არამინიერი“ სახე, ამაღლებული, დისტანცირებული რომ დასცქერის საკუთარ თავსა და იმას, რაც ხდება (ხდებოდა) ლამის ქალაქში. ფინალში ფემინური ნიშნით გამოჩენილი მეორე მთვარე კი ის მნათობია, რომელიც მეორე — ყოფიერი მზით იცვლება.

პოემის დასაწყისშივე, პირველ თავში, სადაც დაფიქსირებულია ის ძირითადი მოტივები, რომლებიც მოგვიანებით ტექსტში ლაიტმოტივებად გაიშლება, ერთი ასეთი უცნაური შედარებაა:

*და საიდუმლო, როგორც სერობა,
ტრამვაის ხაზი წყდებოდა უცებ.*

ლექსის კონტექსტიდან გამომდინარე, სიტყვა „საიდუმლო“ გაჩენა აქ სავსებით მოსალოდნელია, მაგრამ რა კავშირშია ერთმანეთთან საიდუმლო სერობა და ტრამვაის ხაზი, რომელიც თავისი ყველაზე პირდაპირი ნიშნით „რკინობით“ რკინის სანოლს უკავშირდება, მეორე მხრით კი იმავე ნიშნებით არის დახასიათებული („ბრწყინავდა რკინაც, ცივი და ბასრი“), რითაც დანტეს მიერ ქვესკნელიდან ამოტანილი სიმართლე („სიმართლე იყო მკაცრი და ბასრი“).

ეს სახე — შედარება ცნობიერ და ქვეცნობიერ დინებათა კონტრამინაციის შედეგად გაჩენილი ჩანს და, ჩემი ვარაუდით, ასე შეიძლება აიხსნას:

ტრამვაის ხაზი — წყვილი რელსი ნახევარბნელში — არის სერი, ზოლი (და — სერ — ვა — ბასრი საგნით დაზოლვა ზედაპირისა, სერი — სწორი გზა).

სერი — სერ — ობა კი უღერითი ასოციაციური ბმა სემანტიკურად დაშორებულ ლექსიკურ ერთეულებს შორის.

საიდუმლო სერობის ძირითადი მოტივი სულიერი წინამძღოლის ლალატია „თანამოაზრის“, თანამეინახის მიერ:

*მე მილაატეს ძველმა რითმებმა,
ძველ მეგობრებსაც ვამჩნევ მე ლალატს. —*

ეს გალაკტიონია. ცნობიერების ნაკადის მოდერნისტული ტექნიკისთვის ასეთი, ერთი შეხედვით, უცნაური კავშირები ჩვეულებრივი ამბავია.

გარდა ასეთი შორეული ალუზიებისა, პოემის იმაგინაციური პლანი გალაკტიონის ლირიკიდან მომდინარე სხვა, ადვილად საცნობი სახეებით არის გაჯერებული; ცხადია, ეს უპირველესად ქარს უკავშირდება.

„ტოტებში ქარი წიოდა მწარედ,“ „და ღამის ქარით თმაგანენილი“ და სხვ. უმალ გალაკტიონის თმაგანენილი ქარს აცოცხლებს მკითხველის მეხსიერებაში. სტრიქონები:

*და მხოლოდ სული, დროშად ქცეული
ვერტიკალურად იდგა ყოველთვის.*

ალუზიურად უკავშირდება გალაკტიონ ტაბიძის სიტყვებს:

*და დროშასავით მე მიმაქვს მალღა
სანთელი, შენი სული... სანთელი.*

ხოლო პოემის ფინალური აკორდი

*და შიშის მაგვარს ვგრძნობდით ყველანი,
როცა ბრწყინავდა შავი მელანი,
ის კი ბრწყინავდა კაცის სისხლივით,
თუ მოხვედებოდა ხოლმე შვის სხვი. -*

— ალუზიაა გალაკტიონის ლექსისა „ბარათაშვილი“:

*მე სისხლით ვწერდი, გულის სისხლით და არა მელნით
ან ლანდად მდგარი, ფერფლი, როსმე მიმქროლი
მერნით...*

•
პოემის მეხუთე თავში, სადაც „ტივილით გაჩენილ ნათელში“ ცოცხლდებიან მსოფლიო ლიტერატურის მარადიული პერსონაჟები: მწუხარე სახის რაინდი, გარგანტუა, ტრისტანი და იზოლდა, ჰამლეტი, ავტორი — პერსონაჟი დანტე და ამით შემოწერილია ის ძირითადი თეზაურუსი, გასული საუკუნის ორმოცდაათიან წლებში ლიტერატურულ ახალთაობას რომ ჰქონდა, ბუნდოვანია წყარო პირველივე ნათელი, შთამბეჭდავი იმაგინაციისა — მამათა მონასტრის ახლო გამოჩენილი სოფელი გოგოსი, რომელსაც ბერი შესცქერის:

*გოგოს ფუტკარი ეჯდა კისერზე
და მიჰყვებოდა ბზუილს მთვრალივით,
და გულუბრყვილო იყო ისევე,
როგორც ფუტკარი, ანდა ყვავილი.*

ჩემი ფიქრით, ეს გოგონა ალბინა უნდა იყოს.

*ბერს კი ტურებზე მიედო თითი
და თავს იღწევდა ღმერთის ჩეროდან.
და სული, როგორც ცისფერი ჩიტი,
ცის გასაგონად სულ სხვას მღეროდა. —*

— ეს კი მასზე გამიჯნურებული აბატი მურეა ემილ ზოლას რომანიდან „აბატი მურეს შეცოდება“.

ამავე თავში მსოფლიო ლიტერატურის პერსონაჟთა შორის კიდევ ერთი — უცნობი, თუმცა მშობლიურად ნაცნობი გლეხის სახე ჩნდება:

*გლეხი კი ისევ მიწას ბარავდა
და განუწყვეტლივ ლოცავდა გამჩენს,
და თბილი თესლით სავსე კალათას
ხნულებში ცლიდა მშვიდი და გამრჯე.*

ძნელი არ არის, აქ ჩვენი ზეპირსიტყვიერების ნიალიდან ოთარ ჭილაძის ქმნილებებში გადასული ქართველი გლეხი შევიცნოთ („მინდვრის ბოლოში ბრწყინავს მდინარე“):

*გლეხი კი მაინც არ მიდის არსად,
სულში ჩასცქერის გადახნულ მინდორს,
თავისი ვაშლის თუ ჭერმის მსგავსად
მიწაში ფესვი გაუდგამს თითქოს.*

ოთარ ჭილაძემ ქართულ ლიტერატურას მრავალი სიახლე შესძინა, მაგრამ ფესვებით მშობლიურ ნიადაგთან, ტრადიციასთან კავშირი მისთვის, როგორც შემოქმედისა და პიროვნებისთვის, მუდამ მთავარი იყო!

•
ოთარ ჭილაძის კრებულში ერთი პატარა, უსათაურო ქმნილებაა. მას მიძღვნა არ ანერია და ვფიქრობ, არც სჭირდება, იმდენად მჭიდროდ უკავშირდება გალაკტიონის სახეს, მის ლანდს და პოემას „რკინის სანოლი,“ თუმცა ლექსი მასზე ორი წლით ადრეა შექმნილი (1961).

*მე თოვლში ვეძებ სისხლისფერ ვარდებს
და მიტოვებულ ნუშებს და ატმებს...
თოვლზე ეცემა პოეტის ლანდი
და ქალაქს კიდევ ერთ კვილს ართმევს
და ავსებს შემკრთალ სიცარიელეს
და ისევ თოვლს და მოლოდინს ერთვის,
მაგრამ ბოლომდე რჩება იერი
ბედნიერ ბავშვის და დაღლილ ღმერთის.*

ოთარ ჭილაძემდე გალაკტიონმა თავისი წინამორბედი და იდეალი — აკაკი სწორედ ლანდად წარმოადგინა — „ჩუმად... დაღლილი სანთლებით მოდის / მწუხარე ლანდი... მაღალი ლანდი...“ („აკაკის ლანდი“// „პოეტის ლანდი“).

აკაკიმ გალაკტიონის ცხოვრებასა და შემოქმედებას წარუშლელი კვალი დააჩნია.

„მე არ მეგულება ჩვენს თანამედროვეობაში მეტ-ნაკლები შესაძლებლობის, განათლებისა და გაქანების პოეტი (რა თქმა უნდა, ჩემი ჩათვლით), გალაკტიონის გავლენა არ განეცადოს. გავლენა, კარგი გაგებით, კეთილშობილური აუცილებლობაა, განვითარებასა და წინ წასვლას გულისხმობს, რადგან სულში ტოვებს კვალს და არა სახეზე,“ — ეს ოთარ ჭილაძის სიტყვებია.

თავად მისი გავლენის კვალი კი თანამედროვე ქართულ პოეზიაში აშკარაა, თუმცა ჯერჯერობით შეუსწაველი.



მატი ვატგას ლიტსა

„ლიტერატურა ჩემი ცხოვრების წესია.“

7.10.2010

74 წლის მარხო ვარგას ლიოსა ნობელის პრემიის მიღებას უკვე აღარ ელოდა, თუმცა მთელს მსოფლიოში ცნობილი რომანები: „ხულია დეიდა და მოკალმე“, „ომი და სამყაროს დასასრული“, „საუბრები ტაძართან“ ლიოსას ნაბიჯ-ნაბიჯ აახლოებდა ყველაზე მნიშვნელოვან ლიტერატურულ ჯილდოსთან, ყველაზე დიდ ტრიუმფთან.

როდესაც Nobelprize.org-ის მთავარმა რედაქტორმა, ადამ სმიტმა დაურეკა და ნობელის პრემიის მიღება მიულოცა, ლიოსამ სიცილით უპასუხა — რადგან თქვენ მილოცავთ, როგორც ჩანს, ეს სიმართლეა.

— რა თქმა უნდა, სიმართლეა და ამის შესახებ სტოკჰოლმიდან უკვე ეცნობა მთელს საერთაშორისო საზოგადოებას. ისე მაინც, რას ნიშნავს თქვენთვის ნობელის პრემია?

— იცით, ჯერ კიდევ მიჭირს ამის დაჯერება, ალბათ, დრო უნდა გავიდეს, გაზეთებში წავიკითხო. სიმართლე გითხრათ, ამაზე არც მიფიქრია, მაგრამ, ასეა თუ ისეა, ჩემს ცხოვრებაში — ეს ფანტასტიკური მოვლენაა. ვერც წარმოვიდგენდი, ფართო საზოგადოებისთვის თუ ასეთი პატივსაცემი და მისაღები მწერალი ვიყავი.

- თქვენ ნამდვილად იმსახურებთ ნობელის პრემიას!
- დიდი მადლობა. გადაეცით აკადემიის ყველა წევრს ჩემი გულთბილი მოკითხვა და მადლიერება.
- სიამოვნებით. თქვენი სამშობლო პერუა, თუმცა მრავალ სხვა ქვეყანაშიც მოგინათ მოღვაწეობამ. როგორ ფიქრობთ, ეს ქვეყნები თქვენს შემოქმედებაზე გავლენას ახდენდა?

— დიას, ახლა ნიუ-იორკში ვცხოვრობ, მადრიდმა კი ნამდვილ მწერლად მაგრძნობინა თავი. რაც შეეხება პერუს, ის ჩემი შთაგონების წყაროა, მისი ბუნება, მთები, ადამიანები და, საერთოდ, სამხრეთ ამერიკის ისტორია უშუალოდ უკავშირდება იმ ადამიანებს, რომლებზეც ვწერ და რომელთა ცხოვრებაც დიქტატორულმა რეჟიმმა ტრაგედიად გადააქცია.

- საზღვარგარეთ ცხოვრებამ ენობრივი ბარიერი ხომ არ შეგიქმნათ?
- პირიქით, ენისადმი ჩემი დამოკიდებულება სხვა ქვეყნებმა უფრო მგრძნობიარე გახადა. ვწერ ესპანურ ენაზე, ცხოვრება კი მომიწია ისეთ ქვეყნებში, სადაც ესპანური არ არის ნაციონალური ენა. ამან საშუალება

მომცა, უფრო ღრმად ჩავენდომოდი ენობრივ ნიუანსებს. ისე კი, ეს გაუთავებელი კონფრონტაცია ესპანურისა ინგლისურთან, ფრანგულთან, გერმანულთან... გაუმართლებლად მიმაჩნია.

— ალბათ, ამიტომაც არის თქვენი წერის მანერა უჩვეულოდ განსხვავებული.

— როგორ გითხრათ: მე ვწერ რომანებს, პიესებს, მოთხრობებს, ვმუშაობ ბელეტრისტიკაში და არა მგონია, რომ სხვადასხვა ლიტერატურული ჟანრები, ისევე, როგორც ენები, ცვლიდეს ხედვას, გრძნობას და იმას თუ რის გამოხატვას ვცდილობთ.

— 1990 წელს პერუს საპრეზიდენტო არჩევნებზე თქვენი კანდიდატურა წამოაყენეთ და თქვით, რომ ეს იყო თქვენი მოვალეობა. რას გულისხმობდით — მოქალაქეობრივ მოვალეობას თუ მწერლის მოვალეობას?

— მწერალი იმავდროულად მოქალაქეც არის და ვალდებულია, პრობლემების გადასაწყვეტად სამოქალაქო დებატებში მონაწილეობა მიიღოს. ეს იმას არ ნიშნავს, რომ მწერალი აუცილებლად პოლიტიკური მოღვაწე უნდა გახდეს. არა, არასდროს მინდოდა პოლიტიკოსი გავმხდარიყავი, მხოლოდ ერთხელ გადავდგი ეს ნაბიჯი, რადგან სიტუაცია პერუში ძალიან დამძიმდა. ქვეყანაში იყო ჰიპერინფლაცია, სამოქალაქო ომი და ტერორიზმი. არ შემეძლო შორიდან მეცქირა, როგორ ლაფავს სულს ისედაც მყიფე დემოკრატია. თუ თქვენ დემოკრატის გნამთ, ის ხომ მონაწილეობას, სიტყვის თავისუფლებას გულისხმობს, ამიტომაც შეგნებულად გადავდგი ეს ნაბიჯი და საკუთარი თავი დიდი გამოცდის წინაშე დავაყენე. საერთოდ, მიმაჩნია, რომ მწერლების, მხატვრების და ზოგადად ინტელექტუალების მორალური უფლებაა, მიიღონ მონაწილეობა თავისი ქვეყნის პრობლემების გადაწყვეტაში.

— ნობელის პრემიის მიღების შემდეგ თქვენს მუდმივ გულშემატკივრებს კიდევ მრავალი ახალი მკითხველი შეემატება. უპირველესად რომელი ნაწარმოების წაკითხვას ურჩევდით დაინტერესებულ ადამიანებს, რომელთაც არასდროს ნაუკითხავთ მარიო ვარგას ლიოსას რომანები?


— ო, ო... მიჭირს პასუხის გაცემა

— ე.ი. უტოვებთ თავისუფალ არჩევანს?

— დიახ, ჩემთვის ყველაფერი, რაც შემიქმნია, ერთნაირად მნიშვნელოვანია და რომელიმე ნაწარმოების გამოყოფა ძალიან გამიჭირდება. თუმცა ყველაზე დიდი ძალისხმევა მოვანდომე წიგნს, რომელიც ეს-ესაა გამოშვებულა. ეს წიგნია „კელტის ზმანება“, რომელმაც ჩემთვის უცნობი ქვეყნები, მათ შორის კონგო და ირლანდია შემომატარა, ბევრი რამ მასწავლა. ნაწარმოების მთავარი გმირი საკუთარი ქვეყნის დამოუკიდებლობისთვის მებრძოლი ირლანდიელია. ეს ერთგვარად ჩემი პირადი თავგადასავალიც არის — მეც ვიბრძოდი ჩემი სამშობლოს უკეთესი მომავლისთვის. საერთოდ კი, ლიტერატურა ჩემი ყველაზე მნიშვნელოვანი თავგადასავალია.

მოამზადა
ნინო ნაჭყებიაშ

თბჭან თამუძი



2006 წლის ნობელის პრემიის ლაურეატი

უპრეცედენტო სასამართლო პროცესი ელოდა ცნობილ თურქ მწერალს, რომ არა საერთაშორისო საზოგადოების გავლენა თურქეთის ხელისუფლებაზე — მწერალს ბრალად ედებოდა ნაციონალური ღირსების შელახვა.

ორხან ფამუქი დაიბადა 1952 წელს სტამბულში. შეძლებულ ოჯახში. სწავლობდა პრესტიჟულ ამერიკულ კოლეჯში, შემდეგ კი ტექნიკურ უნივერსიტეტში, რომელსაც თავი დაანება და 1977 წელს სტამბულის უნივერსიტეტის ჟურნალისტიკის ფაკულტეტი დაამთავრა. გარკვეული პერიოდის განმავლობაში ამერიკაში ასწავლიდა, ხოლო 1980 წლიდან მხოლოდ ლიტერატურულ საქმიანობაზე გადაერთო. 1979 წელს თურქულ გაზეთ „მილიეტში“ დაიბეჭდა მოთხრობა „karanlik ve isik“ („სინათლე და წყვიდადი“), რომელმაც მწერალს დიდი აღიარება მოუტანა. მრავალ ნაციონალურ პრემიას ბრიტანული გაზეთის პრემიაც დაერთო. მისი ცნობილი რომანი „შავი წიგნი“ ბესტსელერი გახდა და სულ რაღაც ერთ წელიწადში ათ ენაზე ითარგმნა. შემდეგ იყო რომანი „მე მქვია წითელი,“ რასაც მასშტაბური ლიტერატურული პრემია 100 000 ევრო მოყვა. 2005 წელს გამოცემული რომანი „თოვლი“ კი ის ნაწარმოებია, რომელმაც მწერალს ნობელის პრემია მოუტანა.

— თქვენი წიგნები ორმოც ენაზეა თარგმნილი და ასზე მეტ ქვეყანაში იყიდება. როდესაც მწერალი ასეთი პოპულარულია, მის სიტყვას ერთგვარი მაგიის ძალა აქვს. თქვენ თუ იყენებთ ამ ძალას?

— გეთანხმებით, საერთაშორისო აღიარება მწერალს პოპულარულს ხდის. მით უმეტეს, ქვეყანაში, სადაც არ არის პოლიტიკური სტაბილურობა, ადვილი შესაძლებელია მწერალი პოლიტიკურ ფიგურადაც გადაიქცეს. თუმცა მე არ ვუსურვებდი ჩემ თავს ამ იდეის ცხოვრებაში განხორციელებას.

— თქვენი იდეა რაში მდგომარეობს?
— ჩემი იდეები აპოლიტიკურია. მე, უბრალოდ, მინდა, კარგი რომანები ვწერო. ჩემი რელიგია ლიტერატურაა. უფრო მეტიც, მე ვარ მხატვარი, რომელიც ქვეყნიერებას თავისებურად აღიქვამს. მაგრამ, სამწუხაროდ, ჩემი „საერთაშორისო აღიარება,“ ნებით თუ უნებლიეთ, პოლიტიკაშიც მითრევს.

— თურქეთი — ეს არის ქვეყანა, სადაც ორი ცივილიზაცია — დასავლეთი და აღმოსავლეთი, ტრადიცია და თანამედროვეობა ერთმანეთს ეჯახება. თქვენი ქვეყნის განვითარება ყოველთვის ამ ორ მიმართულებას შორის მერყეობს და ეს ქვეტექსტი თქვენს ყველა წიგნში იკითხება.

— ტერმინი „ცივილიზაციათა შეჯახება“ პირველად ჰარვარდის პედაგოგმა, სემუელ ჰანგტინტონმა გამოიყენა. დამეთანხმებით, რომ სულაც არ არის აუცილებელი, ამ სხვადასხვაობამ შეჯახებამდე, კონფლიქტამდე, ტერაქტამდე

მიგვიყვანოს. 55 წელი სტამბულში ვიცხოვრე და ამ ქალაქის დღევანდელი მდგომარეობა თუ წარსული ისტორია მეტყველებს იმაზე, რომ თავისუფლად შეიძლება სხვადასხვა ცივილიზაციის ერთურთში შერწყმა. თავი დავანებოთ დასავლეთს, აზიასა და ევროპას, თვით თურქეთში არის კონსერვატიული მუსლიმანური კულტურა და თანამედროვე კულტურა. სწორედ ამ უკანასკნელს უჭერს მხარს ჯარი. ამ კულტურების ურთიერთპარმონია ადვილად მიიღწევა, თუ, რა თქმა უნდა, ამის სურვილი იქნა.

— 2005 წელს თურქეთის მთავრობამ სასამართლოში გიჩვილათ — თქვენ ნაციონალური ღირსების შელახვაში გადანაშაულებდნენ, რადგან ქურთებისა და სომხების გენოციდზე ალაპარაკდით. მართალია, საერთაშორისო საზოგადოებრივმა აზრმა სასამართლო პროცესს აგარიდათ, მაგრამ დღესაც კი დაცვით დადიხართ. რა ხდება თურქეთში სიტყვის თავისუფლებასთან დაკავშირებით?

— თუნდაც ის ფაქტი, რომ ვსაჭიროებ დაცვას, მეტყველებს, რომ, სამწუხაროდ, თურქეთში არ არის სიტყვის აბსოლუტური თავისუფლება. ხელისუფლება ყველა ღონეს ხმარობს, რომ გამაჩუმოს. დღეს ჩემი უსაფრთხოება დამოკიდებულია დაცვის ბიჭებზე და აღიარებული მწერლის სტატუსზე. იმედია, ციხეში არ აღმოვჩნდები.

— თქვენ ხშირად უსვამთ ხაზს, რომ, როგორც მწერალს, არ გინდათ პოლიტიკაზე ლაპარაკი და ამავე დროს აკეთებთ შოკისმომგვრელ განცხადებას გენოციდთან დაკავშირებით. რამ გაიძულათ ამ ნაბიჯის გადადგმა?

— როდესაც ცხოვრობ ტოტალიტარულ ქვეყანაში, სადაც ირღვევა სიტყვის თავისუფლება, სადაც არ არსებობს დამოუკიდებელი სასამართლო, სადაც ბევრი პრობლემა ღიად არ განიხილება და ამას მთელი მსოფლიო აღიარებს, მაპატიეთ, მაგრამ მარტო ყვავილებზე და პეპლებზე ვერ დავწერ. თუმცა მე ვარ განწყობის ადამიანი — ხშირად, რაზეც ვფიქრობ, იმაზე ვწერ და არ ვითვალისწინებ შედეგებს. ისე კი, ხუმრობით გეტყვით, რომ ერთადერთი ბრალდება, რაც თურქეთის მთავრობამ წამომიყენა, არის უცხოელი „ჟურნალისტების პოლიტიკურ კითხვებზე ჩემი პასუხები.“

— სომხებისა და ქურთების გენოციდზე იმავე აზრზე რჩებით?

— რა თქმა უნდა. ამ საკითხის განხილვა არა მარტო ჩემი სურვილია, არამედ ჩემი ღირსების საკითხიც. ჩემი ღირსების დაცვით კი ვიცავ ერს, კულტურას, მთელ საზოგადოებას.

— კიდევ ერთი პოლიტიკური შეკითხვა...

— კი ბატონო.

— მას შემდეგ, რაც აშშ-ის პრეზიდენტი გახდა, ობამამ კარდინალურად შეცვალა თითქმის ყველაფერი, განსაკუთრებით კი ბუშის მიერ მუსლიმანური სამყაროს წინააღმდეგ წამოწყებული ჯვაროსნული თავდასხმები. როგორ ფიქრობთ, მოახერხა კი მან, აღმოეფხვრა ბუშის მიერ დათესილი ავანტიურა, რომ ისლამი მტერია?

— მიმაჩნია, რომ ბუში იყო საშინელი პრეზიდენტი. მან აშშ-ს მთელ მსოფლიოში შეურყია რეპუტაცია და ამით დიდი ზიანი მიაყენა. ბუშის არასწორმა პოლიტიკამ ფინანსური კრიზისიც კი გამოიწვია. მე ვასწავლი ნიუ-იორკში, კოლუმბიის უნივერსიტეტში, და მე და ჩემი მეგობრები დიდად გაგვახარა ობამას გაპრეზიდენტებამ. რა თქმა უნდა, ის გაცილებით დემოკრატიული, ლიბერალი პოლიტიკოსია, მაგრამ ამერიკა — ეს მკაცრი სისტემაა და, ჩემზე რომ იყოს დამოკიდებული, ამერიკელ პრეზიდენტებს არასოდეს ვანდობდი კაცობრიობის მომავალს.

— ხშირად აღნიშნავთ, რომ ჯერ თვით თურქებს უნდა აჩვენოთ, დაანახვოთ ნამდვილი თურქეთი.

— დიახ, ეს ჩემი, როგორც რომანისტის, ამოცანაა.

— თქვენს წიგნებში ხშირად სოციალური და რელიგიური საკითხებია წინა პლანზე წამოწეული. ხომ შეიძლება, საზოგადოების გარკვეულ ნაწილს არ სიამოვნებდეს ამ თემებზე კითხვა? და კიდევ, როგორ ფიქრობთ, თურქული საზოგადოება თქვენს რომანებში ხედავს თავის თავს?

— არ ვიცი, ხედავს თუ არა, მაგრამ ზუსტად ვიცი, რომ მათ ძალიან უყვართ ჩემი წიგნები.

— თურქეთი დღემდე რჩება პატრიარქალურ სახელმწიფოდ. წარმოიდგინეთ, რა იქნება, თუ მისი მთლიანი მოდერნიზება განხორციელდება. მაშინ რაზე დანერ?

— უკვე დავწერე 600 გვერდი. ეს არის სასიყვარულო რომანი, სადაც ძირითადი აქცენტი ქალის ბედზეა გადატანილი და კიდევ იმაზე, რომ ჩემს ქვეყანაში, სამწუხაროდ, განსაცდელის შეგრძნება დროსა და სივრცეში არ მთავრდება.

— თქვენ მრავალი ჯილდო მიგიღიათ, ახლა ნობელის პრემიის ლაურეატიც გახდით. საინტერესოა, შეცვალა თუ არა ამ ჯილდოებმა თქვენი პირადი ცხოვრება?

— ვფიქრობ, რომ ნობელის პრემიას არ გავუხდევარ უფრო ამბიციური და არც ლიტერატურისადმი ჩემი ერთგულება შეუცვლია, მაგრამ ჩემი ელექტრონული ფოსტის მისამართი და ბანკის ანგარიში ნამდვილად შეიცვალა.

მომამზადა

ნინო ნაჭყებია

ისკა



გუბამ მეგრელიშვილი

ახალი რომანი ომზე... მშვიდობაზეც

ავვისტოს ომი — ჩვენი უახლესი წარსული და დღევანდელია. ომი, როგორც მარადიული გამოწვევა ადამიანური მანკიერებებისა, როგორც ეროვნული თუ პიროვნული თვითგამორკვევის ასპარეზიც, სასაკლაოც... ომი, რომელმაც არაერთი ხელოვანი შთააგონა.

„ირატტა.რუ“ — ახალგაზრდა მწერლის, გურამ მეგრელიშვილის ახალი რომანია. ის ავვისტოს ომს ეძღვნება. ნიგნი ადამიანური სიმართლით და მწერლური წარმოსახვით შექმნილ სამყაროში შეგიძვებათ, სადაც ბევრი რამ ნაცნობია, ბევრიც — უცნობი. მთავარი კი სისასტიკეა. ომის სისასტიკე, რომელიც განურჩევლად ეუფლება ყველას და ყოველივეს.

გურამ მეგრელიშვილს ნინო ჯაფარიძე ესაუბრება

ნიგნის ისტორიით დავიწყეთ. ავვისტოს ომი რომ ჩვენს უახლეს წარსულში ყველაზე აქტუალური მოვლენა იყო და დღესაც ასეთად რჩება, ცხადია, ამ თემით მწერლის დაინტერესება არავის გააკვირვებს, მაგრამ ასე მასშტაბურად ამხელა მოვლენის გასაზრებლად მწერლები ხანდახან რაღაც ინტერვალს იღებენ ხოლმე. ომიდან მხოლოდ ორი წელი გავიდა. როდის გადაწყვიტეთ ან რატომ გადაწყვიტეთ, რომ ავვისტოს ომზე უნდა დაგეგნოთ?

ომზე დაწერა ომის დროსვე გადაწყვიტე, მაგრამ, რამდენჯერაც დავიწყე, იმდენჯერ ჩამივარდა ნაწერი. დევნილებთანაც დავდიოდი „ვოლუნტიორად“, — ჰუმანიტარული ტვირთი მიმქონდა მათთან, ხალხს ვაკვირდებოდი და ამბებს ვეკითხებოდი ამ ომზე. მერე მოხდა ისე, რომ ამერიკულ-ქართული გამომცემლობა დამიკავშირდა და შემომთავაზა, დამეწერა რომანი ავვისტოს ომზე. სიმართლე გითხრათ, ბევრი არ მიფიქრია, ისე დავთანხმდი. ერთწლიანი კონტრაქტი დავდეთ და სამ თვეში რომანიც დაიწერა.

ნიგნს თანავეტორიც ჰყავს — თამაზ დემეტრაშვილი. როგორც ვვარაუდობ, ის ან გამოგონილი ავტორია (ნიგნში უხვად „გამოგონილ“ სხვა პერსონაჟებთან და მოვლენებთან ერთად), ან — ტექსტის „სამხედრო ნაწილის“ კონსულტანტი. ვაგვაცანით, ვინ არის იგი და რაში დაგეხმარათ მასთან თანამშრომლობა?

თამაზი თავდაპირველად სამხედრო კონსულტანტი იყო — სტრატეგიების დაგეგმვასა და სამხედრო ტერმინოლოგიის გაცნობაში მეხმარებოდა. მუშაობის პროცესში იმდენი საინტერესო იდეა შემომთავაზა, რომ საჭიროდ მივიჩნიე, თანავეტორად ჩამეწერა.

ნიგნის გარეკანის ბოლო გვერდზე, შავ ფონზე წითელი ასოებით, ანუ მკითხველისთვის ძალიან საგულისხმოდ, ვკითხულობთ: „ამ რომანის დაწერა საქართველოს მოსახლეობის ერთ ნაწილში გაუმეფებულმა პესიმიზმმა გადაგვანყ-

ვეტინა“. რას ნიშნავს თქვენთვის ეს პესიმიზმი, მით უმეტეს მაშინ, როცა „ისტორიული რეალობა არ იცვლება“ (ესეც რომანის გარეკანის ბოლო გვერდიდან)?

პესიმიზმი ზოგადად დამლუპველია. მოციქულს უთქვამს — რწმენა, იმედი და სიყვარულიო. იმედი თუ დავკარგეთ, მოტივაციაც დაიკარგება ყველაფრის. აქ ომის მოგება-ნაგებაზე არ იყო საქმე: მე, როგორც ავტორმა, მიზნად დავისახე, დაგვენახა, ვინ სად, რატომ და როგორ ვიდექით მაშინ, როცა ქვეყანას ვჭირდებოდით. ამ რომანით მსურდა, ხალხისთვის მენახებინა, რომ ომებს ჯარისკაცები არასოდეს აგებენ, არც ერთ მხარეს, რადგან ისინი მათთვის ყველაზე სანუკვარს, სიცოცხლეს გასცემენ მოყვასისთვის. პოლიტიკური და გეოგრაფიული მონახაზები მეორეხარისხოვანია ამ მთავარის ფონზე. რაც შეეხება პესიმიზმს, ეს ომის დღეებშივე იგრძნობოდა. ხშირად მესმოდა, ოღონდ აქ არავინ შემოვიდეს და ჯანდაბას ცხინვალშიც და კოდორშიცო. მგონია, რომ ჩვენ ასეთები არა ვართ, ჩვენ სხვანაირი ერი ვართ და შევეცდებით, ჩვეული სახე დავიბრუნოთ.

ომი შემოდის ხშირად ყველაზე წარმოუდგენელ არაფრობაშიც, ყველაზე ასოციალური ადამიანების ყოფაშიც — ეს თქვენი პერსონაჟების ცხოვრებიდან ჩანს: ომი მოქმედებს მათზე, ააქტიურებს, აფხიზლებს, პროტესტის აქამდე ნაგროვები ენერჯის გამოსაშვებად შანსს აძლევს. ანუ, რა არის ომი თქვენთვის?.. უფრო სწორად, თქვენი აზრით, ასეთი ადამიანებისთვის? თქვენი გმირებისთვის?

ომი ყველასთვის სხვადასხვა რამ არის — ზოგისთვის სიკვდილია, ზოგისთვის უსახლკარობა, ვილაცისთვის ფულის შოვნის კარგი და იოლი გზა, სხვისთვის საკუთარ ნაჭუჭში ჩაკეცივის საუკეთესო მიზეზი. სინამდვილეში ომი უბედურებაა, რადგან აქ მართალი მხარე არ არსებობს. მართლები ისინი არიან, ვინც თავისი ქვეყნისთვის კვდებიან. რომანის პერსონაჟები სხვადასხვა სოციალურ, სხვადასხვა ფსიქოტიპს ეკუთვნიან — არიან „ქოთანებიც“ და „სტალკერებიც“, ტატოებიც და პალა ცკაევიც. ზოგი ასე ფიქრობს და ზოგიც ისე. მკითხველმა უნდა აარჩიოს, რომელია მართალი და სწორი, ვის მხარეს უნდა დადგეს თავად.

როგორი დამოკიდებულება გაქვთ თქვენს პერსონაჟებთან? მართალია, ისინი გამოგონილებია, მაგრამ ცხოვრებაშიც ხომ შეგხვდებიან მსგავსი ხასიათის ადამიანები, რომლებიც ან გმირები არიან, ან ტერორისტები; ამართლებთ თუ არა მათ საქციელს?

გამართლება ყველას შეიძლება მოეძებნოს, გმირსაც და მოღალატესაც. რომანში არის ერთი ძალიან უარყოფითი პერსონაჟი, ჯობა, რომელიც ათასგვარ სისაძაგლეს სჩადის, მაგრამ მე მაინც მეცოდებოდა ის — წერის და მერე კითხვის პროცესშიც.

ყველა ჩვენგანზე დიდი კვალი დატოვა ამ ომმა, მათ შორის თქვენს პერსონაჟებზეც. რა შეიცვალა მათ ცხოვრებაში?

ყურადღებოანი მკითხველი მიხვდება, რომ ყველა პერსონაჟი იცვლება წიგნის ბოლოს. ეს იყო რომანის ჩანაფიქრიც. როგორც მშობიარობის ან ავადმყოფობის მერე ცუდი გამოიდევენება სხეულიდან, ისე ომის მერე ყველა პერსონაჟში გარდატეხა ხდება, ეს ძალიან მნიშვნელოვანია. ეს უნდა დავინახოთ ჩვენშიც.

რისთვის იწყება ომები? წიგნში ამას თავისი მიზეზები აქვს. თქვენ როგორ ფიქრობთ?

ომები იწყება ფულის საკეთებლად.

წიგნს ჰქვია „ირატტა.რუ“, რუსული ვებგვერდის მისამართი; საიდან გაჩნდა ეს სათაური?

როგორც რუსულ დომეინს არიან მიბმულები სამაჩაბლოს ტერიტორიაზე მცხოვრები ოსები, ისე არიან ისინი მიბმულები რუსულ იმპერიასაც. ოსები ვაჟკაცი, თავისუფალი ხალხია. ეს ერთგვარი სიგნალი იყო მათთვის, რომ ნებისმიერი „მიბმა“ დამლუპველია ერისთვის.

2008 წლის მოვლენებს ისე აღწერთ, თითქოს თქვენც ამ ომის ეპიცენტრში ყოფილიყავით. თქვენ სად იმყოფებოდით ომის დროს და რას საქმიანობდით?

ომის დროს მე რაჭაში ვიყავი. რუსული თვითმფრინავების მანევრირებებს ვუყურებდი და დაბომბვის ხმაზე არ მეძინა. ომი, ფაქტობრივად, გარედან ვნახე, მერე დაბომბილი სოფლებიც ვნახე, სადაც მანამდე ორი კვირით ადრე ვიყავი. წერის დროს ძალიან მეხმარებოდა ის მოგონებები, რაც თამარაშენში ვნახე. ეს იყო ჩვეულებრივი, კარგი დაბა, სადაც ხალხი საკმაოდ შეძლებულად ცხოვრობდა. დღეს, როგორც ვიცი, იქიდან აღარაფერია დარჩენილი. ძალიან სამწუხაროა ეს.


წიგნის კითხვის დროს გიჩნდება განცდა, თითქოს კინოს უყურებ, იმდენად ნათელია სიუჟეტი. საინტერესოა, ფილმის გადაღება ხომ არ იგეგმება?

ფილმის გადაღება ჯერ არაა, თუმცა ინტერესის შემთხვევაში სცენარზეც სიამოვნებით ვიმუშავებდი. იგეგმება კომპიუტერული თამაშის გაკეთება, რომ მთელმა მსოფლიომ გაიცნოს და ნახოს, რა მოხდა საქართველოში 2008 წელს. ასეთი ვირტუალური თამაშები საკმაო ინფორმაციას შეიცავს და თავის საქმეს გააკეთებს — სადაც ნიუ-ჯერსიში მცხოვრებ მალკოლმს დაანახებს, რა მოხდა აქ 2008 წელს. წიგნი რუსული მხარისთვისაც ძალიან საინტერესო უნდა იყოს, რადგან, ჩემი აზრით, იქაურმა მხარემაც არანაკლები დაკარგა ამ ომით.

ესეც

რობერტ ჰაინლაინი — (12.09.2010)

ამერიკული და, საერთოდ, მსოფლიო ფანტასტიკის უანრი, კრიტიკოსების აზრით, სრულყოფილი ვერ იქნებოდა რობერტ ჰაინლაინის შემოქმედების გარეშე. მისმა ახალმა რომანმა „არ შევეუზინდები ბოროტებას“ ყოველგვარ მოლოდინს გადააჭარბა. არნახული ემოციები, მწერლისთვის მანამდე ასე ჩვეული, „ჰაინლაინის“ სტილის უკუგდება, შოკის მომგვრელი ეროტიკული სიუჟეტი, დეტალურად აღწერილი სექსუალური სცენები — ყოველივე ამან, რაც მანამდე საერთოდ მიუღებელი იყო მწერლის სტილისთვის, მთლიანად გადაატრიალა რომანის სტრუქტურა. რამ განაპირობა მწერლის ასეთი სახეცვლა? ამ შეკითხვას მხოლოდ ერთი პასუხი აქვს: ჯანმრთელობის მდგომარეობის გაუარესებამ და სიკვდილის მოლოდინმა. ფილოსოფიურ-ფანტასტიკური ჟანრის ამ რომანში ჰაინლაინი მთავარ პერსონაჟებს (იოჰანი, ჯეიკი, უნისი) ორჯერ სიკვდილს აიძულებს, რათა საბოლოოდ ისინი ერთ სხეულად აქციოს. მწერალი თავს არიდებს ამ ფაქტების შეფასებას. მან იცის, შეიძლება მკითხველს ნაწარმოები არ მოეწონოს, უფრო მეტიც, აშკარაა, მისი თაყვანისმცემლების უმეტესობა ამ რომანის წაკითხვაზე უარს იტყვის, მაგრამ ამას მისთვის არსებითი მნიშვნელობა არა აქვს, რადგანაც რომანი განკუთვნილია მცირე, მაგრამ სულ სხვა ტიპის მკითხველისთვის და ამაში დარწმუნდებით, თუ იოჰან სმიტის, მოხუცი მილიარდერის ამბავს გაეცნობით, მოხუცის, რომელსაც მიზნად დაუსახავს, რადაც უნდა დაუჯდეს, მოატყუოს სიკვდილი.



გერტა მიულერი — ნობელის პრემიის ლაურეატი



შვედ აკადემიკოსებს რომანმა „ჩასუნთქვა-ამოსუნთქვა“ გადაწყვეტილების მიღება გაუადვილა და ნობელის პრემია ლიტერატურის დარგში ჩაუშესკოს ტოტალიტარული რეჟიმის ამსახველი ნაწარმოების ავტორს, გერტა მიულერს მინიჭეს. რომანში მოთხრობილია ჩვიდმეტი წლის ტრანსილვანიელი გერმანელის, 1945 წელს საბჭოთა კავშირში დეპორტირებული ლეო აუბერგის თავგადასავალი. „საბჭოურ“ რუმინეთში მცხოვრები ეთნიკური გერმანელებისთვის ყველაზე მძიმე წლების ასახვამ მიულერს საყოველთაო აღიარება და მრავალი ჯილდო მოუტანა. მისთვის უკვე ერთგვარი სტიმულიც კი იყო კომუნისტურ რეჟიმზე წერა, რამაც ბოლოს და ბოლოს სასურველი შედეგი გამოიღო და გერტა მიულერმა ნობელის პრემია დაისაკუთრა. ცხადია, რომ შვედი აკადემიკოსების გადაწყვეტილება უფრო პოლიტიკური მოსაზრებით იყო ნაკარნახევი, ვიდრე ნაწარმოების ლიტერატურული ღირებულებებით.

ალექსეი სლაპოვსკი — „ლაშქრობა კრემლზე“

მწერალმა, დრამატურგმა და სცენარისტმა ალექსეი სლაპოვსკიმ აღიარება ჯერ კიდევ 90-იან წლებში მოიპოვა წიგნებით „ანკეტა“, „პირველი, მეორე მოსვლა“ და „დღე ფულია“. კრიტიკოსები ერთხმად აღნიშნავენ, რომ მისი პროზა ჩვენი დროისთვის იშვიათი ბელეტრისტიკის ხარისხით, გამჭრიახობით, მოქნილი სიუჟეტით, იუმორის გრძნობით და უბრალოებით გამოირჩეოდა. სლაპოვსკიმ ერთხელ თქვა, თუ არ ვიგრძნობ, რომ რაღაც ახალ ინტონაციაზე გავედი, არაფერს დავწერო. რომანი „ლაშქრობა კრემლზე“ არა მარტო სიმართლის ასახვის სტრატეგიულად ახალი ხედვაა, არამედ მწერლის მცდელობა — მიიქციოს ყურადღება, საზოგადოებას შეახსენოს, რომ ის, როგორც პროზაიკოსი, ჯერ კიდევ ცოცხალია.




სლაპოვსკი წერს სოციალურ სინამდვილეზე, ჩვეულებრივ, რიგით ადამიანებზე და მძაფრ ამბავს სატირულ სიუჟეტებში აქცევს: ქალს, რომელიც სპორტული სკოლის მწვრთნელია, ახალგაზრდა პოეტ შვილს ერთ-ერთი მილიციის განყოფილებაში, „სამსახურებრივი მოვალეობის შესრულებისას“ ცემით მოუკლავენ. სასონარკვეთილი დედა მკვდარი შვილით ხელში კრემლისკენ მიდის. რატომ მიდის, თვითონაც არ იცის, მაგრამ მაინც მიდის, უკან კი ხალხის ზღვა მიჰყვება — ახლობლები, უბრალოდ, ცნობისმოყვარენი, ლიბერალ-პატრიოტები, რომლებმაც გადაწყვიტეს, ეს აქცია საკუთარი მიზნისთვის გამოიყენონ, სასაიროდ გამოსული ტურისტები, რადიო „სვაბოდას“ კორესპონდენტი, ცნობილი თავისი უნარით, გააკეთოს რეპორტაჟი მანამ, სანამ რაიმე მომხდარა. აქციის მონაწილეა თვით ის მილიციელიც, რომელსაც მკვლელობა ბრალდება და რომელიც სიცოცხლეში პირველად ჩაღრმავებია საკუთარ თავს. ლოზუნგი ყველასთვის საერთოა — „მოგვებურდა!“ და რა მოგებურდათ? ზოგს — ცოლი, ზოგს — ტირანული სისტემა, ზოგს — საკუთარი თავი და ა.შ. უკმაყოფილოა თვით ხელისუფლებაც...

უკეთესი ხვალისდელი დღის მოლოდინში ხალხი ნელ-ნელა იშლება, რეჟიმი კი, როგორც იყო, ისეთივე რჩება. ასეთია რუსული „happy end“-ი.

„გალას“ გამარჯვებულები დასახელდნენ

ლიტერატურული კონკურსის, „გალას“ გამარჯვებულები დასახელდნენ. თუთრამ 24 გამომცემლობიდან შემოსული 120 ნიგნიდან გამარჯვებულები 6 ნომინაციაში გამოავლინა.

ნომინაციაში წლის ნიგნი გაიმარჯვა **ზურაბ ლეჟავამ** – „ბავშვის ნაკბენი კარალიოკზე ოქტომბრის თვეში“ („ბაკურ სულაკაურის გამომცემლობა“). ამ ნომინაციაში გამარჯვებული ზურაბ ლეჟავა კულტურის სამინისტროსგან დამატებით საჩუქრად საწერ მაგიდას მიიღებს.



ამის შესახებ, კულტურის მინისტრმა **ნიკა რურუამ** განაცხადა, რომელმაც წლის ნიგნის ნომინაციაში გამარჯვებული დაასახელა.

თარგმნილი ნიგნის ნომინაციაში გამარჯვა **ლია ჩლაიძემ** ორჰან ფამუქის – „მე მქვია ნითელის“ თარგმნისთვის („ბაკურ სულაკაურის გამომცემლობა“). ნომინაციაში ნიგნის მხატვრობა გაიმარჯვა **თინათინ ჩხიკვიშვილმა** — მყვალა მრევლიშვილის „ლექსები“ („ქართული ბიოგრაფიული ცენტრი“). ნომინაციაში საბავშვო ნიგნი გაიმარჯვა ნანარმოებმა — „საქართველოს ისტორია ბავშვებისათვის“ (მოთხრობილი **მზია სურგულაძის** მიერ) — „ლიტერა“. ნომინაციაში წლის საუკეთესო ლიტერატურული პროექტი გაიმარჯვა **კახა თოლორდავა** — „საუბრები ჯაზზე“ („ბაკურ სულაკაურის გამომცემლობა“). ნომინაციაში სამაგიდო ნიგნი გაიმარჯვა ნანარმოებმა „გმირი“ — „პრამიტაი“.

ცნობისათვის: თითოეული გამარჯვებული ავტორი კოლხური ხელცულის მცირე ზომის ასლითა და ერთჯერადი ფულადი პრემიით, 4000 ლარის ოდენობით საჩუქრდება.

როგორც თუთრის წევრები აცხადებდნენ, წინა წლებთან შედარებით, წელს ლიტერატურულ კონკურსზე გამომცემლობებისა და ნიგნების რაოდენობამ საგრძნობლად იმატა. მათი თქმით, დაიხვეწა ნიგნის ხარისხიც.

შეგახსენებთ, რომ ლიტერატურული კონკურსი „გალა“ თბილისის საკრებულოს თავმჯდომარის, **ზაალ სამადაშვილის** ინიციატივით და მერიის მხარდაჭერით უკვე ოთხი წელია იმართება და „თბილისობის“ დღესასწაულის ინტელექტუალურ ნაწილად იქცა.

საქართველოს საპატრიარქომ მკითხველს წარუდგინა ნიგნი „საქართველოს თავადაზნაურობა.“ პრეზენტაციას ესწრებოდნენ სრულიად საქართველოს კათოლიკოს-პატრიარქი და წმინდა სინოდი. ნიგნი საინტერესოდ გადმოქცევს ჩვენი ქვეყნის, მათ შორის, ტაო-კლარჯეთის ბაგრატიონთა, საქართველოს კათოლიკოს-პატრიარქების, თავადებისა თუ უბრალო რიგითი ქართველი პატრიოტების ცხოვრებასა და მოღვაწეობას, აქვეყნებს უნიკალურ ფოტომასალას ეროვნული მუზეუმიდან თუ საოჯახო არქივებიდან. როგორც პრეზენტაციაზე ითქვა, ეს კრებული შეიძლება მივიჩნიოთ საქართველოს ისტორიისა და საზოგადოებრივი ცხოვრების ერთგვარ ენციკლოპედიად.



ხელნაწერთა ეროვნულ ცენტრში „ვეფხისტყაოსნის“ ას მეხუთე გამოცემის პრეზენტაცია გაიმართა. ნიგნი გამომცემლობა „ბაკმისა“ და ხელნაწერთა ეროვნული ცენტრის ერთობლივი პროექტით დაისტამბა. ექსპერტებმა ის „ვეფხისტყაოსნის“ გამოცემებს შორის საუკეთესოდ აღიარეს.



ლიტერატურის მუზეუმში მიწვეულ სტუმრებს წარუდგინეს ამავე მუზეუმის დირექტორის, ლამა ბაქრაძის ნიგნი „გერმანულ-ქართული ურთიერთობები პირველი მსოფლიო ომის დროს“. ავტორმა ვრცლად ისაუბრა ნიგნში შესულ დოკუმენტებსა და ომის დროს განვითარებულ მოვლენებზე. შეკრებილ საზოგადოებას საშუალება მიეცა, დაეთვალიერებინა ამ დროის ამსახველი უნიკალური ფოტომასალა. ნიგნში ფართო ადგილი ეთმობა პირველი მსოფლიო ომის პერიოდში ბერლინში არსებულ ქართულ ეროვნულ კომიტეტს, რომელიც გერმანელებთან საქართველოს განვითარების საკითხებში თანამშრომლობდა. კომიტეტი ეწეოდა საქართველოს დამოუკიდებლობის ფართო პროპაგანდას და აღიარებდა საქართველოს, როგორც ცენტრალურ სახელმწიფოს კავკასიაში.



ჩვენ ვაძლიერებთ ერთმანეთს



სიყვარული

კატო ჯავახიშვილი
გიორგი კეკელიძე
ბესიკ ხარანაული
დიანა ანფიმიადი
ჯარჯი ფხოველი
გივი ალხაზიშვილი
ნატა ვარადა
მარიამ ნიკლაური
ტარიელ ხარხელაური
ელა გოჩიაშვილი
ნინო სადღობელაშვილი
რობერტ მესხი
ნინო ქოქოსაძე
ნუგზარ ერგემლიძე

სიზნა

რეზო ჭეიშვილი
ნოდარ წულეისკირი
ზვიად კვარაცხელია
ნიკუშა ანთაძე
მიხო მოსულიშვილი
ლადო კილასონია

სარკმანები

იოჰან ვოლფგანგ გოეთე
ბორის პასტერნაკი
იოსიფ ბროდსკი

სიყვარული

თემურ ჩხეიძე

სიყვარული

ჭაბუა ამირეჯიბი
ინგა მილორავა
თამაზ ვასაძე
ნინო დარბაისელი

სიყვარული ნათესავების

მარიო ვარგას ლიოსა
ორჰან ფამუქი

სიყვარული სიყვარული

გურამ მეგრელიშვილი

ISSN 0132-6023



9 770132 602007 >